

3 1761 05646315 1

کلیات کتابت

A

برنجی ترتیب ۱۵۴۷

اسامی آثار

ایکنجی ترتیب

جلددر ۷

کتابدر ۱۲

اسامی	غروشر	اسامی
جلد جزو	۳	[۱] رونان مدافعه نامہ سی . . .
۲۵ ۵ [۱] عثمانی تاریخ	۵	[۲] قارہ بلا
۱۰ ۲ [۲] تاریخ اسلام	۲۰	[۳] مقالات سیاسیہ وادیہ ورویا
• • [۳] آثار پراکنده	۱۰	[۴] وطن، کلنہال، عاکف، زوالی، چوجق
هر جزو ک فیتائی (۳) غروشدر	۲۵	[۵] اشعار کمال
	۱۲	[۶] جلال الدین خوارزمشاه
کتاب کتاب اولرق } برنجی ترتیب	۲۰	[۷] مکاتیب خصوصیه دن برنجی جلد
• هر ایکی آیدہ بر •	۷,۵	[۸] اوراق پریشان مجموعہ سی .
جزو جزو اولرق هر	۲۰	[۹] منتخبات محررات رسمیه
ایکنجی ترتیب } اون بش کوندہ برنفر	۷,۵	[۱۰] جزمی و انباء
اولنه جقدر }	۲۰	[۱۱] مکاتیب خصوصیه دن ایکنجی جلد
ایکی ترتیبده برابر اولرق صرہ سیلہ	۵	[۱۲] تعقیب و تخریب خرابات رسالہ لری و سائرہ
منتظماً طبع و نشر اولنور .		

ابونہ شرائطی

مقسطاً تأدیہ ایدلک شرطیلہ ابونہ
شرائطی

یکونی پشین اولرق تأدیہ ایدلک
اوزره ابونہ شرائطی :

غروش
۲۱۶ اثرلر اداره خانہ دن آلفق و پھین اولرق یارم
و متعاقباً ہر اوج آیدہ بر یاربعشر لیرا تأدیہ
ایدلک شرطیلہ .
۲۴۰ پوستہ اجرئدن طولانی تقسیطلر ۶۰ لغروش
اولرق پشین ۳ عھدیہ و ہر اوج آیدہ ۳ عھدیہ
دبرلک شرطیلہ اقامتکاهہ کوندرلک اوزرہ .

غروش
۲۰۰ اداره خانہ دن آلفق شرطیلہ .
۲۲۵ دوستدات و ولایات و عااک اجنبیہ ایچون
پوستہ اجرئدہ داخل اولرق اقامتکاهہ
کوندرلک شرطیلہ .

بوجزو ک فیتائی (۳) غروشدر

طشرہ ایچون پوستہ اجرئی ضم اولنور .

سلطان مراد خیرات جایزه‌سندان بر وسه‌ده بر مکمل
مدرسه‌سی وایکی جامعیه بر عمارتی واردر .



برنجی جلدك صوکی

اجنبی ملکندہ تحری یہ مجبور اوللری در. « هامرک بحث ایتدیکی
 اوج ذات قاضی زاده رومی ایله شیخ جمال الدین اقمیرانی و قاضی
 برهان الدیندر . حال بوکه قاضی زاده رومی دها طالبک زمانده
 ایران علماسنک اشتهار و فضیلتنه مفتون اوله رق دیار شرقیه یه
 قدر، کالنه کوره معامله تحری ایتمک ایچون دکل تحسیل کمال
 ایچون کیتمش ایدی؛ شیخ جمال الدین اقمیرانی ایسه دها اقمیرای
 دولتک زیر اداره سنه کیرمه دن اول قرمانده مدرس اولمشدر ،
 نه دولت ملکندہ وجوده کلدی، نه بشقه ملک کتدی، نه ده عثمانلی
 ملکنه کلدی ده رغبت کورمدی . قاضی برهان الدین ذاتاً
 نه عثمانلیدر ، نه عثمانلی ملکنه کلش طاقندندر . بیلدیرم
 بازیدک پیشگاه عزمندن فرار ایلمکدن بشقه عثمانلیرله هیچ
 بر مناسبتی ده یوقدر .

بزم تاریخلرده خداوندکار غازی جهل ایله دکل، علم جهتیله
 آبا واجدادینه تفوق ایله مشهوردر . سلاطین عثمانیه ده اولا شعر
 سویلین بو ذات اولدیغی تذاکر شعرانک بعضیلرنده روایت
 اولنور . قیمت عرفانه اولان وقوفی ایسه وزیرلرینک ایکسندی ده
 طریق علمدن اختیار ایتمس یله ثابتدر . زمانده اصحاب قلوبدن،
 دولتک رفعت قدری ایچون همتندن استمداد اولنان ذات ایسه
 یکیکچرلری تأییدات غیبیه وعدیله جهاده تحریض ایدن حضرت
 حاجی بکتاش ایدی .

فقط ایچارندن ابا عن جد مجاهد ابن مجاهد یحشی بك، قهرمانلقدنه
 جمله سنه فائق ایدی. امرادن صاروجه پاشا، آناطولی بکربکیلیکنه
 نائل اوله جق قدر اعتماد پادشاهی یه نائل اولدینی حالد شهر کوینه
 کیدن کوچک برفرقه نك اداره سنده اینه بك صوباشی ایله یحشی بکه
 اشترا کندن بشقه سردارلقله بر محاربه یه کوندرلدیکنه تاریخلرده
 تصادف اولتماز. مع مافیله صکره لرلی بعض مأثری کوریله جکدر .
 خداوندکارتک معیتنده فرقه قوماندانلغی ایدن ذوات آرسنده عیسی
 بك، مستجاب بك، اینه بك صوباشی، قره مقبل، شیر مرد بك،
 فیروز بك، یاره لی طوغان بك احراز امتیاز ایتمش مردان حیتدندرن.
 عصر مرادیده عالماً ملتک ترقیسنه خدمت ایسه، اکر شقایقه
 باقیلیرسه قاضی محوده منحصر کورینور. فقط شمس الدین
 فناری وحقی اوغلی محمد شاه ایله فتاوی تیرازیله صاحبی محمد
 کروری وعلاء الدین اسودک اکبر اولادی حسن پاشا وشیش
 قطب الدین ازنیق سلطان مراد زماننده ظهور ایتمش علمادن
 اولدق لرلی ثابتدر. یالکز اشتهارلری ده صکره اولدیغندن
 شقایقه ترجمه حاللری ده بایزید عصرینه تعلیق اولنمش کورینور .
 هانمر هر نه دن ایسه سلطان مرادک جاهل اولسنی مراق ایتدیکی
 کبی علما قدری بیلمدیکنی ده کمال اطمنان ایله ادعا ایتدیکی
 سرده دیمشدرکه: « مرادک جهلنی وعلمه نظر حقارتله باقدیغنی
 بوده اثبات ایدرکه زمان سلطنتنده شرقک تاریخ علم وادبنده بر
 مرتبه اهتیاظه واصل اولان اوچ عالمک قدرلرینه لایق برمهاملینی

مراددن صكره كله جك ايكي پادشاه عاليشانك عصر لرينه قدر
ايصال ايدلى . بوذاتكده ايلريده دها بر چوق آثار قهرمانيسنى
بوله جغز .

امتحان جلادت ميداننه سلطان مراد عصرنده آتيلان
لالا شاهين پاشا مزيات عسكر به ده او قهرمانلردن دون دكلدى .
واقعا عثمانلى عسكرينك برنجى انهزامى آنك سردار اولدينى بر -
فرقه ده وقوع بولمشدى ؛ فقط انهزامنه مهارت عسكريه
نقصانى دكل ، دولتيجه بر بكه كوستريان اعتماد سبب اولديغندن
بو حادثه پاشانك شان جلادتنه نقيصه ويرمز . بالعكس ايكي بيك
كشى ايله او توز بيك دشمنه ساعتارجه مقاومت ايتدكن صكره
ينه كنديله برابر عسكرينك بر جزؤنى قورتارمغه موفق اولسى
او شان جلادتك تزييدينه خدمت ايدر .

ينه سلطان مراد عصرنده يديمين اقتدارى قلمدن قليجه
اوز آتمش اولان صدر اعظم چاندارلى زاده على پاشاده ذكر
ايتديكمز ذوات قدر چوق محاربه لرده بولمادى ، فقط بلغارستانى
باشدن باشه تسخير ايدرك وسعت فتوحات اعتباريله كشيور كيرلكده
او زمان امراسنك جمله سنه تفوق ايدلى .

بونلردن بشقه سلطان مرادك منفرداً فرقه قوماندانليغه
مملكت فتحنه كوندرديكى ذانلر ميخال اوغلى محمد بك ، و تيمور
طاش پاشا زاده ينجشى بك واينجبه بلبان و طورجه بلبان بكر
ايدى . بونارك جمله سى اصحاب جلادتك اعاضمندن ايديلير .



حضرت خداوندك سى جيلنه معين اولان اعظمك
برنجيسى خيرالدين پاشادركه ترجمه حالى بالاده ذكر اولندي .
يالكنز شوراسنى علاوه ايتك لازمدرکه پاشانك دور مرادیده
برنجيسلى منحصرآ اداره ملكيه جهتنه عائد دكل ایدی ،
عسکر لکدهده برنجی اوله ماديسهده برنجيلردن اولق شرفنى احراز
ايدی . چونکه امرا ايچندهده سلطان اورخان سردارلرندن
اولان تيمور طاش پاشا ايله اورنوس بك استشنا اولندينى حالد
خدمتجه کنديسيه مساوی عد اولنه بيه چك برالا شاهين پاشا ،
برده کندي اوغلى على پاشا وار ایدی .

پادشاهك عسکر لکجه اك بيوك معين تيمور طاش پاشا ایدی .
بو ذات سلطان اورخان درونده باشلاديني خدمات فاخره يني
سلطان مراد دورنده امام ايتدی ، فقط اك بيوك خدمتى بو
عصرده وقوع بولمىدی که اوده دولتك ايكي بازوى سطوتندن
برى اولان سپاه اوجاغنك تأسيسنه صرف ايتديكى همقدر .
ايلريده دها برچوق مآثر فاخره سنى كوره چكز .

اورنوس بكده اصحاب تأسيسدن اولماقله برابر امتداسنى
و كثر غلبه جهتريله اعظم عثمانيانك هيچ برندن آشانى قالماز .
سلطان اورخان دورنده ابتدا ايدن كشور كشالوق مظهر يتى سلطان

قابلیتندن عالی برعالم ترقیه ایصال ایلك خارقه سنه مظهر اولان
اعاظمدن عد اولنور .



فنانسه محتاج کورن بو حکومتلردن اکثرینی قوصوه محاربه‌سنه امداد ایله دولتنک ادا مه‌سنه خدمت ایتدیردی. روم ایمپراطور لغنک دولته قارشی اولان موقعی ایسه اوله بیوک محاربه لره محتاج اولمق سزین مطاوعت معنویه دن عادتاً تابعیت درجه‌سنه تنزیل ایلدی. غنای طبعی کرمله ، سنخا ایله توصیف اولنه‌جق درجه لردن عالی ایدی . چونکه نه‌سی وار ایسه ویرر ایدی ، هیچ کسه دن هیچ برشی آمازدی . پادشاه ایکن البسه‌سندن ، اسلحه‌سندن ، آت لرندن یشقه برشینه مالک دکل ایدی . برقلیج قبضه‌سی یالیز لیه‌جق مقدار دن زیاده آلتونه ، بر مهر یاپدیره‌جق مقدار دن زیاده کومه رغبت ایتدی . قلبنده اودرجه صلابت ، فکرنده اوقدر متانت وار ایدی که بوسنه مغلوبیتی ملتنده برنجی دفعه وقوع بولمش بر مصیبت ایکن سور سرورینه مانع اوله‌جق قدر بیله اهمیت ویرمدی . اولادندن اقرباسندن کوردیکی خیانتلره ذره قدر فتور کتورمدی .

اوغلی ساوجی بکی عفو ایتمه‌سی ، دامادی علی بکی عفو ایتسی ، حکومتجه عدل واحسان فضیلتلرندن برینک دیکرینه ترجیحی زمانی تمیز ایتمکه کالنه ایکی برهان جلیدر . افعالنه وارد اوله‌بیله‌جک تعریضلرک نه‌قدر اهمیتسز اولدیغنی ده یوقاریده صره‌سی کلدکجه ایراد اولنان موأخذه لر کوستریر . ایشته خداوندکار غازی بوقدر فضائل وجدان ایله زمانسک حکمنی اجرا ایتک دکل ، زمانی کنندی حکمنه رام ایدره‌ک دولتی

همتی ایسه اردولرنده بیله قاضی کز دیره جک ، وزیر نی بیله خدمه شرع ایچندن اختیار ایلیه جک درجه لره قدر توسیع ایلدی . وضع قانونده اولان کالنه تیمور طاش پاشانک رأیله ترتیب ایلدیکی سپاهی اوجاغی دلیل کافیدر . واقعا بو اوجاغی تیمور طاش پاشا ترتیب ایلدی ؛ فقط او ترتیبی قبول ایدن ، اجرا ایتدیرن سلطان مراد ایلدی . تصور شرفنک تیمور طاشه عائد اولسی سلطان مرادک واضع قانونلق مزیتندن برشی تنقیص ایتمز .

سلطان مرادک اداره ملکیهده اقتدارینه نه بیوک برهاندرکه ملکنی بو قدر توسیع ایتدیکی حالده اکثر سکانی اسلام اولیان او ملکی محافظه ایله برابر حین حاجتده سلطان اورخان عصرنده کی قوتک ایکی مثانه یقین بر اردو سوق ایلمکه کافی اوله جق قدر عسکر پیدا ایتدی . تکالیف دولت هیچ حکمنده بولندینی حالده او عسگری سفرده ، حضرده اداره یه مقتدر اولدی . مملکتی عسکر قشله لری قدر محفوظ ایکن سرای باغچه لری قدر معمور بر حالده بولندیردی . هله معاملات دولیهده پدرینه ده تفوق ایلدی . چونکه او قدر قهرمانلنی ، او قدر اقتدار عسکر یسیله برابر اسلام ملوک طوائفه قارشو سلطان اورخان کبی بر حکیم سیاسیدن دها تحمللی ، دها اداره لی طوراندی : جمله سنه قارشی متبوع عمومی معناسنه اوله رق خداوندکار عنواتی احراز ایلدی . کندی بقالیرنی عثمانیلرک



سلطان مرادك ولادتى ۷۲۶، جاسوى ۷۶۱، شهادتى ۷۹۱
سنه سنده وقوع بولديغنه عموم تاريخلر متفقدر . كسنديسى اورته
بويلى ، قالين بدنلى ، اوزن بيونلى ، مدور چهره لى ، شاهين
باقشلى ، بيوجك برونلو ، آرسلان كبي ايرى ديشلى ، مهيب
ووقور بر شهر يار ايدى .

پادشاه هر جهتي محيط و شامل بر فطانت فوق العاده به مالک
اولمقله برابر قهرمانلق درجه سنده شجاعت و موانع طبيعیه به
غلبه ايدم بيله جك بر اقدام ايله متصف ايدى . شجاعتنك ،
اقداماتنك مرتبه سنى تعيينه قزانديغى محاربه لرك ، ضبط ايتديكى
قاعه لرك مقدارندن صحيح بر مقياس اوله نماز . خداوندكارك
مزيت غالبه سى عسكرك اولمقله برابر عموميت احوالى اعتباريله
مؤسسلكده بيوك پدريتك ، وضع قانونده بيوك عمدك ،
اداره ملك و معاملات دوليه ده پدريتك موهوبات جليله سندن برر
بيوك حصيه به مالک اولمش ؛ جمله سنى آنديرر ، فقط جمله سندن
عظمتلى بر تمثال مهيب جلادت ايدى . مؤسسلك موهبه سنك
نتايجندن دزكه سلطان عثمانك آناتوليه ده تأسيس ايتديكى سلطنت
اسلاميه نك بر اساسنى ده روم ايلي به نقل ايدمرك اك معمورايكى
قطعه نك ، اك بركتلى ايكي دريانك نقطه التقاسنى مركز استقلال
ايدلى . جديتك مختارى اولان افساذ شريعت و حفظ عدالت

اك بيوك مشقتي سلطتده در . دنياده بر كوزل نام بر اقمه سعي
 ايت ، افعالك شانك لايق اولسون! « يولوو آخر نفسنك مساعد
 اوله بيلديكي درجه ده بمض نصيحتلر ايراد ايلدكدن صكره آرزوسي
 كبي دولتنك اك شانلي بر كوننده بارگاه قربه اعتلا ايلدي .

بويله اعداسني افنا ايله ملتني احيا ايلديكي بر عيد مسرتده
 شهادت كبي دنيا ايجون اك شانلي ، آخرت ايجون اك مبارك بر
 دولته اتمام عمر ايتك هيچ بر پادشاهه نصيب اولمش سعادتلردن
 دكلدر . خداوندكارك بر عسكرك تليجيه شهيد اولوبده وقعده
 شخصي بر ضعف شائبه سي بولنمقدن ايسه بر خائن خنچريه
 احراز شهادت ايتسي بيله خاتمه عمرنده اولان مفاخره بر تكماه
 عد اولنه بياير . في الحقيقه حضرت پادشاهده او قدر شانلي خاتمه يه ،
 اودرجه ممتاز و دستلنا بر مفخرته لايق ايلدي .



روایتارک هانکیسی حقیقت حاله دها موافق اولدیغنده دکلدر ؛
هانکیسی صحیح اولسه سلطان مرادک ، مساوی سلاح ایله ایکی
آدم بیننده وقوع بولمش بر مبارزهده تاف اولماسی خصوصنک
صحنه خلل کلز ؛ بلکه خرستیانلرک روایتی عثمانلی تاریخلرینک
روایت ایلدیکی طرز خیانتدن زیاده شایسته نفریندر .

فی الحقیقه قومی آرسنده بر فداکارلق ، بر قهرمانلق شهرته
نائل اولمش اولان بو میلوش جانی مخاطرهیه قویمش ، سوء
قصدنی کندی ملتک دشمنی اولان بر ذات حتمنده اجرا
ایتمش اولمغه اخلاق نقطه نظر نجه قانلاک ردائندن قورتیلهماز ؛
بالعکس قانلاک کبی بردناسته ملت پرورلک قدر علوی بر فکری
بهانه ایتدیکندن طولایی دها زیاده سزاوار لغت اولور .

خداوندکارک مجروح اولدیغی صررده شهزاده لر دشمنی
تعقیب ایله مشغول ایدیلر . کوندردیکی خبر اوزرینه شهزاده
بایزید عودت ایدهرک پادشاهک بالین اختضارینه یتشدی ، پدر
عالیشانی ایله قانار ایچنده وتسلیم روح حالنده کورنجه
آغلامغه ، فریاد ایتکه باشلادی . پادشاه دعاسنک شهادت
جهتی ده مقبول و یاروئاسنک اوقسمی ده میسر اولدیغندن طولایی
مسرترلره مستغرق اولدیغندن شهزاده سنه « دنیا ده کیم بونتیجه دن
قورتیش که بکا آغلیورسک ؛ آغلایه جقسهک مسامانلره آغلا !
حاللرینی پریشان براقما ، یرم سکا قالیور . . . عدالتکله ،
مروتکله بنی ده خیر ایله یاد ایتدیرمکه چالش . پادشاهلغک
سرمایه سی عدالتدر . سلطنتی راحت برشی قیاس ائمه : دنیانک

چالیشیرکن کوستردیکی سرعت وقوتده مجروح اولدیغنه دلالت ایدر . بوحاله نظرآ میلوشک حرکتی دها محاربهیه باشلانادن ، سلطان مرادی اورمق عزمنه دوشدیکنه بر دلیل قطعی دکلدر . قراله صداقتنی محاربهده اثبات ایله کوستره بیلردی . خصوصیه اسیرلر ویا مجروحلر آره سنده بولنمی اردویه پادشاهی اورمق نیتیه کلدیکنی کوستیر . مقصدی سوء قصد اولان بر آدمک معرکهده نه ایشی اوله بیلیر ؟

بومطالعهره باقیلنجه میلوش ارتکاب ایتدیکی خیاتی مجروح ویا اسیر اولدقن صکره تصمیم ایتمش وهاله بالفرض اولدن اوله بر سوء نیتی اولسه بیله او نیتک اجراسنه محاربهیه باشلامدن اول دکل ، محاربه غائب اولوبده مجروح ویا اسیر اولدقن صکره تشبث ایش اولدیغنه حکم ایدلک اقتضا ایدیور . هاله هامرک نقل ایتدیکی روایت کبی پادشاهی حرب اوزرنده ایکن اورمش اولسی فرمانک مندرجانه بتون بتون مغایر اولدقن بشقه عقلا گده قبول اولنور شیلردن دکلدر . چونکه قوصوده کی عثمانلی اردوسنک انتظامی نه درجه مکمل اولسه او وقته قدر هیچ کورمدیکی درجه لرده بیوک بر محاربهده کندینک اوچ مثل بر دشمنه مقابله ایله مشغول ایکن پادشاهک قضایه اوغرا دیغنی کوروبده ینه ثبات ایده بیلمسنه احتمال ویزیه مز . خصوصیه اردونک بر جزوی ده سائر حکومتلرک انتظامسز عسکرندن مرتب ایدی . هامر دیرکه : « مسئله پادشاهک شهادتی حقنده اولان

سلطان بایزید، وقعه‌نک محمده حاضر اولدینی کبی صورت جریانی
تغییر ایتسنده بر سبب عقلی موجود اولماقی جهتله فرمانده کی
روایت تاریخچه مسلماتدن طوتلمق ضروریدر .

صولاق زاده بو روایتک آلتنده « سلاطین آل عثمانه کلن
ایلچیلرک اللرین طومتق اول زماندن بری قانون اولمشدر »
عباره‌سنی علاوایدیرک قاتلک ایلچیلک بهانه‌سیله حضوره کیردیکنی
بونکله تأیید ایتک ایستر . واقعیقین زماناره کلنجه‌یه قدرسفره
حضور هایونه کیردیکی وقت ایکی طرفدن قولتقرینه ایکی آدم
کیره‌رک اللرینی طومتق معتادایدی ؛ بو عادتک قوصوه وقعه‌سندن
قالدینی‌ده تاریخلرجه متفق عامهر ؛ فقط قوصوه حادثه‌سندن
صکره ایلچیلر حقنده اولیه بر احتیاطه لزوم کورنمی ، قاتلک
مجرد سفارت دعواسنده بولندیغنه دلالت ایتمز . خرستیان
ایلچیلرک اوزمانه کلنجه مجهول الاحوال عد اولنمی اولیه بر
احتیاطی التزام ایچون سبب کافی اوله بیلیر .

ینه او فرمان هایونه نظراً میلوشک خداوندکار غازی‌یه ،
هامرک دیدیکی کبی حربدن اول ویاخود خواجه سعدالدین ایله
تابعلرینه‌ک بیان ایلدیکی کبی بعدالغلبه اردویی کزرکن دکل ،
مخلفریتی اتمام ایدوبده چادرینه کلدکن صکره اوردینی‌ده ثابت
اولیور . برده فرمانده صراحت یوق ایسه‌ده طرز افاده‌سندن
آ کلاشیلدیغنه کوردمیلوش مجروحار آره‌سنده دکل ، طوتیلان
اسیرلر ایچنده ایدی . خیانتنی اجرا ایتدکن صکره فرایه

سعيد الحيات وشهيد الممات بام سلطان مراد خان طاب ثراه وجعل
 الجنة مشواه كورد كلارى واقعة شريفه اوزره شهادت رجايدركن
 اتفاق كمال صحته معركة قتال دن او طاق كردون نطقه داخل
 اولوب مغلوب و منه كوب اولان دن يارك بعضيارينك باشلرى كسيلوب
 سم سمند سعادت مند لرينه نكو نساد براقيلوب و بعضياري دست
 بسته و بازو شكسته ديل دوتيلوب فرح و نشاط اوزره ايدك كه
 ناكاه ميلوش قوپيلك ديمكه معروف اولان كلوور حيله ايله بن
 مسلمان اولدم ديو غزاة رفيع الدرجاتك برينه رجا ايدوب جناب
 سعادت مابلرينه وارمنى استدا ايمكه مزبوري ترحماً ايلتدكلرنده
 بابوس دولتمائوسارينه مقارن اولدينى ائنده بى تحاشى يكسند
 كزليكي خنجر زهر آلودى اول جسم لطيفه ايرشديرمكه
 شربت شهادتى نوش قيلوب « سوزلريله تصوير اولمشدر .

بو روايات متخالفه نك تدقيقنه كلنجه : قوپيلك كلهسى
 قابيلويچدن مخرف اولدينى ميدانده بولنديغندن قانلك هويتنجه
 بر اختلاف يوقدر . بو آدمك عثمانلى اردوسنه وصولنه قدر
 اولان حركانه دائر هاهمرك و يرديكى معلوماتده كتب قومه
 مستند اوله رق عقل ايله ده تعارض ايتديكى ايچون مقبول كورينور .
 عثمانلى اردوسنه كلدكدن صكره ايسه حنصور هاپونه روملك
 ديديكى كبي فرازيلك ويا صولاق زاده نك يرليردن نقل ايتديكى
 كبي اياچيلك ناميه كيرمش اولسى سلطان بايزيدك فرماننده كى
 روايته اغاير اولديغندن طولايى مجروح عد اولنق لازم كلير .

بو اتهام هیچ بر دلیله مستند اولماغه برابر صرب زادکانی آره سنده مظهر اعتماد اولور . قوصوه محاربه سندن برکیجه اول قرال زادکان ایله عشرت ایدرکن بینلرنده « سترایوچه » نامیه معروف اولان قدحی میلوشه طوتهرق « واقعاسنی بزه خیانتله اتهام ایدیورلر اما ، ینه شو قدحدن نیم عشقمه بر شراب ایچ « دیمکه میلوشده سترایوچه نی قبول ایلرو « تشکر ایدرم ، یارین شفق وقتی صداقتکم دلیلی کوسترم » جوابی ویرر .

ایرتمی کون میلوش بر سرت حیوانه راکب اولدیغی حالده عثمانلی اردوسنه کیده رک فراری اولدیغی و حضور پادشاهی به دخول ایله آیاق اوپک آرزوسنده بولندیغی خبر ویرر . مطالبونه مساعدده اولنور ، آیاق اوپرکن پادشاهی کندینه طوغری چکهرک خنچریله صدرندن مجروح ایدر . آندن صکره بردرجه سرعته قاجارکه حیوانک یانه قدر یتشمکه مقتدر اولور . فقط ینه جکی صره ده یکچریلر یتیشه رک کندیسنی پاره لرلر . عثمانلیلر ده پادشاهک انتقامنی آلق ایچون دشمن اوزرینه هجوم ایدرک قوصوه غلبه سنی احراز ایدرلر .

یلدیرم بایزید طرفندن بروسه قاضیسیله خاصه خرج امینی سلیمان بکه کوندریان فرمان هایبونده شهادت وقعه سی : « بتقدیر - الله تعالی قوس اووده [۱] واقع اولان فتح وظفردن صکره

[۱] بو طرز تحریر قوصو و دنک املاسنه مغایر ایسه ده فرمان هایبونی هر تغیردن محافظه لازم اولدیغی ایچون املا بیده اصلی اوزره ایقا

ورودینہ رخصت ویرلدی ، نزد هایونہ تقرب ایلدیکی زمان پادشاهی مجروح ایلدی . آندن صکره اوج دفعه صجراہرق آتک باشنه واردی حتی اوزرینہ سوار اولدی . اوصردہ اسلام عسکری اطرافنی احاطه ایله اوزرینہ قلیج اوشوردیلر سده زرهلی اولسی مناسبتیله تأثیر ایده مدیلر . نہایت درہ کنارندہ چالی چرپی طوبلامقده اولان بر قوجہ قارینک تعلیمیه آتک طرفناغنه و طوبوغنه صوپار ، بالظہر اورارق حیوانی دہ کندیسنی دہ یرہ ییقدیلر ؛ باشنی ، بیننی پازہ لدیلر . «

ہامرک روم و صرب تاریخلرنندن جمع ایلدیکی روایتلرک خلاصہ سی دہ شو یولده در :

« خداوندکارک قانلی میلوش قابلیوویچ صرب قرالنک دامادی ایدی . برکون بونک زوجہ سی اولان ماریا ایله قرالک دیگر کریمہ سی وولق برانقودیکجک زوجہ سی بولنان یوقاچادا بینندہ قوجہ لرینک جسارتہ دائر مباحثہ چیقار ، نہایت مباحثہ مجادلہ بی انتاج ایدرک یوقاچادا حدتله ہم شیرہ سنہ بر طوقات اورر ، اودہ زوجہ شکایت ایدر .

میلوش برقادیندن انتقام آلہ میہ جفنندن باجناسی اولان وولق برانقوویچی دوئلویہ دعوت ایدر ، قرالک رخصتیہ ایتدکری مبارزہ دہ میلوش غالب کلیر . بونک اوزرینہ وولق غیظنک اجر اسنہ بشقہ برچارہ بولہ میہرق میلوشک عثمانیلرلہ مخابرہ خفیہ دہ بولندیغنی اعلانہ باشلار .

ایکی کره دها صچرایه رق آنلرک النندنه قورتلدی . فقط
 صوڪ دوشدیکی یر یکیچری چادرلرینک جوارنده ایدی ،
 بوسفرده یکیچری دلاورلری خبیثک اطرافنی احاطه ایتدیلر ،
 لکن البسه سنک التنده زره اولدیغندن سلاح تأثیر ایتدیره مدیلر .
 کندی ایسه اوزرینه هجوم ایدنلره خنچریله مقابله ایدرک بر قاج
 کشی دها جرح وانلاف ایلدی . عاقبت یکیچریلردن زور بازوسنه
 مغرور بر دلی قانلی بر صوبا ضربیه قاتلک الندهکی خنچری
 دوشوردکن صکره بلنه صاریله رق کندیسنی ده یره ده ویردی ،
 اطرافده کیلر اوزرینه هجوم ایدرک باشنی صوبالر، یچاقلرله ازدیلر .
 قاتلک اوچ دفعه ده صچرادینی یرک بعدی الی زراع قدر
 وار ایش .

صولاق زاده، اساساً خواجه سعدالدینک روایتنه مطابق اولان
 بو افاده سنی بیتیردکن صکره اهالی بیننده مشهور اولمق اوزره
 بر قول دها نقل ایدرکه انک ده خلاصه سی شودر :

« بوقانل دشمنلر بیننده شجاعتله مشهور اوله رق سفیر
 صورتنده بر اردویه دخول ایله پادشاهی اورمغه و آندن
 صکره ینه اردودن قورتلغه مقتدر اوله بیله جکنی ادعا ایتمش
 وبونیتیله زرهلره مستغرق اوله رق اردو جوارینه ورود ایله
 کندیسی کبی زرهلره مستغرق اولان آتی بردزه کنارینه
 باغلا دقن صکره او جوارده بولنان عسکره سفیر اولدیغنی بیان
 ایش ایدی . کیفیت حضور پادشاهی یه عرض اولندی ،



حيفا كه قوصوه ملحمه كبراسنك يوم سعيد ظهورى اولان
بو عيد سياسى، پادشاهك شهادتيله عثمانلير ايچون بر روز ماتم
اولمشدر . خواجه سعدالدين ايله تابلارينك وصولاق زادهنك
روايتنه كوره خداوندكار غازى دعاسنك مظفريت جهتى مقرون
اجابت اولوبده شهادت جهتى مقبول اولمديغى ايچون پك محزون
اولديغى حالده بر مقدار عسكرله معركه نى طولاشمقده ايكن
خرستيان اردوسنده بوننان يدى خرستيان بكنندن ميلوش ني قوله،
مجروح اولديغى حالده ميتلر آره سندن چيقارق عرض اسلام ايله
پادشاهك آياغنى اوپمك ايچون ياننه صوتلمق ايستدى ؛ چاوشلر
مانع اولديلر ايسه ده كيزلى سويليه جك سوزم واردر، ديهرك
تقرب طلبنده اصرار ايلدى ؛ سلطان مراد مجروحك حالنه
آجيه رق ياننه كلمكندن بر نامنى امر ايتدى . خان، خداوندكاره
تقرب ايدنجه آياق اوپمك بهانه سيله ايكلديكى صره ده صاغ قولنك
يكنندن بر خنجر چيقاردى ، پادشاهى مهلك بر زخم ايله مجروح
ايلدى . توابع هايون بو ياره نى كورنجه غضب آور فرياديله
قاتله هجوم ايتديلر ، قاتل ايسه غايت چويك قوتلى برشى
اولديغندن بر كره صجرادى ، صولاقلرك بولنديغى دائره دن
خارجه آتلى ؛ پادشاهك ياننده بولنانلر تعقيبينه شتاب ايتديلر ،

اولديغي كبي عثمانليلك روم ايلیده بو صورتله استقراری ،
 استانبولك فتحیاه قرون وسطانك ختامنی تسریع ایلك جهتیله
 بو محاربه تاریخ انسانیك ده اك مهم وقایعندن بریدر . تأسف
 اولنورکه بو قدر حائز اهمیت بر وقعیه ، بو قدر پارلاق بر
 غلبهیه دائر تاریخلرده کوریلن روایاتك مجموعی بالاده بیان
 ایتدیكمز شیلردن عبارتدر .

عسکرلك نقطه نظرنجه اسباب غلبهیی بر درجهیه قدر
 ایضاح ایدهجك تفصیلات شویله طورسون ، ایکی طرفك مقدار
 تلفاتنه دائر بیله هیچ بر تاریخده معلوماته تصادف اولماز .
 یالکز مؤرخلرك جملهسی طرفینك تلفاتی يك کثرتلی اولدیغنی
 بیانده متفقدر .



بۇ سۇنمۇلاردا بۇ سۇنمۇلاردا بۇ سۇنمۇلاردا بۇ سۇنمۇلاردا
 بۇ سۇنمۇلاردا بۇ سۇنمۇلاردا بۇ سۇنمۇلاردا بۇ سۇنمۇلاردا
 بۇ سۇنمۇلاردا بۇ سۇنمۇلاردا بۇ سۇنمۇلاردا بۇ سۇنمۇلاردا
 بۇ سۇنمۇلاردا بۇ سۇنمۇلاردا بۇ سۇنمۇلاردا بۇ سۇنمۇلاردا

اسیر ایدلدکن صکره حضور هایونده بوینی اورلدیغنی روایت ایدر. حال بوکه بزم تاریخلرک عمومیله برابر قوصوه فتحنامه سنده کوریلن روایت قرالک میدان محاربه ده تلف اولدیغنی مبیندر. دو قاسک روایتی او عصره کوره تعیب اولنه جق بر حال دکلدز که وقعنهک بوصولته تحویل ایدلمش اولسنه احتمال ویریله بیلسون. وقعنه دن خیلی زمان صکره کتابنی یازمغه باشلامش اولان وافوا ه ناسده دائر افسانه لردن بشقه مأخذی اولمیان براجنی مؤرخک روایتی، تاریخک اوراق رسمیه نک مندرجاتجه اشتباهی دعوت ایده جک حکم وقوتی حار اوله مه جنی میدانده در.

ذاتاً غلبه دن قطع امید اتمش و رجعت علاماتی اظهاره باشلامش اولان خرسیتیانلر حربک سبب اصلیمی واردونک اک بیوک قوماندانی اولان صرب قرالک دنیادن کیتدیکنی کورنجه رجعتلرینی بر انهزام عمومییه تحویل ایتدیلر، عثمانلی سواریلرینک تعقیبندن قورتلق ایچون اردولرنده هر نه موجود ایسه یرنده براقه رق کوزلرینک کوزدیکی طرفلره طاغدیلر، کتدیلر. کرک دشمن و کرک عثمانلیلر طرفندن سوق اولنان عسکرک مقداری جهتیله قوصوه محاربه سی اوزمانه قدر ایدیلن میدان غوغالرینک اک بیوکیدر. بوندن بشته استحصال اولنان مظفریت جلیله عثمانلیلرک روم ایلیده استقرارینی تأمین ایده رک سن نشو و نما مزک پک شدتلی بر بحرانه برؤتام ایله نتیجه ویردیکی ایچون ملتک اک مقدس مأثرشان واقبالندن معدود

محاط وعسكرك اڪ ممتازلری ایله محفوظ اولدینی جهتله برطرفنی
چویرمک ویا آرقهسنه طولاشه بیلمک قابل اولدینی کبی جانلی
بدن توصیفنه شایان اولان عسکری ییقبوب کیمک ده محال حکمنده
ایدی . خرسیتیانلر ایسه کثرتلیله برابر براردویه لازم اوله جق
قدر انتظامه مالک اولدقلری کبی بریرندن مغرور برقاچ قومدن
عبارت اوله زق هربری دیکر لرینه جبانته وبلکه خیانت اسنادیله
متصف اولدقلرندن آره لرنده عسکر لکک روحی مشابهسنده اولان
اتحاد فکر وامنیت قلبده موجود دکل ایدی . بو حاللرنتایچندن
اوله زق صرف ایتدکلری اقداملردن برثمره حاصل اولمیه جغنی
کورنجیه هر قوم حالیه ، قالیه متفقلرینی اتهامه باشلادی ، اوللری
غلبه ایده مه مکدن عبارت اولان موفقیتسزلکلری کیتدکجه انهزام
شکلنی آلدی . بو حال اوزرینه سرب قرالی ، ملحوظ اولان
فنالک اوکنی آلق ایچون بالذات میدان حربک اکمهم نقطه لرینی
طولاشه رق عسکری تشجیه ، چالیشیرکن اطرافنده کیلرک اوضاع
واشکلندن بولندیغی محلی تفرس ایدن عثمانلی دلاورلری همت
واقداملرینی بتون بتون آنک بولندیغی جهتله تحویل ایلدیلر .
برادر برادرک نعلنی پامال ایده جک درجه لرده شدت وسرعتله
هجوملر ایده رک اطرافنی صاردیلر ، کندینی محافظه ایدن فرقه نی
محو وپریشان ایتدکلری کبی قرالی ده اعدام ایده رک باشنی برنیزه یه
دیکیدیلر ، اردو ایچنده کزدیرمکه باشلادیلر .

روم مؤرخلرندن یانی دوناس سرب قرالنک عثمانلیلر طرفندن

اقدامات كليہ ايہہ مهاجرى رجعتہ مجبور ايلش ومعتنہ اولان دلاورلردن برى دشمنك طليعه قوماندانى اولان والدهكى شكارى قاجرماق قكريبه خرسيتيانلرى شبخوندن منع ايدن اشقودره بكي يوزكى قاشتريوتاي اعدام ايدهرك باشنى بادشاهك پيش سمند اجلاننده خا كسار ايلش در . مع مافيه خرسيتيانلر طليعهلرينك انهرامنه باقديار ، بر شدتلى هجوم ايله اسلامك ، بر جزوى عثمانلى اوليان صول جناحنه خيلدن خيلي پريشابق ويرديلر . اكثر تاريخلرك روايتنه كوره بو صروده وقدحنامهك روشنه نظراً خرسيتيانلرك قلبه تعرض ايلدكلرى ائناده ايدى كه شهزاده بايزيد معتادى اوزره انه كرزىنى آلهرق صاغ جناحدن يالكر دشمنى دكل ، عثمانلىلرى بيله دهشته مستغرق ايده جك برييلديرم شدتياه خرسيتيانلرك هدف حركاتنه هجوم ايتدى . بو اقدامات حيدرآنهسى سائر امرانك قوت حميته آتشنر غلبان اولديغندن تيمور طاش پاشا ، لالا شاهين ، اورنوس بك ، يئخنى بك ، عيسى بك ؛ صاروجه پاشا ، اينه بك صوباشى ، قره مقبل ، اينجه بلبان بك ، طورجه بلبان بك ، شير مرد بك مستجاب بك بربرلريله شجاعت ، مهارت ، فداكارلق ، قهرمانلىق ياريشنه قالمشديلر ، وكوسبتردكلرى مثاللره عسكرى ده كنديلرينه بكنرتديلر ، دشمنك هر تدبيرى فائدهسز براتديلر . اسلام ازدوسنك بولندينى موقع ، حرب ايچون اك مساعد برنقطه اولهرق اطرافى استحكامات طبيعه دن معدود اوله جق برطاقم عارضه لره

بوجهتله باروتك شوارد طرفندن ایجاد اولندیغی میدانه
 چیقدیغندن قوصوده طوپ بولندیغی انکاره محل قالیور .
 بوناردن بشقه قوصوده طوپ قولاندیغی تاریخلرک روایتنه
 دکل، اوراق مقیده رسمیه دن اولان فتحنامه ده کی « ساغ و وصولدن
 صواش و او عراشه باشلانیلوب و طوپ و تفنگلر آتیلوب »
 عباره سیاه صورت قطیعه ده ثابت اولیور . قوصوه فتحنامه سنی
 یازان پادشاه البته طوپ و تفنگ ایجاد اولمادن بونلرک اسملری
 ایجاد ایتمه مشدر .

بو باده جای نظر اولان مسئله ایسه قوصوه محاربه سندن
 اول طوپک ایجاد اولنوب اولنمامسی دکل ، اولیه دها یکی ایجاد
 اولنان وهانکی حکومته موجود ایسه صورت اعمال واستعمالی
 سرائر دولتدن عد ایدیلن بر سلاحک بر قاچ یرده کورینور
 کورنمز عثمانیلر کبی یکی یتشمش ودها عشیرت معیشتنی ترک
 ایتمه مش بر قوم آره سنده ده استعمالنه یول بولنه بیلیمی در ،
 عثمانیلرک مبادی ظهور لرنده هر شینک فائده سنی کورمک هر فائده لی
 کوردکلری شیدن استفاده ایتمک خصوصنده کوستر دکلری کمال
 حقیقه سزاوار حیرتدر .

ایشته ابکی طرفک اردولری بو صورته ترتیب اولندقدن
 صکره محاربه نی خرستیان چرحه جیاری کشاد ایلدی لر . بزم طرفندن ده
 جناح لرده کی کانه کشار اوق یاغدی رمه ، باشلادکلری کبی طایعه ده
 بولنان صدراعظم علی پاشا دشمن چرحه جیلرینه مقابله ایدهرک

طوب بختنه کلنجه؛ باروتک کویا (برتولد شوارد) نامنده
آلمانیالی بر رهاب طرفندن ۱۴۳۶ تاریخنده ایجاد اولندن ی اوروپا
مؤلفلری ایچنده پک زیاده مظهر قبول اولمش بر قولدر . حتی
هامر بیاه تاریخک اطلسنده قوصوه محاربه سنک بر پلان ی
نشر ایده رک بونده طویلرک موقعی دخی کوسترمش ایکن یینه
باروتک شوارد طرفندن ایجاد اولندیغنه دائر اولان قوی قبول
ایده رک آنکله کندی لسانه عائد بر جناس یامنی التزام ایتمشدر .
قوصوه محاربه سی ایسه ۱۳۸۹ تاریخ میلادی سنده وقوع بولدیغنه
نظر آ باروتی شواردک ایجاد ایلدیکی صحیح اولسه بالطبع قوصوده
ایکی باتاریا طوب بولندیغنه دائر اولان روایتک طوغری اولماسی
لازم کلیر ایدی . حال بوکه بعض مؤرخلر ۱۳۶۶ تاریخنده
اولان محاربه لرده وندیکیلرک طوب استعمال ایتمک لرینی
بیان ایتمک لر ی کبی دیکر لر ی ده دهایلری کیده رک انکلتره قرالی
اوچنجی ادوارک فرانسه قرالی آلنچی فلیب علیهنه ۱۳۴۶ سنه سنده
قرانمش اولدیغی « قیرسی » محاربه سنه بش طوب کتیر دیکنی
وبو طویلرک القا ایتمیکی دهشت سبب مظفریت اولدیغنی بیان
ایدر لر . بوزاردن بشقه تدقیقات تاریخچه کالی مسلم اولان
« ویساردو » ، اندلس دول اسلامیه سنه دائر یازدیغی تاریخده
باروتک عربلر طرفندن ایجاد اولنهرق بیک ایکی یوز سنه
میلادی سندن بر ی طوبده استعمال اولدیغنی دلائل متعدده ایله
اثبات ایتمشدر .

اولان ترتیبات حربیه دن ماعدا ایکی تدبیره دها مراجعت اولمش
ایدی که بونلرک بری جناحینک طلیعه سنه بر فرقه کانکش تعیین
اولنسی ، بری ده قلبده طوچی باشی چنیر انا اداره سنده
اوله رق ایکی پاتاریا طوپ بولندیرلمسی در . طلیعه ده اولان ایکی
فرقه تیر اندازدن صاغ جناحده بولنانلرک کانکشلکده مهارت
فوق العاده ایله متصف اولان حمید اوغلی حسین بک وصول جناحنده
اولنلرک شهزاده بایزید اولاندن مصطفی چلبی اداره سنده
بولندیغی ده خیراه تاریخنده حکایه اولنیور . حمید اوغلی حسین
بکک تیر اندازلقدده مهارتنه ، بر جناحک طلیعه سنده کی اوقجیلره
ریاستنه تعارض ایده جک بر روایت ویا مانعه عقلیه یوق ایسه ده
مصطفی چلبی اوزمان دها آنجق اوتوز یاشنه واروش اولان
شهزاده بایزیدک بر روانته کوره بشنجی وروایت اخرایه نظراً
یدنجی اوغلی اولسنه نظراً طلیعه ده ، تیر اندازلره ریاست ایتمک
شویله طورسون حتی حربیه کیده جک بر سنه واصل اولمش
اولسی پکده محتمل کورنمز .

تاریخلرده طلیعه نیک قومانداسی اورنوس بکه مودوع اولدیغنه
وحتی پیر مجاهدک دشمن عسکرینی صفرلندن آیرمق ایچون
ساخته بر رجعت ترتیب ایلدیکنی پادشاهه بیان ایلدیکغه داآرده
برروایت وارددر ؛ فقط فتحنامه ده اورنوس بکک صاغ جناحده کی
امرا میاننده ذکر اولنسی بوروایتکده صحیح اولدیغنی
گوستیر .

عسکری موجود بولندی مصر حدر . بوحاله نظر آ صاروخان
 و آیدین طاقنك فتحنامه ده قوشوندى اسمیه یاد اولتان عسکر لر
 ایچنده بولنه جفته حکم ایدیه بیلیر . ذانا قوشوندى بشقه یرلردن
 کلهزک عثمانیلیره التحاق ایدن کولایلره اطلاق اولنوردی .
 اوزمان ایسه صاروخان ایله آیدیندن بشقه کولالی کلهجک بریر
 یوق ایدی . سائر حکومتار دن معاونه منتظم عسکر کوندرمش
 ایکن آیدین و صاروخاندن کلنلرک قوشوندى قیلندن اولمسی ایسه ؛
 آیدین اوغلی عیسی بکک صحبت عامه ، صاروخان اوغلی خضر
 شاه بککده ظلم و سفاخته وقف نفس ایتمش اوللرندن طولای
 کولیلدن بشقه عسکر کوندرمکه موفق اولهاملرندن نشأت
 ایتمش اولسه کرکدر . بونده اصل شایان دقت اولان جهت
 قرمان طاقندن محاربه ده آدم بولمامسی در . شبهه یوقدرکه قرمان
 اوغلی بو محاربه ده عسکر کوندرمه مش ایدی . زیرا کوندرمش
 اولسه پادشاهک دامادی اولمسنه نظر آ خدمت و معاونتک
 فتحنامه ده ده تاریخلرده ده طنطنه لر ، ستایشلره ذکر ایدلمسی
 طبیعی ایدی . علی بک نه حمیتسز آلچق بر مخلوق ایش که خرسیتیانلر
 بیاغی اسلامیتی محو ایتک ایچون اجتماع ایلدکاری ، دین و ملتته
 وقائم پدری اولان والنده کی ملکی ضبط ایتدکدن صکره ینه
 اطاعت شرطیه کندیسنه اعاده ایدن پادشاهنه ، ولی نعمتنه دریغ
 معاونندن حجاب ایتدی !

بعض تاریخلرک روایتنه کوره قوصوه محاربه سنده معروف

برانقویچ صاغ جناحك، بوسنه قرالی ده صول جناحك اداره سنی
درعهده ایتشیدی .

خداوندكارك محاربه به کلیرکن قسطمونی و کرمان و صاروخان
و منتشا و آیدین و حمید بکارندن استمداد ایدیکنی یوقاریده
بیان ایتشدک، قوصوه فتحنامه سندن نقل ایتدی کمز شو اردو
ترتیبنده صاروخان و آیدین نامی کورلیورده آنلرک یرینه تکه
عسکری کورلیبور. سلطان مرادک ملوک طوائفی دعوت ایتدیکی
صرهده تکهنی استثنا ایتش اولسن موجب اوله بیله جک آرهده
برسبب کوریه مز. تکه بکنک ده دعوتدن خارج طوتیه جنی
حاله ینه امداده عسکر کوندره جک قدر حیت کوسترمی
مأمول اولنماز. اوله بر فدا کارلقده بولنش اولسه یدی،
البته تاریخلرک بری ایکی کله ایله بو غیرت اسلامیه، ثناخوان
اولوردی. بو حاله خواجه، تاریخنده دعوت اولنان اسلام
حکومتلرینه تکه لینک ادخال ایدله، سی یا مؤلفک و یا ناسخلرک
نسیانندن حاصل اولمش برسهو اولسه کرکدر. صاروخان و آیدین
بکاریه دولت عثمانیه بیننده اوصرهده هیچ بر برودت اولماقله
برابر بو حکومتک خلقی ده روم ایلی به عثمانلیردن اول کچمش
وخرستیانلر ایله پک چوق محاربه لرده بولنش اولسنه نظراً
طوائف سائردهن زیاده بو دعوته آنلرک اجابت ایتسی اقتضا
ایدردی. مأخذ اصلیه دن معرود اولان بعض تاریخلرده ده
پادشاهک صول جناحنده بولنان فرقه لرک ایچنده ایدین و صاروخان

ياقلاشير. ايسته وجدان بشرک عنايات غيبه به استحقاق کوستردیکی زمانلر بوزمانلردر . آ کلاشیلان سلطان مراده او کیجه اویله بر دور انجذاب، اویله بر زمان استغراقده ایدی . بایزید طرفندن بروسه قاضیسیاه خاصه خرج امنینه یازیلان و صورتی فریدونده مندرج اولان فرمان، بادشاهک رؤیاسنده نیازلری مقبول اولدیغنه دائر بر بشارته مظهر اولدیغنی حکایه ایدر . اویقودن اویاندینی زمان دعاسنک مظهر اجابت اولدیغنه رؤیادن ده قوتلی بر دلیل کوردی که اوده براز یاغفور یاغرق حرکات حربیه سینه نهایت درجه لرده مضر اولان فورتنهک کسيلمه سی ایدی .

بادشاه بو اطمینان و مسرتله اردوسنی تعبیه به ابتدار ایده رک صاغ جناحه شهزاده یازید ایله روم ایلی بکلر بکی تیمور طاش پاشایی و اورنوس بک نو انجه بلبلان بک و طورجه بلبلان بک و لالا شاهین و عیسی بک و مستجاب صوباشی اداره سنده اولان فرقه لری؛ صول جناحه ایالتی عسکریله شهزاده یعقوبی و « قوشونای » عسکری ایله آناتولی بکلر بکی صاروجه پاشایی و قسطنطونی وحید و منتشا و تکه بک زاده لری و کرمان سپاهیسیله اینه بک صوباشی و قره مقبل بکی تعیین ایدی . کندیمی ده بیکچریلری و قبو خلقی ایله قلبده قرار ایده رک صدر اعظم علی پاشایی طلیعه به مأمور ایدی . بوترتیدن بشقه اورنوس بکک رأی و جهاه جناحینک اوکنده بیکر تیرانداز وضع ایددی ، دشمن طرفنده سه سرپ قرالی قابک و ویلیق اوغلی ویا تعبیر صحیحیله وولق

حیاً انسان پولادین پایش بر قلبه مالک اوله مازکه نتیجه سی بر ملتک حیات و مماتی تعیین ایده جک بر محابه نك اداره سنه مؤکل اولسون ؛ بونکله برابر دشمن اردوسنی کندی عسکرینک اوج مثلندن زیاده ، کندی عسکرینی اعدادن بشقه برده روزکار کبی مواد طبیعی نك خصومت یخبرانه سنه مبتلا کورسون ده ینه منظر ب اولماسون ، ینه کدر ایتمین .

پادشاهک بر بیوک امید ی بر علوی تسلیتی قالمشدی که اوده اللهندن استمداد ایدی . سلطان مراد اسلامیتک شرف و حقیقتنه اک قدسی جهتلارندن نظر ایتمش ، دیانت حقیقیه دینیلن الهی دولتک اک عالی مرتبه لرینه وارمش مسلمانلر پادشاهی دینلمکه یق بر موحد پاک مذهب ایدی . کیجه خلوص تلب ایله قبله نیازه توجه ایتدی ؛ اسلامک مظفریتنی ، کندی نك ده دولت شهادته نائلیتنی استرحام ایلدی . خداوندکار غازی شهید اولمق ایسته دی ؛ فقط عجزه عباد کبی دنیانک آلامندن قورتلق ، آخرتک آمالنه نائل اولمق ایچون بر طریق جر و فرار کاریدن مقصدینه اصل اولمق ارزوسنده دکلادی ؛ ملتک شانی ، اقبالی منتهای امکانه اعلا ایتدیکی صروده سیف اقدامنه طیانه رق ، دشمنلرینک جنازه سنی چیکنیه رک عرش اعلا ی قوربه حیثیت واجلالیله صعود ایتک شرفنه طالب اولدی . بیوک یارادلمش کوکلرک برحالی ، برزمانی واردرکه هر درلو تعلقاتندن تجرد ایدوب تمایلات علویه سیله تنها قالنجه یوکسه یوکسه حقیقه الله

قرارگیر اولش و بوضوحده اورنوس بك صاغ وصول جناح لرك اوكنه بيكر تيرانداز قونيه رق حربك آنلرله آچيلمسى دشمن طاقى صفرندن آريلوبده بوتيرانداز لرك اوزرلرینه دوکولمکه باشلامدقجه عسكرك یرندن حرکت اتمه مى حتمنده اوتهدن برى عرض اتمکده اولديغى رأى ینه تکرار ایده رك پادشاهه قبول ایتدیر مشدر .

خداوندکار غازى ترتيباتى قرارلشدیردى و عاقبت کارى عنایت الهیهیه تودیع ایلدى . فقط بوتدیر و توکل ، بولنديغى مخاطره عظمادن طولايى قلبنده حاصل اولان حزن الیمى ازالهیه کافی اوله نامشدى . نصل کافی اولسون که مخاطرمده بولنان نفسى دکل ایدی ، عموم عسکرى بتون ملتى ایدی ! مقرر در که اکر قوصوه محاربه سی غائب اولسه ایدی ، عثمانلى دولتک قوه عسکریه سی بتون بتون محو و پریشان اوله جغندن ، روم ایلى طرفلرنده هنوز یرلشمکه باشلایان ملل مغلوبه نك بلکه یوزده برى قدر نفوسه مالک اولیمان اسلامک نه کندی قوتیه بقاسى قابل اولوردى ، نه ده آنا طولیده قاله جق اولان جزؤك ملوک طوائف تسلطندن قورتیلوبده روم ایلیده کی اخوان دینه امداد ایده بیللمرینه احتمال قالیردى . بو قدر اهمیتلى بر محاربهیه ایسه دشمنک آنجق اوچده برى قدر براردو ایله باشلانیه جق ایدی ، میدان حربی ده برشدتلى روزکار بوریه رك دشمنک آرقه سندن ، عثمانیلرک یوزلرینه طوغرى طوزلر ، طاش پارچه لری یاغدیروب طورویوردى .

اولمادی ، فقط تبصر واحتیاطنک برقات دها تشدیدینی دعوت
ایتدی . حرکات حربیه به بر قرار قطعی ویرمک ایچون رأیندن
استفاده اولنه بیله جک امرایی حضورینه جلب ایله بر مجلس مشاوره
عقد ایلدی . بعضیاری ، خرسیتیانلرک آتلی دوه دن چکینیر؛ دوه لری
اردونک اوکنه قویسه ق. حیوانلرینک اورکسیله صفلری بوزیلور ،
او زمان محاربه سهوات بولور ، دیدیلر .

سلطان مراد بورأیک شایان قبول اولوب اولمادیغنی شهزاده
بایزیددن سؤال ایدنجه شهزاده ، « بزشمدی به قدر حیوان آرقه سنه
صاقلانهرق مکر وحیله ایله غلبه ایتمدک ، اللهک عنایتندن
بشقه التحا ایده جک یر آرامادق ، دشمن قارشیسنده کیزلنمک
دینمزک ، دولتمزک شاننه یاقشماز » مألنده بر مطالعه سرد ایلدی .
صدر اعظم علی پاشا شهزاده نک رأینی تأیید ایدهرک « بو
کیجه قرآن کریمدن تقال ایتمشدم ، (یا ایهاالنبی جاهدالکفار
والمنافقین) آیت کریمه سی ظهور ایتدی ، ان شاءاه نصرت
اسلامکدر ، بویله مناسبتمز تدبیرلره احتیاج کورنمز . » یوللو
بیان فکر ایلدیکی کبی تیمور طاش پاشاده شهزاده و صدر اعظمی
تصدیق ایله برابر امر بر عکس اولوب دشمن زرهلیلرینک
حرکاتندن دوه لر اورکرک کری دونه جک اولورسه عثمانلی عسکری
مخاطرده قله جفندن بویله فائده دن زیاده ضرری ملحوظ اولان
بر تدبیرک اختیاری قطعاً جائز اوله میسه جغنی عرض ایلدی . بو
مطالعات اوزرینه بر معتاد صف حرب ترتیبیه دشمنه مقابله ایتمک

متفکر امیدلرینی یالکیز احراز غلبه‌یه حسر ایتدیلر ، سلطان مرادی ده اسیر ایتکی عادتا محقق حکمنده طومغه باشلادیلر . صرب قرالی بو امید ایله پادشاهی کیم طوتارده حضورینه کتوررسه کندیسنی داماد ایتکله برابر معمور و مستحکم اوزده قلعه بخش ایده جگنی اعلان ایلدی . بو موفقیته نائل اوله جق پهوانه کمال کر مندن بش قلمده بوسنه قرالی وعد ایتدی .

متفکر عثمانی عسکرینک یوز بو قدر سنه دن بری مواقع حرب و جلادنده طولاشدینی حاده بر کره باصقینه اوغرامدیغنی دوشنمدیلر ، پادشاهک اردوسنه شبخون ایتک تصورنده بولندیلر ، فقط اشقودره بکی یورکی قاستیریوتا ، « شمدی باصقین ایده رسهک البته بونلر فرار ایدرلر ، کیجه وقتی تعقیبلریله کیم اوغراشه جق؟ حاضر شکاری الدن قاجیرمقده نه فائده اولور » یولنده بر رأی بیان ایلدی . اونه کیلر ایرتسی کون مظفر اوله جق لرینه ، لوح محفوظه کورمش قدر ، اظهار امنیتله بورایی قبول ایتدیلر ، کیجه بی عیش و عشرت و اطمینان و غرور ایله کچریدیلر .

بری طرفدن ایسه سلطان مراد ، دقایق حربیه ده مستشار خاص اوله جق قدر اظهار کمال ایتمش اولان شهزاده بایزیدی یانسه آله رق بر تپه نک اوزرینه چیقمش ، دشمن اردوسنی نظر تدقیقندن کچرمش ایدی . قارشیسنده زرهلرینک رنگیله برقرانلق دریای مخوفه بکزه مش اولان ایکی یوزبیک کشیک بر جمعیت عداوت طوردیغنی کورنجه مخاطره نک بیوکلی فتورینی موجب

اوتوز كشي كنديسنه مقابله جسارت ايتدى . تاج التوارىخك روايتنه كوره اورنوس بك تيراندازلقده فوق العاده مهارت اصحابندن اوله رق دشمندن ايكي كشي يى بربرنى متعاقب برر اوق ايله اتلاف ايتمش ويانسنده كي عسكرده بونلرك بر طاقنى اسير، برطاقنى اتلاف برابر بولندقلرى حلى ضبط ايشدر .

ايرتى كون اردو او دربنددن كهرك « مورويا » كنارينه ايتمش ونهردن ، مردانه اعلان سطوتله طبل ونقاره سنى چالديره رق كيجه وقتى كذار ايش ايدى . عثمانلى عسكرى صوبى كذار ايدركن آلتى فرقه يه تقسيم اولنمشدى كه بو فرقه لرك برنجيسى صدر اعظم على پاشانك ، ايكنجيسى شهزاده بايزيدك ، اوچنجيسى اينه بك صو باشينك ، دردنجيسى شهزاده يوتوبك ، بشنجيسى صاريجه پاشانك ، آلتنجيسى بالذات پادشاهك زير اداره سنده ايدى .

۷۹۱ شعبانك اواسطنده بو اردو عثمانلي لرك اك مبارك مشاهد هيتندن اولان قوصوه صحراسنه نزول ايدى . تاريخلر مزك تحقيقاتنه كوره متفقين اردوسنك رؤسائى عسكر اسلامى او مقدارده كورنجه نهايت درجه لرده استحقار ايتشار ايدى . حتى بزم كتابلرده ويلىق اوغلى ناميه معروف اولان ولوق برانقوويچ كه صرب قرالنك همشير زاده سى ايدى ، يالكنز كندى معيتمده اولان فرقه ايله اسلام اردوسنه مقاومت ايدى جكنه دائر لافزانه برطاقم مفاخره لره كيرشمه كدن چكندى .

رایلری عرض ایلدیکنه دائر بر طاقم روایتار واردر . بو روایتار ایسه اصحاب مطالعهیه مجلس ملوکک آدابنی اوکرتمک ویاخود بیلدکلرینه دلیل کوسترمک قصیدله مؤرخار طرفندن اختراع اولنش بر طاقم مداح تکرمله سندن عبارت اولدیغنده شبهه ایدیله من . اینجه بلبان بک طرفندن صوفیه نک فتحنه دائر سلطان مراده کوندزلین و فریدونده صورتی مندرج بولنان عریضهده « بو خبر مسرت اثر ایله مذکور طوغانجی و غازی احمد قولاری کوندزیلوب امیددرکه عنایت علیه لریله بهردمند و کامکار بیوریلوب سائرلرینه موجب زیادی غیرت واقع اوله » عبارسه تصادف اولنور . دهاییکی بر خدمت ابرازینه موفق اولان و پادشاهک اسیر زاده سی بولنان اینجه بلبان بکدن بویله رسماً مقتضاً کوسترجه سینه بر اخطار وقوعنه جواز و یرن پادشاهک حضورنده اورنوس کبی بو دولتک احیاسنه خدمت ایدناردن بر پیر مجاهدک محاربه جه اولان تجر به لرینک خلاصه سی بیان اتمکدن هیچ بر وقت چکنمیه جکی بحث و تردد کتورر حقیقتار دن دکلدور .

اورنوس بک رایلرینی پادشاهه قبول ایتدیردکن صکره دشمندن دیل آلمغه مأمور اولدی ، پاشا یکیتده معیتنه مأمور ایلدی .

اورنوس بک وجهه مقصوده کیدرکن پیشگاه عزمنه یالکزر اوتوز کشی ایله محفوظ بر دربند تصادف ایلدی . اورنوس بکک یاننده کی فرقه ده بک جزوی بر شی اولق کر کدرکه بو-

قاچ حکومتک کوندردیکی عساکر معاونه مطلقا اون بیک کشیدن آشاغی دکلادی . بویله مسائلك تدقیقه اوغراشمقدن کری قلمیان هامر ، نثرینک خرسیتیان عسکرینی ایکی یوز بیک کشییه چیقاردیغنی بیان ایله برابر بوروایتک رد ویا قبولنه دائر حرف واحد سویله مز ، یالکز متفقین اردوسنک عثمانیلردن چوق زیاده اولدیغنی بیان ایله اکتفا ایدر .

پادشاه عسکرینی دیکلندیرمک ایچون اولو اواده آرام ایلدیکی صردهه حضورنده بر مجلس مشورت عقد ایلدی ومجاهدین اسلامک پیر ارشادی اولان غازی اورنوس او ائشاده حج شریفدن عودتله اردویه کلش بولندیغندن هرکسندن اول آکا توجیه خطاب ایدرک رأینی سؤال ایتدی . اورنوس بک نه طرفده حرب اولنق ایستیلورسه اورایه دشمندن اول واریلهرق مساعد بر موقع طوتمق ومحاربه باشلادیغنی صردهه خرسیتیانلرک مرتب آلایلرینه هجوم ایله عسکرلی انتظامدن چیقارمقدن ایسه هجومی دشمنه براقهرق کندی صفلرینی بوزدیرمق رأینده بولندیغنی بیان ایلدی . تاج التواریح بو قبیلدن بر قاچ رأی دهها عرض ایلدیکی تصریح ایدیورده او رأیلرک نه کبی شیلر اولدیغنی سویلیبور .

دیگر بعض تاریخلرده ایسه سلطان مرادک اورنوس بکدن رأی ایستینجه نادباً سوز سویلاکدن استنکاف ایتدیکنه وطرف پادشاهیدن تکرار بکرار مظهر تکلیف اولدقدن صکره بو

کوره دشمنك عسکرى ايکى يوز بيك کشيدن عبارت ايدى . بو مقدار دن فضله سنى عقل ده پک قولای قبول ایده مز . چونکه اردويى تشکيل ايدن دشمنك صرب و افلاق و بوسنه و مجاروله و چه طائفه لرندن مرکب اولدينى بزم تاريخارده مصر حدر . هامر ، « مجارستانک بو اردو ايچنده بر فرقه سى بولندينى اوراق رسميه ايله نابتدر و فقط لهاملرک حربيه اشتراك ايتدکاريينه دائر بر اماره بولنه مايور ، عثمانلى تاريخلرى هر سگ طاقنى يازمامش اولدقارندن آنلرى لهلى ظن ايتمش اولملرى محتملدر . » يولنده بيان فکر ايلبور . هانكى روايت صحيح اولسه تعداد اولنان حکومتلرک قواى مجموعسى ايکى يوز بيك کشى يى تجاوز ایده ميه جکى ، دها صکره ايتدکاريى محاربه لره کوندره بيادکاريى عسکرک مقداريله نابتدر .

دولتک عسکرى اگر ايلچينک ديدىکى و بر چوق تاريخلرک دخى قبول ايتديکى کي دشمن اردوسنک ثلثي ايسه آلتمش بيک و تاج التوارينک روايتى کي خمى ايسه قرق بيک کشيدن عبارت اولق لازم کلير . اعتقاد مزجه صحيح اولان عثمانلى اردوسنک آلتمش بيک کشيدن آز اولمامسى در . چونکه خداوندکار غازى دورنده دولت عليه نك عسکرى طوبليجه بر يره اللى بيک کشى سوق ایده جک قدر تزايد ايلديکى مسلمات تاريخيه دندر . پادشاه ايسه ملوک طوائفدن بيله استمداد ايلديکى بويله بر محاربه يه البته اردوسنک بر جزؤى ايله کيتمه مشدر . بر

باشلادیغندن اردوی هایون یرندن حرکت ایلدی . بالقان
یکلدکن صکره بر ایکی کون اهمانده آرام اولندی . پادشاهک
اطاعتنده قالمش اولان کوستندیل پرندی ایله یکی اطاعتنه کیرمش
اولان سراج اووه سی پرندی اوراده معسکر هایونه کلشار ایدی .
سلطان مراد پرنساری حضوزینه جلب ایله مظهر تلطف
ایتدکن صکره صربستانه کیره جک یوللری استفسار ایلدی .
بری صوفیه ، بری کوستندیله چیقار ایکی یول اولدیغنی و برنجیسنک
سهولتی ایکنجیسنک صعوبتلی بولندیغنی بیان ایتدیلر . پادشاه
کوستندیل یولی هدف الحركاته ده کسدرمه اولدیغنی ایچون ،
صعوبتیله برابر آنی اختیار ایلدی .

اردو یولده ایکن صرب قرالی طرفندن بر ایچی ده
کلهک عثمانلیلرک تأخرندن شکایتی مشعر لافزانه بر طاقم خبرلر
کتیردی . کندیسنه اردونک هر طرفی کزدیریلنجه « مقصد اظهار
سطوت اولیور . فقط بزم عسکر من بونک اوچ مثیلدر . هله
اون بش بیک زرهلی سوار من واردرکه یالکز آنلر بواردوی
طاغتمغه کفایت ایدر » یولو بر طاقم سوزلر سویلدی ، جان
صیقدی . نهایت « ایچی یه زوال اولسه بو سوزلرک جوابی
قلیج ایله وریلیردی » دینلهرک دفع اولندی .

خیرالله تاریخنده سلطان مرادک اردوسی ایکی یوز بیکه ،
دوشمنک عسکری بش یوز بیکه چیقارلمشدر .

حال بوکه او عصر وقوعاتی ایچون ک اساسلی ایکی مأخذ
اولان نشری تاریخیه « هشت بهشت » ک بالاتفاق روایت ایتدکلرینه

قدر ينجشى بك معسكر هايونزه ماحق اولمى بولندى . بناءءا ايه
صربليار اسلامه ضرر ايرشديره كه زرين عودت ايتديار .

نئرينك يازديغى وهامرك قبول ايلديكى روايته كوره ايسه
ابتدا ديمتري نامنده بر جنرال معيتيله صرب قرالى اون بش
بيك كشى سوق ايدهرك شهر كوينى ضبط ايتديرهش وقلاعه سنه
لزومى قدر محافظ تعيين ايلش ايدى . بونك اوزرينه بربرينى
متعاقب ينجشى بك واينه بك صوبانى وصاريجه پاشا معيته اون
بيك قدر عسكر ويريهارك قلاعه نك بهمه حال استردادى ايجون
سوق اولندى . بو اوج فرقه (شهر كوڭر) نى ضبط ايلدى .
آندن صكره ينجشى بك دشمن ممالكنه كيرمك ايجون استيدان
ايتمش ايسه ده طرف پادشاهيدن رخصت صادر اولديغندن
عثمانلى اردوسى حصارى تخريب ايله فلبه يه عودت ايلدى . بو
محاربه ده ايكي طرفجه ده مقصد حركت شهر كويناك ضبط ويا
تخريبي ايدى .

صوفيه و نيش برخيلى زمان اول ضبط ايدلمش ايكن بو ايكي
موقع مهمك خط مواردسى اوزرنده بولان و ذاتاً بلغارستان
اجزاسندن اولان شهر كويناك خرستيانلارده بولنش اولسنه
عقلاً احتمال ويريله من . بو حالده ايسه شهر كوينى اوزرينه
وقوع بولان حركتك صربليار طرفندن باشلامسى طبيعى و بناءءا عليه
نئرينك روايتى ده ما معتول كورينور .

عسكرك عودتى صره سنده ايسه مريچ نهري كچيد و يرمكه

هان او قارشیمزه چیمقدن احتراز ایتسون؛ شهزاده لرده غزایه ایتراک ایچون برابر کله جکاردر . « یوللوقیسه و محقرانه بر جواب ایله ایلیچی نی اعاده ایلدی .

خرستیان حکمدارلرینک اتفاق ایله ملکه هجوم تدارکنده بولندقلری تحق ایدنجه پادشاه عموم آناطولی عسکر یله شهزاده لرینی زدینه دعوت ایلدیکی کبی تاج ائتوارینک روایتنه کوره مجاور بولنان قسطمونی و کر میان و صاروخان و منتشا و آیدین و حمید حاکم لر ننده استمداد ایلدی .

عسا کر اسلامیه ۱۸۹۱ بهارینک اوائلنده خداوندکارک زایت اجلالی آلتنده تخشده مسارعت ایلدی وهمان دشمن اوزرینه وارلق ایستدیدی . فقط مریمک طاشقنانی آغر لک نقلنه مانع اولدیغندن بر قاچ کون ضروری توقف اولمشدی . تاج التوارینک روایتنه کوره بو توقف ائناسنده دشمنک حالندن خبر سز قالماق ایچون عثمانلی عسکرینک اختیار مهالکده جمله یه مسابقتله مشهور اولان قهرمانلرندن یخشی بک بش بیک سواری ایله سرحد اوزرنده بولنان شهر کوینه کوندردی .

بو فرقه کمال مسارعتله محل مقصوده کیده رک اورالری یغما و تخریب ایتدکن صکره آلدینی بر چوق اسیر لرله ینه فلبیه عودت ایلدی . صرب قرالی بو فرقه نک حرکتی استماع ایدنجه دربندلری طوته رق عثمانلیلری یا محو ویا اسیر ایتک ایچون اون بش بیک کشی کوندرهش ایسه ده آذر کلنجه یه




خداوندگار غازى يالكىز بلغارستانك فتحيايه اکتفا ايتمه ريك
صرب وبوسنه قرالرييله اشقودره بکنه ده سلاح عثمانينک
جوهرينى حقيه کوسترمک عزمنده بولمىش ايدى . بناء عليه
هان بهار کلير کلز دشمن ملکنه کيره بيلمک ايجون اوسنه
نلبه ده قيشلادى .

صرب قرالى ايسه سزمانک عاقبت کارينى کورنجه بوسنه
وهرسک و آرناولدلق حکمدارلرينى عهد و اتفايق اجراسنده
مسارعته دعوت ايلديکى کي سائر خرستيان دولتريهنده، صربستان
ترکلره قارشى خرستيانلق عالمک برسد محافظه سى اولديغندن
وبرکره اوسد تخريب ايديلور ايسه نوبت استيلا کنديلرينه
کله جکندن بحثه موخش خبرلر کوندردى ، امداد ايستدى .

قرال هر طرفدن کيلى عسکرله معاونت کوره جکنه وعدلر
آلديغندن پک زياده غرور کتيرمش و خداوندگار غازى يه
کوندرديکى بر نامه ده عسکريک کثرتندن طوتديره رق دين
اسلامى بتون بتون اورته دن قالديرمق نيتنده بولنديغنه
وشهزاده لرك ده محاربه ده برابر بولمىش آرزو ايلديکنه دائرخود
فروشانه بر طاقم هفوات تحرير ايتمش ايدى . پادشاه « بهار
اولدينى کي کلير کنديسنه مردلک نصل اولديغنى کوستررز،

تور تیه نماز : شره شر ایله مقابله جائز اولسه بیا افعال خسیسه یه
خساسته مقابله جائز دکادر .

یاردلی طوغان بك قوصوه طرفاری ایله دشغول اولدینی
جهته علی پاشاده بلغارستانك همان هر جهتی چکندکن صکره
نیکیولی پیشگاهنه ککش وتلمه نك شدته تضییق ومحاصره سینه
باشلامش ایدی . سزمان ایسه متفقلری تدارکارینی ا کمال
ایدنجه یه قدر یالکمز ملککنک دکل ، حیاتنک ده الدن کیده جکنی
قطعياً جزم ایلر یکندن پاشایه مراجعتله استیمانن چکنمدی . فقط
بو دفعه طلب ایتدیکی امان یالکمز جان ومال واولاد وعیاله عاند
ایدی . صدر اعظم ، قاجنچی دفعه اولور ایسه اولسون ، عرض
اولنان نیاز عفوی رد ایتک پادشاهك مشرب مروتنه مغایر
اولدیفنی بیلدیکندن چاره سز بو استیمانده واسطه عرض وتبایغ
اولدی . پادشاد ایسه وقوع بولان مراجعتی حسن تلقی ایدهرک
سزمانك جان ومال واولاد وعیالنه امان ویردکن بشقه کندیسته
حکمدار لره لایق صورتده کچنه جک قدر معاشده تخصیص
ایتمشدر . علی پاشا بلغارستان فتحنی ۱۸۹۰ سنه سنک کوز
موسمنده ا کمال ایلشدی . اوزمانه قدر امرای عثمانیه دن هیچ
برینه او وسعتده بر ملک فتح ایتک نصیب اولمامشدی .



پاشانك وظيفه پرور لکنه برده غايت حقلی بر انفعال شخصی
منضم اولديغندن مأموریتك ایفاسنه او ایکی سائق معنوی
قوتیه ایتدار ایدیی . وشمیندن نیکیولی اوزرینه یورو بهرک یولده
درینجه قلعه سنی استیمان ایله ضبط ایلدیکی کبی بوسنه و صرب
وبلغارستانک خط اتصالنده بولنان قوصوه نك سوقیات حربیه جه
دولته لزومی اولمق جهتیه حاکمی اطاعته دعوت ایتدکن
وقبول ایتدیره مدکن صکره نوظهور قهرمانلردن یاره لی
طوغان بکی بر آرز عسکرله سوق ایدهرک قوصوه و اطرافنی ده
یغما و تخریب ایتدیردی .

قوصوه حاکمی اسلام الله دوشن اسیرلرک آزادیمی بدلنده
(چتیر هزار) قلعه سنک دولته تسلیمی تکلیف ایتمش و علی پاشانک
بو مقاوله یی قبول ایله قلعه یی آلدقن صکره اسیرلری ده ویرمه مش
اولدیغنی تاریخلر روایت ایدر . پاشا قواعد اسلامیه و اخلاق
عثمانیه مغایر اولان بر پیمان شکنلکی دولتک قدر و شاننه ،
کندی نك حیثیت علم و ادراکنه نصل یاقش دیردی ده اختیار
ایتدی بیلنه مز . خصوصیه بو حرکتک اخلاقه مغایرتیه برابر
دشمنلر آرسنده دولتک صدق مقالندن سلب امنیتی موجب
اوله جفندن خدمت سیاسیه جه دخی مضر ایدی . مرادی
سزمانک پیمان شکنلکنه مقابله ایسه آنک طرفندن اختیار اولمش
برسیته نك انتقامی بر متفقن آلمغه حق یوق ایدی .

هامر بو مقاوله نك سزمان ایله عقد اولدیغنی سویلر .
اوحالده نقض اولنکی قوله نسبتله اهون کبی قالیرسه ده ینه تعریضدن

محاصره امتداد ایلدی . سلطان مراد بو مقاومت مدیده دن
 طولایی پک زیاده غضبناک اوله رق بالذات بلغارستانه یوریمشدر .
 سزمان پادشاهک بلغارستان اوزرینه حرکتی خبر آلتجه
 متفقلرک اکمال تدارکاتنه قدر محاربه ده دوام ایدرسه ملکناک
 بتون بتون الدن کیده جکئی درک ایلدیکندن براز وقت قازانق
 ایچون علی پاشایه مراجعتله پادشاهدن استدعای عفو ایلدی .
 صرب وبوسنه قرالریناک هر طرفدن استمداد ایله مشغول
 اولدقاری عثمانلیارجه معلوم اولمدیغندن علی پاشا سزمانک
 مراجعتی عجزدن منبعث بیله رک وساطتی قبول ایتدی ، دفعه
 بر قاچ بیالمیق خرج ویرمک وضبط اولنان یرلردن بشقه
 ساستره ییده دولته تسلیم ایتمک شرطیه امانی قبول ایتدی .
 سزمان ایسه خراجی ، هدایاسنی تقدیم ایتکله برابر
 صدراعظمی نیکبولیدن و پادشاهی بلغارستاندن صاوونجه بر طرفدن
 نیکبولی بی تحکیمه بر طرفدن ده ساستره نک تسلیمنده تعاله
 باشلادی . علی پاشا تهدید ایله تملطیف ایله سزمانی یوله کتیره مینجه
 چاره سز حقیقت حالی پادشاهه عرض ایلدی . حال بوکه سزمان
 عفو پادشاهی یه کندی وساطتیه نائل اولمشدی ، بناء علیه
 قهر و تشکیل ده کندی نه حواله اولندی .

سزمان وقعه سی علی پاشانک حمیت اسلامیه وغیرت عثمانیه سنه
 فوق العاده بر صورتله طوقوندقدن بشقه اختیار ایتدیکی توسطدن
 طولایی پادشاه نظرنده موقعی مخاطره یه قویمشدی . او جهته

سومه مك جد عاليشاني اولان هر كه فاتحي علي بكدن ميراث
 قلمش و نيشك او يولده فتحى اوزرينه ملكه راسخه حكمنه كيرمش
 بر عادت اولديغندن پراوادينك تصديق ايله استيمانه انتظار دن
 ايسه ، هجوم ايله ضبطى مرجح كورندى . بو فرقه قلعه جوارينه
 غايت قراناق بر كيجده واصل اوله رق عثمانلى دلاولرى يخشى بلك
 سوق و تشويقاه كوز كورمز بر حالده حصارك ديوارينه هجوم
 ايتديلر ؛ اچلر دن حسين بك نامنده بر سپاهى جمله سندن اول
 كند آه رق ديواره عروج ايلدى ، كندينه كووه ن ارباب حمت ده
 او قهرمانك مسلكنه اقتدا ايتديلر ، ديوار لره صاريله رق شهره
 دخول ايلديلر .

علي پاشا بو مزده يي آنجه سرعته پراوادى يه كيده رك اسباب
 محافظه سنى اكل ايلد كدن صكره يخشى بك فرقه سنى استصحاب ايله
 (طرنوى) نك ضبطنه عزيمت ايتدى و آرزمان اچنده اورا يي ده
 تسخير ايلد كدن صكره شمزيه توجه ايلدى . شمنى خاق ايسه
 پراوادى و طرنوه وقعهرلى اوزرينه مقاومتدن عاجز لر نى لايقيه
 آكلامشر ايدى . صدراعظمى بر ايكي قوناقلق يردن استقبال
 ايده رك امان طلب ايلديلر .

او ائتاده ايسه پادشاه روم ايلي يه چكش اولديغندن
 صدراعظم بر آراق ادرنه يه كمش و طاوسلى و نيكبولى ظرفلر يك
 فتحنه مأمور اوله رق بنه بلغارستانه كيتمش ايدى . طاوسلينك
 ضبطى قولايلقاه قابل اولدى . فقط نيكبولى بك متين اولديغندن

لایق اولدینی درجه نك فوقنده بر اهمیت ویرمدی ، متین بر قلبه ، سلیم بر عقله مالک اولان اصحاب اقتدارك شانندن اولدینی وجهله بوحادثه یه قارشى تأسف یرینه دشمنندن اخذ انتقام ایچون لازم کلن اسبابك تدارکنه صرف افکار ایتدی . امراسنه معینده کی عسکرله یکدینهر محراسنه کلمه لری ایچون فرمانلر کوندردیکی کبی اطاعتده اولان اسلام وخرستیان ماوکننده دعوتنامه لر ارسال ایلدی . بودعوتنامه لر دن مرادی ، اوزمانه قدر صرب و بوسنه قرالریله اتفاقنی اعلان ایتمه مش اولان بلغارستان قرالی سزمانك نه حرکته بولنه جغنی آ کلامق ایلدی .

عثمانلی عسکرینی دفعه اوزرینه دعوت ایتمه ك ایچون اوزمانه قدر پادشاهك عهدندن آیرماهش کبی کورینن سزمان فعلاً برمسلك اختیارینه اجبار ایدیلنجه چاره سز رفع نقاب ایدهرك دعوت پادشاهی یه اجابت ایتدی . دو اتله عقد ایتدیکی مصالحه ایسه امر اولدینی وقت خدمته کلك شرطنه مبتنی بولندیغندن بو استنکافیله بالطبع نقض عهد ایلش اولدی . بناء تلیه خداوندکار اول امرده او دشمن دوست نمانك تنکیانی اتزام ایدرك ۷۹۰ سنه سی بهارنده صدر اعظم علی پاشایی اوتوز بیک کشیاك بر اردو ایله بلغارستانه مأمور ایتشدی . پاشا کلیولی معبرندن روم ایل یه کذار ایله عصرک اك مقتدر قهرمانانندن اولان تیمور طاش پاشا زاده یخشی بکی بش بیک دلاور ایله طلیعه سنه تعیین ایدهرك (پراوادی) نك ضبطنه سوق ایلدی . ذاتاً یخشی بك ایچون محاصره ایله اشتغالی

اعتماد ایتیمی سلطان مراد ایچون بر درس انتباه عد اولنمش اوله بیلیر .

شوراسی محققدرکه خداوندکار بومغلوبیته قطعاً اهمیت ویرمه مش وبروسه یکیشهری اوواسنده مصمم اولان سور سروینک اجراسنی بیاه تأخیر ایتهمش در . روم ایمراطوری یانی پالئولوغک بر کریمه سنی کندی تزوج ایلدیکی کبی دیگر بر کریمه سنی ده شهزاده بایزید ایله یعتوبه ترویج ایتدی ویلیدیرم بایزیدک اوچ شهزاده سنی ده سنت ایتدیردی . سلطان اورخان روم ایمراطوری قانته قوزنک کریمه سنی آلدینی زمان آلتمش اوچ یاشنه وارمشدی . عثمانلیارک مبادی ظهورلرنده بر مظهریتلری ده چوق یاشامق وشمیدیلرده عادتاً اختیارلرک منتهاسی عد اولنان التمش یاشنه واردقلری صرده ینه کنج بولمق ایدی . بو حال . تلذذاتده افراطدن نه قدر مجانب وعه کرکک دیشتندن صحتجه ندرجه لرده مستفید اولدقلرینی کوستیر .

سلطان مرادک او مغلوبیته اهمیت ویرمه سنی جعلی برتجاددن عبارت دکلدی . چونکه او یله متأسف اولدینی وقت دوکونلر یاپه رق خلقی آلدانغه چالیشمق اخلاق عالیه سینه یاقیشماز ؛ وقعه نک حد ذاتنده اهمیتی اولسه ملنجه حاصل ایده جکی تأثیراته قارشنی دوکونله وقت کیرمک ده قطعاً شاننه دوشمن ، منفعتنه توافق ایتز . بر مصیبتی مصیبت اولدینی ایچون تحمیلندن زیاده اعظام ایتک ضعف قلب اعجابنه مخصوص صفتلر دندر ؛ پادشاهک حالی اوله تأثیرات خسیسه ایله اتصافدن مصون اولدیغندن وقعه یه

بکار بکی عنوانی ویرلدی . صکره لری تاریخ صحیفه لرنده صاریجه پاشا نامیله برده آناتولی بکار بکی پیدا اولدی . دیمک اولورکه لالا شاهینک تقاعدی اختیار ایتسی ، خدمتدن بتون بتون چکامسنی موجب اوایه جنی کبی آندن قالان عمومی بکار بکیله ده لغو ایدیلهرک آنک یرینه آناتولی ایچون آری ، روم ایلی ایچون آری برر بکار بکیله ایجاد ایدلمش واحتمال که پاشانک ایشدن چکامسنی مأموریتک لغو اولماسندن نشأت ایتمش در .

سلطان مرادک ، عسکرینک برنجی دفعه اوله رق وقوع بولان مغلوبیتی ادیان سائره اصحابنه اعتماددن حاصل اولمش بر مصیبت عد ایدهرک کسب انتباه ایلدیکنی بعض تاریخار بیان ایدر لر . حال بوکه بوفکر متعصبانهک وقعیه قابل تطبیق اوله جق هیچ بر جهتی یوقدر . خداوندکار اشقودره لیلری کندینه اولیا اتخاذ ایتهمش ایدی که خلاف شرع بر حرکتده بولمش اولسونده انتباه واستغفاره لزوم کورسون . بالکیز اشقودره بکنی استخدام ایتمش ایدی ؛ بو استخدامک شرعاً جوازی ایسه شبهه کتورور حالردن دکادر . فرمانیلر علیهنه صرپیلاری استخدامدن چکنمیه چک قدر فکر تعصبن بری اولان اوپله بر عصرده اشقودره بکنک بوسنه قرالی علیهنه استخدامی مجازات معنویه بی داعی بر جرم عد اولنه بیلمک عقل قبول ایدیه بیله چک تصور لر دمیدر ؟ اولسه اولسه مخالفت مذهبه دن زیاده الحای مغلوبیتله دولتک اعدای طبیعه مسندن اولق لازم کلن بر آدمه

اوله جغندن و محاربه ده تیمور طاش پاشانک بولنمی لای
 کله جکندن بحث ایدر . فی الحقیقه لالا شاهین بکلیک
 چکلمش و تیمور طاش پاشا روم ایلی بکلیک بکی نصب اولمش ایلی
 آندن صکره ایکی دفعه ارناودلق و بوسنه طرفلرینه کیدن
 تیمور طاش پاشا ایلی ؛ او جهنترله بو محاربه ده تیمور طاش
 بولنمی یاقیشق آلیر و هله صحائف الاخبارک دیدیکی کبی لالا
 شاهینک برقاچ سنه اول وفات ایلیدیکی ثابت اولسه او حال
 تاج التواریخ ایله آکا تابع اولان مؤرخلرک بکلیک علاقه سنند
 منبع برسه و اتباعاً تیمور طاش پاشا یرینه لالا شاهین پاشا
 یازمش اوللرینه حکم ایله بیلردی . فقط لالا شاهینک
 او تاریخدن اول وفات ایلیدیکی دکل ، بالعکس او تاریخده صاع
 اولدیغی ثابتدر . نئیری بوذاتک بوسنه انهزامندن برسنه صکر
 وفات ایلیدیکنی بیان ایدرسده اوده صحیح دکلدر . چونکه
 قوسوه محاربه سنه دائر اولان فتحنامه ده شهزاده بایزید ایله برابر
 صاع جناحده بولنان امرا ایچنده لالا شاهینک ده نامی مذکوردر
 سلطان مرادک شهادته قدر حیاته بولندیغنی اثبات ایدر .
 بوحالده بوسنه سفیرنی تیمور طاش پاشایه عطف اتمک محل
 قالمز .

جای دقتدرکه لالا شاهین پاشانک اختیار تقاعد ایلیدیکی
 ثابت اولقله برابر تیمور طاش پاشایه توجیه اولنان اولنان
 خدمتده آنک بکلیک بکلیکنه بکزه میور . چونکه لالا شاهین
 علی الاطلاق بکلیک بکی ای ، تیمور طاش ایسه حصراً روم ایلی

ایسهده او زمانه قدر رجعت دینیان حالی یالکز دشمننده کورهش، قارشینه طوراناری صایغه آلماش اولان عثمانلی قهرماناری بو تدبیره اتباعی بردلو ناموسارینه توفیق ایدهمدیلر وحو اولغی غوغانز رجعته ترجیح ایتدیلر، اوتوز بیک کشی، قارشى فداکارانه بر جنک داستانی به کیرشدیلر! عموم مقدارلرینک اوچ مثلی دشمن تلف ایتدیلر، ایچلرنده مجروح اولماق آدم قالمینجه، قدر چالشدیلر، نهایت چاره سز سردارلرینک رأینه اتباع ایله طاغ یوللرینی طوتدیلر. دشمن یارهلی آرسلان آوینه چیقار کبی بوقیه شهدای تعقیبه جسارت ایدهمدیکندن لالا شاهین بر درت یوز قدر مجروح ایله او ورطه دن خلاص اولدی. ذخیره جمعنه، مال اغتنامه طاعیلان اون سکز بیک آقنچینک یالکز بش بیکی خلاص اولهرق قصوری اتلاف ایدلی.

خرستیانلق عالنه قارشى ۶۷۷ تاریخنده سلسیف جهاد ایدن عثمانلیر یوز سنه دن زیاده امتحان جلادت میدانندن ایرلماقاری حاده یالکز ۷۸۹ تاریخنده وقوع بولان بو محاربهده برنجی دفعه اولهرق بو انهمه اوغرادیلر. آندهده غوغانی غائب ایتدیلر سه شان عسکری بی غائب ایتدیلر. دنیا ده بشقه بر منت کوستریله مزکه مظفریاتی هیچ بر عارضه یه اوغرامق سزین بوقدر استمرار ایتمش اولسون.

بحائف الاخبار، لالا شاهینک بر قاچ سنه اول وفات ایتدیکی جهتله تاج التواریخنده بو وتعه نک آکا اسنادی سهودن منبعث

حکمدار لرینی اتقانه دعوت ایدرک عثمانلیاره قارشى قوتلی برهيات عداوت وجوده کتوردی . او زمانه قدر دولتک ایماننده بولنان اشمودره بکی یالکیز دشمنارک اتقانه دخول ایله قناعت ایتدی ؛ نقض عهده آلتجه برده خیانت علاوه ایدرک صرب وبوسنه حکومتارینک اتقانی دوستلق طرزنده پادشاهه اخبارایله برابر دشمنک بوسنه طرفندن اورلمی اتقائک فسخنی موجب اوله جغنی واورایه عسکر سوق اولور ایسه کنیدی قولاغوزلغه بالا فتخار حاضر بولندیغنی بیان ایلدی .

دولتجه بو آدمک قوله ایشاندلی ، لالا شاهین یکرمی بیک آقنجی ایله بوسنهیه سوق اولندی ؛ اشمودره بکی ده براز عسکرله آقجیلره التحاق ایتدی . بو فرقه بوسنه حدودینه کیروب ده اطرافى دشمندن خالی بولنجه ذخیره جمعنه واغتنام امواله طاغلدیلر . لالا شاهینک یاننده بر ایکی بیک وبر روایته کوره بیک سواری قالمشدی که اشمودره بکنک کوندردیکی خبر اوزرینه اوتوز بیک کشیدن مرکب اولان خرستیان اردوسنک آایلری قارشیدن کورنمکه باشلادی . اشموده بکی ده عسکریله برابر اسلام اردوسندن آریله رق خرستیانلره التحاق ایلدی .

لالا شاهین بو قدر کثرتلی بر دشمنله محاربه، محو اولمقدن بشقه نتیجه ویرمیه جکنی وطاق یوللرینی طوبانلرسه کندیلرینی مدافعه ایده ایده خلاص اولمق قابل اوله جغنی عسکره تفهیمه چالشدی



حضرت پادشاه آناطولی حدودینی بو صورتله ممکن اوله بیلهدیکی قدر بر امنیته ربط ایدر ایتمز روم ایلی طرفنده بر مسئله ظهور ایتمکه باشلادی . تاریخلرک روایتله کوره سلطان مراد قونیه اوزرینه کیتدیکی صرهده هر کیم اهالینک مالنه تعرض ایدر ایسه اعدام اولنه جفنی عموم عسکره اعلان ایتمشدی؛ رفاقتنده بولنسان صربلیلرک بر قاجی بو امرک خلافنه اوله رق غارتکر لکه جسارت ایلدکلرندن اعدام اولندیلر .

اردوسنک اداره سنده بولنسان بر پادشاهک دکل حتی عادی بر قوماندانک امرینه مخالفت ایدن عسکر اعدام اولنق هر زمان مرعی اولان قواعد کلیه حریبه دن اولدینی حالده صرب قرالی معاونته کوندردیکی عسکر دن اوچ بش کشینک کوردیکی جزایی وسیله حرب اتخاذا ایلدی . چونکه وقعه اهالینک تعصبنی تحریکه مساعد ایلدی : صرب حکومتی ، بر قاج حیدودک نتیجه افعالی اوله رق اوغمرادینی شدتی بشقه شکلرله افراغ ایلدی ، بو آدم لمرک جانلرینی مخاطره یه قویهرق عثمانلیلره معاونت ایتمکه اولدقلری حالده خرسستیان بولندقلری ایچون اوافق بر بهانه ایله اولدیرلدکلرینی اعلان ایتدی ، هر کسی غیرت انتقامه دوشوردی . محافظه ملک و حمایه دین داعیه سیله بلغارستان وبوسنه و آرنانودلق

شروع اولان بحریده استخدام اولنه جق عسکرک ملل غیر
 مسلمه دن بولمسنه هانکی قاعده یه کوره تعریض اولنه بیلیر ؟
 سلطان مرادک بویله بر جواز شرعیدن استفاده ایتسی ایسه
 صربک ایکی بیک عسکرینه احتیاجندن اولدینی جای بوٹ
 دکلدرد. شبه یوقدرکه صکره لری اولدینی کبی دولت و مملکت
 اغورینه نه قدر فدا کارلق لازم ایسه کافه سنی مذهبداشارینه
 حصر ایدهرک اقوام سائر نک مستفید اولدینی حتموق و منافعی ده
 اسلام قانیله مدافعه ایتکی اسلام ایچون مضر کورردی . او جهته
 خرستیانلرک طوغریدن طوغری یه کندی اداره سنه تابع
 اولانلرندن دوشر مه اصولیه استفاده ایلدیکی کبی عهدنده بولنان
 خرستیان حکومتلرندن ده معاون صورتیه عسکر آلمق ایسته دی .
 بو حکومتلرک دولته قلبی بر ارتباط ، وطن عمومی خدمتنه
 خالصانه بر تمایل حاصل ایده بیلمه لری ایسه ، کندیلرینی محاربه یه
 کوتورمک مجرد اقوام غیر مسلمه نی بر برینه قیردیر مق ایچون
 اختیار اولمش بر تدبیر اولمادیغنی کوسترمکه متوقف ایدی .
 بناءً علیه شرعاً حرب ایله تشکیللری اقتضا ایدن اسلام اوزرینه
 کیتدیکی زمان خرستیانلردن عسکر استخدامنده تردد ایتدی .
 مجرد دولت اسلامیه نک تقویه واعزازی ایچون اختیار
 اولمش بویله بر تدبیره تعریض ایتک حکمت شرعیه دن غفلت
 دیگدر .



اوغراتمه فرصت بين اولدقلارنده شبهه اولنهماز ؛ فقط بوزارك اوزرينه وارلمق ايستلسه قواى دولتك بر چوغنى بر چوق زمانلر آناطولیده اشغال ايتك لازم كليردى ؛ او حالده ايسه آناطولى حدودى تايمين ايدلك آرزوسيه مسلمانلق و عثمانليق ايجون اصل جاي خطر اولان روم ايلي حدودى هر درلو تعرضاته آچيق بر اقلمش اولوردى .

دها تو صوه محاربه سي وقوع بولماش و بناء تليه جوارده بولنان خرستيان حكومتارى عثمانليارك غلبه مطلقه سنه اعتماد حاصل ايدوبده دائره احتياط و تدافعه چكلماش ايكن آناطولى طرفارنده توسيع حدود ايجون روم ايلیده لازم اولان قوتك بر چوغنى برى طرفده حبس ايلك موافق حكمت اوله مازدى .

قونيه سفرينك تاريخجه محاكمه يه محتاج بر جهتي ده قرمان اوغلى اسلام ايكن پادشاهك بو آدمى تايديه كتورديكى عسكرده صربايردن بر فرقه خرستيان بولمق مسئله سي در . واقعا شو- عصر ترقيده خداوندكارك بويله بر حركتنى تقبيح ايدجك ارباب تعصب پك چوق بولنور ؛ فقط او دور ، ايجنده بولنديغمز زمان كي بر عصر ترقى دكل ايسه بر دور تعصب هيچ دكل ايدى ؛ آنك ايجون علاماسنده ، جهلاسنده ، خواصنده ، عوامنده پادشاهك بو فعلنه تعريض ايدجك كيمسه بولمادى . ذاتا قرمان اوغلك حكم پادشاهيده بولنان اسلام مملكتلرينه تعرض جهتيه قهر و تنكيينه فتوى آلمشدى .

(نئمری) امرانك پادشاهه بویاه بر تکلیفی تسکه بکنک
 ملکنی ضبط ایتمک ایچون وقوع بولدیغنی بیان ایدر . هامرده
 پادشاهک جوابنده بعض مملکتلرک اسمی مذکور اولدیغنی
 و اویرلر ایسه تسکه بکنک تصرفنده بولندیغنی مدار تسک
 عد ایله نسرینک روایتنی قبول ایلر . حالبوکه سلطان مراد ایله
 قرمان اوغلی بیننده ماده نزع اولان یرلر تسکه بکندن آلماسنه
 نظراً آنک محرک فساد اولسی و پادشاهک جوابنده تسکه بکنه
 متعلق یرلردن بحث اولنسی محتملات معقوله دن دکلدیر .

عجبا بو تدبیر طوغری برشیمی ایدی ؟ دولت علیه نك دائماً
 بو قدر ترقی و توسعی میدانده اولسنه و حتی روم ایلیده بولنان
 خرسیتیان جمعیتلرینک بیاه اوهر فیض استیلايه التحاقدن
 قورتیاه مامسنه نظراً ملوک طوائف ایچون دولتلرینک بقاسنی
 امید ایتمک و فرصت بولنجه ملکه تعرض ایتمه ک احتمالی
 وار میدی ؟ یوق ایسه بو کوچک کوچک حکومتلری تأمین
 و ترهیب ایله اداره ایتمکدن ایسه بتون بتون محو ایدیوروبده
 هم دائماً مناسبتسزلاک چیقارمغه منتظر برطاقم کیزلی دشمنلردن
 قورتلق ، همده ترك جنسندن اولان بر چوق اهالی بی عثمانلی
 عنصرینه الحاق ایله تزید قوت ایلك دهامناسب دکلی ایدی ؟

بزه قالیرسه او زمانک اک صحیح اک مکمل بر پولتیقه سی
 سلطان مرادک اتحاد ایتدیکی طرز اداره ایدی . واقعا ملوک
 طوائفک ، بقای دولتلردن مأیوس و بناء علیه عثمانلیلری بر بلایه

خصوصت حالنده براقق لازم کلیردی . هله قرمانلیلرک ملکینی
 بقیص ایتمکله قوتی تنقیص ایتمک قابل دکل ایدی . چونکه
 بیوک قوتلری اطرافده عشایردن یغما وعدیله طوبلادیغی
 شراندن عبارت اولدیغی بو محاربهده ثابت اولدی . طبیعیدرکه
 ملکینه قدر آزالسه بونلری جمع ایده بیللمکدن عاجز اولمسنه
 بول اوله مازدی . اوجهته علی بکه ، یالکزجه سطوت عثمانیه یه
 رنه یایسه فارشی طورهمایه جغنی کوسترمکله اکتفا اولندی
 کندیسنی عثمای بصیرته دوچار ایده جک بر طاقم امراض
 نسانیه دن ممکن مرتبه تخلیص ایده رک احتیاطکارانه حرکت
 تدیرمک ایچون غالبیته برده احسان و عنایت علاوه سی بر مناسب
 بیر عد ایددی . بو حرکتی مجبوری صورتنده کوسترمه مک
 چون ایسه آرده موجود اولان قرابت پک کوزل پک مقبول
 بهانه ایدی .

قونیه دن عودت اولنورکن بعض امرا حمید اوغلی حسین
 کک صاندیغی یرک قرمان اوغلی تسلیط ایله بو محاربه نك ظهورینه
 ب اولدیغنی بیان ایده رک ملکلی لندن آلمسنی اخطار ایتمه لری
 زرینه سلطان مرادک ، « حمید اوغلنک ملکندن مهم اولان
 لر ذاتاً آلمشیدی ، النده آزرشی قالدی . آندی ده آلمق مرؤته
 یق دکلدر . قرمان اوغلی وقعه سی اکا درس انتباه اولور » یولنده
 واپ ویردیکنی خواجه تاریخی یازارکه بو وقعه ده پادشاهک
 ناطولی طرفلرنده کی تدابیر سیاسی طوائف ملوکی توحیش
 نهمک اساسی اوزرینه مبتنی بولندیغنی کوسترر .

محمّد لاتدیمر؟ البته دکلدر . سلطان مراد کندی نظرندہ
الجات حکومتہ قارشى اولاد محبتك نه قدر حکمی اولہ بیاه جکئی
ساوچی بك وقعه سنده تمامیه کوسترمش ایدی .

خداوندکار اگر اوافق بر منازعه دن طولانی آچدی
مخاربه نك نتیجه سنده دامادینك ملکنه طمع ایتمش اولسه ایدی
ضبط ممالکه پک بیوک بر حرص کوسترمش اولوردی . بوده
آناطولیده بولنان ملوک طوائفک عثمانلیردن امنیتنی سلب ایدردی .
آنلرک علیهمزه اتفافی ایسه آناطولیده کی ملکک مرطرفنی صارمش
بر دشمن هیئتئ تشکیل ایده جکندن بویله بر خصومتہ میدان
ویرمک دولت علیہنی خرسیتیانلرله مشغول اولدینی صروده
قرمانلیلرک وجودندن بیک قات زیاده مخاطره یه دوشورردی .
ایشته بزه قالیرسه سلطان مرادک قرمانی ینه صاحبک النده ابقا
ایتمسه سبب ، سائر ملوک طوائفی توحیش ایتمه مک مطالعه سنندن
عبارتدر .

پادشاه قرمان اوغلنک ملکندن برازیر اخذ ایدهرک قوتئ
تقیص ایده بیلیردی . فقط بو صورتندن ده فائده یرینه مضرت
حصولی مقرر ایدی ، چونکه حمید اوغلی حسین بکدن مبايعه
طریقيله یر آلمسی اره یه برقرمان مسئله سی چیقارمش ایکن قره مان
اوغلندن ده آرده موجود اولان قرابتيله برابر یر آلنور ایسه
ینه ملوک طوائفی توحیش مخاطره سی موجود ایدی . بوندن بشقه
علی بکی تلافی مافات وحرص انتقام ایله دولته اولکنندن زیاده

بشقه برده وزير رتبه سيلاه نلطيف ايلدى كه روم ايلي بكار بلكيايه وزارت اولابو زاتده اجتماع ايتمشدى .

سلطان مراد غلبه سنك ثمراتنى اقتطاف ايچون قونيه قلعه سنك محاصره سنه قيام ايلشدى . على بك تشبثات واقعه نك شدت وجديتنه باقهرق از زمان ايچنده مملكت نك ده كنديسنك ده عثمانلى پنجه سنه دوشه جكنى آ كلاينجه صوك تدبيرينه مراجعتله حرمى اولان كريمه پادشاهى نفيه سلطانى توسط ايدى رك استدعاى عفو و امان ايلدى واستدعاى قبول اولنهرق يواج وقره اغاج طرفلر نده ضبط ايلديكى يرلر مأمورين پادشاهى يه تسليم اولنمق شرطيله مملكتى ينه يدنده ابقا اولندى .

تاريخلر ك روايتنه وفتحنامه نك روشنه باقيلير اينه بو عفو ك سببى سلطان مراد ك كريمه سنه محبتى وحق قرابته زعاتى اوليور . بوسيلار حقيقت حالده سلطان مراد كى نفسى وظيفه سلطنته اسير ايلش برپادشاه ايچون بو قدر مهم بر مسئله ده مسلك حركت تعييننه كافى اوله ماز . قرمان اوغلى دولت عثمانيه نى خروستيانلر ايله اوغراشيركن آرقه طرفندن تضيق ايله مخاطره يه القيا ايدى بيه جك بر موقعه بولنديغندن وسياسياتجه هر درلو اخلاقدرلنى ارتكاب ايدى جكى ده دلائل متعدده ايله ثابت اولديغندن محاربه دن اول عرض ايتديكى استيمان عمومك اتفاقيله رد اولنمش ايكن اردوده بو قدر قانار دوكلدكدن صكره يالكزجه پادشاهك شفقت پدرانه سى بو استيمانك قبولنه سبب اوله بيلمك

اولدیغنه و عزب صنفك نهمان ظهور ایتدیکنه دأر تاریخارده برسوز کورلوز . مع مافیة ماهیتی بالاده بیسان اولنان بوصنفك یکیکچری و سپاهی طاقنك تقرریله برابر میدانه چیقمش اولسی طبیعیدر . عزب عنوانی صکرلری ، اوتده بریده کنزن ایشسزلردن طوبلانیاهرک کیماره ویریان تفکجیارده اطلاق اولنوردی . زمان ظهورده اولان اصل عزبلر ایسه حضرده ایشلری ایله مشغول اولورلر ، سفرده یالکزر غنیمت وامرانك ویردیکی احسان ایله قناعت ایدرک یمکدن بشته هیچ برنام ایله خزینهیه بار اولمازلر ایدی . بونکله برابر منتظم عساکرک انضباطنه تابع اولدقارندن همان هر محاربهده ذکر خیرلینه تصادف اولنهجق قدر دولته خدمتار ایتدیلر . اوجاقلیلرکی بعض مفاصدک ایفا و برطاقم محاسنك ازالسنده منفعت شخصیهلری اولدیغندن هیچ برفساده قارشما دیلر . بوجهته دولتک اولکی صنوف عسکریهسی ایچنده بوزلردن فائدهلی ، بوزلردن مضرتدر بفرقه کورله مشدر . مع مافیة فائدهلری یکیکچریلرک نظامانه تابعیتله قائم ایدی . اساساً عساکر معاونه ایدیلر ، یالکزر آنارله برایش کورمک قابل اوله مازدی .

خداوندکار غازی بوغلبه عظیمهیی استحصال ایلدکدن صکره امراسنی و عسکرینی تلطیف واحساننه مستغرق ایدرک غنیمتدن کندی حصهسنی سبب غالبیت اولدیغی ایچون ییلدیرم بایزیده و علی بکک میدانده برقدیغی اشیاییده کندی قزاره اجبار ایدن تیمور طاش پاشایه احسان ایلدی . تیمور طاش پاشای بواحساندن

عسکريني جمع واداردهن عاجز قاله رق برقاچ کشی ایله قونیه یه جان آغمش در.

سلطان عثمان عصرنده چاودار تاتارينک تنکيلي تادیب اشقيا قیلندن اولدیغی کبی اورخان دورنده قره سی ، مراد عصرنده انقره صلحاً تسخیر اولندیغنه نظراً عثمانلیرک اسلام ایله برنجی محاربه سی بو قونیه غوغاسیدر که سبب اولان علی بک الی الابد نفرت ایله یاد اولنسه شایسته در . بو محاربه دولت علیه ده اوزمانه قدر ایدیلن میدان غوغالریک ده اک بیوکیدر . ده ها خرستیان حکومتریک هیج بری عثمانلیره قارشى قرمان حکومتی قدر برقوت ابراز ایدمه مش ایدی . ایلریده برچوق مآثر جلا دتلی کوریه جک اولان صاروجه پاشا و فیروز بک و مستجاب بک والیاس بک و فرنگ خواجه بکک ناماری ابتدا بومعرکده یشیدلیکی کبی صدر اعظم چاندارلی علی پاشانک خدمات کشور . کیرانه سی ده بومعرکده ابتدا ایتشدر . بناء علیه قونیه محاربه سی ، دولت علیه نک کرک آناتولی پولتیقه سنجه و کرک وقایع عسکریه سنجه اهمیت مخصوصه بی حاز کورینور .

«عزب» عسکرینک نامی ده اولا بو محاربه ده ظهور ایدییور . عزب لغتده بیکار معناسنه اوله رق عثمانلی اردولرینه کوکلی کلن لاقم بو عنوان ایله یاد اولنوردی . اوائلده اولان انتظام پرورک بسه بو کوکلیلیری ده بوش براقغه مانع اولدیغی ایچون سواری بسلر سپاهیلره ، پیاده ایسلر یکیچریلره ترفیق اولنهرق نظاملرینه تابع طوتیلورلردی . بو ترتیب کیمک تأسیساتندن

ابتدا محاربه‌ی صدر اعظم علی پاشا کشاد ایتمش و دشمنک
 طلیعه‌سی بوزلدقدن صکره صاغ جناحی یرندن حرکت ایدرک
 علی پاشا آنرله اوغراشمغه باشلاینججه عثمانلیلرک صول جناحدن
 شهزاده بایزیده آت سورمشدی. شهزاده امکانک فوقه چیقاجق
 درجه‌ده صولنلر کوستردیکی حالده ینه تانارلرک ثباتی تیمور طاش
 پاشانی ده میدان حربه کیرمکه تحریک ایتمشدر. تیمور طاشک معرکه‌یه
 ورودی اوزرینه بایزید، مساعی قهرمانیسنی بر حده ابلاغ ایتمدی که
 یازواغیاری مفتون و حیران ایلمدی.

شهزاده‌نک، تیمور طاشک معیتلرنده کی امرا و افرادک اقدامات
 فداکارانه‌لیله قرمانلیلرک صاغ جناحدنه اولان تانارلر طاغلمغه
 باشلادی؛ بری طرفدن صاروجه پاشا ایسه طورغود و ترکان
 قبیله‌لرینی او قدر بیوک بر همهته محتاج اولمقسزین پریشان ایلمدی.
 علی بک ایکی جناحک منہزم اولدیغنی کورنجه صوک امید
 اولق اوزره قرمان عسکرلیه قلبده بولنان یکیچری وقپو خلقی
 اوزرینه بر شدتلی هجوم کوستردی. فقط شهزاده بایزید دشمنک
 صول جناحنی تعقیب و محو ایتمک وظیفه‌سنی میتمنده کی امرایه ترک
 ایدرک کندی بر مقدار دلاورله قلب طرفنه یتشدی؛ قرمانلیلری
 دها یکیچری وقپو خلقلیه چارپشمغه میدان بولمقسزین مضمحل
 و پریشان ایلمدی.

علی بک عسکرینک بر مقدارلیه منتظمجه بر رجعت اجرا سیله
 اردوسنی طوپلایه بیله جک بر مناسب موقع طومغه چالیشورکن
 تیمور طاش فرقه‌سنک اوزرینه دو شمش و پاشانک مهاجمات متوالیه سیله

۷۸۸ سنه سی شوالک یکرمی بشنچی چهارشنبه کونی
 تونیه صحرا سنده فریقین تقابل ایلدی . پادشاه یکچیری وسائر
 قپو خاق ابله قلبده طوردرق آنطولی بکاربکی صاروجه پاشا
 وطورجه بلبانک والیاس بک ومستجاب بکی معیتارنده بولنان
 عسکرله شهزاده یعقوبک اداره عمومیهسی تحتنده اولهرق صاغ
 جناحه وفیروز بک وفرنگ خواجه بک ومعیتارنده بولنان
 عسکرله صرپ سوازیسنده شهزاده بایزیدک اداره عمومیهسی
 آلتنده اولمق اوزره صول جناحه تعیین ایتدی . صدراعظم
 علی پاشایی طلیعهیه روم ایلی بکلربکی تیمور طاش پاشایی ده آغرانی
 محافظه ایتک وحين حاجتده جناحینه امداد ایلك اوزره ساقهیه
 مأموز ایتدی .

علی بک ایسه صاغ جناحنه ذیرک بک معیتیه وارسان وتانار
 قبیله لرینی وصول جناحنه صمفاد بک معیتیه صمفاد ویا بورد
 وطورغودلو وسائر ترکان قبیله لرینی تعبیه ایدرک کندیسیده
 قرمان عسکر یله قلبده قرار ایتشدی .

حاربه نك تفصیلاتی، مأخذ اولان تاریخلرک هربری بر بشقه
 یولده تعرف ایتمش و پادشاهک سلطان احمد جلایرییه کوندردیکی
 نتهخنامه سی ایسهدها بشقه بر صورتده بیان ایلش ایسهده آرده کی
 اختلاف، هر برینک وقعنه نك برجهتی تفصیل و دیگر جهتی اختصار
 ایتسندن عبارتدر . بو افادانک بر برینه تطبیقندن ایسه زیرده کی
 خلاصه چیقاریله بیایر :

شرفنده نائل ايدلديكى حالده بلا سبب اختيار ايتديكى تجاوزه نظر آعهدينه ، پمانه اعتماد جائ اوليه جغنى وهله سلطنت سنيه اكثر زمانلر شمال طرفلرنده غزا ايله مشغول اولديغندن ملكك جهت جنوبيه سنى بويله فرصت دشمنى بر خائك تجاوزاتنه آچيق بر اقمق بتون بتون خلاف احتياط اوله جغنى بيان ايلدى . پادشاهك فكري ذاناً قرمان اوغلى تاديب جهتنه مائل اولدينى كجى امراده ده مصالحيه خيرلى كورن فرد آفريده يوق ايدى . بناءً عليه تكليفك قطعياً ردينه قرار و يرلدى و اياچي حضور پادشاهي : جلب اولنه رق « قرمان اوغلك رعایت خاطر نده بو طرفدن اهال ايدله مشدى ، نه يابلدى ايسه فائده اتمدى . بشقه طرفلرنده بولنديغمزى فرصت عد ايلدى ، مملكتتمزه تعرض ايتدى . بوندن صكره عهد و يمينه اعتماد قلملدى ، دفع مضرتنه قرار و يرلدى » يولو بعض تيليغاتدن صكره عودتنه رخصت و يرلدى . سلطان مراد بو عزم قطعى اوزرينه ۷۸۸ سنه سى رمضانك و اخرنده آنطولى قضاتنه اصدان ايتديكى بر فرمان ايله قرمان اوغلكه حرب آچديغنى اعلان ايلدى ، قوه موجوده سيله تونيه اوزرينه يوريدى .

على بك حربيه ضرورت كورنديكنى آكلاينجه كاركذارانه برچوق تدبيرلره تشبث اتمش و كندى قوتندن بشقه طور غودلى و بايوردلو و وارسان و سائر بر طاقم تركان و اتاتار قبائلندن استمداد ايدرك پادشاهك عسكرينه مقدار جه فائق بر اردو ترتيبنه موفق اولمش ايدى .

ایلدی . هر طرفدن فرقه فرقه کلن عسکرلر آناطولیده اجتماعه باشلادیلر تیمور طاش پاشا رفاقتنده کی روم ایلی دلاولرینک آره سنده ایکی بیگ کشیدن مرکب برده صرب آلایلی وار ایدی .

خداوندکازک، اس الحركات اتخاذا ایلدیکی کوتاهیله ده بولندینی صرعه ایدی که قرمان اوغلی طرفدن رجای صلح ایچون بر سفیر ورود ایلدی . علی بکک بوندن مرادی ایسه پکده امیدوار اولمادینی مصالحه یه بر چاره تحریسندن زیاده پادشاهک داندنه نه قدر عسکر اجتماع ایتدیکنی او کریمک ایدی . هانمر بوسفیرک ورودینی، مصر سلطانتندن کلن ایلچی اوزرینه قرمان اوغلنک او طرفدن ده بر حرب ظهور ایدوب ده ایکی آتش آره سنده قالمقندن خوفنه اسنادایدیر . حال بوکه مصر حکومتنک، عثمانلیلردن احترازی و قرمانلیلری تحریکی نه قدر عقله بعیدایسه عثمانلیلرک خاطر ایچون قرمان اوزرینه سفر آچمی ده او قدر احتمالدن خار جدر . چونکه مصر حکومتنک قرمانلیلری بزه اذیرمکده هیچ بر فائده سی یوق ایدی .

سلطان مراد سفیرک ورودی مناسبتیه ارکان دولتی حضورینه جمع ایدهرک بیوک بر مجلس عقد ایلدی ، سفیرک کتوردیکی استیمان خبرلری اوزرینه ایدیه جک حرکت حقنده هر کسک زاینی سؤال ایتدی .

جمله دن اول صدراعظم علی پاشا، قرمان اوغلنک شمدی یه قدر انواع مسامحانه مظهر اولدیغی ونهایت قرابت پادشاهی

ایش و بونده « حمید حاکمی حسین بک یلواج و قره اغاج کویلرندن
 بمضیلرینی بو جانبه بیع ایلشدی ، اونواچینک باقیسنی ده بک-
 شهری و سیدی شهری ایله برابر طرف شاهانه لرینه فروخت ایلدی؛
 حال بوکه حضرت خداوندکارک مأمورلری و خصوصیه محمود بک
 بو جانبک املا کننده تصرف ایتدیلر . هر نه قدر اورالرک ضبطی
 ایچون خبر کوندردک ایسه ده قبول ایتدیلر . عاقبت ایش بر اوفاق
 نزاعه منجر اولدی . شمدی فتنه یی اعظام ایدهرک خلاف واقع
 عرضلریله دریای غیرتی تموجه کتوریورلر . نه دیلم حال بزم
 دیدیکمز وجه اوزره در اما اکر آرده ده بعض اموال ضایع اولمش
 ایسه بدانی احبابنه و یرمکی قبول ایدرز تا که بیوک بر فتنه حاصل
 اولسون « یولوا اداره لسان ایلشدی . نامه دنده آچیقدن آچیغه
 آکلاشله یینی اوزره علی بکک مرادی بعض اشخاصک ضایعاتی
 تضمین ایله پادشاهی اقناع ایدهرک حمید اوغلندن آلنان یرلرک بر طاقنی
 ذاتا کندی اشترا ایتمش اولدینی ادعاسنی قبول ایتدیرمک و بو
 صورته برازیر قزانق ایدی .

خداوندکار غازی او غدارک طوروب طوروبده آرده بر
 قرابت پیدا اولدقدن صکره ممالک پادشاهی به تعرض ایلسندن و اعتدازه
 بدل بو تعرضه برده تزویر قارشیدیرمسندن طولانی فوق الغایه
 غضبنک اوله رق دامادینک قلبندن مروته ، نصیحتله ، تهدید ایله ازاله
 ایدهمدیکی حرص و حدتی سلاح اوجیله چیقارمغه قطعاً عنزم
 ایتدی ، امراسنه قونیه اوزرینه یوریمک ایچون امرلر اعطا

او اثناده زدهایونہ انواع ہدایا ایلہ بر سفیری گلش وکتیردیکی نامہدہ ایسہ پادشاہ حتمندہ «سلطان الغزاة و المنجاہدین» عنوانی کبی تعظیمی سوزلر و «یالیتنی کنت معہ وافوز فوزاً عظیماً» عبارہسی کبی متحسرانہ تمنیار موجود اولہرق خداوندکارغزینک مصرجہ مظهر اولدینی حرمت و ممدوحیتی اثبات ایلشدی .

بزه قالورسہ قرمان اوغلنک بو جرأتہ سبب پادشاہ ایلہ حاصل ایتدیکی قرابتدن بشقہ برشی دکلدر . مقصدی حرمنہ جہاز اولارق ویریلن یرلرک اطرافندہ تصرف ایتک ایدی ، براز عسکر سوقیہ اورالری ضبط ایتدی . ایشی محاربهسز کچیرر ویاخود محاربهده غلبہ ایدہیلور ایسہ ممکن اولدینی قدر یرقزائمق ، مغلوب اولور ایسہ حرمنک سایمسندہ عفو پادشاہیہ نائل اولمق ، پولتیقہسینک اساسی ایدی . مصلحتک صورت جزیانی بو حقیقتی تمامیہ میدانہ قویمقدہدر .

دامادینک کندی ملکنہ تعرضنی پادشاہ ، سیدی شہرندہ والی اولان محمود بکک اشعارندن اوکرمشدی . بکک عرضندہ بک شہری و سیدی شہری و یلواج و قرہ اغاج ایلہ توابع ولوا حقنی قرہمان اوغلنک غارت ایتدیردیکی و محمود بک طرفسندن ایضاحات طلی ایچون کوندریان آدملرہ « اورالری خداوندکاردن اول بز حمید اوغلندن آلمشدق » یوللو مقابله ایلدیکی بیان اولنمش و آرہدہ اوفاجق بردہ محاربه وقوع بولدینی حکایہ ایدلمشدر . علی بک ایسہ وقعہنی متعاقب حضور پادشاہیہ بر نامہ ارسال

بوروايتك صحتنه ايسه عتملاً احتمال ويريله مز ، چونكه
 اوزمانلر مصر ايله دولت عليهك حدودى بيننده برقاچ حكومت
 موجود اوله رق عثمانليردن مصره بر فنالق كله بيلمسك احتمالى
 يوق ايدى . دولت عليهك واصل اولدينى درجه اقبال ايسه پاك
 على وپاك پارلاق اولغله برابر دعا جهانكبرلكه استعدادكوستره جك
 درجهلره واصل اولدينى كى او عصر ك حكومتلر نده شمدى كى كى
 برقاچ يوزسنه صكره وقوع بوله بياه جك محظوراتك دفعيله اوغراشير
 دور انديشار موجود دكل ايدى . بوندن بشقه مصر حكومتنه
 اسناد اولنان حركتله او حركته كوستريلن سبب بريله متناسب
 دكلدر : مصر حكومتى همچون عثمانليرك شوكتنى كسر ايتك
 آرزو ايديله جه محاربه يى بالذات التزام ايدهر ك قرمان اوغلار يى
 كندينه معاون صورتده طوتمق لازم كليردى . چونكه نتيجه
 حربده هيچ بر طرفك قوتى مصر حكومتنه مضر اوله ميه جق
 صورتده بر مصالحه عقد ايده بيلمك ، مصر ليرك آرزو ايتدكلرى
 غلبه يى بالذات كنديارينك احراز ايتسنه توقف ايدردى . يوقسه
 ايكي دولت منفرداً محاربه ايتدكلرى حالده اكر عثمانلير غالب
 اولورلر ايسه قرمان ملكنى ده ضبط ايدهر ك بر قات دها تر ييد
 قوت ايده بيله جكلرندن وقرمانلير غلبه ايدر ايسه احراز ايتدكلرى
 شله ايله عثمانليردن دها قوتلى و مصره دها يقين بردولت اوله جقلرندن
 ايكي حالده مصر حكومتك ضررلى چيقمى طبيعى ايدى .
 مصر ملكسك قرمانليرى تحريك ايتمى شويله طورسون

روم ایلجہ بویہ فوق الغایہ بر موفقت حصولہ کلدیکی
 صرہده آناتولیده ینہ پادشاهی دلخون ایدہجک بر فاجہ
 حاضرانقدہ ایدی . سلطان مرادک قرمان اوغلندن اوتہدن بری
 امنیتی منسلب اولہرق ملکک اوجہتی تعرضدن وقایہ ایچون
 ہر درلو تدابیر اتخاژندہ اہمال ایتمز و ہر فرصت دوشدبکہ
 قرمان اوغلنی ایقاظ و تہدیددن کری طورمازدی . حتی ساوجی بک
 رقہسنی مبین کوندردیکی نامہدہ احترازینی آچیقدن آچیفہ
 میدانہ قویہرق « انشاءاللہ بعد ذلک تدارک کامل برلہ غزوات
 رفیع الدرجاتہ متوجہ اولق مقرردر . وجناب نعم المأبدن
 مأمولدرکہ تحت تختدن دور اولدیغمز اثنادہ شیوہ معاونت
 اسلامیہ بی منسی قیلمیوب ہموارہ مراسم اعتضاد استظہاری یرینہ
 کتوروب ہنکام رجمتہدک بر وضع اولنیمہ کہ العیاذ باللہ اعدای
 دینہ موجب فرصت اولہ » دیمشدی .

صکرہلری آرہدہ حاصل اولان قرابت پادشاہجہ مدار امنیت
 اولہ بیلمشدی؛ فقط بو امنیت قرمان اوغلی ایچون تزیدجر آدن
 بشقہ بر نتیجہ حاصل ایتمدی . حتی بوسنہ ایچندہ ممالک عثمانیہ نک
 بعض جہتلیرینہ تعرضی موجب اولدی . بعض تاریخار علی بکک
 بو حرکتنی ملوک مصریہ نک تحریکاتنہ اسناد ایتمک ایسترلر ،
 بوکادہ عثمانیلرک آرزمان ایچندہ حاصل ایتمکلی شوکت وعظمت
 مصر حکومتنچہ حسد و استرقابی موجب اولمش اولسنی سبب
 کوستریزلر .

سلطان مراد حضورینه اعزاز ایتماکه برابر سوندکی قلاغوز ایدرهک یانندهکی عسکرله صوفیه اوزرینه یوریمش و محافظدن خالی اولان مملکتی صلحاً ضبط ایش در .

وقعه اودرجه غریبدرکه یالکز تاریخلرده کورسه مختراعات خیالیهدن عد اولنوردی . فقط اینجه بلبان بک طرفدن سلطان مراده تقدیم اولنان و صورتی فریدونده مندرج بولنان عرضه صوفیه نك فتیحی عیناً بویولده تصویر اولندینی ایچون حکایه بی مسلمات تاریخهدن عد ایتک طبیعیدر .

تاج التوارینده اینجه بلبان بکک ، طوتیلان محافظی صوفیه به برابر کتوره رک مستحفظاره کوسترمسی اوزرینه قلمه نك استیمان ایلدیکی بیان اولنیور . فقط بلبان بکک مکتوبنده صوفیه اوزرینه حرکت اولنمادن اول محافظک حضور هایونه کوندردلیکی مصرح اولدیغندن خواجه نك روایتی مقبول عد اولنه ماز . بو فتح مبین اوزرینه خداوندکار غازی اینجه بلبان بکه سنوی بیک بش یوز آقچه وظیفه ایله صوفیه بکککنی توجیه ایتدیکی کبی غازی احمده یکیت باشلق ، سوندکده زعامت احسان ایلدی .

بویله تک باشنه بر مملکت فتح ایتک ، مأثر عظیمه سی تعداد اولنه میه جق درجه لره وارمش بر قهرمان ملت ایچنده یالکز اوزونجه سوندکه نصیب اولمشدرکه اوده نامنی بو صورته فوق العاده یارادلمش اصحاب اقتدارک عنوان مفخرتاری آره سنده بقای ابدی به مظهر ایتشدر .

صوفيه ده اولان بلغار محافظنك طوغان آوينه ابتلاسى ايدى .
 اوزونجه سونداك طوغان تربيه و تعليمنده و آوجيلقده پك ماھر
 اولديغندن خدمتى محافظه عرض ايدى ، آرزمان ايچنده
 طوغانجي باشيلغه نائل اولدى ، محافظك نهايت درجه لرده امنيت
 و محبتنى استحصال ايتدى . بر كون محافظ ايله شكاره چيقديار
 وصيد آرقه سنده طولاشه طولاشه تاناز پازاجنى طرفنه كلديلر .

اسلام حدودنده بر كوى جوارينه واصل اولدقلى
 سرده ايدى كه اقسامده تقرب ايش ايدى ؛ سونداك محافظدن
 رخصت آلدى ، كنديلرينه بيه جك ، حيوانلرينه يم تدارك ايتك
 بهانه سيه كويه كيدرك ذاتا اورالرده طولاشمقده اولان دلى
 بلبان ايله غازى احمد نامنده ايكي عثمانلى يه كيفيتى اخبار
 ايتدكن صكره محافظك ياننه عودت ايدرك تركلرك كندى
 و رودلرندن خبردار اولدقلىنى سويلدى .

محافظ بونك اوزرينه تخلصنه بر چاره بولسى ايچون سونداك
 رجار ايدر . سونداك « سزى بهض اشيا ايچنه ستر ايديم ،
 شواورمانده صاقلاييم ، بنده شو ايكي آتى چانلاته رق صوفيه يه
 يتشه يم ، براز عسكر كيريم ، اوصورتاه تخلصكز مكن اوله بيلير »
 يوللو بر تدبير بيان ايدر . محافظ قائل اولور ، سونداك آتى
 اورمانده براقده دن صكره دلى بلبان ايله غازى احمدى آلير ،
 كيدرلر محافظى اسير ايدرلر ، ايجه بلبان بكة كوتورورلر .

ايجه بلبان بك بو فرصت نا كه ظه ور اوزرينه محافظى



لالا شاعین پاشانک اولجه بالقانی گذار ایتدیکی صروده
صوفیه استحکامنده اولان متانت جهتیه یالکز اطرافنی یغما
وتخریب ایله اکتفا ایلدیکنی یوقاریده بیان ایلمش ایدک . صوفیه
استحکاماتنک لالا شاعین پاشایی عاجز براقه جق درجه لرده اولان
متانتیه برابر قلبه بکی اولان اینجه بلبان بوسنه ظرفنده صاحاً
فتحنه موفق اولمشدر .

بو اینجه بابان بک سلطان عثمان کوله لرندن بروسه نك تضییقنه
تعین اولنان و بلبانجق عنوانیه مشهور اولان بلبان بکک اوغلی
اوله رق سلیمان پاشا ایله برابر سال اوزرنده روم ایلییه کچن
سکسان قهرمانک بریدر . سیروزک محاصره سنه تعین اولنان
دلی ویا طورجه بلبان بک ینه بشقه بر ذات ایدی . بلبان بکک
معیتنده بولنان دلاورلر ایچنده اوزونجه سونداک نامنده بر دلی قانلی
وار ایدی که دائماً وقایع عظیمه اصحابنک مسلک متجاسرانه سنده
بولمق ایستر و کندیسندن ده افعال مشهوره دن معدود اوله جق
بر ایش صدورنی آرزو ایدردی . بو آرزو ایله یالکز باشنه
صوفیه نك فتحنه سبب اولمقی ذهننده قرارلشدیردی و فلبه دن
فراری شکنده صوفیه به کیده رک خرسیتیانلی قبول ایتدیکنی
بیان ایلدی . استحصال مقصوده اعتماد ایتدیکی قوت ایسه

بری اوله زق هر نه جهته صرف ایتدیسه احاطه و تصرفه مقتدر اولمش بر ذهن وقاده مالک دهاته سیاستک ملیونلرجه اعجاب استعداد ایچنده بردانه سی آنجق ظهور ایدر . پاشانک اقبالنده کوریلان اعتلا و ترقی ایسه دولت علیه و بلکه حکومات اسلامیه ده هیچ کیمسه یه نصیب اولماشدی دینله بیلیر . واقعا سلچوقیلرک وزیر اعظمی اولان نظام الملکک اقبالی فوق العاده پارلاق ایدی ، خیلی زمانلرده امتداد ایلدی ؛ فقط نهایت حسن صباحلردن برقاتلک خنجر غدیره تلف اولدی . اولادینی ایسه سلچوقیلر محو ایتدیلر . حال بوکه خیرالدین پاشا پادشاهنک ؛ ملتنک محبت و تأثراتیه محاط اوله زق آخرته کیتمش و کندنندن صکره اوچ قرن اولادی بر برینی متعاقب ، پدرینک زماننده قاضی عسکرلکه و وفاتندن صکره صدارته کلش و بو صورتله یدی یوز یتمش تاریخندن سکز یوز اللی تاریخنه قدر ریاست ملکیه و علمیه خانداننده مستمر اولمشدر . بر عصر دن زیاده کمال رفاه و اجلال ایله عمر سورمک و بر عصر قدر دولتنده ریاست ملکیه و علمیه یی کندی اخلافنه حصر ایلک کبی بر بختیارلق ، اولیه ملتنه حقیقه بر عصر خلقتندن زیاده خدمت ایتمش بر مبارک ذاته شایسته در .



ایسه دولته طقسان سنه قدر خدمت ایتمش اولیور . قاضیلغه سلطان عثمانک اواخر سلطنتنده باشلامش اولسه ینه مدت خدمتی التمش بش سنه دن زیاده ایدر . بو خدمت یالکز قاضیلق ، قاضیعسکرلک دکل ، اوچ پادشاهه مستشار خاص اولمق شرفی در . خیرالدین پاشانک اقبالی یالکز متمد دکل ، دائماده مترقی ایدی . سلطان عثمان زماننده امنای سلطنتدن ایکن سلطان اورخان دورنده علاءالدین پاشانک تقدیر عارفانه ووصایای قیمت شناسانه سیله پادشاهه مستشار خاص اولدی . آنک رأی منضم اولمادقجه هیچ برشی یاپامغه باشلادی .

سلطان مراد ایسه قاضیعسکرلک عنوانیله ذاتاً حائر اولدینی ریاست علمیه نی رسماً عهدسنه توجیه ایلدی ، سفرده حضرده هیچ یانندن آیرمادی . دهها صکرملری ریاست سیفیه ده عهدسنه توجیه ایلدی . طبیعت انسانیه نك دور تنزل و آرامی اولان هنگام پیریده یکی باشلادینی عسکرلکده ، کشورکشالقمده ملتک اک بیوک استاد مهارتی اولان لالا شاهین پاشا کبی ، اورنوس بک کبی اسحاب اقتداری معیتده قوللانندی . آنلرک حاضر بولندینی بر اردوده دسایس و ترتیبات حربیه بولمغه و بو تدابیری تحسینلرله قبول ایتدیرمه که مقتدر اولدی . دولتک ظهورندن بری تأسیسات سیاسییه و حربیه وعدایه ده نه قدر موفقیات مشهود اولورسه کافه سننده بر بیوک حصه مفخرتی واردر . بویله شباب و شیخوخت و ملکه و تربیت عوارضندن

نقیسه سلطانك خطبه نکاحی حاوی اولان و فریدون بك
مجموعه سنده عینی بولنان و شیعده بوذات « خلیل اه المشهور
بچاندارلوزاده » عنوانیه یاد اولنیور . بوکا نظرآ کندیسنگ
اصل نامی خلیل اه اولهرق بو اسم ایسه استعمال عوامه موافق
اولمایه جغندن یالکز خلیل دینلمکله اکتفا اولدیغی و اووقترجه
مردلک و کار کذارلق علامترندن معدود اولان اسمرلکی جهتیاه
اسمک آخرندن برکله قالدیرلمقه برابر اولنه برده « قره » وصفی
علاوه ایددیکی آکلاشیایور .

چاندارلوزاده دینلمسی ایسه کندیسنگ دکل ، پدر ویا
اجدادینک چاندارلی اهاایسندن اولدیغی کوستیرر ؛ بو حاده پاشانک
مستط رأسی مشکوک قالیور .

قره خلیلک زمان ظهوری ده بدرجهیه قدر تاریخلرجه شک
وترده دوشورملک ایستیلمش یعنی خدمت دولته کیرمسی
سلطان اورخان زماننده اولدیغنه دائر برروایت میدانه
قولمش در . فقط تاج الدین کردینک بیوک کیریمسینی اختیارلغی
زماننده شیخ اده بالی تزوج ایتدیکی کبی کوچک کیریمسینی ده قره
خیل آلهرق کینجلیکی عالمنده او پیر نورانییه باجناس اولمش
و آنک سوقیاه سلطان عثمانک خدمتنه کیرمش اولدیغی و پادشاهک
اواخر سلطنتنده بیله جک حاکمی بولندیغی تاریخلرک همان
عمومنجه مصدق در . حتی بعض روایتیه کوره بیله جک فتح
اولندیغی صرهده قاضیغنه تعیین ایدلشدی . بو روایت صحیح

وزارت، بکسر بکاک ویرمديکندن بحث ايتديکی سلطان مراد وزارتی کندي اولادينه حتی وزیرینک اوغلنه اعطا ایتمکدن چکنمدي . مع مافیه چاندارلیلردن ده بش وزیر ککش اولدیغی حالده هیچ برندن سلطنته اشتراك هوسی ویا پادشاه علیهنده بولمق سیئەسی ظهور ایتمه مشدر . بعضیلرینه تاریخچه اسناد اولمش قباحتر وار ایسه ده او قباحترده بتون بتون بشقه یولده شیلردر . بوندن بشقه صدارت، استحقاقنه حرمة علی پاشایه ویرملکله او خاندانک لیاقتدن بری اولانلرینه بومسند ایچون نه دن برجهت استحقاق پیدا ایدلمش اولسون ؟

دور ظهورده بولسان رجال سیاستک پادشاهاردن صکره لیاقة و مرتبه اک بیوکی اولان وملت ایچنده آل عثماندن صکره اک بیوک برخاندان تشکیل ایدن خیرالدین پاشانک اوائلی او قدر مشکوک بر حالده درکه تاریخدرده هویتنی بیله اشتباهه دوشوره چک سوزلر کوریلور . حتی نشانچی تاریخی خیرالدین پاشا عنوانیه نائل صدارت اولان ذاتک سلطان اورخان زمانده داود قیصرینک یرینه ازنیق مدرسی تعیین اولسان تاج الدین کردی اولدیغنی بیان ایدر . فقط سائر تاریخدر بو عنوان ایله چاندارلی قره خلیک واصل صدارت اولدیغنه متفقدرلر . استانبول فتحنه قدر مقام صدارتده قلمش اولان خاندانک چاندارلیار عنوانیه مشهور اولسی ده نشانچینک روایتی خلاف واقع اولدیغنی اثباته کافیدر .

بر دولتک بار مشکلاتنه تحمل ایتکه جداً مقتدر ، بر ملتدن بیوک عد اولمنه صحیحاً لایق اولان او یله بر معین عالیهمتدن محروم اولدیغنه ، خداوندکار قیمت شناس پک زیاده متأسف اولمش و صدارت عظمایی برایکی سنه اول رتبه وزارتله قاضی عسکر تعیین اولنش اولان خیرالدین پاشا زاده علی پاشایه توجیه ایلش ایدی .

صدر جدید مأموریتنی متعاقب هم اردوسنک ریاستنده بولنمق هم پدیرینک مخلفاتی آلمق ایچون سلانیکه سوق اولندی .

صدارت عظمای قدر مهم بر موقعک او یله سپاهییک کبی پدردن اولاده نقل ایدلمسی قاعده بیوک بر تعریضه اوغرایه جق معامله لردندر ؛ فقط علی پاشا سلطان مراد عصرنده کی افعالیله بو مأموریتله او قدر بیوک لیاقت کوسترمشدی که هر کیمک اوغلی اولورسه اولسون صدارت حق صریحی ایدی دیمکن و پادشاهک قیمت شناسلقده اولان کالنه بیان حیرت ایتمکن بشقه سویلنه جک برسوز بولنه ماز .

اما بو ذات نه قدر مستحق اولورسه اولسون صدارتی پدردن اولاده نقل ایدوبد ، دولتک مبادی ظهورنده قدرت و حیثیتجه خاندان سلطنته یقین برده خاندان وزارت پیدا ایتک موافق حکمتی ایدی ؛ واقعا دکل ایدی ؛ فقط بنده لرندن بنده زاده لرندن فساد اخلاق شبهه سنده بولنمق سلطان مرادک مزاجنه توافقی ایتزدی . همامرک سلطنتجه مخاطره تصور یله اولادینه

روملر قدر موجود ایدی . بناءً علیه مانوئل اوقیوی ده مسدود بولدی ، نهایت پادشاهک خلق کریمنه استناد ایدرک اردوسنه کلدی ، استغفای مرحمت ایتدی . عداوته قارشى نه قدر شدید ایسه استرحام واطاعته قارشى اوقدر شفیق اولان خداوندکار جلیل المفاخر بواستیانی کمال لطف ایله تلقی ایدرک مانوئلی عفو و تطیب ایلدکن صکره حقنده حسن معامله اولنمق توصیه سیاه پدینه ایصال ایلدی . روم تاریخلرینک روایتنه کوره ، خیرالدین پاشا بوسفرنده سلانیککی فتح ایتمش و فقط مانوئلک التجا واطاعتی اوزرینه مملکتی ینه کندیسنه اعاده اولنمش در . عثمانلی تاریخلرنده بو وقعه یه دائر تفصیلاته تصادف اولنماز ، حتی خیرالدین پاشانک اورالره سوقی مانوئلک تعرضاتندن نشأت ایلدیکنه دائره برسوز کورولمز ، فقط روم مورخلری اوله عثمانلیلر ایچون مفاخردن معدود اوله جق وقعه لر اختراعنی التزام ایدر طاقمدن اولمادقلرینه نظراً بیان ایتدکلری روایتک قبولی طبیعیدر . عثمانلی تاریخلرینک سکوتی ایسه سلانیکک سهلته آلمشی وینه مانوئله ترک اولنمش جهتلریله وقعه یی ذکره شایان عد ایتدکلرندن نشأت ایتمش اولسه کر کدر .

۷۸۸ سنه سنه مصادف اولان سلانیک موفقیتی خیرالدین پاشانک دولت علیه صوک خدمتی اوله رق اوراجه وظیفه سنی اکیال ایلدیکنی متعاقب کندیسی ده عرش برین ابدیته صعود ایلشدی .



ایمپراطور یانی پالئولوغک اوغلی اولان وسلانیك طرفلریك
حکومتنده بولنان مانوئل پالئولوغ، دولت علیه یه قارشى پدیریك
طوتدینی مسلك مطاوعتکارانه اتباع ایتمک ایستمدی، برادری
آندرونیقوسك حالندن ده عبرت آلمادی؛ بقتة براز عسکر سوق
ایتدی، سیروزی ضبط ایلدی.

سلطان مراد روملرک، دولتنه تعرض اقدارندن بتون بتون
محروم اولدقلرینه حکم ایتمکده ایکن مانوئل طرفندن بویله غرور
و خیانتدن مرکب بر معامله یه دوچار اولدیغنه پک زیاده متأثر
اولدی، مسئله یه ویردیکی اهمیتک درجه سنی کوسترمک ایچون
سلانیك اوزرینه مکمل بر اردو ایله صدر اعظمی سوق ایلدی.
ممالک عثمانیه یه تعرضده او قدر جرأت کوسترن مانوئل،
بشقه بر طرفدن امداد بکلیوبده امیدى یا کلاش چیقدیغندیمیدر؟
یوقسه بشقه بر سببى واردر؟ هر نه ایسه صدر اعظمک کندی
اوزرینه حرکتی خبر آنجه سیروزک، دکل حتی سلانیكک دخی
مدافع سینه قیام ایده مدی، ملکنى ترك ایله استانبوله فرار ایلدی.
فقط یانی پالئولوغ، خداوندکارک دهشت شمشیر یله اوغلنى یاننده
آلیتومغه جسارت ایده مدی. مانوئل او زمان جنویزلرده بولنان
مدلولویه التجا ایتمک ایستدی ایسه ده عثمانلى خوفی جنویزلرده ده


اوله میور. تاریخارده، قره خلیل کبی اعظم علما و وکلانک حکم
 زمانه مغلوبیتارندن نشأت ایتمش اوقدر غربه لر کورینورکه
 دقتلی برفکر، عجز بشرک اوقدر بیوک دلائلی کوردجه بدیهیاتک
 بیه تخیلات وهمیه ویا تأثیرات عصریه نتایجندن اولدیغنه قولایاقله
 امنیت ایدمه مک مخاطره سنده بولنور .



اسلامك حامی مفردی اولان بر حکومتدن ، نه قدر کوچك اولور ایسه اولسون ، بر جزؤ آیروبده قوتی تنقیص ایتك وبو صورتله بر چوق اسلامی ده بر حکومت عادلهدن بر حکومت مشوشه به نقل ایلک هیچ بر سببه معذور طوتیه بیه چك معامله لردن دکلدرد .

فی الحقیقه پادشاه ینه زمانك بر عادتنه اتباع ایتدیکی ایچون بو معامله سندده بحق مؤاخذه اولنه ماز ؛ فقط اوزمانده ، اعتیاد ناس ایله تغیر شانندن اولیان شریعتك تبیین و محافظه سنه مأمور بو قدر علما و ارایدی ؛ نام السهی به اوله رق تبلیغ ایتدکری احکام شرعیه به ایسه پادشاهلر طرفندن ذره قدر مخالفت وقوع بولدینی کورلمه مشدی ؛ آنلر طرفندن بو اعطای مملکت حقنده ایدیلن مسامحه عفو ایدیله مز . هله او درلو جهاز ایله عقد اولنان بر نکاحده وکیل بولنمی ، خیرالدین پاشا کی معرفت و حکمتده عصرینك فوقه چیقمش اولان بر فرید روزگارک شاننه اولدقجه اهمیتلی بر نقیصه در . عهده سنده بولنان ریاست ملکیه و علمیه جهتیله پادشاهه جهاز نامیه مملکت و یرمک جائز اوله میه جغنی عرض و تفهیم کندیسنه کوره اسهل امور ایدی .

انسان نه قدر قابلیت استکمال ایله متصف اولسه و او قابلیت نه مرتبه به قدر ترقی دار بولسه نقایصدن بری یارادلمش بر مخلوق اولدیغندن نسیانه ، مبالا تمزلقه ، غفلته ، نقصان تحقیقه غلبه ایدوبده عصرینك تأثیراتندن بتون بتون کندینی تخلیصه مقتدر





کلیاتِ گلستان

عینحی زریب

عثمانی تاجی

جلد ۱ جزو ۶



استانبول
مخروبہ مطبعہ

۱۳۲۶

کتابخانه

تاریخ ترتیب

اسامی آثار

تاریخ ترتیب

۷ جلدند

۹۳ کتابند

اسامی

اسامی

۱۱] عشاق تاریخی ۵ ۳۵
 ۱۲] تاریخ اسلام ۲ ۱۰
 ۱۳] آثار پراکنده ۰ ۰
 هر جرؤد قبائی (۳) غروشدو
 کتاب کتب اولدرق
 هر ایک آینه بر
 کتاب اولدرق
 اکبر ترتیب اولدرق
 اوته چشم
 ایک ترتیبده برابر اولدرق
 منتظماً طبع و نشر اولدرق

۱] رونان مدافعه نامه سی . . . ۳
 ۲] قاره بلا ۵
 ۳] مقالات سیاسی و ادبیه و دیبا
 وطن بقا الدعا کفینده اولدرق
 چو حق
 ۵] اشعار کمال ۲۵
 ۶] حلاله الدین خوان اولدرق
 ۷] مکتوبات مخصوصه و غیره
 ۸] ادواق پریشانی غمخواری
 ۹] منتخبات عزیزان رسیده . . . ۲۰
 ۱۰] حرلی بی انصاف ۲۰
 ۱۱] مکتوبات مخصوصه و غیره
 ۱۲] تقییب و تخریب خرابات ۵
 رساله لری و سائره

آب و شربتی

مقسطاً تأدیبه ابدانک شرطه ای به
 شربتی
 اول اولدرق
 شربتی
 شربتی
 شربتی

یکری پشینی اولدرق تأدیبه اند
 اولدرق اولدرق شربتی
 اولدرق شربتی
 ۲۲۵ دوسعات و ولایات و عمالک اجنبیه ایچون
 بوسته اجزیده داخل اولدرق اقامتگاه
 شربتی

بوجزؤك قبائی (۳) غروشدو

طاهره ایچون بوسته اجزی غم اولدرق

ایدی . پادشاهک بویرلری او بولده استحصالی ایتیمی ده موافق
اصول برشی عد اولنه ماز . چونکه بر ماده مک نافع اوله بیلمسی
مشروعیتی موجب دکلدرد .

شوقدر وارکه گرمیان وحید خاندانلرندن آلنان یرلر مسلمان
وترک اولدینی حالده ظلم واغتشاس ایله متصف اولان بر حکومتدن
ینه اومذهبده اوجنسیته بولندینی حالده عدل وانتظام ایله متحلی
اولان بر حکومته انتقال ایلدیکندن و اوزمانلر اناطولیده
اسلامک حمایت ورفاهیتی تأمین ایده بیلمک اقتداری عثمانیلرله
منحصر اولدینی جهتله دولت علیه دن بشقه مشروع بر حکومت
اولدیغندن بو تصرف بر شیک صاحب حقیقینه رجعتندن عبارت
قالیر . بناءً علیه صورت اخذده کی اصولنزلکله برابر مسئله
اساساً تعریضدن مصوندر . فقط جهاز بهانه سیله بر طاقم یرلرک
دولت علیه تصرفندن قرمان حکومتنه انتقال ایتیمی اصولنر
اولدقدن بشقه اورالر اهالیسنی بر فردوس سعادتدن محروم ایده رک
بر دوزخ مصائبه آتمق دیمک اوله جفندن شرعاً وحکماً
مواخذدن قورقلمی قابل اوله جق بر معامله دکلدرد . واقعا پادشاهک
کریه سنه جهاز اوله رق ویردیکی مملکتلر پدردندن منتقل
ویاملت قلیجیله مفتوح اولان یرلردن دکل ، گرمیان
اوغلندن پاره ایله آلدینی موقعلردن ایدی ؛ مع مافیه بونکله ده
ممالک اسلامیه دن بر جزئک چفتلک و او جزوده بولنان اهالینک
مال منقول معامله سی کورمسنه جواز ترتب ایتمز . خصوصیه



۷۸۷ سنه سنده ایدی که قرمان اوغلی عی بک پادشاهک
کریمه سی نفیسه سلطانه طالب اولدی و طرف پادشاهیدن قره خلیل
و قرمان اوغلی جانبندن قرمانده شیخ الاسلام اولان مولانا
مصلح الدین توکیل ایدیله رک رمضان او اخرنده نکاحلری عقد
اولندی . نفیسه سلطانه جهاز اوله رق و یریلن ایشاده آق شهر
وایلغین واقسرای قصبه لری ده داخل ایدی .

پادشاه قرمان اوغلرینی ده قرابت قوتیه دولتنه ایصن دیره ق
امیدنده بولمشدی . فقط علی بکک اخلاق سزلخی بر درجه ده ایدی که
بو قرابتی هر نه یاپسه عفو ایتدیرمه که مدار عد ایده رک عثمان لیره
او زمانه قدر اخفا ایلدیکی خصومتی آندن صکره اعلاندن
چکینمز اولمشدی . آشاغیده تفصیلاتی کوریلور . معلومدرکه
حکمدارک بریره تصرفی ذاته دکل ، صفتنه عائد بر حقدر ؛
اهالی ایسه متوعنک ربه اسارتنده دکل ، تحت تبعیتنده بولنور ،
بناء علیه بر حکمدارک بر مملکتی آلوب صامغه و یا خود جهاز
وهديه طرزیه شوکا بوکا ویرمه که نه شرعاً مأذونیتی اوله بیلیر ،
نه عقلاً صلاحیتی تصورده امکان واردر . اوجه تله کر میان
اوغلنک جهاز وحید اوغلنک بیع طریقیه سلطان مراده
بر طاقم یرلر ترک ایتلری غیر مشروع ، غیر معقول بر حرکت

مؤبداً حبس ویا برطرفه نفی کبی برشی یابیلسه دها کوزل
 اولماز میدی؟ البته کور ایدلسه دها خیرلی ایدی؛ فقط اوزمانلر
 حکمنجه یرک اک آلت طبقه سی زندان، دنیا ناک اک اوزاق کوشه سی
 منفا اتخاذا اولنسه فتنه چیقاره جق ویا فتنه چیقاره غه وسیله
 ایدیله جک ذواتک تشبثاتنه قارش یینه آچیله بیله جک بر قپودن،
 قطع اولنه بیله جک بر مسافه دن بشقه بر حائل وضع ایدلمش
 اولماز ایدی. بو کوز چیقارمق مسئله سی ایسه اعمالک امامت
 وسلطنته حائل اولسی جهتیه حق حکومتدن محروم ایدلمک
 ایسته نیلن شهزاده لر حقنده دول اسلامیه ناک پک چوغنده اختیار
 اولنه کلش بر جزا ایدی. ساوجی بک ده حکومت حقندن
 ساقط اولمق ایچون 'وجزایه اوغرا دلدی، تأدیب ایچون دکل!
 بو حاله نظراً دین دولته خیانت ایتمش بر شهزاده یی حق سلطنتدن
 محروم ایتمک ایچون اختیار اولنش بر معامله دن طولانی پادشاهی
 شایان تعریض عد ایتمک عصرینک فوقنه چیقامادیغندن طولانی
 مؤاخذه یه قالمشوق در.



تاریخه یازیلان ومؤرخك قومنده عائد اولمیان برروایتده مداح
 ماصالندن زیاده نه حکم وقوت بولنه بیلیرکه وقعهیه صاحب اولان
 ملتک تاریخلرنده مفقود اولمغله برابرینه سحخته احتمال ویريله -
 بیلین ! اما ساوجی بکک آندرونیقوس ایله اتقاقی وارمیدی ؟
 آندرونیقوسک پدری طرفندن کوزلری کور ایدلیکی مثبت
 وساوجی بکه شریک تهمت اولدینی ایچون بو جزایه اوغرادینی
 متواتر اولدیغندن ایکی ولدعاصی ارمسنده اولیه براتفاقک وجودی
 مسلمات تاریخه دن عد اولمقی لازم کلیر . احتمال که سلطان
 مرادک نامه سنده اولان « بعض اهل فساد ایله اتقاق ایدوب »
 عبارسی او اتقاقی ایما ایچون یازلمشدر .

ساوجی بک حقنده ایدیلن جزایه کلنجه : بو بدبخت
 هم مذهبیرینک غیريله اتقاق ایدرک پدرینک حیاته ، سلطنته
 ملتک اقبالنه ، استقبالنه قصد ایلدیکندن جزای اعدامه
 استحقاقده ، دنیایه نه قدر جانی کلشسه هیچ برندن اشاعی
 طوتیه ماز . فقط مادام که اعدام اولنمادی ، کوزلرینه میل
 چکمک لایقی ایدی ؟ بو جزا اعدامدن اشد دکلی ایدی ؟
 واقعا بودرلو جزالر فکره بردن بره اعدامدن شنیع کبی کلپور ،
 فقط اعدام ایله محکوم اولانلر اولمک ایله کور اولمق پیننده
 تحیر ایدلسه ایچلرنده کوزلرینی حیاته ترجیح ایده جک بیکده
 برکشی بولماز ظن ایدهرز . بوجهتله ساوجی بکک اوغرادینی
 جزا اعدامدن شنیع ایدی ، دینیه مز . اما کوزلری چیقاریله جغنه

آغاز و بنیاد ایلش. آکابناء کلیدولیدن عبور اولنوب ناحیه اولوباده
 کلدکده حکم شریفمله خبر کوندرلدی که کارب رکاب بوسی هابونمله
 مشرف اوله. نفاق وضالتهده مصر اولوب نهرنیولفره وصول بولدقده
 صف قتال و حرب وجدال اراثه قیلغمه طرفیندن محاربه واقع اولوب
 طرفهالعین ده کندبسی محبوس واسیر اولوب و کرفتار قید زنجیر
 قیلنوب عبرة لاوی الابصار نور باصره دن مهجور و بی اعتبار قلندی. «
 سلطان مرادک آناتولیدن روم ایلی یه کیتمش اولدینی تقدیرده
 روم ایلیدن آناتولی یه کلدیکنی سویلسنه، محاربه نک محلی
 دکشدیرمسنه، غوغاسز طاغندیغی براردو ایله حرب ایلدیکندن
 دیمتوقده استیمان ایدن بر آدمی نیلوفر کوی کنارنده کی غوغاده
 طوتدیغندن بحث ایتمسنه هیچ بر لزوم عقلی تصور اولنه ماز.
 اعدام اولمش بر ذات حقندهده « اصلح الله شانه » دینلمز.

یاروم ایلی ده محاربه وقوع بولدیغنک و دیمتوقده سلطان مراد
 طرفندن محاصره اولندیغنک هیچ اصلی یوقیدر؟ استدالات
 تاریخیهده معتبر اولان قواعد نظراً هیچ اصلی یوقدر دیمکه
 مجبورز. چونکه اولاوقعه یی عثمانلی تاریخلری و خصوصیه بالذات
 وقعه نک صاحبی اولان پادشاهک نامه سی مبدأندن منتهاسنه قدر
 حکایه ایتمشکن بونلرک هیچ برنده روم ایلی ده حرب وقوع
 بولدیغنه و یاخود دیمتوقه نک محاصره اولندیغنه دائر بر خبر
 کورایور. ثانیاً بو وقعه یی حکایه ایدن روم مؤرخلرینک جمله سی
 فاتح دوری رجالندن اوله رق روایتلری ایسه هیچ بر کتابدن
 مأخوذ دکدر. او یله بر عصر قدر اغزندن اغزه طولاشدقن صکره

انتظامی تمام ایتدکن صکره کندیمی ساوجی بکی تأدیب ایتدیکی کبی اوده اوغلنی تأدیب ایتمی ایچون ایمراطوره امر کوندردی . یانی پالئولوغ وعدینه وفا ایتک ایسته دکن بشقه آندرونیقوسدن ده خوف واندیشه حالنده بولندیغدن اوغلك کوزلرینی قینار سرکه ایله یاقدردی . سلطان مراد ایمراطورك کوستردیکی اطاعتله قناعت ایتمش وروم پرنسک نورباصره سی بتون بتون محو اولدیغنه اوقدر اهمیت ویرمه مشدر .

آرده اسم مطابقی اولسه بشقه بشقه ایکی وقعه عد اولنه جق قدر بینارنده مغایرت اولان بویکی روایتک عجبا هانکیسی صحیحدر ؟ تدقیق ایدنجه آکلارز : اولا وقعه نك ظهورنده سلطان مرادک آناطولیده، ساوجی بکک روم ایلیده بولندیغنه ؛ ثانیاً صکره دن سلطان مرادک روم ایلییه کچرک محاربه نك ده اوراده وقوع بولدیغنه ؛ ثالثاً ساوجی بک اردوسنک غوغاسز بوزولدیغنه ؛ رابعا ساوجی بکک دیمتوقه یه تحصن ایدرک بر مدت صکره آچلقدن استیمان ایلدیکنه ؛ خامسا کوزلری چیقارلقدن صکره اعدام ایلدیکنه دائر هاکمک روم تاریخلرندن نقل ایتدیکی روایتلرک هیچ بری واقعه مطابق دکلدر . چونکه بو وقعه یه دائر سلطان مراد طرفندن قرمان حاکمنه یازیلان نامه نك صورتی الیه طورییور، آنده ایسه شو عباره کوریلیور :

حالا روم ایلنده انکروس اعداسی غراسنه متوجه ایکن استماع اولندی که بروسه ده یرمنه بکچی اولان اولاد وراثت نهادزمره سندن ساوجی اصلح الله شانیه بعض اهل فساد ایله اتفاق ایدوب بنی وعناده

بو فساد جنایتکارانه بی خبر آنجه ایمراطوره، حضورینه کلهرک
 آندرونیقوسدن صادر اولان افعلاک اسبانی بیان ایتیمی ایچون امر
 کوندردی . باله ثولوغ عرض تدلل ایدهرک اوغلنک افعلانه اشتراک
 تهمتمدن تبری ایچون عاصیلری اطاعته کتیرمک و کوزلرینی کور
 ایتمک اوزره اوزرلرینه عزیمتی تکلیف ایدن سلطان مراد ایله
 برلشدی . پادشاه همان روم ایلی یه عزیمتله عصاة اردوسنک
 بولندیغی دره جوارنده قره یه یناشدی ، کیجه آت ایله دره نك
 سیلندن قارشى یه کچهرک بلند آواز ایله عاصیلری اطاعته دعوت
 ایتدی واجابت ایدنلره عفو و مرحمت وعد ایلدی . بر چوق
 محاربه لرده رهبر مظفریتلری اولان بوسدایى استماع ایدن عسکرلر
 اوغرایه جقلری جزا قورقوسیه فرقه فرقه ساوجی بکدن
 آیرلدیلر و حرکتلری شهزاده لرینه اطاعت مجبوریتندن ایلری
 کلدیکنی بیان ایله پادشاهلرندن استدعای مرحمت ایتدیلر . ساوجی
 بک متروک قاله رق جزوی بر مقدارده اولان اصدقای رفقاسی
 وعصیانه داخل روم بکزاده لری ایله برابر دیمتوقه یه قیاندی .
 سلطان مراد ساوجی بکی تعقیب ایدهرک دیمتوقه یه کلدی وقلعه یی
 محاصره ایتدی . آز زمان ایچنده مستحفظلرینی آچلقدن تسلیم
 اولمغه مجبور ایلدی .

پادشاه شرائط تسلیمک خلافتنه اوله رق اوغلنک کوزلرینی
 کور ایتدیردکن صکره بوینی اوردیرمشدر . روم زادکاننه
 کلنجه بونلری ده ایکیشر ایکیشر حضورینه کتیره رک یوکسک
 دیوارلردن مریج نهرینه آتدیردی .

خرستیان عالمنك قواى مجموعه سى بوکه مامش اولان قهرمان پدرینه
ضعیف عقلی، اضعف بازوسى ایله غلبه ایتمک امیدنده بولندی،
طوبلایه بیلدیکی حشرات ایله سورکون آوینه بدل محاربه میداننه
عزیمت ایلدی .

بابا اوغل کته صحرا سنده تقابل ایتدیلهر . پادشاهک زیرلوی
سلطنتنده بولنان عثمانلی دلاورلری، کنج بر شهزاده بی متابعتلریله
بلایه اوغرادان عصاته فوق الغایه بر غیظ و غضبه هجوم کوستردیلر،
جمعیتلری اقدامات شدیدیه ایله تفریق و محو ایتدکلی کبی دیوانه
ساوجی بیکی ده اسیر ایلدیلهر . تاریخلرک روایتنه کوره شهزاده
حضورینه کتوردلیکی زمان بیچاره پدر ایتدیکی عتابلر آره سنده
اعتذاره، استغفاره وسیله اوله جق سوزلرده سویلش ایکن ساوجی
بک عصیانیه برده خشونت بی ادبانه جرمی علاوه ایدهرک پادشاهک
نصایح و تویجخانه قاتی قاتی سوزلرله مقابله ایلدی . بر درجه ده که
پادشاهی تربیه و اصلاحندن مایوس ایتدی، بو حال اوزرینه کوزلرینه
میل چکدرلدی .

هامر ساوجی بک وقعه سنی روم تاریخلرندن نقل ایله بتون
بتون بشقه بر یولده نقل ایدرکه افاداتنک خلاصه مالی شودر :
سلطان مراد آناطولیده بر عصیان باصدیرمق ایله مشغول
اولدینی ویانی بالئولوغ استانبولده موقعنک مخاطره سنی بیله دوشونمدیکی
حالده اوروپاده بولونان عثمانلی قواى مجموعه سنک عمومه موقتاً
قوماندا ایتمکه اولان ساوجی بک ایله حریم اقبال اندرونیقوس
پدرلرینک علیهنه ترتیب عصیان ایتمکه ایدیلر . سلطان مراد

ذاتاً ساوجی و یعقوب بکلردن شبهه‌سی اولدینی و بایزیده بونلره نظارت و سائر مأمورلرده هر نه کورورلر ایسه شهزاده‌یه اخبار ایچون امر و یردیکی آکلاشیلپور . ادرنه‌دن کوندردیکی نامه ایسه پادشاهک روم ایلی‌یه کچدکن صکره شبهه‌سی ده‌ا زیاده‌لشدیکی کوستیر . فقط بوشه‌نک منشای نه ایدی ؟ بروسه قاضینک شهزاده بایزیده یازدینی « احوال » نه مقوله شیردر ؟ پادشاهک شبهه‌سنی تزید ایدن ماده آندر و نیقوسک تشبثاتی خبر آلمیمی ایدی؛ یاخود بشقه برشیمی ظهور ایلدی ؟ اوجهتلر تاریخچه مشکو کدر . یالکز شورالری مقرردرکه پادشاه ادرنه‌ده و شهزاده‌سی بایزید ایله سائر شهزاده‌لره دائر مخابره حالنده ایکن ساوجی بک بروسه‌ده خزینه‌یی ضبط و بذل ایله باشنه بر طاقم حشرات جمع ایتدی و خطبه‌یی کندی نامه او قوده‌رق پذیرنه اعلان عصیان ایلدی . احتمال که بروسه قاضینک شهزاده بایزیده کوندردیکی مکتوب بو حادثه‌یه دائر ایلدی .

پادشاه بو وقعه‌یی خبر آلتجه علی‌العجله روم ایلی‌یه عودت ایدهرک ساوجی بکه بر نامه ارسال ایلدی و بونده حرکات واقعه‌سندن تغافل ایله بیغاده سورکون آوینه کیده‌جکندن برابر بولتمق اوزره کندیسینی نزدینه دعوت ایتدی . ساوجی بکک عصیانی ایسه پادشاهه دکل حتی آحاد ناسه بیله مجهول قالدجق درجه‌لری کچمش اولدیغندن بوامری آلتجه دعوت واقعه‌نک کندینی زحمت‌سزجه اله کچیرمک ایچون اختیار ایدلمش بر تدبیر اولدیغنه حکم ایتمشیدی . پنجه‌سنی

کوندردی . بو طرز متذلانه ایسه ذاتاً ایمپراطوره بر نظر-
تحقیر واستخفاف ایله باقمقده اولان پادشاهی تسکینه کافی اولمشدی .
ایمپراطور بو طرفدن امین اولنجه حکومتی ، اوضاعنده
خود پرستلکدن ، کفران نعمتن بشقه برشی کورلمه ین بیوک
اوغلی آندرنیقونک شرندن محافظه یه عزم ایده رک کندیسینی هیچ
برایشه قارشدرمامغه باشلامش و اوجهتله اندرونیتقوس ده پدیرینک
تاج و تختنی غصب ایتمکک حصر فکر ایتمشدی .

بری طرفدن ایسه ۷۸۷ بهاری کلوبده خداوندکار غازی
اعلای لوای جهاد ایچون روم ایلیه کچدیکی صرهدده شهزاده
بازیدی قرمان اوغلربینه قارشی ملکی محافظه ایچون کوتاهیه یه ،
شهزاده یعقوبی ده قره سی یه کوندرمش و بروسه ده ساوجی بکی
قائم مقام براتمش اولدیغی حالده ادرنه دن شهزاده بازیده ۷۸۷ سنه سنک
اوائلی تاریخیله کوندردیکی نامه هایونده یعقوب بکک « حالندن
خبردار اولوب ساوجی بک جانندن غفلت ایتمیوب تحقیقاتنی
حضوره اشعار ، ایلمنی امر ایتمش و شهزاده نک تقدیم ایلدیکی جوابده
« جناب معالی نصاب قرنداشم یعقوب بک ضاعفاه قدره کمال
عدالت اوزره اولوب لکن ساوجی بک احوالیچون بروسه
قاضیسی برکاغد کوندروب عینیه درکیسه قیلنوب سده سنیه لرینه
ارسال قلندی . » دینلمش در .

بروسه قاضیسنک ، ساوجی بکه دائر اولان احوالی طوغریدن
طوغری یه شهزاده بازیده اشعار ایتمسینه نظراً خداوندکار غازی بک

ایمپراطور تغیر مذهب ایلدیکنی اعلان ایچون رومیایه قدر کیتمش و بابانک الی آیاغنی اوپمک و سوار اولدیغی استرک دیزکیغنی طومتق کبی مذلتارک هیچ برینی ارتکابدن چکنمه مش ایدی .
 پاپاده قاتولیک حکومتلرینی عثمانلی علیهنه تحریکده قصور ایتمدیسده هیچ بر طرفه نفوذینی تأثیر ایتدیرمکه مقتدر اوله مادی .
 ایمپراطور بونجه امیدلرله رومیایه کیتمش ایکن ذره قدر بر-
 معاونت کورمکدن بشقه و ندیکدن کچرکن و ندیک تجاری کندنده اولان کلیتی مطلوبلرینک بر صورتله تأمین ایستدیله . ایمپراطور طلب ایستکلری تأمینانک اعطانه موفق اوله مایجه سناتو طرفندن بو رجنه زمان کوسترمدکجه و ندیکی ترک ایده میه جکی کندیسنه اخطار اولدی .

ایمپراطور استانبولده قائم مقامی اولان بیوک اوغلی اندرونیقوسه مراجعت ایدهرک اقتضا ایدرسه کلیسارک خزینهلرینه وارنجه یه قدر صویه رق بورجینی تسویه ایدهرک آقچه نی کوندرمی ایچون اشعار ایلدی . اندرونیقوس هیچ بر تشبده بولمادی . نهایت سلانیکه بولنان دیکر اوغلی مانول موجود اولان مال و ملکینی صاهرق پدیرینی و ندیک تجارینک لندن خلاص اییدی .


ایمپراطور بویأس ایله استانبوله کلنجه هرشیدن اول قاتولیکلرله اتفاق تشبده بولندیغندن طولایی خداوندکارک طبیعی اولان انفعالی ازاله یه چالیشهرق اوچنجی اوغلی تئودوری دلیل اطاعت و رهن صداقت اولق اوزره سلطان مرادک خدمته



ایشته ۷۸۵ و ۷۸۶ سنه لریناک بو مظفرباتی روم ایلیناک
شرق و شرق شمالیمی کبی غرب و غرب شمالیسندده بر حال
آسایش وجوده کتورمک و آناتولی طرفلری ده بتون بتون نفوذ
عثمانی آلتنده قالمق جهتیله سلطنت سنیهناک هیچ بر طرفده
اشتغال ایده جک بر دشمنی قلامش ایدی که شهزاده ساوجی بک
وقعه سی ظهور ایذهرک پادشاهک خسیات پدرانہ و حمیت اسلامیه سنه
فوق العاده بر صورتده طوقونمش و بیانی محسود جهان اولان
حیات سعادت آلودینی تسمیم ایتمش در :

فرنک تاریخلریناک روایتنه کوره روم ایمپراطوری
یانی پالئولوغ عثمانیلرک نائل اولدقلری غلبه لر ، فتحلر اوررینه
کندی قوتیله و یاخود روم ایلی طرفلرنده بولنان کوچک کوچک
حکومتلرک معاونتیه دولتناک محافظه مسندن بتون بتون مایوس
اوله رق قاتولیک حکومتلرندن بشقه برامیدکاهی قلامش و آنلردن
امداد کوره بیلمک ایسه روما و استانبول کلیساری بیننده موجود
اولان اختلافک رفعنه متوقف بولنش ایدی . بناء علییه
پاپا ایله بو یولده بر معاهده عقد ایذهرک کندیسی قتولک مذهبنک
صحتنی تصدیق و علی العموم تبعه سنه او مذهبی قبول ایتدیرمکی و پاپا
دخی اون بش سفینه ، بیک بش یوز سواری ، بیک تیرانداز ایله
ایمپراطوره معاونت ایلمکی تعهد ایتدیلر .

پادشاه بو تدابیر و تصرفات ایله آناطولینک حدود و آسایشنی
تأمین ایتدکن صکره ۷۸۴ سنه سنده تیمور طاش پاشایی ، عهدینه
داخل اولیان آرنودلق جهترینه سوق ایلدی . پاشا پرلهپنی
صلحاً و مناستری محاربات و مهاجمات شدیدله ایله عنوة تسخیر
ایلدکن صکره قارلی ایل و اشتیب طرفلرینی ده استیمانه مجبور
ایتدی . بو فتوحاتی متعاقب کتیبه اقبالی شمالدن جنوبه سوق ایله
سلانکی خیلیدن خیلیه حصر و تضییق ایتمش و فقط فتحی زمانه
محتاج کورندیکی ایچون یالکز اطرافنک ضبطیه اکتفا ایش در .
سلطان مراد صرپ و بلغارستانه قلیجنه باش ا کدیردیکی کبی
ارناودلق و بوسنه و هرسک طرفلرینی ده یافتح و یاعهدینه داخل
ایتمکی روم ایلیده بولنان ملکینک تأمین ایچون قطعی اللزوم
عد ایلدیکندن تیمور طاش پاشایی او جهتلرک معابر و مواقعی
اوکرنمک ایچون استکشافات حربیه اجراسنه تعیین ایتشیدی .
پاشا بر مکمل اردو ایله آلدینی امرک اجراسنه عزیمت ایدهرک
آرناودلق و بوسنه نک بر چوق طرفلرینی سمند جلادتنه پامل
ایتدردی . و ایرتسی سنه هجومی تکرار ایله هرسک خانلرینی
پک زیاده زده لدیکی کبی آرنودلق و بوسنه بکلرینک ده اکثرینی
خرجه ربط ایلدی .



چونکه ملوک طوائفک هانکيسنه انتساب ايتمک ايستسه عثمانليار طرفندن النده براقيلان ملکک واستقلالنک برجزوئي دهاضايع ايتدکجه اعانه کورمکه دکل، سلام آلمغه موفق اوله ميه جعي ظاهر ايدى . خداوندگار بو صورته اناطولیده اولان ملکنک بر جهتن حدوديني بتون بتون تأمین ايدى .

پادشاهک آناتوليجه اک مهم بر مقصدی ايسه ملکنی جوارده بولنان ملوک طوائفک اک قدرتلیسی اولان قرمان اوغلرینک شرندن محافظه ايدى . بو مقصدک تأمین ايجون حمید اوغلی حسین بکک یدنده بولنان یرلردن بک شهری و سیدی شهر و آق شهر و اسپارطه و یلواج قلعه لرینک عثمانلی ملکنه الحاقی الزم کورینوردی . شهزاده بایزیدک سوری مناسبتیه حمید اوغلی طرفندن کلن سفیری پادشاه حضورینه جلب ایدهرک « برادرم حسین بکه سلام سویله ، کندیسندن بر التماسز واردر ، ینمزده اولان محبت مقتضاسنجه قبول جوابنه انتظار ایدرز : ممالک عثمانیه یی قرمان اوغلی علی بکک شهرنده محافظه ايجون شو قلعه لره شدتله احتیاج کورینیور ، بره صائسونار » یولو بر خبر کونوردی . اوصرده کندیسیده کلیننک جهازی اولان کوتاهییه کورمکه و او جوارک اصول اداره سنی تنظیم ایتمکه عنزم ایدى . حسین بک کندی سفیرینک عودتیه برابر پادشاهک ده کوتاهییه ورودینی طلبک ارائه سطوتله تأییدی مقصدینه حمل ایدهرک ایسته نیان بش قلعه نک بیعنه ایسترایسته مزموافت ایدى .

جلوسنده عثمانلیلرک عظمت واجلالی ، سلطان اورخانک اوضاع حکیمانه وتدایر کشور کیرانهسیله برابر زائل اولدیغنه ذاهب اولمش و اوجهمته بر مدتجک امیدنی قرمان طاقنه تحویل ایلش- ایدی . فقط سلطان مرادک دور دولتنده دمبدم تعالی ایتمکه اولان جاه و جلاله نظراً عثمانلیلرک اتفاقنده وحتى اطاعتنده بولمادقجه کندی ایچون بقا ممکن اولهمیه جفته قطعياً حکم ایتمش و اوغلی یعقوب بکه او خاندان عالیشانه صداقتدن آیرلامسنه دائر اوزون اوزادی نصیحتلر ایتدیکی سردهه کریمه سنی شهزاده بایزیده تزویجه سعی ایتمی ده مجرد کندی خاندانی آل عثمانک حمایه جلیله سندن مستفید ایتک مقصدینه مبتنی اولدیغنی تصریح ایلش در .

علی بکک بو اعتقادی کر میان طاقنک مطاوعتکار لغنجه بر تأمین معنوی ایدی . بواز دواج مناسبتیه دولت برده تأمین مادی قزاقمشدی که کلینک جهازی آره سنده بولنان کوتاهیه و سماو و طاوشانلی و اکری کوز قلاع و نواحیسی ایدی . کر میان اوغلنک ملکی ذاتاً وسعتنر و اقتداری ده بالنسبه جزوی اولدیغنی حالده بورالری دوات عثمانیه ترک ایدنجه النده وارداتیله عسکر بسلیه جک قدریر قلامش و بناء علیه کر میان حکومتی خریطه سیاستدن بتون بتون زائل اوله رق دولت علیه تابع و یالکنز اداره داخلیه سی مستقل بر ایالت حکمنه کیرمش ایدی . کر میان اوغلنک بو اطاعته ثباتدن بشقه چاره سی ده یوق ایدی .

ملك مصره و آنك هديه سنى ده اورنوس بكه ارسال ايلديكى كى پدرينىك، بيوك پدرينىك موروثات فاخره سندن اولان سخاى تامى جهتيله سائر طرفلردن كلن هدايادنه كندى ايچون برشى تفریق ايتكمزین كافه سنى علما وامرايه توزیع ایلدی .

استقبالجه دولتک بائى ثانیسی اولان چلبی سلطان محمدك سبب وجودى كى الهى برلطفى حاوى اولان بواز دواج، حالجه دخى يالكز امور بیتهدن دكل ایدی، دولتہ تعلق ایدز جهتلری ده وار ایدی؛ يالكز ملوك اطراف ايله حسن آمیزشه تقویت ویرمك ويار واغياره قارشى قدرت و یسار كوسترمكدن عبارت قالمادی؛ برنجی درجه ده كرميان خاندانى بتون بتون دولتہ ربط ایلدی . واقعا « ملوكك اقرباسى اولماز. » سوزى، تاريخك هر صحيفه سنده بردليلی بولنه بيله جك حكماردندر . اصحاب سياست وظيفه لری اعتباريله شخصیتدن متجرد بولند قلدردن قرابت كى صرف شخصى اولان روابطك معاملات دوليه ده برحکم و تأثيرى اولماز. شوقدر وار كه دولت عليه كرميان اوغلنك رضا جولغنى بو- ازدواجك تأثيرندن بكامزدی. بالعكس كرميان اوغللری رضا جولغى مقامنده ثباتلرینىك نتایجندن اوله رق خاندان عثمانىنىك قرابتنه قبول شرفنه نائل اولمشلردى .

تاریخلرك روایتنه كوره كرميان اوغلى على بك، قرمان خاندانه قارشى سلطان اورخانك اطاعت معنويه سنده بولمقله بقا واستقلالنى تأمین ایلدكدن صكره سلطان مرادك ابتدای

تیمور طاش پاشا برده خرسیتیانلردن (و نبق) خرقه سی
 ترتیب ایلشیدی . اردولرک هر درلو خدماتی بولرله براقلدیغندن
 عسکر طاقتك ایشی یالکیز استعمال سلاحه منحصر قالمش و بو
 صورته برعثمانلی اردوسنده عسکر نامنه نه قدر آدم وار ایسه او-
 قدر محارب بولنه کلمش در . نظامات عسکریه نك شمیدی
 ترقیسیله برابر اردولرک بر چوق خدماتی نفرلره کوردیریله-
 کلدیکندن حالا ك منتظم اوروپا دولترنده اردولرینك موجودی
 قدر دکل ، موجودینك بشده دردی قدر سلاح انداز بولنه ماز .
 ینه اوزمان آسایش ایچنده ایدی که گرمیان اوغلی علی بک
 کریمه سی شهزاده بیلیرم بایزیده عقد او ایدی . بواز دواج مناسبتیله
 ۷۸۳ تاریخنده بروسده بر بیوک سور مسرت ترتیب اولمش
 و اطرافنده بولنان ملوک اسلامه دعوتنامه لر کوندرلدیکنندن
 جمله سندن مخصوص سفیرلره هدیه لر کلمشیدی . مشاهیر امرادن
 اورنوس بک بوسور مناسبتیله پادشاهه یوز کوله ایله یوز جاریه
 تقدیم ایلدی که بونلردن اون کوله نك النده آلتون ایله مملو اون
 کومش و اون جاریه نك النده کومش ایله مملو اون آلتون تبسی ،
 قصورلرینك النده ده شمعدان و مشربه و لکن ابریق کبی سیم
 اوانی وار ایدی . بو تقدیمه ایسه ملوکدن کلن هدایانك جمله سنه
 فائق ایدی . سلطنت سنیه نك بر ایالت بکی طرفندن کلن تقدیمه
 ایلیچیلرجه عثمانلیرک درجه اقبالنه دلیل عد اولندیغنی تاریخلر
 روایت ایدرلر . سلطان مراد اورنوس بکک تقدیمه سنی طاقتیله

کورنجه چوقوقلری ولادتلیله برابر سپاهیله که نامز ایدرک طفولیتلرندن بری تربیه لری ملکات حربیه به حصرایده کلدکلرندن یکچیری قشاهلری کبی هر سپاهینک خانه سنده ده بر عسکرلک مکتبی پیدا اولمش وبوصورتله افراد ملتک شجاعت موهوبه سی برمکمل تربیه مظهر اوله رق مستعد اولدینی مرتبه کالی احراز ایتمش در . سپاهیلر کیده کیده ایکی یوز اللی بیسک قلیجه قدر واصل اوله رق زمانلر نده دنیانک ائک منتظم سواریمی اولان بوفرقة ممتازه نظاملرینه خلل کلنجه یه قدر عثمانیلرک سلطنت جهان کیرانه سنه پک بیوک خدمتله ابراز ایتمش ایدیلر .

تیمور طاش پاشا سپاهی اوچاغنک وضعندن طولانی دولتک نظامات عسکریه سی تأسیس خدمت جلیله سنده ، یکچیری اوچاغنک مرتبی اولان علاءالدین پاشانک مفاخرت موجودانه سنه اشتراک بختیارلغنه نائل اولمشدر .


واقعا سپاه اوچاغی یکچیریلر کبی صرف اختراعاتدن دکل ایدی ، او زمانلر اوروپاده موجود اولان زادکانلق اصولنه بر نوع تقلید ایدی ؛ فقط او اصول آلنیرکن زادکانی کویلو اوزرینه تسلیط ایتک و حکومته قارشى بر چوق حقوقه نائل ایتک کبی مضراتندن تجرید ایدلدیکی کبی تیمارلرده بر عسکر بسلیه جک قدر کوچک طوتیله رق سپاهیلرک زادکان کبی مضرو معطل بفرقه حائنه کیره بیلمسنه میدان براقلمه دیغندن تقلیدک بودرجه سنه ده بر نوع اختراع نظریله باقیله بیلیر . مع مافیله او یله بر تأسیس خیرک اثر اختراع اولماسی فائده سی تنقیص ایلز .



۷۷۸ سنه سندن ۷۸۴ سنه سنه قدر دولتک زمانی برسکون
و آسایش حالنده کچدی . فقط بوسکونت و آسایش زمانی ده بر
طاقم نظامات نافعہ و معاملات رسمیه ایله سلطنت عثمانیه نك تزیه
قوت و تحکیم اساسنه صرف اولندی . بوزمان آسایش ایچند
انخاذا اولنان تدابیر سیاستدن بری سپاهی اوجاغنک تأسیسیدر
اوزمانه قدر دولتک موظف سوارسی مسلمانلردن مرک
اوله رق وظیفه لری ده کندیلرینه ویریلن یرلرک قید حیات ا
عائدتندن عبارت ایدی . تیمور طاش پاشا عسکرلرکک فعلیات
اولان مهارت قدر بر وقوف ده ترتیباتنده ابراز ایدرک سوارسی
ویریله جک اراضی بیوکلکنه کوچکلکنه کوره ایکی به تقیه
ایتدی ، بیوکنه (زعامت) کوچکنه (تیمار) عنوانی ویردی
تیمارلرک اصحاب سیفه خدمتله مشروط اوله رق طرف پادشاهیه
توجیه اولندیغی کبی اصحابنک وفاتنده مستحق اولان اولاد
انتقال ایتمسنی ، زعامت لرک ده خدمتی مشکور اولان تیمار اصحاب
مکافات اوله رق ویرلمسنی قانون انخاذا ایلدی . ایشته سپا
اوجاغی بوضورتله تشکل ایتمشدر .

سپاهی لارلر نده کی تیماره توارث طریقیه تصرف قابل اولدی
و خدمت و لیاقتده ایسه زعامت کبی بر بیوک مکافات بولندی

شاغینده دها پک چوق محاربه لرده نامنی کوره جکز . بو جهته
 ریججه ثابت اولان پاشانک سنا اقتداردن ساقط اولمادینی و ولی
 متنک توجهنی ده غائب ایتمدیکی حالده بکلو بکیلیکندن انفصال
 نش اولسندن عبارتدار .



[Faint, illegible handwritten text, likely bleed-through from the reverse side of the page.]

عثمانی تاریخی

مجربات حکمیه دن اولمسنه نظر آ پادشاهك ده بو اطاعتی تحملنه
زیاده ممنونیتله تلقی ایتمی طبیعی ایدی . سزمانه تحمیل اولن
شرط اطاعت ایسه یالکز پادشاه طرفدن امر اولندیغنی زمه
عسکر یله برابر اردویه کله رك خدمته بولمسندن عبارت ایدی
هامر دیرکه : « سزمان ویرکو اعطاسندن قورتلوق ایچون طرف
غالبه قزینی ترك واعطا ایلشدر . » بو افاده یه نظر آ بلغار قرالنه
قیزی یا پادشاهك ویاخود شهزاده لردن برینك حر مسرای ازدوا
داخل اولدیغنی آ کلاشیلور ایسه ده راوی بوکا دائر تفصیلا
ویرمدیکی کبی بزم تاریخلرده دخی اویله بر ازدواجك بحی یوقد
۷۷۸ تاریخك وقایع مهمه سنندن بری ده تیمور طاش بنا
پاشالق عنوانیله روم ایلی بککر بکی تعیین اولمسی در . یا عجب
شاهین پاشا نه اولدی؟ بعض تاریخلر ، سنی سکسانی تجاوز ایتدیکن
اختیار تقاعد ایتش وهان او سره لرده ده وفات ایلش اولدی
بیان ایدر لر . بو ذات خداوندکار غازیك مبادی سلطنتنده
عالم سیاسته چیقاروق برنجی خدمتی اولوق اوزره او زمانلر
سیفك اعلاهی مراتبی اولان بککر بکیك خدمتنه تعیین اولم
ایدی . هانکی قومدن ، هانکی صنفدن ، نه زمانده دنیایه
طاقدن اولدیغنه دائر تاریخلرده برکونه معلوماته تصادف اولنه
او جهتله سنك درجه سده مجهولدر . مع مافیله اختیار تق
ایتمی پك اختیارلدیغندن نشأت ایلدیکنه احتمال ویر یله من
سره ده وفات ایلش اولمسی ایسه هیچ صحیح دکلدر . چو

فتحك تبريكنه دائر حميدايلى حاكمى حسين بك، خداوندكار غازى حضورينه تقديم ايتديكى نامه ده ، احباب اغراضك حقنده بعض ناقلرده بولنديغنى ايشتديكنندن بحث ايدهرك بر چوق تلاشار ، عيىنرايله برائت ذمتنى عرض ايتمش ومصالحنجه دريغ عنايت اولنماسى خصوصك آصف زمان اولان صدر اعظمه امر وسپارش بيورلمسنى استدا ايلش در . سطوت عثمانيهك دهشتنه وقره خليلك ملوك طوائف بيننده حامى عد اولنه جق درجه لرده اشتهار حيثنه دليل اولان بومراجعت خداوندكار غازى طرفندن ملاطفت مخصوصه ايله قبول ايدلدى ، يازيلان جوابده اويله اراجيفك استماعنه تنزل اولنميه جنى تايمين ايديلهرك بيجاره آدم اوغرادينى خوف واضطر ابدن تخلص اولندى .

خداوندكار صربستان فتحندن بروسه يه عودت ايدهرك ۷۷۷ قيشنى اوراده چيقاردقن صكره ۷۷۸ سنهسى موسم بهارنده بزم تاريخلرده صوصمانوس ناميله معروف اولان وعثماني دشمنلريه داىما اتفاق حالنده بولنان بلغارستان قرالى (سزمان) ه بر ضربه تاديب اورمق ايچون روم ايلي به كذار ايلدى . فقط صربستان سفرندن لايقيه عبرت آلمش اولان سزمان ، پادشاهك كندى اوزرينه كلديكى خبر آنجه استقبالنه شتاب ايدهرك عرض اطاعته هم كندينى هم حكومتنى خلاص ايده بيلمشدر . پادشاه بو اطاعتدن فوق الغايه ممنون اولدى . مزيات ذاتيه سنه اعتمادى اولان اغاضمك بويله معامله لرى رضا جولقندن زياده معالى مفتونيتنه حمل ايده گللىرى

عثمانلیلرک دردنجی قرنی رجانندن تاریخلرده ذکر خیر ایله یاد اولنسان بو ذاتدر . پدری تیمور طاش، آنک پدری قره علی و آنک پدری ده ایغور آلپ ایدی .

نیش قلعه سنده کerk قرالک وکرك اکابرینک پک چوق مالی وار ایدی ، بونلرک جمله سی اهل اسلامه نصیب اولدی . نیش موقعی صربستان ایله بلغارستانک حدفاصلنده بر مهم نقطه حریبه اولدیغندن روم ایمراطورلغنی طرفندن تحکیمنه فوق العاده اعتنا اولمشدی . ایمراطورلغک برنجی درجه ده کی درت استحکامندن بری اولان و او زمان صرب قرالنک تصرفنده بولنسان بو قلعه که صربستانک ده اک بیوک امید گاه تحصنی ایدی ، سنه لرجه طیانیغه مستعد و بلکه الی الابد ممتنع التسخیر عد اولنورکن ، درت آی بر خرابه زار مصائب ایچنده طولاشان عثمانلی اردوسنک اک یورغون زماننده ایلدیکی بر هجومه مقاومت ایده مینجه صرب قرالی ایچون پادشاهه عرض اطاعتدن بشقه چاره نجات قلمادی . حضور هایونه و امرایه بر طاقم هدایا ایله سفیرلر کوندردی ، سائر جزیه گذار اولان خرستیان حکمدارلری عدادینه کنديسنک دخی ادخال اولمشنی استدعا ایلدی . دولته سنوی اللی اوقه کوشدن عبارت بر ویرکو ویرمک و اراده بیورلدیغی زمان بیک آتلی کوندرمک شرطیله اطاعتی قبول اولندی .

ظاهرده بر قلعه ، حقیقتده ایسه بر مملکت تسخیری دیمک اولان بو ظفر خداوندکارک اک بیوک موفقباتندن بریدر . نیش

چکمشیدی . پادشاه ، اردوسیله برابر درت آی او جواز لرده طولاشدینی حالده نه دشمنه تصادف ایتدی ، نه کلنه چک یر ، بیه چک ذخیره بوله بیلدی . عسکر طاقی بو وحشت آبادی بهوده طولاشوب طور مقدن فنا حالده صیقلدیار ، قیش ده قریب اولمشدی ، عودت استرحاندمه بولندیار . خداوندکار غازی بو قدر مشقتار اختیار اولندقدن صکره تهی دست عودت ایتمه بر درلو راضی اوله مادی ، امراسیله برابر نیش قلعه سنک محاصره سنی قرارلشدیردی . عثمانلی دلاورلرینک طلب عودت کی اقتداره نزلغه دلیل اوله بیله چک بر حرکتی ایستمه لری ، برشی یا یغنه امکان کوره مدکلرندن ایدی ، حربه امید حاصل ایتدکلوری کی حکم پادشاهی بی مسرت و افتخار ایله تلقی ایتدیار ، قلعه نك محاصره سنه شتاب ایلدیار . آرده ده - ر - طاقم مصادمه لوز وقوع بولدی ، بر چوق تلفات ویرلدی . نیش قلعه سی او زمانک فن حربنجه هجوم ایله آله میه جق قدر متین ایدی ؛ فقط اسباب محافظه سی اودرجه مکمل دکل ایدی . پادشاه بو قدر بر نقصانه اعتماد ایدهرک یغما مأذونیتیه برابر هجوم امرینک اعطاسندن چکشمیدی . بو امر اوزرینه کمال اقدام ایله هجومه باشلانلادی . تیمور طاش بکک نجل نجیبی اولان نخشی بک که دهایی عسکر اداره سنه باشلامش بر کنج قهرمان ایدی ، معیتنده کی فرقه ایله عثمانلی دلاورلرینه پیشوالق ایدهرک هر کسدن اول قلعه برجنه گیندی صعود ایلدی ، خاندانک شان قهرمانیسنه بر دلیل دهه علاوه ایتمش اولدی .

خیرالدین پاشا بو فتوحاتک ا کالنیدن صکره مرکز سلطنته
 عودت ایدهرک درا کی بک ایله بغداد بکی ده برابر کتوردی . بو
 بکلرک سپروزده کوسترد کلری غیرت وشجاعت درجه سنده مظهر
 التفات اولدقلرینی روم تاریخلری نقل ایدره . بادشاهک بومامله سی ،
 مقاوتمده اصرار ایدن بعض قلمه لرک محافظلری حقیقده اظهار
 ایلدیکی شدتله متناقض کبی کورینور . فقط آز بردقته آ کلاشیلیرکه
 او شدت هیچ صلحه یناشمق ایسته مین دشمنلره مخصوص اوله رق
 بشقه لرینه ارائه عبرت والقای دهشت ایچون اختیار اولتوردی ؛
 نهایتده عرض تسلیمیت ایدن اعدانک شدت کورمیسنده ایسه بویله
 برعبرت مقصدی یوق ایدی ، بالعکس اطاعت ایتمش بر آ مه سوء
 معامله ، سائر لرینی مقاوتمده ثباته تشویق دیمک اولوردی . خیرالدین
 پشانک مرکزہ عزیمتیه اردو ریاستنده قلمش اولان لالاشاهین
 پاشا ایله اورنوس بک قره فریه نی ده صلحاً تسخیر ایدهرک ۷۷۵
 و ۷۷۶ سنه لرینک وقایع حربیه سنی اتمام ایلدیلر .

۷۷۷ سنه سنده ایسه خداوندکار غازی بزم تاریخارده لاس اوغلی
 دیکله معروف اولان صرب قرالی لازاردن سپروز محاصره ده
 ایکن کوستردیکی علائم خصومتک انتقافی آلمق ایچون بر مکمل
 اردو ایله بالذات بالقانک اوتنه طرفنه کچمش ایدی . قران عثمانلرہ
 سلاح ایله مقابله یه امکان بوله ماقله . غیرت لرینی هر درلو نتیجه دن
 محروم براقق ایچون ذاتاً سازدن ، قامیشدن یاپیشمش اولان کویرله
 مرزوعانی عموماً احراق ایلمرک اهالی نی قلمه لرله بالقان شاهقه لرینه

بکہ اسناد اولنور . بواسناد ایسہ صدر اعظمہ لالا شاہینک اکثر احوالہ ادارہ حربیہ پی اوامیر صاحب اقتدارہ حوالہ ایده کلمہ لرندن و برده اورنوس بکک صکرہ لری اورادہ قالہرق بر چوق اثر خبر انشاسنہ موفق اولسندن ایلری کلمش بریا ککشلقدر .

صدر اعظم معیتندہ اولان عثمانی قہرمانلری بو فتوحات جلیلہ دن صکرہ صاری کول طرفندن شمالاً انبار کوی و بش طاش جہتندن جنوباً سالانیکہ قدر تمتد اولان یرلری طولاشہرق ہمتلرینک شمشعہ سنی ہر طرفہ اشاعہ ایتدکن صکرہ سیروزدہ بولنان سلاح آرقداشلرینک معاونتہ شتاب ایلدیلر . بونلرک وصولندن اول ایسہ صرپ قرالی کلیتی براردو ایلہ دلی بلبان بکک اوزرینہ هجوم ایتشدی . ایکی طرفک مقدارندہ اولان نسبتزلکہ نظراً عسکر طاقنک ایلری کلنلری ، مقاومت قابل اولہ میہ جفندن بختلہ محاصرہ دن فراغت اولنمی رأیندہ بولندیلر . دلی بلبان بک موتی ترجیح ایدن اصحاب حمیتدن اولدینی ایچون ثبات ایتدی . کوستردیکی مثال جلا دتله عسکرک ہر برینی کندی کبی برشیر ژیان اولمق مرتبہ سنہ کتیردی ، تضعیف قوت ایتک خواص معروفہ سندن اولان غیرت سایہ سندنہ مقدارک نقصانی جبر ایده رک صرپ اردوسنی مضمحل و پریشان ایلدی . بو محاربہ اثناسندہ محصورلرک تلاشندن استفادہ ایده رک قلعه نک خارج برجلرینی دہ ضبط ایتشدی . بلبان بکک بو غالبیتی متعاقب صدر اعظم اردوسی دہ ظہور ایدنجہ سیروزدہ بولنان دراکی و بغدادن مقاومتن بتون بتون قطع امید ایده رک استپمان ایلدیلر .

فداکاری کیجہ وقتی او دلیکلردن قلعہیہ ادخال ایلدی . بونار
نوبجیلری اعدام ایله قلعہ قبولینی آجدیلر، طشرہدہکی عسگری
یچری آلدیلر .

قوالہ بوصورتلہ ضرب دست ایله فتح اولندقدن ودرامہ
طرفلری دە اطاعت ایتدیرلدکن صکرہ صدراعظم بوزلا واسکچہنی
بربری متعاقب تسخیر ایتمش و او زمانلر مارولیه نامیلہ معروف
اولان عورت حصارینی محاصرہ ایلش ایدی . بو حصار سیروز
بکنک اقرباسندن بر قادینک زیر اداره سنده اولهرق قادین دە
سیروزدن امداد امیدندہ بولندیغندن استیمانہیناشمدیغنی خیرالدین
پاشا پادشاهه عرض ایدهرک سیروزک تضییقیلہ بری طرفلرہ معاونتدن
منعی رأیندہ بولندیغنی بیان ایتدی . طرف پادشاهیدن دلی بلبان
عنوانیلہ معروف اولان بر صاحب ہمت بو خدمتک ایفاسنہ تعین
ایلدیکی کی لالاشاہین پاشادہ بر دیگر فرقہ ایله وزیر اعظمک
تأییدینہ مأمور اولدی .

عورت حصاری حاکمہنی سیروزک محصور اولدیغنی استماع
ایدنجہ امداددن قطع امید ایدهرک استیمان ایله قلعہنی تسلیم ایتمش
واوصردہ لالاشاہین پاشا فرقہسی دە کلش اولدیغندن صدراعظم
اوزماندہکی رجال حربک اک بیوکی اولان لالاشاہین ایله اورنوس
بکی استصحاب ایدرہک واردار یکجہ سیلہ اطرافندہ بولنان برطاقم
معمور کویلری ضبط وغارت ایلدیلر .

بوپرلردن اکثرینک ضبطی بعض تاریخلردہ یالکزجہ اورنوس

کبی کوستریر لر . خیرالدین پاشا کبی برداتک ایسه اوسن وسالندن
صکره او قدر حیثیت واقبالله برابر اورنوس بکه بر نوع زول
امینلکی خدمتی ایفا ایچون سفره مأمور ایدلش اولمسنی عقل
قبول ایتمز .

فرنک تاریخلری نیک روایتنه باقیلیرسه تمیز و تصرفده بر قدرت
فوق العاده مظهر اولان بو انسان کامل زمان شبانده علم
و معرفتجه پیرانه اظهار اقتدار ایتدیکی کبی وقت هر منبده
تدابیر کشور کیرانه کوستره رک بر عزم جوانی و صولت قهرمانی
ایله اثبات کمال ایلدیر .

شو صورتله که رادوب اتکلرنده اولان سیروز و جواری ،
درآکی و بغدان نامنده ایکی اسلاو بکنک زیر اداره سنده اوله رزق
بونلر ایسه پادشاهک عهدنده اولدیغندن و روم ایلیده کی خرسیتان
حکومتلری نیک محوی دولتجه اخص مقاصد عد اولندیغندن
خداوندکار غازی روم ایمراطور لغنی قهر و تأدیب ایله اطاعته
کتوردکن صکره خیرالدین پاشایی او حکومتک رفع وازاله سنه
مأمور ایتمش و او جهتلرک احوالنه وقوف تامی بولنان اورنوس
بکی ده معیتنه ویرمش ایدی . بونلر اول بول قواله بی حصر
ایلدیلر . قلعه نیک فوق العاده متین اولسی جهتیله فتحندن امیدلر
کسلدیکی صره ده ایدی که خیرالدین پاشا خندق جوارنده طولاشیرکن
قلعه دیوارینک دینده آدم صیغه جق قدر کنیش ایکی صودلیکی
موجود اولدیغنی کوردی ، ملت یولنه ترک جان ایتمش بر قاج

بیقلمادی؛ مکر تکرری بیقه! « دیدرک محاصره‌ی بعض امرایه
تودیع ایتدی ، کندی قره‌دکز ساحلنه چیقارق بر چینار
آغاچنک آلتنه اوپوردی . او زمانه قدر هیچ بر تشبشک
باشندن موفق اولمق‌سزین آیرلادیغی حالدّه بویله اوفاق برقلعه‌ده
اوغرا‌دیغی سعوبت فوق‌العاده حمیت شاهانه‌سنه طوقون‌دیغندن
طالعدن انتقام آلتق ایچون برطاقم شدتلی شدتلی تدبیرلر، تصورلر
دوشونیوردی . بو حالدّه ایکن قلعه طرفندن کمال شتاب ایله بر
سواری کله‌رک قلعه‌دیورلرندن برینک بلا سبب بیقلدیغنی اخبار
ایلدی . خداوندکار غایت قوی الاعتقاد بر ذات ایدی . بو-
صورتله مادیاته انفاذ حکم ایدرجه‌سنه مظهر اولدیغی موفقیت
ناکهظهوری کندنجه برتأیید الهی عد ایلدی ، فوق‌الغایه
نائل مسار اولدی . خالقنه عرض شکران ایدهرک سرعتله لالا
شاهین پاشایی کوندردی ، قلعه‌ی ضبط ایتدیردی .

محاصره‌ده حاضر اولان عسکرلر وقعیه‌ی پادشاهک کرامتنه
حمل ایتدیلر ، سایه‌سنده اوپوردیغی چناری « قوتلو چنار » ،
قلعه‌ی « تکرری بیقدی » تسمیه ایلدیلر .

۷۷۵ سنه‌سی حوادشنده مأمولدن خارج بر وقعیه تصادف
اولنورکه اوده صدر اعظم خیرالدین پاشانک سردارقله‌جانب
غریبه سوق اولمسی در .

بزم مؤرخلر پاشانک حرکتی بر مدت کوملتجنه‌ده اقامت
ایتمک واورنوس بکی سوق‌ایله بغض یرلر فتح ایتدیرمکدن عبارت

جهتلرنده بولنان لالا شاهین پاشا ایله اورنوس بکی زردینه دعوت ایلدی .

عسکر اطرافدن اجتماع ایدنجه ایمپراطورک اوزرینه اوقدر قوتله کیتمکی سلطان مراد وقار قهرمانینه یاقشدرمه مادی ، ایمپراطوری تنکیله بوقدر عسکر اقتضا ایتمز دیه رک لالا شاهین پاشایی بر مکمل فرقه ایله فره جک اوزرینه سوق ایلدی ؛ کندیسیده اردوسیه استانبول جوارینه یوریدی . اردوسنی تفریق ایتمسندن ده آکلاشیلیرکه خداوندکار غازی بو سفرده ینه استانبولی ضبط ایده بیلیمک امیدنده دکل ایدی .

اول امرده استانبوله بر کوناک مسافه ده اولان اینجیکز نامنده بر قلعه یی ضرب دست ایله عنوةً بو فتح جلیک القا ایتدیکی دهشت قوتیه لوله برغوسی ده صلحاً فتح ایلدی . بو سرده لالا شاهین پاشاده فره جکی تسخیر ایدرک معیتنده کی فرقه ایله معسکر هایونه عودت ایتمشدی . خداوندکار غازی آنی ده برابر آلهرق اینجیکز جوارنده بولونیه اسمیه معروف بر قلعه یی حصر ایتدی . عثمانلی مجاهدلری اون بش کون اوغراشدیلر ، اوزمانده موجود اولان هر درلو ادوات محاصره نک استعمالنده قصور ایتدیلر ، فقط قلعه دیوارلرندن هجوم ایده جک بررخنه کشادینه موفق اوله مادیلر . اوغرا نیلان صعوبت پادشاهک پک زیاده تأثرینی موجب اولمشدی . « بو ییقلاجقده توقف ایدوب طور مقصد اصلی اولان یرلرک تسخیرینه مانع اولیور ،

احراز ایلدی . مظفری اوقدر مکمل ایدی که خوستیانلر اردولرنده کی اشیا دن هیج برشی کتوره مدیلر ، کافه سنی اسلامک پیشگاه اغتنامه ترک ایلدیلر : پاشا بوموفقیت اوزرینه صاقو اوزرینه عزمنی تجدید ایدهرک اوراسنی تسخیر ایتدکن صکره قلبه یه عودت ایتدی . فقط هوایی مساعد بولدیغندن مقامنده آرام ایدهمدی : الله کچن غنایمی صرف ایدهرک عسکرینی تجدید ومهمات حریمه سنی تکثیر ایله ینه بالقاندن اوته طرفه کچدی ا صاری یار دینیلن طاع اتکلرینی تسخیر ایله برابر صوفیه طرفلرینی غارت ایلدی .

۷۷۳ سنه سنده خداوندکار غازی بالذات روم ایلی یه کچهرک اردوسیه (کوستندیل) اوزرینه یوردی . کوستندیل اوزمان قسطنطن نامنده بربلغار پرنسک زیراداره سنده ایدی . پادشاهک او طرفلره طوغری عزمنی خیر آنچه کلیتی هدیه لرله استقباله شتاب ایدهرک جزیه بی قبول ایتدی . کوستندیلک اداره داخلیه سنی تأمین ایلدکن صکره سلطان مراد کمال سهولتله میسر اولان بوموفقیت اوزرینه ینه بروسه یه عودت ایلشدی . او صره ده ایسه روم ایمراطوری - پادشاهک فراستنده اولان کماله بربرهان ابراز ایدهرک اوچ سنه اول تخمین ایلدیکی کبی - ویزه یه تعرض ایلدی . شیرمردنک برطرفدن دشمنه مقاومتله برابر برطرفندنده و تمیمی مرکز سلطنته عرض ایدنجه پادشاه کمال حدتله روم ایلی یه کچدی ، معلقره یه زول ایدرک بفرقه ایله حدودک شمال وغرب

وقایع ایسه چاندارلی قره خلیک خیرالدین پاشا عنوانیه مقام
 صدارته واصل اولمیسیدر . خیرالدین پاشا اوتهدن بری پادشاهک
 مستشار خاصی اولمرق وزارت معنویه مقامنده بولمقده ایدی .
 بو وزارتک علنیه چیقارلمی پاشانک رتبه حقیقیه سنی عمومه
 اعلان ایتمکدن بشقه برشی تک ایدی . اوزمانک زیاست علمیه سنی
 قاضیه مکر لکده ، قاضیه مکر لک رتبه سنی ایسه ینه پاشانک عهد سنده
 بولند یغندن خیرالدین پاشا ذوالح علیه ده ریاست ملکیه و علمیه بی جمع
 ایتمیشدی که بواقبال کندیستندن بشقه کیسه یه نصیب اولما مشدر .

خداوندکار غازی بر سنه قدر دها ادر نه ده اقامت ایدر لک بو
 قیمتی زمانی تأسیسات جلیله و تدارکات خربیه سیک اتمامه بحرف
 ایتدکن صکره کندی بروسه یه عودت ایدی ، لالا شاهین
 پاشایه ینه بالقانک اوته طرفنه کذار ی فرمان ایتدی .

لالا شاهین پاشا ۷۷۲ سنه سنده مکمل تدارکات ایله قیولی-
 دزبندی طرفنه یورویه زک دربندک پیشگاهنه سند اولان دیوار
 متینی آهندستانه برضربه قهرمانی ایله زیر وزیر ایتدکن صکره
 اهتان طرفلرینی جزیه کذار ایتمش و اووادن صاقو اوزرینه
 کیدرکن جاموسلی ده صرب و بلغار قرالرینک سوق ایتدکر ی
 اردویه راست گمش ایدی . دشمن کندی عسکرینه نسبتله
 خیلدن خیلی زیاده ایکن میدان حربه کیرمکدن اجتناب ایتدی ،
 غایت شدتلی ، غایت خوئریزانه بر محاربه دن صکره بر مظفریث کامله

استیمان اتمش در . لالا شاهین پاشا ایسه مأمور اولدینی اوزره بالقانک اوته طرفه کنار ایتدی ، فقط یالکز صماقوه و اهتمان طرفلرینی غارتله اکتفا ایدرک غانماً عودت ایلدی .

۷۶۹ بهارنده خداوندکار غازی بالذات عنم سفر ایدرک ایدوس و قرین آباد محافظلری عثمانلیرک طبعیه سی کورینور کورنمز عرض تسلیمیت ایلدکلری کبی سوزه بولی خلقی جزوی برمحاصره دن صکره خرجگذار اولمش و خیره بولی قلعه سی ده صلحاً فتح اولنمش در . ایرتسی سنه پادشاه بالذات اردوسنک ریاستنه کچرک قرق کلیسا اوزرینه یوریدی . نو ظهوران جلادتدن کوسه میخال اوغلی محمدبکی ده (ویزه) نک محاصره سنه تعیین ایلدی . کندیمی برروایت کوره ابتداء پیکار حصارینی ، صکره قرق کلیسایی و خواجه سعدالدینک قول مختارینه نظراً ابتدا قرق کلیسایی صکره پیکار حصاری فتح ایلدکن صکره ویزه یه تحویل عنان ایلدی . ویزه ایسه محمدبکک تضییقاتیه ایدن ائی فتوره دوشمشدی ، محصورلر بالذات پادشاهک اوزرلرینه توجهنی کورنجه استیمان ایلدیلر .

ویزه نک موقعجه اعمیتی و استانبوله قریبتی جهتیه ایمرالمور طرفندن اورایه ادنی فرصتله تسلط ملحوظ اولدیغندن محافظه سنه ، اعتماد هایبونه مظهر اولق شرفنی احراز ایدن قهرمانلردن شیر-مرد بک تعیین اولندی .

بوقوتحات ۷۷۰ سنه سنده باشلامش ایدی . اوسنه نک اعظم

مقصده خدمت ايلدى . چونكه مركز سلطنت او طرفه كنججه اصحاب سيفك هان عمومي اچون روم ايلييه طويلانمق طبيعي ايدى . روم ايلیده اجتماع ایدن مجاهدلرک مقدارى، سنه لر کچدکجه انضمام ایدن چوجوقلر، کوله لر سایه سنده شطرنج حسابيله تکثر اتمکده باشلادی . بر صورتده که اولاد واقربا و موالیسیله خانه سنک خلقی یوز نفوسی تجاوز ایتمش عسکرلر من بولنوردی . ایشته قوجه روم ایلی قطعه سنک پک آز زمان ایلچنده یافتح ویا جزیه کنار ایديله بیلمسنه اک بیوک سبیلردن بری ده ادرنه وجوارنده مجاهدین اسلام اچون او یله بر مرکز تراید وانتشار پیدا ایدلسی در .

سلطان مراد انشاسنی تصمیم ایتدیکی سراینک وضع اساسی اچون دیمتوقه دن ادرنه یه کیدرکن (چرمن) قلعه سنی بر فرقه سوقیله فتح ایتدیرمش و ۷۶۷ سنه سنک وقوعات حربیه سی ، یلاق آباده تسلط ایدن روه لیرک دفعیله چرمنک ضبطندن عبارت قلمش در .

۷۶۸ سنه سنده لالاشاهین پاشا بالقانک اوتیه طرفنه کچمکه ، تیمورطاش بکده (یانبولی) طرفلر نی ضبط اتمکه مأمور ایدلدی . تیمور طاش قزل آغاجی صلحاً فتح ایلدکن صکره یانبولی نی محاصره ایتدی . بعض روایتیه کوره یانبولی عنوةً ضبط اولنمش و خواجه سعدالدینک اختیار ایتدیکی قوله کوره ایسه محصورلر هوانک شدت حرارتندن نهایت درجه لرده مضطرب اوله رق

مرورندن بشقه هیچ بر شیده محتاج اولمیان آجال مقدره نوعندن ایدی . اوجهته وقت مرهونی تسریعدن بشقه بر وظیفهسی اولمیان حکومت ایچون بروسه ویا ازنیق کبی بر اس الحركاتده بولمق کفایت ایدردی .

حال بوکه ادرنه و فلبه اله کینجه دولتک موقعی بتون بتون دکیشدی : بر طرفدن روم ایمراطورلغنی بدائرة تضییق ایچنه آلهرق سرعت ممکنه ابه رهین زوال ایتک ایچون بر بیوک فرصت پیدا اولدی ؛ بر طرفندن ده عثمانلیلر روملرله بلغارلرک آره سینه صوقولدیغندن روم ایلینک شمالنده ، غربنده نه قدر خرسستیان حکومتی واریسه جمله سنک نظر لرینی کندی اوزر لرینه دعوت ایلدی . بو خرسستیان حکومتلرینک اتحاد مذهبن بشقه آردلرنده قرابت جنسیه ، موافقت اخلاق کبی بر طاقم قوتلی قوتلی مناسبتلر اولدیغندن عثمانلیلره قارشى بر لر لیه دائما اتفاق حالنده طوره بیلیر لرایدی و هر نه قدر روم کلیساسنه تابع ایسه لرده روملر کبی آیری بر کلیسایه صاحب اولمق داعیه سیله بر طاقم مجادلات مذهبه میدانه قویوبده قاتولیک کلیساسنک رقابت و خصومتی جلب ایتمش طاقمن اولمادقلری جهته اور و پاده کی قاتولیک دولتلردن معاونت کوره بیلیر لردی .

ایشته بو جهتلرله روم ایلیده کی قوه اسلامیه عموم خرسستیانلق وجهه مهاجمانده بولندیغندن ماتمه موجود اولان قوتک ممکن اولور ایسه کافه سنی روم ایلییه بیغمق دولت علیه ایچون شرط قطعی بقا حکمنی آلمشیدی . پای تختک روم ایلییه نقلی ایسه بو-

بری به نقل ایتک تصمیمیله کلدیکندن هواسندن منون اولمادیغی ادرنه بی دیمتوقه یه ترجیح ایدهرک مشهور اولان سرایک اساسنی وضع ایلدی . فی الحقیقه استانبول اله کچنجه یه قدر روم ایلمیده پای تحت اولمق ایچون ادرنه دن مناسب بر موقع یوق ایدی .

بومده قدر سلطان عثمان سکودده ، اسکی شهرده ، قره حصارده ، یکیشهرده اقامت ایتمش ؛ سلطان اورخان گاه بروسه بی گاه ازنیق مرکز اتخاذا ایلش ؛ سلطان مرادده مرکزی نی دائماً بروسه ده طومتش ایدی . بو تبدلرک ایسه سیاسی بر حکمی یوق کبی ایدی . یالکز پادشاه زده اقامت ایدرسه طبیعی اورانک معموریتی ایلریلر ایدی . فقط مرکز حکومتک روم ایلی به نقلی پک مهم پک اساسلی بر تدبیر سیاسیدر : دولت علیه نک ملکی اناطولیده اولدقجه وبلکه روم ایلی به کچدکن صکره اورالده ضبط ایتدیکی یلر مرمره سواحلنه منحصر قالدقجه ملل غیر مسلمه ایچنده هم جواری وبناء علیه دشمن طبیعیسی یالکز روملردن عبارت بولنیوردی . روملر ایسه آرهلینه کیرمش اولان فساد اخلاق ، تفرقه حکومت ، منازعات مذهبیه جهتلریله بر بیوک ضعف ایچنده بولندقلری کبی بلغارلرله صربلر دائماً اروپا ایله آرهلینه حائل اولدقنن بشقه کندیلرینه ده تسلط ایده کلدکلرندن حالاً وموقعاً عثمانیلر النده محو اولمغه محکوم ایدیلر . مالک اولدقلری اسباب مقاومت اوزمانک فن حربنه کوره پک متین اولان قلعهلردن عبارت اولدیغندن آنلرک ضبطیله روم دولتکنک اورته دن قالدیرلمسی آرزومان

نیجه باصارلردی. بویله سلطان مراددن یوز اللی سنه اول اختراع اولنمش بر عادتلی ا کا ایجاد ایتدیرمک، صکره ده بونی جهله دلیل اتخاذایلک جهل ویا غرضدن بشقه برشیئی اثبات ایتمز .

هامرک بو اسنادات غرضکارانه سندن بشقه مقاوله نامه نك سبب عقدینه دائر اولان مطالعه سی ده فکر تاریخه مطابق دکلدر: راغوزه جمهوریتک استانبول ایله پک چوق تجارتی بولندیگی ومواردات بحریه سنک کلیدی اولان آق دکز بوغازی عثمانلیلرک الله کچدیگی جهتله منافع تجارتی تأمین ایچون بویله برعهده طالب اولدیگی مقاوله نك شرائطیه مثبت ایکن جمهورک بو حرکتی پولتیقه جه کشف استقباله حمل ایتک ، اثباتی قابل اوله بیله چک ادعالدنمیدر؟ سلطان مرادک راغوزه جمهوریه عقد ایلدیکی مقاوله نامه ده عثمانلیلرک خرسیتیان دولترلیله برنجی عهدنامه سی دکل ایدی. چونکه سلطان اورخانک استانبول ایمراطوریله عقد مصالحه ایلدیکی ثابتدر. مقصد تجارت عهدنامه سی ایسه اونوع مقاوله لرده ینه راغوزه معاهده سی برنجی اوله ماز . چونکه سلطان اورخان زمانده جنوز لرده درلت علیه صورلنده سر بستجه کزه بیلمک ایچون عهدنامه ویرلمشدر .

پادشاه اوسنه نك نهایترینه طوغری روم ایلی به کذار ایده رک دیمتوقه سراینی قرارگاه اتخاذا ایلدی . سلطان مراد اوتهدن بری دیمتوقه نك موقعی سومش ، هواسنی بکنمش ایدی ، بناء علیه روم ایلیده بولندقجه اوراده اقامت ایدردی . فقط بودقعه مرکز سلطنتی

دین ایدی ؛ فقط بنالرك كوزل اولماسنی التزام ایتمسی نسل او مقصده اسناد اولته بیلیر ؟ هامر فن معماریی البته علوم دینیة اسلامیهدن عدایده جك قدر جاهل دکلدی ! هله، بوبنلری اوروپاده بر پرنس یابدیرسه صنایع بدیعیه ومعلوماته دلیل اوله بیه جکنه دائر سویلدیکی سوزلرله هامر آسیا خلقندن صنایع بدیعیه محبتنی ومعلومات احتمالی بتون بتون نزع ایتمك ایستمی نه قدر ساده دلانه بر تعصبر ! اسلام دولتلرنده امضانك بر اعتباری وارمیدرکه سلطان مرادك او مقاوله نامه یه پنجهسنی باصامی امضاسنی قویمق بیلمدیکنه حمل اولنه بیلسین ؟ پادشاه امضا قویمق بیلمزسه مهر باصمغهده می مقتدر دکلدی ؟ هامر تاریخنك هامشده بو عهدنامه نك حالا راغوزه اوراق رسمیه سی آرهنده موجود اولدیغنی بیان ایدیور ؛ دیمك که اوزرینه پنجه باصلمش اولدیغنی صحیحدر . بوکاده تعجب اقتضا ایتمز . چونکه یازی یازمق بیلمین جنکیزخان اوراق رسمیه یه مهررینه پنجه باصمغنی اعتیاد ایتمشدی . النی قرمزنی مرکبه باتیرر او امرینك اوزرینه باصاردی . حتی او عصرلرده « ال تمغا » تعبیری منشور و برات ایله الفاظ مرادفهدن اولمشدی . مثلا « منشور جنکیزی » رینه « ال تمغای جنکیزی » ده دیرلردی . جنکیزك عاداتی ایسه علی العموم ترك و تاتار دولتلرنده آداب ملوكدن اولدیغنی ایچون او عصرلرده عربستاندن بشقه ممالک اسلامیهنك هر جهتنده بولنان پادشاهلر بو قبیلدن اولان اوراق رسمیه یه

وقعه نه قدر جزو ياتدن معدود اولسه آكا دائر و يريله چك
تفصيلات ، ياپيلان بنالرك معماری نه طرفدن كلديكني بيلمكدن
اولسون مهم اولوردي .

هامر ، سلطان مرادك ابنیه خيريه سني بيان ايلديكي صروده
ديورکه :

« اوروپاچه ابنیه انشا ايتيرن پرنسلرده صنایع بديعه محبتنه و هيچ
اولمازسه بردرجه قدر معلوماته دلالت ايدن بو ابنیه خيريه سلطان
مراد طرفندن يالکوزجه ديني برمقصد اوزرينه انشا اولمشدي . سلطان
مرادك جهلنه دائر تاريخلرده بر بحث كوره ميورايسه كده ذكر اولنان
سنه [۷۶۷] طرفنده راغوزه خاقيله عقد ايلديكي معاهده ده كي
امضاسنك صورت وضعي بوجهالته دليل كافيدير . ونديك كورفزينك
بركوشه سنه صاقلانمش و پولتيقه سنده كي انتباهكارلق جهتيله عصرلرجه
كنديني طوته بيلمش اولان بوكوچك جمهوريت عثمانيلرك اقبال استقبالي
هر كسدن اول كشف ايتمش و اراده اختياريه سيله بودولنك زير حمايه سنه
داخل اولمش در . راغوزه دن كوندريلن سفيرك نتيجه مكالماتي اولق
اوزره برمعايده عقد اولدي . دولت عثمانيه ايله بر خرستيان حكومتي
آره سنده عقد اولنان مقاولانك برنجيسي اولان بو معاهده ، جمهوريتك
دولت عليه اطاعتي و سنوي بش يوز آلتون مقابنده شرق صلورنده
كمي كزديرمه ك صلاحيتني و تجارتلري حقنده پادشاهك حمايتني كافل
بولمشدر . سلطان مراد امضاسني قويمق بيلمديكندن التي مرکه
باتيره رق مقاوله نك اوزرينه وضع ايلمشدر .

هامر بعض مطالعات و محاکماتنده اودرجه غرضكار ، اودرجه
حقيقت ناشناس اولورکه انسان تاريخنك بودولتي تحقير مقصديله
بالديغه حكم ايتمكدن كنديني آلهماز .

شبهه يوق که سلطان مرادك ابنیه خيريه دن مقصدی خدمت



سلطان مراد بروسه‌یه عودت ایلدکن صکره شهرزاده
بایزید و یعقوب و ساوجی بکی سنت ایتدیرمشدرکه بوختانک سوری
بر هفته دوام ایلشدر . دولت علیه ده یاییلان سور هایونلرک
برنجیسی ، ۷۶۷ تاریخنده وقوع بولان بو دوکون ایدی .

سلطان مراد ینه اوسنه ظرفنده بر طاقم خیرات یاپدیرمق
ایسته‌دی ؛ فقط بونلری آرزوسنه مطابق ، صرف ایلدیکی همته
لایق بر صورتده یاپدیره بیلیمک ایچون مقتدر معمار تدارک ایتمه
سعی ایدردی . استانبول ایمراطورلغیله مصالحه‌سی منفسخ
بولندیغی ایچون معمارک اورادن جلبنه امکان کوره مزیدی . او
صره‌ده روم ایمراطورلغی یالاق آباد ساحلنه تعرض ایچون بر
قاچ کمی ایله بر مقدار عسکر کوندرمش و بونلر اطرافده بولنان
عثمانلیلر طرفندن پریشان ایدلمش ایدی . محاربه صرهدسندده اسرا
ایچنده بر مقتدر معمار بولندی ، پادشاه یاپدردیغی ابنیه‌ده آنی
استخدام ایلدی .

بوروایت خواجه تاریخندن مأخوذ اوله‌رق سائر مؤرخلرده
بوکا دائر هیج برسوز کورنمز . خواجه‌نک‌ده روم ایمراطورلغیله
وقوعه کلش بر محاربه‌ی یاپیله‌جق بنالر ایچون معمار تحریمی
مناسبته عطف ایلسنه و اوجهته بویله بر قاچ کله ایله اکتفا
ایتمسینه حقیقه تأسف اولنور .

ضعیفه دها نقل ایدرکه اوده لالا شاهینک امر پادشاهی ایله حاجی ایل بکک کوزلرینه میل چکدیرمش اولماسیدر .

بوکا هیچ اینانیله ماز : خداوندکار غازی مدت سلطنتده

بر بنده سنی ذره قدر بر مجازاته اوغرا تمامشدی . حتی عثمانیلرک برنجی بوزغونلغی لالا شاهین پاشانک قوماندا ایتدیکی اردوده وقوع بولمش ایکن آنی بیله تکدیر ایتدی . امراسنک مغلوبی بیله التفاتندن دوشورمه ین بر پادشاهدن غالبنه بغیر حق اوپله بر معامله نصل مأمول اولنور ؟

۷۶۶ تاریخنده وقوع بولان حاجی ایل بک مظفریتنک

مژده سی کلدیکی صروده سلطان مرادده بیغانک فتحنه موفق اولمشدی . بو قلعه یه قپانانلر مشغول اولدقلری غارتکرلک مناسبتیله ملکات حربیه وثبات مایوسانه ایله مألوف بر طاقم حشرات اولدقلرندن پادشاهه خیل صقندی ویردیله . عاقبت محاصره نک امتداد ایده جکی آکلاشادیغندن سلطان مراد وقوعی ملحوظ اولان تلفاته باقادی ، عسکره هجوم ایچون ، یغما ایچون رخصت ویردی . مجاهدلر قلعه کشالقدده اولان اقتدارلرینی کوستردیلر ، هر طرفدن حصارک دیوارلرینه صاریله رق بر قاچ ساعت کشا کشدن صکره عنوة فتحنه موفق اولدیله .

سلطان مراد مرمره سواحلنده اوفاق تفک سفینه لر یاپدیره رق

بیغا قلعه سنک بحر آدخی حصرنده استعمال ایتمشدی که عثمانیلرک برنجی دفعه اوله رق قوللانقلر حرب سفینه سی بونلردر .



ابتدکدن صکره حاجی ایل بکک، بر حملهٔ جسورانه نتایجندن اولان غلبهٔ اخیره اوزرینه کندیسنه مرجح کوریله بیله جکینه لالا شاهین پاشا نصل ذاهب اوله بیلیردی ؟ سلطان مرادک کرچکدن عسکر اولدیغی وعسکرلکک کافهٔ حقایقنی بیلدیکی جهتله حاجی ایل بکک غلبه سنه ، هر یکتیدن صادر اوله بیله جک بر حملهٔ بختیارانه دن بشقه بر نظر ایله باقه میه جغنی ادراک ایتزمی ایدی ؟ تاریخلرکک لساننده طولاشه رق بزه قدر واصل اولان بوخبر اوزمانک شایعاتندن اولدیغندن البته سلطان مراده مجهول قلاماشدر . پادشاهکک مشکورالخدمه اک کار کذار بر بنده سی علیه نه ایقاع اولنمش بویله بر جنایت عظمی روایتنی تحقیق سز وشایعه نك اصل سز لغی ثابت اولماسه جانی بی جزاسز بر اقماسی ممکنمی ایدی ؟

ایشته بو مطالعاته وزمانمزده تشریحات طبیه وتحلیلات کیمیویه کبی وسائطه مراجعتله برابر محکمه لرده بیالرجه اوغراشیلیرکن بر تسمیمک وقوعنی اثبات ایتکک ینه پک قولای اولمادیغنه نظراً لالا شاهین پاشایه اسناد اولنان بویله بر جنایتک ، اولمایه جق شیلره وقایع عادیه دن بیک قات سهولته اینانمق شانندن اولان عوام طرفندن قبول اولندیغی وقبول عامه یه مظهر اولان شیلری تدقیق سز یازمقدمه اولدق لری بیک دلیل ایله ثابت اولان تاریخلره نقل ایدلیدیکی ایچون محنته اعتماد لازم کلز .

صحائف الاخبار خبر واحد قیلندن اوله رق بر روایت

کمزدی ظن اولنور . یالکز سلطان مراد زماننده دکل ، یوز الی سنه صکره لره کلنجه به قدر تاریخلر مزنده هیسچ کیمسه نك زهرایله اتلاف ایدلدیکنه دائر بر روایت کورلمز . بو حواله کوره عثمانیلرک دور استیلا لرندن ایکی یوز سنه ایچنده آره لرنده یالکز بر تسمیم جنایتی وقوع بولمش و بو منفرد جنایتی ده مدت عمرنده بشقه سیئه ایله اتصاف ایتمین بر مجاهدین حیت پرور ارتکاب ایش اولیور . بو قدر غریب ، بو قدر یاقیشیق آلماز بر استثنایه فصل اینانیه بیلیر ؟ بو تسمیم ایچون نقل اولنان استرقاب ماده سی ده جالب نظر در : معلومدرکه حاجی ایل بکک صرب اردوسنی بوز مقدمه کی موفقیتی عسکرلکجه مهارتنه دکل ، جسارتنه دلالت ایدر . حال بوکه او ذاتک دها لالا شاهین پاشا بکلر بکی اولمادن اول دولته او قدر خدمتلی سبقت ایتمش ایدی که اداره عسکریه جه کندیسنی امرانک جمله سنه فائق عد ایتدیرمشدی ؛ حتی سلطان مراد مبادی جلوسی صره سننده اخیلر طاقنی تأدیب ایچون اناطولیده قالمغه مجبور اولدینی صیره ده روم ایلینک محافظه سنی آکا حواله ایشیدی .

حال بویله ایکن سلطان مراد بکلر بکیک ایچون لالا شاهین پاشایی ترجیح ایلدی ، حاجی ایل بکک بونجه فتوحات ایله ثابت اولان مهارتی ، هیسچ عسکرلکجه اشتهاری ثابت اولمادینی بر زمانلرده بیله کندینه ترجیحی موجب اولمامشکن ادرنه اوزرنده کی اردونک محوی و فلبه نك فتحی کی مآثر عظیمه اظهار

قرالئك برادرينك زوجهسى اولان (مادام هانريت) ك زوجى طرفندن تسميم ايتديريلهرك وفات ايتديكنه دائر فرانسرلرجه شايع اولان رواياتى محاكمه ايتديرديكى صرهده : « مادام هانريتك اوروپاچه پك زياده هدف اشقباه اولان زوجى بووقعه دن ناول نه صوكره كنديني روسيايه ايده جك بر حر كنده بولنمشدر ، يالكوز بر بيوك جنابتله اكنفا ايتمش جاني ايسه دنياده پك نادر كوريلور ؛ افعال خونخوارانه يي ارتكاب ايتكده ارتكاب اولنديغنه اينانق قدر كثير الوقوع اوله يدي عالم انسانيت فوق العاده بدبخت اولوردى . »
ديمشدر .

مادام هانريتك وفاتى انناسنده شوكا بوكا زهر صاتار بر جمعيتك موجود اولديغى و بر چوق آدملرده تسميم اولنديغى حالده يالكوز صاحب جنابت عداولنان ذاتك او درلو سيئات ايله معروف اولماسى مؤاخذاتى غايت شديد اولان و اخلاق انسانيه ده شرك غلبه سنه معتقد بولنان وولتر نظر نده بيله بتون اوروپانك ذهاني جرحه كفايت ايلشدر .

بو دستور حكمت حاجى ايل بكي وقعه سنه ، دها ياقيشق آلير بر صورتده توفيق اولنه بيلير : لالا شاهين پاشانك ترجمه حالندن بحث ايدن مؤرخلرك عمومي حاجى ايل بكي تسميمن بشقه شاين تعريض بر حركتى اولماديغنى بيان ايدرلر . بويله هر درلو سيئاتدن برى بر ذاتك دين و دولته بو قدر خدمتلى سبقت ايتمش بر پير مجاهدى تسميم ايتمش اولمسنه نصل احتمال و يريله بيلسون ؟ ملت دها مبادى ظهورنده هر كسك سيف اقتدارى النده ايكن كيزلى آدم تسميم ايتك كې دنائتلر كيمسه نك خاطرينه

کلیور . بونسبتده بولنان عدودن احتراز ایتک ایسه عثمانلیرک شانندن دکل ایدی ! لالا شاهین پاشا احتمال که مبالغه‌لی بر طاقم خبرلر آلمشده آنک ایچون تلاش ایتمشدر ، دینیه‌جک اولسه بصورت پاشانک مکانتنه ، سرعسکر لکنه یاقشمیه جغندن بشقه حاجی ایل بکک اجرا ایتدیکی کیجه باصقینی اسلامک خلاصنه چاره منفرد اوله‌رق اختیار اولمش بر فداکارلق دکل ، دشمنک غفلتندن انتهاز اولمش فرصت عد اولمق اقتضا ایدرکه بوده معتقدات تاریخییه بتون بتون مغایردر . واقعا درت یوز آتلی بر اردویی بوزمق ایچون نهایت درجه‌لرده آز کورسور ؛ فقط کیجه باصقینلرنده آزلنک ، چوقلمک همان هیچ حکمی اولمادیغی امور معلومه‌دندر . کیجه وقتی دروننه کیریله‌بیله‌جک قدر انتباه وانتظامدن محروم اولان براردو قاج کشی ایله اولسه بوزیله‌بیلیر .

بعض تاریخلر حاجی ایل بکک بر ایکی سنه اول وفات ایلدیکندن بحث ایدرک عثمانلیرک او زمانه قدر اعظم مظفرباتی اولان بووقعه‌یی اورنوس بکک‌مأثر جلیله‌سندن عدایمک ایستلر . فقط مؤرخلر عنندنه مشهور ومقبول اولان قول اولدر . اکثر مؤرخین انی قبول ایتدکدن بشقه حاجی ایل بکک بو غلبه عظماسی بکلر بکیلکک آکا انتقالنی موجب اولمق توعمیله لالا شاهین پاشا طرفندن تسمیم ایتدیرلمش و او زهرک تأثریله وفات ایلش اولدیغنی بیان ایدرلر .

وولتر کندی زماننده‌کی انکلتره قرالنک همشیره‌سی وفرانسه

گرامتندن بيلهرك جناب مريم نامنه بر كليسا انشا ايتديرمش
ايدي .

هامر ديركه بو كليسا يه اسناد اولنان معجزه لرك اك تحفي
خرستيانلرك بومغلوبيتني عثمانليره قارشى وقوع بولمش بر غلبه
شكلنه تحويل ايتسيدير .

مجارلر آره سنده بويله بر كذب فخرانه نشر اولنه بيلير ،
فقط مغلوبيت و اذعه حقيقت حالده اويله بر كليسا گرامتيله غلبه يه
تحول ايده جك شيلردن دكل ايدي !

صائف الاخبار دشمن اردوسنك مقدارينى يوز بيك كشي يه
چيقارير ، بواردو درت حكومت طرفندن تشكيل اولندي يه
و آره يه بلغارلرده قارشدي يه جهته افرادينك يوز بيك كشي يه و اصل
اوله بيلمش اولسى امكان خارجنده دكلدر ، او كشرت اردونك
باصقين ايله بوزولماسنه مانع اوله ماز ؛ فقط اكثرث آلمش بيك
كشي روايتنى قبول ايلديكندن بزده آنى اختيار ايتدك .

مؤرخلرك بعضيلرى ده دشمن اردوسنى او توز بيك كشي يه
اينديرلر . حاجى ايل بك فرقه سنك ده اون بيك آقنجيدن
مركب اولدي يه حكا يه ايدرلر . تدقيقات تاريخيه نظر نده بوروايت
شايان قبول كوريله مز . چونكه حاجى ايل بكه توديع اولنان
استكشاف قولى اون بيك كشي اولنجه لالا شاهين پاشانك
ياننده ده آنك ايكي ويا هيچ اولمازسه بر مثلى عسكر بولنه جفندن
پاشانك قوتى ده دشمنك يكونى ويا ايكي ثلثى قدر اولمق لازم -

يونلره مقاومت ايده بيلمسي امكاندن خارج بولنديغنه حکم ايتدی ؛ فقط مقدار لرینک کثرتنه مغرور آپک انتظامسز برحاله بولندقلرينده دقت ايتديکندن بوبلانک اسلام اوزرندن دفعنه ذهننده براميد حاصل ایلدی . خرسثيانلرک موقعلرنده اولان طاغنه قانیده اویله برشبخون اجراسنه مساعد کوردیکندن آزبر- تفکرله بو قهرمانانه حرکتک اجراسنی ذهننده قطعياً قرارلشدیردی . کيجه یاریسی یا قلاشوبده هر طرفه بتون بتون قرانلق چوکدیکی صروده یاننده کی درت یوز آتلی پی درت فرقه یه تقسیم ایدهرک هر برینی بر طرفدن دشمن اردوسنه ادخال ایلدی .

مستانه و مغرورانه خواب و حضوره طالمش اولان خرسثيانلر تکبیر صداسی و طبل و نقاره آواز هسیله یرلرندن قالقدیلر ، تلاش و حیرتله یالکیز ارقداش لرینی دکل ، کندی قرالتیلرینی بیله عثمانلی ظن ایدهرک بر برینی اتلاف ایتمه که باشلادیلر . ضابط امری ، قوماندا صداسی قولاق لرینه کیرمز اولدی . خوف و اضطراب ایلده ده طوره بيلمکه ، اقتدارلری قلمادی . اردوده نه موجود ایسه کافه سنی یرنده ترک ایدهرک قرانلقده یکدیگرینی قیره قیره محو و پریشان اولدیلر . موقع محاربه بر چوق زمانلر « صرب صندیغی » نامیله یاد اولنوردی .

بو غلبه برنجی دفعه اوله رق عثمانلی قارشیسنه گلش اولان اولان محارلره پک بیوک دهشت و یرمش و سیف عثمانیدن بیك مشقتله خلاص اولان محار قرالی نجاتی کو کسنده اولان تصویرک

بر طرفه تابع اولیان بر اشقیا فرقه سنک انه یکمش ایدی .
اطرافه تعرضدن و خصوصیه عسا کر اسلامک حرکاتی تضعیبدن
خالی اولیان بوحیدود جمعیتک اورادن طاغیدلسی سلطان مراد
نظرنده مهام اموردن عد اولمشدی .

بیغانک برقاچ کوندن زیاده طیانه بیلمسنه هیچ احتمال
ویرلمزکن ایپدن قازیقندن قورتله و صفنه شایان اولان مستحفظلری
الرنده او یله بر موقع بولمسنی کندیلرنجه مسائل حیاتیه دن عد
ایلدکلری ایچون خلاف ملحوظ مدافعه ده ثبات ایتدیلر ، قاهه بی
فتح ایتمکسزین اورادن آیرلمغده غیرت پادشاهی مانع اولدی ،
بیغا ایله اوغراشلمغه باشلادی .

بری طرفدن ایسه خرسیتیان اردوسی ، التحاق ایدن بلغارلرایله
آلمش بیک کشی یه بالغ اولدینی حالده ادرنه یه ایکی قوناق قدر
یاقلاشمش ایدی . لالا شاهین پاشا دشمنک بو قدر تقرب ایتمی
و پادشاهدن بر اثر ظهور ایتهمسی اوزرینه فوق العاده مضطرب
اوله رق ایده جکی حرکت ایچون برقرار انخا ذندن اول دشمنک
موقع و مقدارینی لایقینه اوکرنمکه ذهننده قرار ویرمش و درت
یوز آتلی ایله حاجی ایل بکی استکشافات لازمه نک اجراسنه
سوق ایلش ایدی .

حاجی ایل بک دشمن اردوکاهنه مشرف اولان برته دن
اطرافه احاله نگاه ایدنجه دشمن عسکرنده مشاهده ایلدیکی
کثره کوره لالا شاهین پاشا اردوسنک میدان محاربه سنده

وافلاق حکمدارلری بکلدکلی زمان مساعدک حلولنه حکم ایلدیلر ، عثمانلیلرک حدوده تقربلرندن کندیلرنجه تولد ایده - بیله جک فالقلمری تعداد ایدهرک اهلینک غیرت ملیه واحترافات عاقبت اندیشانه لرینی تحریک ایتدیلر ، بیوجک بر اردو ترتیبه موفق اولدیلر . صرب قرالی اطرافدن التحاق ایدن خرسیانلرله ایلریله دجه تراید ایتمکده اولان بو قوتک بالذات اداره سنه کچهرک ادرنه بی وجهه عزیمت اتخاذا ایلدی . لالا شاهین اولیه بر قوه کلیه نک اسلام اوزرینه بیغلوب کلمکده اولدیغنی خبر آلنجه خیلی تلاش ایتدی . چونکه یاننده اولان عسکر اون بیک کشیدن عبارت اوله رق اوقدر جزوی بر قوتله هم ملکی محافظه هم دشمنه مقابله قابل دکلدی . هله روم ایمراطوری آرقه دن بر حرکت اجرا ایدرسه روم ایلیده کی فرقه نک بتون بتون محو - اولماسندن قوقیلوردی . او جهته حقیقت حالی پادشاهه عرض ایدهرک امداد ایستدی .

سلطان مراد دشمن آغزنده اولان اسلامه اعانه ده تراخی کوسترمدی ، مکمل بر اردو ایله بالذات روم ایلی یه کیتمک عزمنده بولندی . شوقدر وارکه خرسیان اردولری پک بطائنه حرکت ایده کلدیکندن پادشاه روم ایلی یه امدادک عجله یه محتاج اولمادیغنه ذاهب اولمش و بناء علیه روم ایلی ایشندن اول بیغانک فتحنی آرزو ایتمش ایدی . بوقلعه سلطان اورخان زماننده ممالک عثمانیه یه التحاق ایتمش ایسه ده اهمیت ویرلمدیکندن هیچ

بومکتو بلردن آکلاشلديغنه کوره پادشاه، روم ایلیده دها کثرت واققدار لرینک درجه سی لایقیه تجربه اولنماش بر چوق دشمنله اوغراشوب طورورکن برده آناتولی طرفنده آرقه دن بردشمن پیدا ایتمه کی مقاصد مهمه دن عد ایتمشدی .

لالا شاهین پاشا فلبه طرف لرینک فتحنه مأمور ایدی . آلدیغی امرک اجراسنه ایسه ۷۶۵ سنه سنده ابتدار ایده بیلدی . مقصدینه ده پک سهولتله نائل اولدی . چونکه فلبه ده بولنان بلغار پرئسی محاصره نک شدتیه برقاچ کوندن زیاده تحمل ایده میهرک امان ایله قاعه یی تسلیم ایتمدی . لالا شاهین شهرک یالکز فتحیه اکتفا ایتمدی ، مرلیج اوزرینه برکوپری انشا ایدرک اعمارینه ده همت ایلدی .

فلبه نک موقعنده اهمیت واطرافنده کی پرئنج چلتکلری جهتیله ایرادنده کثرت اولدیغندن ضبیطی دولتجه فتوحات عظیمه دن عد اولنمش ایدی . مملکتی لالا شاهین پاشایه تسلیم ایدن بلغار پرئسی ایسه او یله بر ملک مستثنان بتون بتون فراغته بر درلو راضی اولمادی . استرداد ایچون صربستانه کیده رک خورستیان حکومتلرندن استمداد ایلدی . آنلر ایسه عثمانیلرک آوروپا قطعه سنده تقرر وتوسعی جهتیله پک بیوک تلاشلره دوشهرک بو ملت غالبه نک پیشگاه ترقیسنه برسد چکماک ایچون فرصت کوزتمکدن ، چاره تحری ایتمکدن خالی دکلا لر ایدی . فلبه پرئسنک مراجعتی اوزرینه حجار و صربستان وبوسنه



بوسنه ایچنده ایدی که ، سلطان مراد روم ایلیده بولنان
عسکرینک اداره سنی لالاشاهین بکه تودیعی ایدرک بروسه یه عودت
ایلدی . پادشاه بروسه ده بولندیغنی مدتجه اسلام حکمدار لر یله
مناسبات وموالاتی تکثیره چالیشهرق ایران طرفلرینه حکم
ایتمکده اولان شاه اويس اینخانیه بر نامه ایله بعض هدیه لر
کوندردیکی کبی قرمان اوغلنی ده تأدیبدن ایسه خوف ورجایننده
طوتهرق حکم معنویسی آلتنده بولندیرمنی مرجح کورمشدی .
حتی روم ایلیده کی فتوحاتی مبین کوندردیکی نامه ده بر زماندن بری
انقطاع مراسلاته غزا ایله مشغولیت سبب اولدیغنی تصریح ایدهرک
قرمان اوغلنک اخیلر وقعهمسنده کی تحریکاتندن خبردار اولمادیغنی
ویا خود خبردار اولمق ایستمدیکنی کوستردی . قرمان اوغلی
طرفدن امیرالامراسنک وارشاق تاتارینی فتنه یه تحریک ایلدیکنه
دائر کلن خبرلر اوزرینه یازدیغنی نامه یه ده « ا کر فی الحتمیقه آنلرک
فسادی محقق ایسه بزده مقدورمنرک صرفنده دریغ همت ایتمیز .
فقط اراجیف اوزرینه بویله برامر خطیره نصل باعث اولهلم ؟
ایلیده نه ظهور ایدرایسه آکا کوره حرکت ایدرز . » کبی سوزلر
درج ایدهرک حین حاجنده کندیسنه معاونت ایدهجکنی وعد
ایلمشدی .

صاحبندن یکریمی بش آقچه خمس آلدیغنی وقاریشلق اولماق ایچون بوخسه بدل برکاغد ویریلهرک آکاده پنجک [۱] دینلدیکنی بیان ایدیورلر .

بوکا نظراً او زمانه قدر یالکیز اسرادن خمس آلمادیغنه و بوحق شرعینک استحصالنده قره رستمک اخطاری اوزرینه باشلاندیغنه احتمال ویریله بیلیر .

پنجکدن بحث ایدن تاریخلره کوره بر آقچه، ربع درهم شرعی کومشدن عبارت اولیورکه او حالدده سلطان مراد زماننک اسراسنه تعیین ایدیلمن قیمت تقریباً یوز یکریمی بش غروش ایدر . بو قیمتک بر بری اوزرینه بر مقدار معدل اولدیغنده واسرانک دکرندن براز دون وضع اولندیغنده شهه یوق ایسه ده اسیرلرک بهاسی بر بری اوزرینه بونک ایکی مثلنه بالغ اولسه ینه اوزمان اسارته دوشنلرک محیر عقول اوله جق درجه لرده کثرتنه دلالت ایدر .



[۱] پنجک پنجه لفظندن بوزمه برشی اوله رق اونام ایله موسوم اولان کاغد ایسه استانبولدن اسپر پازاری لغو اولنجه به قدر اسیرلره برابر مشتری به ویریلور ایدی .

بلکه دولت علیه، استقلال بولدقن صکره سلچوقیلرک بو امرینی حکمدن اسقاط ایتشد، یوللو برشی خاطره کله جک اولورسه آکا نصل احتمال ویریه بیلیر؛ سلطان عثمان نهایت عمرینه قدر سلچوقیلره تعظیماً نوبت وقتلری آیاقده طورمش ایکن بویله برحکم شرعینک اجراسنده آنلر طرفدن آلدیغی وصایایه توفیق معامله ایتمه مش اولسنه نصل امکان تصور اولنه بیلیر؛ اوسلطان عثمان که دولتی تأسیس ایدر ایتمز قاضی نصییه احکام جلیله شرعییه ده تطبیق ایتمک باشلاه شد.

بوندن بشقه سلطان مراد زمانندن اول دولت عثمانیه ملکنده غنائمدن خمس آلدیغی بر سند رسمی ایله دها مثبتدر؛ سلطان اورخان طرفدن ۶۳۳ تاریخنده شهزاده سلیمان پاشایه ویریلن وزارت و بکلبکلیک براتنده شوسوزلر کوریلور:

« مشارالیه اوغلمی حرب و قتال و جنک وجدالده وسائر احوال خیر مألده کندیلره سپهسالار و جناب هایومدن قائم مقام عد ایدوب امرینه مخالفتدن اندیشه و حذر ایدلر. و واقم اولان غنائم و ائقال وغیری اسباب و اموال که بتوفیقاه میسر اوله خمس شرعیسنی اخراج ایدوب تقسیم و توزیعن مشارالیه اوغلمک معرفتیه ایدلر. »

بوعبارده اولان « خمس شرعیسن اخراج ایدوب » ترکیبی بو حکم شرعینک تاریخلرده بیان اولندیغی کبی قره رستمک اخطاری اوزرینه اجراسنه باشلانیدیغی قبوله امکان می براقیر؟

تاریخارمز بو وقعه نک متمماتندن اولق اوزره اغتنام اولنان اسرایه یوز یگرمی بشر آقجه قیمت تعیین اولنهرق هر اسیرک

مولاناك قولنى تصديق ايله بادشاهه عرض ايلر. خمس شرعينك تحصيلنه آندن صكره ابدار اولنور، خدمت جباتي ده قره رستمه حواله اولنور.

خواجه سعدالدين بو روايتي تماميله قبول ايدرك تاريخنه درج ايتدكن صكره دولت عليه تاريخي يازمغه تصدى ايدن بعض بي ادراكلك، خمس شرعي بي قره رستم طرفندن اختراع اولمش بر بدعت صورتنده كوستردكلرندن بحث ايدرده سلاطين عثمانيهك مآثر جليلهسى اويله جهلهك قال و قلمنه دوشديكنه تأسفلر كوستير.

واقعا غنايمن خمس آلتق احكام قرآنيه مقتضياتندن اولديغى بيلمينلرك بر اسلام دولتك تاريخي يازمقده اوغراشمسى آرزو اولنهجق شيلردن دكلدر؛ فقط جهلهك اويولده بر مناسبتسز اشتغاللردن ايسه اصل خواجه سعدالدين كبي اعظم علمانك اثرلرنده قره رستم وقعسى كبي يا كلشلقار بولماسنه تأسف اقتضا ايدر:

علاءالدين سلچوقى طرفندن سلطان عثمانه كوندريلن منشورده شويله بر عباره كوريلور: « مال غنايمن خمس شرعي اخراج ايتدكن صكره غزاة نصرت شعاردن پياده وسواره بحسب استحقاقهم توزيع و تقسيم ايليوب هر برينك حصه شرعيهسن ايفا ايله ». بو عباره دولت عثمانيهك ظهوريله برابر خمس شرعينكده استحصالنه باشلانديغى و قره رستمك اخطار مسئلهسنده بر يا كلشلق اولديغى اثباته كافي دكلدر؟

احتمال ویره جك دنیاده بر ساده دل تصور اولنهماز ، ثانیاً
 خرستیانلغی قبول ایتدیکنندن بحث ایدن طاقی بفرصت ظهور
 ایدنجه اسلام عسکرینه پریشانلق ویرمك ایچون اردوده
 براقیوبده قلعهیه آلمق مجنونلرك بیله قولایلقه قبول وار تکاب
 ایده جکی مناسبتسزلکاردن دکلدر ، ثالثاً سلطان مراد فتحنامه لرنده
 بویله بردسیسه دن هیچ بحث ایتیمور . حال بوکه او قیلدن اولان
 اوراق رسمیه ده وقایع حربیه یی اطرافیه و حقیقتیه بیان ایتک
 اوزمانک عاداتدن ایدی . رابعاً روایتک نتیجه سی مقدمه سنه
 اویمور : قلعه نك داخنده بولنان عثمانیلر بر قوسنی آچوب
 اردویی ایچری دعوت ایتدکن صکره شهرک استیماتی قبوله
 نه سبب نه مجبوریت تصور اولنه بیلیر ؟

۷۶۳ سنه سی بوفتح جلیل ایله ختام بولمشدی . ۷۶۴
 سنه سنده اوقدر پارلاق بر مظفریت ظهور ایتدی . مع مافیه
 فتوحات ده بتون بتون منقطع دکل ایدی . اورنوس بك کوملجنه
 و واردار طرفلرینی ، لالا شاهینده اسکی ویکی زغرهلری فتح
 ایلدی . ایکی فرقه نك اخذ ایتدکری غنایم پک کثرتلی ایدی .
 تاریخلرك روایتنه کوره بوزمانه قدر غنایم دن بیت المال ایچون
 خمس آلمق معتاد دکل ایکن قرمان علمای عظامندن غزا ایچون
 اردویه کلمش اولان قره رستم ، مجاهدین آره سنده خمس شرعی
 تفریق اولمدیغنی کورور ، قاضی عسکر اولان قره خلیل نزدینه
 کیده رك بوحق سلطانینك ترك اولنشنه تعریض ایدر ؛ قره خلیل ده

محاصره سنده حاضر بولمغه دعوت ايتمشدى . پاشانك غلبه سيلاه ادرنه خلقنه عارض اولان دهشت پادشاه اردوسنك ورودى اوزرينه بر قاچ قات ترايد ايلديكندن مدافعه دن عجزيه يقين حاصل ايدين ادرنه محافظى مريچك چوشقونلغندن استفاده ايده رك بر كيجه اولاد واقاربيله بر قايقه كيردى ، اينوز طرفنه فرار ايلدى . حكومتدن محروم قالان اهالى ده قلعه يي استيمان ايله تسليم ايتديلر .

بعض تاريخلرك روايته باقيليرسه : حاجى ايل بك ذاتا مهتدى اولديغندن بركون فرار صورتنده ادرنه يه كيده رك مذهب قديمى ترك ايتمى ضرورت مقتضاسندن اولديغنى ولالا شاهينك حياتنه قصد ايتمكه اولمى جهتيله هم جانى قورتارمق هم خرستيانلغه خدمت ايتمك ايجون كلديكى بيان ايله محافظى اقناعه موفق اولور ، كندى طرفدارلرندن وخرستيان اولمغه طالب طاقدن اولدقلىنى بيان ايده رك قلعه يه برطاقم عسكرد اداخل ايدر ، بونلر بر كيجه سلاحه صاريله رق قلعه قپوسنك برينى آچارلر ، خارجه كي عثمانليسلى شهره دعوت ايدرلر ؛ محافظك مريچ طريقه قاچمسه ، اهالينك استيمان ايتمسه بو حادته سبب اولور .

بو روايت تدقيقات تاريخيه جه افسانه كورينور . چونكه اولاحاجى ايل بك كى قرق اللى سنه اسلام ايجنده بولنه رق بر دولته وزارت ، بردولته سردارلق مقامنه نائل اولمش و قليجيله دين محمدى يه بو قدر خدمتلىر ايتمش بر ذاتك ارتداد ايده بيلمسه

پادشاه چورلی طرفرینک فتحیه مشغول ایکن حاجی ایل-
 بك معتادی اوزره آقینه چیقمشدی . دیمتوقه محافظی ده اسلام
 عسکرینی باصمق ایچون اطرافده طولاشمقده ایدی . ایکی فرقه
 یكدیکرینه راست کلدیلر . عثمانلی عسکری شدتلی بر محاربه دن
 صکره دشمنی بوزمش ، دیمتوقه محافظنی ده اسیر ایتمش ایدی .
 محافظك اوغلی پدرینی عثمانلیلر النده کورنجه آنی تخلیص ایچون
 بر چوق اموال ایله برابر دیمتوقه نی حاجی ایل بکه تسلیم ایلدی .
 اورنوس بك ایسه ینه او ائنده کشانی فتح ایتمشدی . ایکیمی
 بر برینی متعاقب معسکر هایونه کلدیلر ، سلطان مراددن فوق-
 الغایه التفات کوردیلر .

پادشاه ، روم ایلیده کی قوتك رایت اقبالی آلتنده اجتماع ایتمی
 اوزرینه ادرنه نك فتحنی مشاوره ایچون امراسنی دیوانه جلب
 ایلدی ، مذاکرات نتیجه سنده لالا شاهین پاشا معیتنه بر فرقه
 ویرلدی ، پادشاه دخی بو فرقه یی تأیید ایچون اردونك بقیه سیله
 بابا اسکیده قرار ایتدی .

ادرنه محافظی طوپلایه بیلدیکی قدر عسکرله لالا شاهین
 فرقه سنك مقابله سنه شتاب ایتمشدی . سازی درده فریقین
 تقابل ایلدی ، آرده پك شدید بر محاربه وقوع بولدی . عثمانلیلر
 شجاعت فداکارانه لری سایه سنده بو محاربه یی قازاندیلر ، دشمنی
 پریشان ایتدیلر .

لالا شاهین تبشیر مظفریت ایلدیکی صرده پادشاهی شهرک

قواعد حربیہ دن ، حرب اسیرلرینی اولدیره بیامک حقوق غالبیتدن معدود ایدی . محارب ایکن اولدیرمکده حقلی اولدیغمز بر دشمنک غلبه دن صکره قیلنه طوقنمقده حقمز اوله مامق قاعده سنده تناقض بولنمادیغنه افکار بشری اقناع ایتک ایکی عصر اوله کلنجه یه قدر کیمسه لره میسر اوله بیله جک موفقیتلردن دکل ایدی !

بو فتحده شایان دقت برشی واردرکه عسکره چورلینک ضبطی حالنده یغمایه طرف پادشاهیدن ویریلن رخصتدر . بوندن آکلاشیلان عثمانیلر عنوة فتح ایتدکری یرلری بیله پادشاهدن رخصت اولمادقجه یغما ایتمز لرمش . بو عادت کرک حقوق ملل و کرک انتظام عسکری نقطه نظر نجه برترقیدرکه استحصالنه هر ملتدن اول باشلامق شانی عثمانیلره عالمدر .

بر کوچک سال اوزرنده روم ایلی فتوحاتنه رهبر ارشاد اولان و کلیبولی ایله آجه اووه طرفلرینک تسخیرنده بونجه همتری کوریلن آجه بک ایله فاضل بک سلطان مرادک جلوسندن و یاخود روم ایلی یه وصولندن اول وفات ایتمش اولمالیدرلرکه بودورلرده هیچ ناملری کورلمز . سلطان اورخانک ، قرق کلیسیایه سوق اولمنسنی توصیه ایلدیکی ایود بکک و یکیت باشیلیق و یردیکی قره جعفرکده آندن صکره ناملری کورلمز . سلیمان پاشا زماننده کی رؤسادن سلطان مرادک خدمتنده قالمق دولتی یالکز حاجی ایل- بک ایله اورنوس بکه میسر اولمشدی .

(نیتوز) قلعہ سنی آزر مدت محاصرہ دن صکرہ امان ایله فتح ایلدی . آندن صکرہ چورلینک فتحنه عزیمت ایتدی .

محافظی وقوع بولان استیمان و اطاعت تکلیف لری قبول ایتدی ، مقاومتده پک زیاده ثبات و متانت کوستردی . نهایت اسلام طرفندن آتیلان بر اوق ایله کوزندن اورلمش و او جهته عسکرینی اداره اقتدارندن ساقط اولمشدی ، بو صروده ایسه مملکتک غارتنه مساعدده اولنقله برابر قلعیه هجوم امری ویرلدی ، عثمانلی دلاورلری اقدامات کلیه ایله حصاری ضبط ایتدیلر . سائر قلعهلر اهاالینسه القای دهشتله مقاومتده فتور کتورمک ایچون اهاالینسی اسیر ایدرک شهری ده قلعیه ده خاک ایله یکسان ایلدیلر . محافظکده باشی کسلیله رک نمونه اعتبار اولق ایچون (مسلی) قلعہ سنک محافظنه کوندرلدی . بو قلعہ نک محافظی ایسه چورلیده فدای حیات ایدن آرقداشنک مسلکنه اقتدا ایده جک اصحاب غیرتن اولدیغندن همان استیمان ایدرک قلعیه پادشاهه تسلیم ایتمشدر .

شبهه سزدرکه چورلینده کی معاملہ زمانمک معاملهته قیاس اولنور ایسه پک بیوک بر غدارلق کورینور ؛ فقط وقعہ نک زمان جریانندن بری بش یوز سنه قدر زمان مرور ایتدیکنی نظردن دور ایتمه لیدر . هیچ بر قوم بولندیغی عصرک نقایصندن حصه دار اولدیغی ایچون مؤاخذه اولنه ماز . او عصر لرده ایسه اعدادن مقاومتده اصرار ایدنلری محو ایده رک سائر لری اخافه

بربرندن آیری بر رأیه مالک اوله جق ایکی قوت قالماش اولدینی
 کبی روملر اوزرینه سوق اولنان قوتده دولتك همان عموم اسحاب
 سیفندن مرکب ایدی . بونکله برابر اوقوه کلیه بی، استانبولک
 ضبطیله روم دولتنک بتون بتون محوی جهتنه وقف ایتمکدن
 ایسه ادرنه طرفلرینک فتحی مقصدینه صرف ایتمکی ترجیح
 ایلدی . چونکه اوزمانلرک فن حربنه کوره استانبولک موقعی ده
 استحکامی ده پک متین اولدیغندن موجود اولان قوتله ضبطی
 محال درجه سنده مشکل ایدی . هله پادشاه روم ایلییه کچرکن
 کمی انشاسنه برچاره بولمق ایچون یکی امر ویردیکی و بناءً علیه
 دولت علیه اوزمانلرده حتی بر کمییه مالک اولمادینی جهتله بوقوه
 بحریه فقدانی ده استانبول فتحنی بتون بتون استحاله یه دوشورور
 ایدی .

سلطان مراد روم ایلییه واصل اولور اولماز برادر
 عالیشانک مزارینی زیارته شتاب ایلدی . سطوت عثمانیه نک بری
 مشخص سوابق فاخره سی، بری ذی حیات امید استقبالی اولان
 ایکی برادرک بری دنیادن بری آخرتدن بربرینه آغوش آچار جهسنه،
 دنیا ایله آخرت آره سنده بر منزل سکون دینلمکه شایان اولان
 مقبرده اجتماعی نه حزین بر تماشا در .

پادشاه برادرینک قبرسکونی جوارنده بر جامع ایله بر عمارت
 انشاسنی امر ایتمکدن صکره مقصدینک اجرا آتیه ابتدا ایدرک
 ادرنه اوزرینه یوریدی . اول باول رهگذار عزمنه تصادف ایدن

اولسه بیه قره جعفر قدر اولسون فرقه ریاستی ایتدیکندن ثابت الاستحقاق اولان امرادن معدود اوله ماز . مع مافیہ سلطان مرادک بواتخابی تمایلاتنه اتباعندن زیاده کشف لیاقتده فوق العاده کالی کوستردیکی ایچون تعریضه دکل ، آلقشلامغه شایسته در . چونکه ولی نعمتی کبی اوزمانه قدر قیمتی مستور قالمش اولان بوقهرمان جلیل الاقدار ، کشور کیر لکده امرای موجوده نك الك بیوکلرینه فائق وهیج اولمازسه مساوی اولدیغنی دلائل فعلیه ایله اثبات ایشدر .

سلطان مرادک بو تشبئی سلیمان پاشا سوقنده بکزه مدی ؛ چونکه آنده پادشاه مرکزده قاهره روم ایلی یه یالکیز شهزاده سنی کوندرمش اولدیغندن روملرله اوراده محاربه ایدن فرقه دولت علیه نك قوتندن بر جزؤ ایدی . بوندن بشقه سلیمان پاشا شهزاده اولقله برابرینه فوقنده بر امره تابع اولق جهتله ننده کی قوتی ایستدیکی کبی استعمال ایتکه ، هر ظهور ایدن فرصتدن استفاده ایتکه مقتدر دکل ایدی . بوجهتله حیل سیاسیده بک دننی فقط بک ماهر اولان روم امپراطوری پادشاهه مراجعت ایدره ک شهزاده بی حکمجه محاصره سندن فراغت ایتدیردیکی کبی فصل اولسه مرکزله اردونک افکار و تمایلاتنده بر اختلاف پیدا ایدره ک آندن استفاده ایتک امیدنده بولنه بیلیدی . سلطان مراد ایسه پذیرینک مسندینه قائم اوله رق برادرینک قلیجنی استعمال ایتدیکی جهتله عثمانلیلر طرفنده روم امپراطورینک دسایسیله

شاهینه احوالی بزم تاریخلرک دیدیکی کبی او خدمتی ایفاایده جک شهزاده نك فقدانندن بشقه بر سببه محمول اوله ماز .

لالا شاهینک نائل اولدینی مرتبه ده اصل جای نظر اولان جهت، روم ایلیده بوقدر خدمت لر ایدن وشهزاده سلیمان پاشا کبی بر قهرمانک لسانندن « ارنلر قوجانی » کبی بر وصفه مظهر اولان حاجی ایل بکه ترجیح اولمنسی در . حاجی ایل بکک ذاتاً عثمانلی اولادندن اولماسی بوکا سبب اوله ماز ؛ عثمانلیرک اوتهدن-بری، افرادینک وضعینی اصلینندن فرق ایتمه مک قاعده شرعیه سنی تامیله اجرا ایتدکلرینه، بودولتده اسارتدن صدارته قدر وصولک امور عادیهدن معدود اولسی کوستریور . بو حوالده ترجیحه ، پادشاهک لالا شاهینه امنیتندن باشقه بر سبب یوقدر دنیه بیلیر .

بر مأموره کوره حسن خدمت ایچون حکمدارینک امنیتنه مظهریت یاری لیاقت حکمنده در . حکومت مستقله ده پادشاهک امنیتنه نائل اولمق سزین بیوجک خدمت لر ایده بیلمش همان هیچ کیسه کوریله مز . بوقبیل امنیتلرک ، اگر مظهر اولان ذاتک اهلیتی یوق ایسه مضرتلی و آندن اهلیتلیسی وار ایسه حق سز اوله جنی میدانده در . لالا شاهین ایسه او زمانه قدر اقتدار عسکر یسنه هیچ بر دلیل کوسترمه مش ایدی . سلطان اورخان زماننده براردو بوزدیغنه دائر شقایقده کی روایت ، تاریخک دائره قبولندن خارج قلمش بر حکایه در . هامرک دیدیکی کبی سلیمان پاشا ایله برابر چینی یه کچن قهرمانلر آره سنده بولندینی صحیح

سلطان اورخان اوایی خدمتی یالکنز سلیمان پاشاده جمع ایلدی .
 ثانیاً سلطان مرادک لالا شاهینی بککر بکی نصب ایتدیکی زمان
 اکبر اولادی اولان بایزید هنوز ایکی یاشنه کیرمش اولدیغندن
 وزارت ویا بککر بکیلکنی اداره ایده بیله جک اقربا و اولادی
 یوق ایدی که بو خدمتک آنلره تودیعی قابل ایکن مخاطره
 ملاحظه سیله لالا شاهینه توجیه اولندیغنه احتمال ویریه بیلور .

ثالثاً فی الحقیقه لالا شاهینه بککر بکیک ویرلدی و پدر ملت
 مقامنده اولان پادشاهک اکبر اولادی حکمنده اولدیغنی کوسترمک
 ایچون بوکا برده پاشالق عنوانی علاوه اولندی ؛ فقط بو بککر
 بکیک سلیمان پاشانک منصبی کبی وزارت رتبه سنی جامع اولمق شویله
 طورسون ، پادشاه اردوسنک باشنده اولدیغندن عموم سرعسکرلک
 بیله دکل ایدی .

رابعاً شهزاده لره اداره عسکریه ویرمه مک ویا رایه قارشیدیرمامق
 قاعده سی سلطان مراد زماننده دکل ، ایالته شهزاده چیقمق
 عادتک لغوندن صکره ظهور ایلدی . اوزمانه قدر هر نه وقت
 پادشاهار حربیه کیدرسه شهزاده لره ایالتلری عسکر یله برابر
 بولنور واردولرک جناح لرینه قوماندا ایدرایدیله . هله سلطان مرادک
 شهزاده اکبری اولان بایزیدی کرک مواد عسکریه و کرک امور
 ملکیده اک معتمد و محرم مستشار عدایلدیکی زیرده بیان اولنه جق
 وقایع ایله ثابت اولور .


بوحالره نظراً پادشاهک اداره مخصوصه و عالیه سی آلتنده
 اوله رق عموم امرایه ریاستدن عبارت اولان بککر بکیلکک لالا-



پادشاه بوسفر نده قره خلیلی قاضی عسکر ، لالا شاهینی امیر الامرا
نصب ایتمشدی . تاریخلر اوزمانه قدر عسکر بیننده ظهور ایدن
دعوالر مملکت قاضیلری طرفندن رؤیت اولنورکن افراد مجاهدینک
تکثری جهتله دعوا لری ده تکثر ایلدیکندن آریجه برآموره
احتیاج کورلدیکنی واو جهتله قاضی عسکرک منصبک احداث
اولندیغنی بیان ایدر لر . بکدر بکیک خصوصنده ایسه ، سلطان عثمان
زماننده بو خدمت سلطان اورخانه و سلطان اورخان دورنده
سلیمان پاشایه مودوع اولدیغنی حالده پادشاهک یتشمش اولادی
اولدیغندن بکدر بکیکی لالا شاهینه احاله ایلدیکنی یازار لر .
فقط هامر بوروای قیبول ایتمزده دیرکه :

« وزارتیه شامل اولان بکدر بکیک اوزمانه قدر پادشاهلرک
همه حال یابک یقین افر باسنه و یا خود اکبر اولادینه احاله اولنوردی .
بومسندده اورخانک برادری و آندن صکره اوغلی سلیمان پاشالرک بولندیغنی
کورمشدک . سلطان مراد بونی بر ماده اختلال و تحت سلطنت ایچون
برمنشاً مخاطر ه عدا ایلدیکندن تقرر ایدن عادتی ترک ایله اولادینی مجلس
مذاکرته قبول ایتمز اولمش وقوه عسکر یه نک عموم قوماندانغنی اجانب
النه تودیع ایلمش در . دولته بر امنیت دیگر بخش ایلمش اولان بوقاعده
سلطان مرادک اخلاقی طرفندن بلا تغیر مرعی الاجرا طوتلدی . »

اولا وزارتله بکدر بکیک علاء الدین پاشاده مجتمع دکلدی ؛





کلیات کمال

عین زینب

عنوان کتاب

جلد ۱
جزء ۵

استانبول

محمود بی مطبعی

۱۳۲۶

کتابخانہ

ایکٹیو ترتیب

اسامی کتاب

برنجی ترتیب

جلد ۷

کتابدر ۱۲

جلد	اسامی	برنجی	اسامی
۳	[۱] روٹان مدافعه نامہ سی . . .	۳	۱۲
۵	[۲] قارہ بلا	۵	۱۳
۲۰	[۳] مقالات سیاسیہ وادیہ ورویا	۲۰	۱۴
۱۰	[۴] وطن، کمال، عاکف، زوالی، جو جوق	۱۰	۱۵
۲۵	[۵] اشعار کمال	۲۵	۱۶
۱۲	[۶] جلال الدین خوارزمشاہ	۱۲	۱۷
۲۰	[۷] مکاتیب خصوصہ دن برنجی جلد	۲۰	۱۸
۷,۵	[۸] اوراقی پریشان مجموعہ سی	۷,۵	۱۹
۲۰	[۹] مستحبات محرمات رسمہ	۲۰	۲۰
۷,۵	[۱۰] حزمی واتباء	۷,۵	۲۱
۲۰	[۱۱] مکاتیب خصوصہ دن ایکٹیو جلد	۲۰	۲۲
۵	[۱۲] تعقیب و تخرب خرابات رسالہ لری و سائرہ	۵	

کتاب کتاب اولہ فی
برنجی ترتیب
ہر ایک آئیہ
جزو جزو اولہ فی
ایکٹیو ترتیب
اولہ ہجرت
ایکٹیو ترتیب
برابر اولہ فی
منظماً طبع و نشر اولہ

ایونہ شرائطی


مقسطاً تادیہ ایدک شرطیلہ ایونہ
شرائطی
غروش
۲۱۶ اولہ ادارہ خانہ دن آلفق و یقین اولہ
و متعلقاً فر اوج آیدہ بر یادہ شر ایدہ
ایدک شرطیلہ
۲۱۰ پوسنہ اجرتدن مولای تقبیلہ
اولہ فی پشین ۳ ہجرتیہ و فر اوج آیدہ
و برلک شرطیلہ اقامتکامہ کو تادیہ

یکونی پشین اولہ فی تادیہ ایدک
اوزرہ ایونہ شرائطی :
غروش
۲۰۰ ادارہ خانہ دن آلفق شرطیلہ .
۲۲۵ درسعات و ولایات و مالک اجنبیہ ایچون
پوسنہ اجرتیہ داخل اولہ فی اقامتکامہ
کو تادیہ شرطیلہ .

بوجزؤک فیئانی (۳) غروشدر
طشرہ ایچون پوسنہ اجرتی ضم اولہ نور .

بوغازی دینلین محلی فتح ایله دشمنه قارشی بر نقطه ترصد اتخاذ
ایلیش ایدی . بو صورتله روم ایلیجه خرسیتیانلردن احترازه محل
قالدیغندن بروسده آرام اولنهرق تدارکات حربیه ایله اوغراشلدی .
قرمان اوغلیله متفقاری پادشاهک قلیجنده کی قوتی کورنجه
کوشه سکون وسکونته چکلدیار ، کندیلرندن هیچ برشی صادر
اولماش کی طرز بیطرفانه لرنده طور دیلر .

عصر لردن بری ملل غیر مسلمه دن یرفتخه حسرت اولان ملوک
واقوام اسلامیه نك اکثریسی زدنده عثمانیلره قرن اول مجاهدلرینک
عصر سعادتت آندیره جق درجه یه کتوردکلری اقدامات عالم
پسندانه لریله اوقدر محبوب ومقبول اولمشلر ایدی که آنلره تعرض
اسلامیته خصومت حکمنی آلمشدی . اوجهته قرمان اوغلرینه ،
اخیلری تحریک مسئله سی ایچون تا ایران حکمداری (اویس
ایلخانی) دن عتابنامه لر کلکه باشلادی . پادشاه ایسه قلیجنگ دهشتی ،
ملت اسلامیه نك عثمانیلره اولان محبتی دشمنارینی تکریر تسلطدن
منعه کفایت ایتدیکنی کورنجه آنکله اکتفا ایلدی ، خرسیتیان
عالمنه قارشی اولان تصورات عالیه وتشبثات جسمیه نك رغم وانتقام
کی اغراض اوغورینه کرفتار تا آخر اولسنی روا کورمیه رنک تدارک
ایلدیکی قوه کلیه ایله ۷۶۳ بهارنده کلیولی یه گذار ایتدی .



وچاودار عشرتاريك حدود عثمانيه تعرضي خبر آلمش ايدى .
 بو تعرضه سبب ايسه سلطان اورخانك نفوذينه مغلوب اوله رق
 اطاعت معنويه سي آلتنده بولنان قرمان اوغلنك ، سلطان مراده
 حامل اولديغي خطب عظيمي اداره يه اقتدار سزلق اسناد ايدنلرك
 فكرينه اشتراك ايتتى ايدى . ظننى بر تجربه ايله تحقيق ايجون
 اخيار طاقتنى دولت علمهنه اوتخريك ايدى . كرميان طاقتى ده قرمان
 اوغلنده سلطان مراددن زياده اميد غالبيت كورديكچون عثمانلى
 دشمنلريك اتفاقيه داخل اولمشدى .

بو حادته اوزرينه اسلامه قليچ چككك مجبورتى ميدانه
 كلديكندن سلطان مراد ايدلسى لازم كان حركتى علمادن
 استفتا ايدى ؛ كفار ايله حرب اوزرنده اولان مجاهدن
 اسلامك مملكتنه تعرض ايدن منافقينك مقابله سي غزادن
 مقدم اولديغنه فتوى ويرديار . بونك اوزرينه يادشاه روم
 ايلنك محافظه سن حاجى ايل بكه توديع ايدرك كنديسى يكرمى
 بش بيك قدر عسكركله انقره يه يوريدى . چاودار و طورغودلى
 عشرتلىرى ، سلطان مرادك اوزرلرينه يوريديكنى استخبار ايدنجه
 ارسلان سداسى ايشتمش وحوش كبي يشكاه عزمنندن چكيلهرك
 اطرافه طاغديلر . اخيار ايسه امكان مقابله كورمكلىرى ايجون
 انقره نى پادشاهه تسليم ايدهرك جانلرني قورتاره بيلديلر .

۷۶۲ سنه سنك موسم صيفى بو فتح ايله كچمشدى . روم
 ايلنده ايسه حاجى ايل بك دشمنه فرصت تعرض ويرمه مش
 وحتى ادرنه جوارينه قدر مريچ اوزرنده بولنان وحالا حاجى -

سلطان مرادك ۷۶۱ ده وقوع بولان جلوسنى متعاقب اوغلى سلطان بايزيد تولد ايلدى . هيسچ اميدى يوق ايكن كنديسنه بر سرير سلطنت بخش ايدن عنايات الهيه دن همان اوسنه ايچنده برده واپعهده نائل اولمق پادشاه ايچون پك بيوك بر بختيارلق عد اولمشدى . او زمانه قدر سرير عثمانى به زينت بخش اولان پادشاعارك اوچي ده پدريتك ايكنجى اوغلى ايدى . بونلردن هر برينتك وارثى كنديسنك پدرينه وارث اولدينى سنه تولد ايلدى . كوياكه فياض قدرت اورخانى ارطغرلك ، مرادى عثمانك ، بايزيدى اورخانك ضياعنه مكافاة اوله رق ملته احسان ايدر طورردى .

سلطان مراد جلوس ايتديكى كبي تبعه سنك ده دشمنارينك ده كنديمي حقنده كوستردكلرى سوء ظنك ازاله سنه وهله بر مدتدن برى روم ايلیده حكم عالم مطاعه مالك بر سرداردن محروم قالمش اولان فرقه مجاهدينك تقويه افكارينه لزوم قطعى كورمشدى . او جهته اصابت رأیده فرید زمان عد اولنان وبروسهده حاكم بولنان چاندارلى قره خليل ايله چوجوقلغنده لالاسى و صكر دلرى مدير امورى اولان شاهين بكي استصحاب ايدهرك وبر ازده عسكر آلهرق روم ايلي به طوغرى عزيمت ايلدى .

بر روايتده روم ايلي به كچمه دن وروايت اخراده كچكدن صكره انقره به متصرف اولان اخى و اعيان طاقيله طورغورلى

مرتب‌لرده چوقلغنی دوشوندکجه ترقیلرندن دکل ، بایاغی بقالرندن
مایوس اولمقده ایدیلر .

فی الحقیقه سلطان اورخانا اسناد اولنه بیله جک بر خطا
وارایسه ، پدرندن شفقت اخوقی حب جاهه ترجیح ایتدیره جک
یولده کوردیکی تربیه یی اولادینه نقل ایده جکنه اطوار
قهرمانیسنه مفتون اولدینی شهزاده سلیمان پاشایی سلطان مراده پک
آچیق بر صورتله ترجیح ایتمش و آنی قصقاندیرمامق ایچون
دیگر شهزاده سنی دولتنه بیکانه طوتمش اولسی ایدی .
یچاره پدر کویا که سوکیلی شهزاده سنی اولیله فاجع بر صورتله
ضایع ایتدکده ، بر درجه یه قدر خلاف حق اولان محبت
مفرطه سنک بر جزای معنویسنه اوغراددی .

سلطان مراد ایسه ملتک بختیارلغی آثارندن اوله رق تربیه سنده
اهمال اولمقله مستعد اولدینی مرتبه کماله وصولدن قالمیه جق قدر
عالی و متحمل بر فطرته مالک ایدی . تجربه یه مستند اولمیان
ظنلرک ، تخمینلرک نه درجه لرده سقیم اوله جغنی غلبه کبی مسکت ،
قلیج قدر کسکین برهانلرله اثبات ایلدی .

شهزاده سلیمان پاشا صاغ قالسه ایدی ، سلطان مرادک بایدیغنی
باپه مازدی دینیه مز ؛ فقط هیچ شبهه یوقدرکه آندن زیاده باپه جق
بر شی ده بوله ماز ایدی . زمانک حالنه ، ملتک اقتدارینه کوره
هیچ برشی یوق ایدی که سلطان مرادک سایه همتنده وجوده کلش
اولماسون .



سلطان مراد اول

او توز بش سندن بری قوه فکریه و زور بازوسی دنیایه
تصدیق ایتدیرمش ، تجارب اداره و ملکات حربیه ده دولتی
محافظه یه دکل ، ایستسه یکیدن بر دیگرینی دها تأسیسه مقتدر
اولدینغی کوسترمش ، طریق سیاست و ریاستک پیر ارشادی
عد اولنمش بر پادشاهدن ؛ روم ایلینک فتحنده کرامات
قدسیه دن عد ایتدیره چک قدر قهرمانلقار کوسترمش ، عسکره ،
اهالی یه کندیسنی نفسلرنندن ، جازلرندن زیاده سودیرمش
بر شهزاده دن محروم اولان عثمانلیلر بردن بره سلطان مراد اولک
زیر حکمنه دوشدیلر . او سلطان مراد اولک که سلیمان پاشا صاغ
ایکن سلطنتدن بی نصیب اولدینغی ایچون بر کره اولسون میدان
حربه کتیرلمش ، مأمور اولدینغی ولایتک اداره سندن بشقه
هیچ بر ایشه قارشیدیرلماش ، بوجهتله کونش غروب
ایتمه دن طوغان ییلدیز کبی بر منسیت ، بر مستوریت ایچنده
براقلمش ایدی . اهالی ، پادشاهلرینک اداره ملکیه وعسکریه ده
اولان تجربه سزلیکیه برابر آچیلان ایشک آلتندن قاقلماز
درجه لرده آغرلغنی ، پیدا ایدیلن دشمنارک قارشیلرینه طورولماز

تأسیساری اولان سنه‌لر وقوعاتنده ذکر اولمیشدی . مسلك
 حسنات پرورانسنه هرکسدن اول اقتدا ایدنلر ایسه حرمی
 ام‌السلطین نیلوفر ایله مجاهد مشهور اورنوس بکدر . نیلوفر
 کندی نامنه منسوب صو اوزرینه برکوپری انشا ایش و سائر
 بعض حیرات ترکنه‌ده موفق اولمش در . اورنوس بك ایسه
 روم ایلی یه کچر کچمز ممالک عثمانیه‌ده کی مبراتک اک بیوکلرندن
 اولان تأسیسات جلیله‌سنه ابتدا ایش و روم ایلیده فتح ایتدیکی
 بعض قریه‌لر استدعاسی اوزرینه اوقافنه تصحیح ایتک اوزره
 سلطان اورخان طرفندن کندیسنه تملیک ایدلمش در .



سلطان اورخانك حق اوله مازدى كه اول بخش ايلسون ده صكره
استرداد اچون فتوى ايستون ، تاج الدين كرديدن ده او يولده
بر جواب آسون .

تاج الدين صكره ازنيقه مدرس اولان علاء الدين اسود
قره خليلك خواجهسى ايدى ، اويله بر شا كرد يتشديرمش اولمق
كنديسنه كافيدر . بو اوچ فاضلدن داود قيصرى فصوصى ،
علاء الدين اسود وقايه نى شرح ايلشاردر . تاج الدين كردي تأليف
ايله مشغول دكل ايدى . شقايق نعمانيه ، بو علمايه برده
عبدالمحسن قيصرى نى تشريك ايدر و بو ذاتك فرائضدن متنى
موزون ، شرحى مشهور بر اثرى ايله عروض اندلسى يه بر شرحى
اولديغنى بيان ايلر .

سلطان عثمانك قهرال ابدالى كې سلطان اورخانك خلتجه
مشخص برهان تأييد عد اولنور بر ابدال مرادى وار ايدى كه
بعض غزالنده برابر بولنمش و برنده قليج شكندنه اكرى بر
صوبا ايله محاربه يه كرشه رك دشمندن الين زياده آدم اعداميه
عثماني قهرمانلر نى حيران ايدنه جك قدر اظهار جلادت
ايلش در .

يالكز عسكرلكه مشغول اولان سلطان اورخان ممالك
عثمانيه نك برنجى مدرسه نى بنا ايدنه رك ملتك مؤسس معرفتى
اولمق شرفنى احراز ايلدى . بوندن بشقه سلطان اورخانك
ازنيقه بروسه ده بر چوق انيه خيريه سى واردر كه بونلر تاريخ

عصر اورخان علماسنک اک مشهورلری داود قیصری
 وتاج‌الدین کردی وعلاء‌الدین اسوددرکه بوزار پادشاهک ازینقده
 تأسیس ایلدیکی مدرسه‌یه بربرینی متعاقب مدرس اولشاردی .
 داود قیصری خلق عنندنه مظنه کرامت اولدینی ایچون
 جمله‌سنه ترجیحاً ازینق مدرسه‌سی ابتدای تأسیسنده اکا احاله
 اولمشدی ، آنک ارتخالندن صکره مدرسلک تاج‌الدین کردی‌یه
 ویرلدی . بوذات سلطان عثمانک قائم پدری اولان اده‌بالینک
 قائم پدریدر . اوجهته خاندان سلطنته قرابت صهریه ایله منتسب
 اولانلردن عد اولنور . (شقایق) تاج‌الدین کردینک ترجمه
 حالنده بر غریب حکایه نقل اییدیور : کوبا سلطان اررخان
 ازینق محاصره ایتدیکی صرده بر قوتلی دشمن ظهور ایدر ،
 پادشاه بو دشمنک دفعنی ، آله‌جفی غنایم کندینک اولمق اوزره
 لالا شاهینه حواله ایلر ، اوده دفع دشمنه موفق اولور ، صکره
 پادشاه غنائمی استکشار ایدرک لالا شاهینک لندن آلمق ایستر ،
 تاج‌الدین کردیدن استفتا ایدر . اوده « اکر لالا حر ایسه
 مال غنیمت کندینکدر » جوابی ویرر .

پادشاه ازینق محاصره‌ایدرکن ظهور ایدن دشمنی لالاشاهین
 دکل ، شهزاده سلیمان پاشا بوزمشدی . لالا شاهینک سلطان
 اورخان دورنده سردارانگی دکل ، تاریخلرده نامی بيله یوقدر .
 بوجهتلردن قطع نظر ذاتاً بر غزانک غنیمتی پادشاهه عائد
 اولدیغندن غزاة مسامینه عائد اولان مالی برینه بخش ایتمه‌که

امرای عجلانیه دنده مثلثی صادر اولماش درجه لرده قهرمانانق
 کوسترمشدی ؛ فقط علی بک سلطان عثمان دورنده سردار اولمغه
 باشلادیغی ایچون او دورک امراسندن معدود اولمق لازم کلیر .
 سلطان عثمان دوری امراسنک حاز اولدقلری موقع امتیاز ایسه
 صکره کلنارله مقایسه قبول ایتمز . شو قدرکه علی بکک خلف
 صدقی اولان تیمورطاش بکده دور اورخانیده سردار لغه باشلامش
 ایدی . اگر بوذاتک مراد وبایزید عصر لرنده کوستردیکی مآثر
 جلیله بی حسابه داخل ایده چک اولورسه ق شانی عجلان امراسنک
 قدرتندن یک چوق عالی بولورز ؛ یالکز سلطان اورخان عصرنده
 آنلر قدر خدمت ایتمه مش ایدی .

بولور دن بشقه سلطان اورخان زماننده سردار لغه باشلامش
 ایکی ذات دها صابایلر زکه بری ایود بک ، بری ده قره جعفر در .
 اقچه قوجه نك ، قره حسنک ، قاره اوغلانک ، بروسه بی محاصره
 ایدن بلبان بکک اوغللری ده سلیمان پاشا ایله برابر روم ایلییه
 کین قهرمانلردر . ایچلرندن اقچه قوجه اوغلنک ، بولایر
 لیمانده کی دشمن کیمیلرینی یاقق ایچون کوندریلان فرقه یه سردار
 تعیین اولندیغی بعض تاریخلرده کوریلور . دیکر لرینک ریاست
 عسکر یه ده بولندقلرینه دائر هیچ بر روایت تصادف اولمئیور .
 قره سی بکلرندن صادر اولان خدمت لر اصل بو غضنفر زاده لر دن
 مأمول ایدی ؛ انجق یوقاریده ده بیان اولندیغی اوزره معلومات
 محلیه لری جهتیه روم ایلی ایشلر نده آنلر اصل عثمانلیر دن
 زیاده استخدام اولندیلر .



سلطان اورخانك معین توفیقاتی اولان ذواتك اك بیوكی
علاءالدین پاشادر . سلطان اورخان ایچون نه بیوك بر مظهریتدز که
دولته خدمت خصوصنجه برادرندن صکره نجل کزینی اولان
سلیمان پاشا، اوزمانده معالی پروران همت وحمیتك جمهسنه تفوق
ایتمشدی .

اصحاب رأی ایچنده علاءالدین پاشایه ثانی عد اولنه بیاه جك
بر ذات وار ایسه اوده قره خلیلدر . ارباب سیف آره سنده
سلیمان پاشادن صکره اك زیاده حائز امتیاز اولان ذاتار ایسه قره سی
فتحك دنیسالر دکه جك قدر قیمتدار برر غنیمتی اولان حاجی
ایل بك واجه واورنوس وفاضل بکلردر . بودرت ذات کشور
کشالتده، سلطان اورخان زمانده ظهور این امرای عنانییه
تفوق ایلدیلر . واقعا بونلرك اظهار ایتمدکلری امتیازه اك بیوك
بر سبب، قره سی حکومتی خدمتمنده ایکن بر قاچ کره روم ایلییه
کچدکلری جهتله احوال محلییه معلوماتلری اولدیغندن کثرت
استخدام ایله مزیات ذاتیه لرینك اظهارینه زیاده میدان ویرلمش
اولماسیدر ؛ فقط حائز اولدقلری مزیتارکده ، اظهارینه نه قدر
میدان ویرلسه شایان عد اولنه جق درجه لرده عالی اولدیغنده
شبهه یوقدر . واقعا ایغور آلپ اوغلی علی بك هرکه محاربه سنده

اوله جتی قدر عالی برقاعده منجیبه بی زمانک علماسندن اول تخطر ایدهرک سلطنتی سبجانی برقوتله تأیید ایلدیکی واکبر اولادی اولان علاءالدین علمه حصر وجود ایتمش و او جهته اداره عسکریه اقتدارندن محروم عد اولنه رق حق سلطنتدن اسقاط ایدلمش ایکن دائمی و موظف عسکر ترتیب ایتمک و پیاده بی سواری به ترجیح ایلمک کبی پذیرینک تأسیس ایتمش اولدینی مقدس دولتی جهانگیرلک مرتبه سنه اصعاد ایده جک قدر مؤثر و نافع بر تدبیر ظفر پرورانه بی، او عصر لرده بولنان اک بیوک عسکرلرک خاطرینه کلدیکی حالده تصور و ایجاد ایلهرک ملتی دائمی و حکمت اوزرینه مبتنی بر سلطوتله تقویه و تسلیح ایتمدیکی کبی سلطان اورخانده عدل و انتظامه فطری اولان محبتی و محبت ایتمدیکی شیلرک اجر اسنده همان هیج کیمسه به قیاس قبول ایتمه ین قدرت و مهارتی جهتیه پذیرینک احیا ایتمدیکی احکام شرعیه و برادرینک ایجاد ایلدیکی قوانین عسکریه بی حقیله و تمامیه مرعیت و مطاعتیده طوتدی، بونلره برده دنیانک اک شاهانه معرفتارندن معدود اولان معاملات دولیه کار آشنالغی علاوه ایدهرک شریعت قوتی، قلیج سطوتی مکمله مهارتی ایله، ملکی واسع برشی اولمادینی حالده دولتی زماننده بولنان حکومتلرک ایه قوتلیمی و هیج اولمازسه اک ممدوحی، اک صاحب نفوذی عد اولنه جق بر مرتبه اقتداره ایصال ایتمدی. سلطان عثمان قدر عالی بر دولت مؤسسنک وراثته بحق لایق اولدینغی اثبات ایلدی.



ملکندن هيچ بريره تعرض ايلديكى حالده پدردن بولدينى اوج يوز بيك قدر تبعه نك مقدارينى اوج ميليون كشى يه ابلاغ ايلدى ! سلطان عثمان زمانده اصحاب حربك مقدارى اوج بيك كشنى يي كچمه مش ايكن سلطان اورخان زمانده اوتوز ايكي بيكي نجاوز ايلدى . اجراي عدالته بر موفقيت كامله به مالك ايدى . مملكت ضبط ايتمكده ، خلق اطاعت ايتدirmekده شهرت انصاف وحقانيتى سيف شجاعته تشريك ايلدى . يالكز اسلام ملكنده دكل ، خرستيان مملكتلىرى ايچنده ده سلطان اورخانك سايه حكومتنى كندى عصيتلرندن كندى ملتارندن اولان خاندانلرك اطاعته ترجيح ايدرك رضالريه عثمانليارك تابعينه كيرمش شهرلر ، اياتلر بولنوردى .

سلطان اورخانك عدالت وشجاعت و حكمت وسياستنه معادل كله جك برسوك فضيلى ده معاملات دوليده كوسترديكى مهارت فوق العاده ايدى : آناطوليده كى اسلام حكومتلى آره سنده بر موازنه پيدا ايدرك آنلرى بر برينك مقاومت معنويه سييله بر سكونت قديره ده طوتمق واو سايه ده عصرك قابليات اتساع و ترقيسندن استفاديه كندى ملتنه حصر ايتك اوزمانلرده دكل ، شمديكى عصر معرفنده وجوده كتورلمش اولسه ينه دنيا ده بولنان دهاته سياستى مفتون و حيران ايده جك بر موفقيت عداولتور .

سلطان عثمان يالكز قليج قوللانمق ايچون تربيه كورمش بر عسكر اولدينى حالده معاملات ناسى شريعت الهيه نك احكام عادله سنه توديع ايلك كى بر مقدس دوات تاسيس ايتمكده موفق

تعظیم ایلدی . پدري کبی دنیایي متانت اخلاقنه مغلوب ایدهرک صاحب ظهورانه انفاذ امر ایتمز ایدی ؛ فقط اراداتنه جمله نظرندنه بر مقبولیت و مطاوعت بخش ایدهرک اجرای حکم ایدردی . تربیه سنک اک بیوک جهتی عسکر لکه مصروف ایدی ؛ فقط فضائل موهوبه سنده پادشاهلق ، مملکت پرورلک جهتی غالب اولدیغندن قلمرو حکومتک اعمارینی ، توسیعنه ؛ دولتک بر طاقم نظامات نافع ایله ترقیات مستقبلسنه خدمتی ، اعلای شاننه ترجیح ایدردی . محاربه یی پدري کبی منحصرراً دشمن طرفندن تعرض وقوعنه حصر ایتمدی ، لزوم کوردکجه کندی ده بشقه لرینه تعرض ایلردی ؛ فقط زمان سلطنتک دور عثمانیدن زیاده آسایشلی کچمش سنه لری وار ایدی .

سلطان اورخان حکیم ایدی ، حلیم ایدی . اوتوز ییلاق زمان سلطنتنده وقوع بولان افعالک هیچ بری یوقدرکه جبارلق نوعندن صابیلوبده موأخذنه ایدلمش اولسون . مرحمتی زمانک تربیه سنندن مأمول اولننه بیله جک درجه لردن بیک قات غالب ایدی : خلقه شدتله معامله شویله طورسون ، غزایه وقف جان ایدن عسکری کندیلرندن زیاده محافظه ایدردی ، برقاچ کشینک حیاتی بر مملکتدن قیمتلی طوتاردی . برقله مک سنه لرجه محافظه سنی برقاچ یوز عسکر ائتلافیه ضبطنه ترجیح ایدردی . مهارت سیاسیده فطرتک بر عطیة مخصوصه سنه مظهر ایدی . دائماً حرب ایله وقت کچیرمدیکی ، قره سیدن ماعدا اسلام



سلطان اورخانك ، بعض مؤرخار ۶۷۸ و بعضیاری ۶۸۷ تاریخنده تولد ایلدیکسندن بحث ایدرلر ایسهده اصحاب تدقیقك قبول ایلدیکی قول معتبره کوره ولادتی ارطفرلك سال ارتحالی اولان ۶۸۰ سنهسنده در . ۷۲۶ سنهسنده جلوس ایتدی ، ۷۶۱ تاریخنده ارتحال ایلدی که بوحساب اوزینه مدت سلطنتی اوتوز بش و سنی سکسان بر ایدی . نعش مبارکی بروسده انشا ایتدیرمش اولدینی تربیه دفن اولندی .

سلطان اورخان مدور و بیاض پنبه چهرملی ، چاتیق قاشلی ، طوپ صقاللی ، اوزون بویلی و کنیش کوکسلی وجیه و جمیل ، مهیب و وقور ، قوی و تندرست بر ذات عالیقدر ایدی .

اعاظمك بنیه معنویاتی یدقدرتدن زمان و مکانك احتیاجاتییه مناسب برحالده چیقار : سلطان عثمان بر دولتی تأسیس ایچون لازم اولان مزیات عالییه بی جامع اولدینی کبی سلطان اورخانده تأسس ایتمهک باشلامش اولان بر دولتی بیوتمهک الزم اولان خصائل عالییه ایله متحلی ایدی . سلطان عثمان عشیرت چادرنده طوغدی ، قلیجنه طیانهرق سریر سلطنته صعود ایتدی ؛ سلطان اورخان حر مسرای دولتده متولد اولدی ، سریرنده اوطورارق اطرافنده بولنان حکمدارلری او سریرك یشکاهنده سرفروبرده .

دنیا زده قالیر ، ملتک اعلائی شاننه چالیشه بیاه جکی مسند
 حکومتدن بیاه تبرید ایتدی ، بیچاره همان تحت ساطقتی تسلیم
 ایله برکوشه ازوایه چکلمک ایچون امیدگاه منفردی اولان
 شهزاده سلطان مرادی چاغیردی ؛ فقط او کلاجهیه قدر اوجاع
 روحانیه سی ، ذاتاً مرتبه هر مه واصل اولمش اولان وجودینی ده
 بتیرمکه باشلامش ومقامی سریر حکومت یرینه پستراحتضار اولمش
 ایدی . نور دیده سنی برقچ کون کوره بیلدی ؛ اعلائی دین
 واجرای عدالت وتطیب مات حقنده پدردن آلدینی شاهانه
 وصیتلری اوغلنه نقل وتودیع ایدرک بر حال حزین ایچنده عالم
 قدسه ارتحال ایلدی .



مدار اوله بیلسون. مؤرخاریمزه هر نه قصور عطف اولنسه یالاندن وقوعات ایجاد ایتمک مناسبتر لکی عطف اولنهماز . چونکه تاریخاریمزده شو بولایر مظفریتدن بشقه اجنبی مؤرخاری طرفندن اساساً انکار اولنمش بر وقعه یوقدر. آلتی یوز ییلاق بر ملتک تاریخی ایله اوغراشان یوز لرجه مؤلفار اخبار صحیحه یه اختراعی حکایه قارشیدیر منی تجویز ایتمش اولسه لرایدی، یالان اوله رق یالکز بر غلبه ایجاد ایله می اکتفا ایدر لر دی ؟ بالعکس زمان ظهور مرکز وقایع فاخره سی اوقدر کثرت لیدر که مؤرخاری آره صره غفلته ، نسیانه اوغراشمش ، فقط علاوه یه، اختراعه محتاج ایتهمش در .

بوغلبه نکی بشارتی سلطان اورخانه جکر پاره سنک قره خبریله برابر واصل اولمشدی . مژده ظفر پادشاهک قلب متینی نجل کزیننک افتراقیله مجروح اولمقدن محافظه ایده مدی . واقعا عثمانلیار قدر مجاهد وفدا کار بر ملتک مقتدای حمیت وعلوتی اولان بر بادشاه جهان آزموده دنیانک هر مصیبتنی کمال سکینته تلقی به حاضر اولمق لازم کلیردی ؛ فقط شهزاده سلیمان پاشا کی بر ماتنه الی الابد مدار منخرت اوله جق اولادی بر قضاء ایله غائب ایتمک ، عالم محنت اولماسنه بیله یاقیشدیر یله جق بلالردن دکلدی که پیر اولمش بر پدردن او شدتده بر فلاکته تحمل مأمول اولنسون .

بو خبر هائل پادشاهی دنیادن بتون بتون بیزار ایلیدی .

ایسه اسرناک تعریفاتی شهزاده نك شمانکه موافق بولدقلى
جهتله شهدانك امدادلرینه شتاب ایتمش اولدقلىنه حکم
ایدرلردی .

اوروپا مؤرخلرندن بعضیلری امداد معنوی ماده سنی هر قومک
مبادی ظهورینه اسناد اولنه کلن خوارق مخلیه دن عد ایدرلر .
ایچلرندن پک مروت ایدرلرده مغلوب و جریحه دار بر قاچ اسیرک
جان قورقوسی، حما حرارتیه کوزلرینه برطاقم خیالات کورونمک
قابل اولدیغنی بیان ایلرلر . بو مطالعه لرك نه درجه یه قدر حکم
و تأثیری اولدیغنی تدقیق ایتک تاریخچه بر وظیفه دکلدر . ذاتاً
ارباب معارضه عثمانیلره آچیقدن آچیغه تأیید معنوی یه مظهریت
اسنادینی رد ایدیورلرده آنک یرینه کندیلرینک بر قاچ مثل
دشمنی کمال سهولتله پریشان ایتکه و حتی بر قوجه اردو افرادینه
دهشت شمشرلریله خیالات هائله کوسترمکه اقتدار اسناد ایلیورلر .
آنلرك بو اسنادی ملتک شانندن هیچ بر شی تنقیص ایتدیکنندن
شایان بحث دکلدر . هامر ایسه یالکز امداد معنوی بی اتکار
ایله اکتفا ایتیمور ، بو محاربه بی اساساً قبول ایتمه مک ایستور .
جهت استنادی ده روم و اهل صلیب تاریخلرنده بوکا دائر بحث
کورلمدیکنندن عبارتدر . افلاق و صرب و بلغار حکومتلری
طرفندن سوق اولمش بر اردودن بحث ایتک ذاتاً روم و اهل
صلیب تاریخلرنجه بر وظیفه عد اولنه مازکه آنلرك سکوتی وقعده
طوغریدن طوغریه علاقه سی اولان بر ملتک تاریخلرینی تکذیبه

بعضیاری اورالری ترک ایدرک آنطولی، کیمک فیکر نده بولندیلر. فقط امرا بو قدر قوتلی بر دشمندن فرار ایله قورتلوق احراز غلبه دن بیک قات مشکل اولدیغی مقابله اتیان ایتدیلر، شهزاده نیک اواخر ایامنده وصیت بوللو سویلدیکی سوزلری هر کسک خاطرینه کتیردیلر. هر کسک کوکلنده براطمنان حاصل اولدی. مجاهدلر سردار مقدسارینک مشهدينه کیتدیلر، روحانیتندن استمداد ایتدیلر، بولایر موقعنده یا غالب یا محو اولنجیه قدر ثبات ایتمه قرار ویردیلر. بریاره ائکا ایدرک دشمنک ظهورینه منتظر اولدیلر.

بوفرقة مجاهدینک موجودی بر روایت، کوره بش بیک و صحائف الاخبارک قولنه کوره یالکیز بیک کنی ایدی. محاربه ابتدا ایدنجه او قدر کثرتلی بر دشمن، اسلامه زیادهجه زحمت ویرمهک بیه مقتدر اولقمزین پریشان اولدی، بر چوغی اعدام بر چوغی ده اسیر ایلدی. امرا طوتیلان اسیرلری کلیبولییه کوندردیلر. اورایی محاصرهیه کلنار ایسه بفرقه لرینک انهمزانی کلن اسیرلردن آکلاینجه بولایردهکی اسلامک کلیبولیده کیلرله برلشمسندن احتراز ایدرک محاصره یی ترک ایله عودت ایتدیلر.

عثمانلیلر اللریته کچن اسرادن او قدر کثرتلریله برابر محاربه ده کوستردکلری ثباتلرک سببنی صورارلر، « شوشکلده بریکیدک آرقه سنده برطاقم بیاض البسه لی، بوز آتلی عسکر وار ایدی، آنلرک هجومه طاقت کتوره مدک » جوانی آلیردی. مجاهدین

شهرزاده به عالم غیبین کندیلر تی تأییده مؤکل نظریله باقیلردی .
 سلیمان پاشانک رایت اقبالی آلتنده احرازینه آلسدقلى مفاخرک
 بشقه برینه ده نصیب اوله جغه احتمال ویره مزلردی . سلیمان
 پاشانک وفاتی دور اقبال ملتک خاتمه سی قیاس ایتدیلر ، قیامت
 بانلرینه قویه جق ظننده بولندیلر .

دین غیرتندن ، اقبال ملت پرستشکار لغندن بشقه شهرزاده
 یولنه دنیازی فدا ایده جک قدر انجذابلرینه بر بیوک سببده
 انسانی مفتون ایتمکده معالی و مکارمک کافه سنه غالب اولدیغی
 مجرب اولان قهرمانلق محبتی ایدی .

عثمانیلر بویله روح اضافیلری ، سعادت مستحقه لری حکمنده
 اولان بر وجودک فقدانیله کریه لر ، مآملر ایچنده ایدیلرکه
 اوغرادقلى مصیبتک آلامنه حصر افکار ایتمک جهتیله بتون
 بتون خاطر لرندن چیقمش اولان دشمنک اطرافدن خبرلری
 ظهور ایتمکده باشلادی : صرب و افلاق و بلغار حکومتلرینه
 بالاتفاق ترتیب ایتدکلى اوتوز بیک کشینک اون بش بیکی
 اوتوز سفینه ایله بولایز جوارنده اولان طوزله اوکنه کلش
 و سیدی قواغی موقعنه چیقمش اولدیغی و بر نصفی ده دیگر اوتوز
 سفینه ایله کلیبولی جوارینه چیقاجق بر مناسب موقع آراددیغی
 جاسوسلر اخبار ایدیلر .

عثمانیلر دشمنک ربی قدر اولماقدن بشقه شهرزاده نک
 فقدانندن طولای نهایت درجه لرده مایوس اولمالری حسیلله ایچارندن

بو زمان حزن ايجنده ایدی که بر کون شهزاده شکاره چیقدی . اوکنده ظهور ایدن بیان قازینک آرقهسندن الندهکی طوغانی قویوردی ، طوغانک آرقهسندن ده آت قالدیردی . آلتندهکی کچیلان قوشارله یاریشیرجهسنه برسرعتله کیدرکن آیاغی بر تارالا کوستبکنک یواسنه ایلشهرک سندهلدی ، شهزاده حیوانک بیقیلهجغنی آ کلاینجه حیواندن آشاغی آتلامش ایسهده موازنتی محافظه ایدهمیهرک یره دوشمش وباشی برطاش پارچهسنه شدتله چارپدیغندن صدمهسنک تأثیريله درحال تسلیم روح ایلش در .

« سرکشک ایتدی توسن بخت ستیزکار ،

دوشدی زمینه سایه الطاف کردکار . »

هرنه قدر تاج التواریخ شهزادهنک صیده کیدیشنی مقتضای بهار نو جوانیدن عد ایدهجک قدر شبابندن بحث ایدر ایسه ده ولادتی ۷۱۵ سنهسنده وقوع بولدیغندن تاریخ ارتحالی اولان ۷۶۱ سنهسنده سنی قرق آلتییه بالغ اولمشدر .

روم ایلیدهکی عسکر بوحدئه هائلدن طولانی اولومدن بیك قات بتر بر مصیبتیه اوغرامشدر ایدی . چونکه صال ایله دریا کچمک ، سکسان کشی ایله بر قوجه ملکک فتحنه باشلامق کبی مآثر عظیمه ، اوزمانه قدر احراز ایتدکاری موفقیتلرک هان کافهسی احوال فوق العادهدن اولمق جهتیه معالی بی امورعادیهدن عد ایدن عثمانلیلر نظرنده بیاه ، فوق العاده کورینور واوجهتله



حيفا كه استانبول عزيمتى شهزاده نك صوك سفرى ، ديمتوقه
وقرق كليسانك تسخيري حقنده كي نامه سى ده سلطان اورخانك
صوك امرى اولمشدر .

بعض تاريخلرك روايتنه كوره صرپ وبلغار وافلاق
حكومتلى عثمانلارك روم ايلیده برلشمسندن توحش ايله روماره
امداد ايجون اتفاق ایدهرك اوتوز بيك كشيلاك بر اردو ترتيب
وسوق ايتك تشبثنده بولندفلىنى شهزاده خبر آلدیغندن ديمتوقه
سفرىنى تأخير ايتمش و دشمنه برمساعده موقعهه مقابله ايتك ايجون
بولایره كلكش ایدی .

او صرده كندیسنده بر فنا محزونلق اثرى كوریلوردى ،
سوزلردن نفسى ايجون سوء تفكر آ كلاشلیردى . بركون امراسنى
يانتنه جلب ایلدی ، شاید وفات ایدهرك اولورسه بولایره دفن
اولمسنه ، دشمنك كثرتدن قورقلمامسنه ، جناب حقاك ظهور
ایدهرك حكمتنه انتظار اولمسنه دائر وصیت طرزنده بر طاقم
غملی كدرلی سوزلر سويلدی ؛ او ائتاده ايسه برادری سلطان
مراده براز منفعل اولدیغندن عسكرك طاقمنك بعضلى شهزاده نك
سوزلىنى او مسئلهیه ايماقياس ايتدیله . « الله سنك يوقلغىكى
كوسترمسون هممز يولنده اولمكه حاضرز » كبی ايمالى بر طاقم
تسليلره باشلادیله .

ایدزکه ایکی ملتک تربیه و اخلاقنده اولان فرقه بر بیوک نمونه در. ذاتاً اخلاقده او قدر فرق اولسه درت یوز اللی آتلیدن تشکل ایتمش اوفاجق بر حکومت بر قوجه ایمپراطورلنی محو ایتمکه فصل مقتدر اوله بیلیردی ؟

شهرزاده نك چكجه نی محاصره ایتسی اوزرینه روم ایمپراطوری هدیه لر تقدمله لرله سلططان اورخاندن استدعای مرحمت ایتمش و پادشاه طرفندن ده ایمپراطوره امان و یرمك و مملکتنه تعرض اولنماق اوزره سلیمان پاشایه امر کوندرلمش در . روم ایمپراطوری طرفندن بر چوق هدایا ایله شهرزاده یه ده آریجه عرض استیمان ایلمش ایدی .

سلطان اورخان روم ایمپراطورلنی ایله بر مقابله سیاست عقد ایدرکن استانبول جوارینه تعرضدن شهرزاده سنی منع ایلدیکی کی غلطیه متصرف اولان جنویزلرله ده بر تجارت عهدنامه سی عقد ایتمش و بو صورتله ملکنک جوارنده بولنان حکومتلرک همان هپسنی بر معامله رسمیه یه ربط ایلمش در .



بولاندقلربی اخبار ایلدی . شهزاده ، نوظهوران جلادتدن (ایود .
 یکیت باشی) بی بیگ سواری ایله برغوس طرفنه ارسال
 ایدرک اورنوس بکده کشاندن برغوسه طوغری حرکتله کیدن
 عسکره التحاق ایلمسنى اشعار ایتمشدی . ایکی سردار برلشدیلر ،
 برغوس جوارینی غارتله برخیلی غنیمت آلهرق دشمنک ورودینه
 منتظر ومهیا طور دیلر .

ادرنه دن (دیمتری استوان) نامنده بر بک دیمتوقه محافظیله
 برلکده باصقینه کلیرکن ذاتاً حرکتلرندن خبردار اولان اورنوس
 بک ایله ایود یکیت باشی پوصویه کیردیلر ، میدانده یالکیز براز
 عسکر ایله قره جعفری بر اقدیلر . کلن دشمن صباحلین قره -
 جعفر فرقه سنه هجوم ایدرک محاربه قیزشیدینی صروده پوصوده
 اولان ارباب جلادت دشمنک ایکی جناحندن هجوم ایتدیلر ،
 بش یوزدن زیاده سنی اعدام وایکی یوزدن زیاده سنی اسیر ایدرک
 بقیه سنی ده بریشان ایلدیلر .

شایان دقتدرکه عثمانلیسار بدایت ظهورلرندن بری دشمن
 اوزرینه برچوق باصقینلر ایتمش وهان کافه سنده موفق اولمشلر -
 ایدی . حال بوکه روملر نه وقت باصقین ایتک ایسته دیلر ایسه
 طویولدیلر ، علیله رینه ترتیب اولنان پوصولره دوشدیلر .

بو حال ایسه عثمانلیلرک روملر آره سنده کندی قوملری

علیه نه دائماً جاسوس تدارکنه مقتدر اولوب ده روملرک ، برچوغی
 مهتدی اولان عثمانلیلر ایچنده بر جاسوس بوله مادیفنه دلالت

ضبط ایدلیکنه دائر برچوق روایتار واردر ، ده اول فتح اولدیغنه دائر هیچ بر تاریخده هیچ بر سوز یوقدر ؛ بوندن آ کلاشیلورکه یانی قانتاقوزن کلیولینک فتحنده دکل ، حتی عثمانیلرک روم ایلییه کذارنده دخی ایمپراطور دکلدی . (ماتیو- قانتاقوزن) ایسه کلیولینک فتحندن برسنه اول ایمپراطورلقدن چکلمش ایدی . بو حالدده سلطان اورخان ایله کلیولینک فتحندن صکره محابره یه کیریشه جک ، از مید ضیافتنه کیده جک ایمپراطور قانتاقوزنک آرده وجودی قالمیور . روم مؤرخلری کچی یالان سویک شانندن اولیمان اعدادک بو شهادتی ایسه ممالک مفتوحه آلیش ویریشنک نه قدر دقتسز ترتیب اولمش بریالان اولدیغنی مرتبه بداهته چیقاریر .

شهرزاده کلیولی فتحندن صکره عسکرینی ایکی یه تقسیم ایدهرک برفرقه سنی اداره مخصوصه سی آلتنه آلدی ، بر فرقه سنی ده حاجی ایل بکک قومانداسنه تودیع ایلدی .

حاجی ایل بک مغرّه و ایبصالهی فتح ایدهرک سلوری یه کلش ، سلیمان پادشاده تکفور طاعی ایله اطرافنی فتح ایتدکن و چورلو و خیره بولی و سوزه بولی جهتلرینی غارت ایلدکن صکره حاجی ایل بک طاعی ایله برلشهرک بیوک چکمهجه یی محاصره ایتمش ایدی . او اثناده کشانک فتحنه تعیین ایلدیکی مجاهد اورنوس بک مخصوص آدم ایله بر عریضه کوندردی ، دیمتوقه وادرنه محافظلرینک عثمانلی عسکریته شبخون تهبشنده

ایشته قانتاقوزنك اون بيك آلتون ایچون مبدأ فتوحاتی اولان چینی بی رده رضا کوستر دیکندن بحث ایتدیکی ذات قلیچی آتشی اولان غنایم غزا سایه سنده ملکنده صدقه ویر یله جک بر فقیر بولمیان جواد حاتم مزیتدر .

هاممرك روایتنه کوره شهزاده چینی بی صامغه موافقت ایش ایکن اجه بکک کلیبوی فتح ایلیسی اوزرینه قلعه بی رد ایتمکدن استنکاف ایش اولدیغندن قانتاقوزن سلطان اورخانه شکایت ایدر . سلطان اورخانه ده کندیسنه قرق بيك آلتون ویریلورسه اوغلنی، ضبط ایلدیکی یرلرک ردینه اقتناع ایلجه جکنی بیان ایله برابر قانتاقوزنی شهزاده نك حاضر بولنه جعی برضیافته دعوت ایدر . قانتاقوزن بودعوت اوزرینه ازمیده قدر کیدر . فقط سلطان اورخان تمارض ایلدیکندن ایمراطورده برایش کوره میهرک ینه استانبوله عودت ایلر . ذاتاً بو قدر مناسبتمز یولده بروقه جریانی قابل اوله میه جغندن بشقه شوراسی ده شایان دقتدرکه سلطان اورخان زماننده بری یانی قانتاقوزن بری مانیو قانتاقوزن نامنده ایکی ایمراطور وار ایدی .

(یانی قانتاقوزن) ۷۵۷ سنه هجریه سنه تصادف ایدن ۱۳۵۵ و دیگرکی ۷۵۸ سنه هجریه سنه مصادف ۱۳۵۶ سنه میلادیه سنده ایمراطورلنی ترك ایلدی ؛ کلیبولی ایسه ، هاممرده دخی مصرح اولدینی اوزره ، ۷۴۹ سنه هجریه سنه تصادف ایدن ۱۲۵۷ سنه میلادیه سنده فتح اولندی ؛ قلعه نك اوتار یخندن صوکره

کلیبولی حصارینک تدارکی هر نسنه ایسه کوریلوب حق تعالینک عونیه دزدارلینسه و رانلرینه مقدارلو مقدارنجبه علوفه و شمار تعیین قلوب « عبارهمی واردرکه بو عریضه یازلدیغی وقت کلیبولینک عثمانیلر النده اولدیغی کوسترر . واقعا عریضه نك تاریخی یوق ایسه ده دروننده « اشبو یدی یوز الی طقوز سنه سی شوالنک اون برنده « عبارهمی موجوددرکه اوده مکتوبک ۷۵۹ تاریخنده یازلدیغی کوسترر . بو حاله نظرأ کاتب چلینک ضبطی صحیح اوله رق کلیبولینک ۷۵۹ تاریخنده فتح اولندیغی ثابت اولور .

بولایر و کلیبولی و قوکور حصاریه اطرافندن آلنان اموال عثمانیلره اوزمانه قدر نصیب اولان غنایمک جمله سنه فائق ایدی ، آتون و کوموش سلیمان پاشانک نظرگاه استغناسنه تپه لر کبی بیغیلمش و شهزاده ایسه نفسی ایچون برجه تفریق ایتمکه زین یالکز تبرکاً اکتسا ایتمکه اولدیغی مولوی کلاهنی تذهیب ایتدیرمش و بویله جه غنیمت آقچه سندن یوزده طقساندن زیاده سنی مجاهدینه تقسیم ایلش در . بو غنیمت سایه سنده روم ایلیده کی مسلمانلرک غناسی بدرجه یه کلشدی که ایچلرندن زکوة و یریه بیله جک آدم بولق محال اولدی . روم ایلی غنایمک تقسیمندن صکره شهزاده آتون ایله تزین ایتدیردیکی کلاهنی تاج مقامنده کیمکه باشلامشدی . برقوجه اردو خلقنی مدة العمر احتیاجدن اغنا ایده جک قدر غنیمتله تقسیمنده مکمال اولان برکسوة قناعت دنیانک اک بیوک سلطنتندن عالی و قیمتدار عد اولنسه شایسته در .

دخى اسير ايديلهرك شهزاده نك امريله كليبولى محافظنه اك صوك
اميدندن ده محروم قالدیغنى كوسترمك ايجون قلعه پيشكاهنده
صلب اولندی .

قالوقوتيانك صلبى جالب تعريض اوله جق شدتلردن عد
اولنه بيلور . فقط مسئلته حقیقه مطابق بر حکم ویرمك
ایستنايورسه سليمان باشانك ؛ حرب اسیرلرینی عفو و اعدام غالبك
حکمنه موقوف طوتیلان واسیر اولدیرمك محاربه ده آدم قتل
ایتمك بیننده هیچ فرق کورولمیان عصر لر رجالندن اولدیغنى نظر-
مطالعه دن آیرمالمیدر .

قالوقوتيانك مغلوب و مصلوب اولسی اوزرینه كليبولى محافظى
حقیقه امداددن قطع امید ایدرك امان ایله كليبولى قلعه سن تسليم
ایتمش و شهزاده نك مساعده سی اوزرینه اقاربی و بعض توابعی ایله
برابر ایکی سفینه یه کیرهرك استانبوله کیتمش در .

كليبولينك امان ایله فتح اولندیغنده عثمان تاریخارینك کافه سی
متفقد لر . عثمانلی عسکرینك زلزله لر دن آچیلان رخنه لر دن کیرهرك
قلعه بی ضبط ایتدیکی صحیح اولسه ایدی مؤرخار من او یله بر فتح
جلیلی استیمانه تحویل ایله روم ایلی مجاهدینك ماکثر غالبیتنی تنقیص
ایتمز لر ایدی .

خواجه سعدالدین ایله پیرو لری کلیبولینك ۷۶۰ تاریخنده
فتح اولندیغنى بیان ایدر لر . کاتب چلبی ایسه بو فتحك ۷۵۹
تاریخنده وقوع بولدیغنى ضبط ایتمشدر . شهزاده سليمان پاشا
طرفندن سلطان اورخانه یازیلان بزعیضه ده « قو کور حصه زیله

ايله فاضل بيگي كليبولى ايله اطرافنىك ضبطنه مأمور ايدىرك
 كنديسى ده بولايىرك فتحنه عزيمت ايلدى . آجه بك ، نامنه
 منسوب اولان آجه اوپي تسخير ايدىرك كليبولى حصارينىك
 غرب جهتلرنده خرسيتانلره تابع ير براقديغى كبي شرق طرفى ده
 چنيدىكى عسكرله مسدود قالمش ، سايمان پاشاده بولايىرى آلهرق
 كليبولنىك شمال ايله اولان خط مواردىنى قطع ايتمش وبويله جه
 كليبولى محافظنىك بر طرفدن امداد آلىق احتمالى زائل اولمش
 ايدى . بو جهته قلعىنهك اله كچمى ايجون اهالىنىك ذخيرهسى
 توكنمكدن بشقه برشيئه احتياج قالمديغدن شهزاده بويله زمانىك
 حاصل ايدى بيله چكى بر مقصد يولنده عسكر تلف ايتمكه لزوم
 كورمدى ، آجه بك فرقه سینه محاصره ده دوام اينلرني تنيه
 ايدىرك كنديسى براز عسكرله تكفور طاعنى طرفنه يورمكه
 حاضر لمقده ايكن او جوارده بولنان وموقعنه اهميت ويرلمدىكى
 ايجون ده اوزرينه وارلامش اولان قوكور قلعىسنىك محافظى
 قالوقوتيانىك معيتنده موجود اولان عسكرله عثمانلى اردوسنى
 باصمق تداركنده بولنديغنى خبر آلدى ، درحال زور بازولرينه
 كوكنديكى قهرمانلردن كوچك و فقط ممتاز بفرقه انتخاب ايدىرك
 قالوقوتيا كذر كاھنده بر پوصو ترتيب ايلدى ، كندىنى باصقینه
 مقتدر اوله جق قدر احتياطلى ظن ايدن بو صاحب نخوت سوق
 خفيسنىك اجرا آتنده شهزاده نىك كمينه دوشه جىك درجه لرده
 غافل طوراندى! اردوسى بوزولدى ، قلعىسى آلدى؛ كنديسى

عزمندن، ملك مفتوحندن، ادامه شانندن فارغ ايتديكنه احتمال ويريلاه بيلسون؟ عثمانلي عسكري او جوارده بولنان روم مملكتلرينك اكه كوچكنه هجوم ايتسه اون بيك آلتونك بر قاچ مثلي غنيمت حاصل ايده مزى ايدى؟ او جهتار دوشونيلنجه ذكر اولنان روايتك ده روم مؤرخلرينك، انساني قوه مخياه دن تنفير ايده جك قدر ايكرنج اولان مخترعات وهميه سندن اولديغنه بلا تردد حكم اولنور.

زلزله يي عثمانليرك تأييدات غديه دن عدا ايلدكلرينه دائر هامرك بيان ايتديكي روايت نه، بتون بتون اخلاق اسلاميه دن بي خبر اولديغنه دلالت ايدر: ولو دشمن اوزرينه معطوف اولسون، غضب الهى يي دليل توفيق عدايتك بوامت مرحومه نك شانندن دكلدر! اكر عثمانليرك كليبولي يه زلزله ردن آچيلان رخنه ردن داخل اولدقارى صحيح اولسه بويلاه هم دشمنه هم طبيعت عالمه غلبه ايله اوغراشيرجه بر همت وجسارت كوسترمك ملكك اكه پارلاق قهرمانلقلرندن معدود اولمق لازم كلير. فقط كليبولي فتحنى عثمانلى تاريخارى بتون بتون بشقه يولده نقل ايدر:

بونلرك روايته كوره باشلويينه نك فتحندن صكره كليبولي محافظى اطرافدن طوبلايه بيلديكي قدر عسكركله شهزاده نك مقابله سنه شتاب ايتمش وايديلن محاربه ده جسورانه ومقدمانه طور ايتمش ايدى. مع مافيه مغلوب اولدى، عسكرينك بقيه سيلاه كليبولي قلعه سنه قباندى. شهزاده بو مظفريت اوزرينه آجه بك

شهرزاده به بیان ایلدی . اوده بر مدتجك دكز طرفارندن
آیرلیهرق دشمنی او جهندن اشغال ایتمسنى التماس ایلدی ، امور
بك نمونیتله قبول ایتدی ، برخیلی زمان مملکتته عودت ایتدی ،
آطه لرده وروم ایلی ساحل لرنده طولاشدی .

چینی اشترا ایچون قاتمه قوزن ایله شهرزاده بیننده وقوعندن
بخت اولنان مقاوله یه کلنجه : دور استیلا وظهورنده ضبط
ایتدیکی یری صامغه تنزل ایتمش دنیاده هیج بر ملت بولنمار
عثمانیلر ایسه اوتهدن بری آلدقاری یرلرک بر آووج طوپراغنی
وجودلرندن عزیز طوتار ایدی . تاریخلرده پاره ایله بر آلدیغمزه
بر قاچ کره لر تصادف اولنور ، فقطط هیج بر زمان هیج بر
دفعه یر صا دیغمز کور یله مز . سلیمان پاشا ایسه چینی قلعه سنك
فتحنه ، بر مخاطره لی دكزی صال اوزرنده کچمك ، بر قوجه
دشمن مملکتنه سکسان کشی ایله کیرمك کبی ایکی جرأت
فوق العاده ایله نائل اولدیغندن اورالری مفاخر جلیله سنك
مابه القیامی بیلمك طبیعی ایدی . جان بدلنه قازانمش ، بقای نام
کبی بر حیات جاویده مدار عد اولمش بر یر بر قاچ بیک آلتونه
فدا اولنور مکسوباندمیدر ؟ حتمنده « کرامت کوستروب خلقه
صویه سجاده صالمشسك ، یاقاسن روم ایلمنك دست تقوی ایزه
آلمشسك ! » کبی ولایتنه حکم ایتدیره جاك سوزلر صدورینه
سبب اولان بر موفقیتك محصولنی پاره بدلنده ترك ایتمك سلیمان
پاشایه کوره قابلمی ایدی ؟ یا مملک مفتوحه بدلا اولهرق قبول
ایتدیکنندن بخت اولنان اون بیک آلتون نه درکه بر پادشاهزاده نی

بك ايله روم ايلي طرفلرينه كچرك غزايه آلمش اولان يدي
سكز بيك قدر ارباب جرأتك ينه اورالره كلمش اولديغى و حتى
كليولى و بولايرك فتحنه بوقوتله كيدليكنى روايت ايدرلر .

هامرك بحث ايتديكى ترك آنليلىرى بونلر اولمق اغلب احتمالدر .
بو احتمال قبول اولنور ايسه يالكنز اختلاف شونده قاليركه
هامر بوسواريك اكتساب غالبيت و غنيمتدن صكره آناطولىيه
كيتديكنى ، بزم تاريخار ايسه سليمان پاشانك زدينه كلديكنى بيان
ايديورلر . بو اختلاف ايسه غزاندن بر طاقنك اللرينه كچن غنائم
ايله عودت ايتمش ، برطاقنك ده اعلاى شان واستحصال فوائده
دها عاليمت چيقارق سليمان پاشانك ياننه كلمش اولمندن نشأت
ايتسه كر كدر . ذاتاً تاريخار ده بويله كوكللى فرقه لرينه ك هيج برى
كورلر كه غالب اولدقن صكره بر قاچ شعبه يه منقسم اولوب ده
هر شعبه سى ديكر بر يوله كيتمش اولماسون .

بوصيرده آيدين اوغلارندن امور بك فرقه سى روم ايلدين عودت
ايتمشى . فقط هامرك روايت ايتديكى اون بيك سواري بوفره
اولسه كر كدر . چونكه امور بك درت بش سندن برى قانتاقوزن
طاقنه امداد ايجون روم ايلي ده ايدى ، بلغارلره قارشى خيلى بيوك
غلبه لر قازاندى . حتى عودتى صيره سنده مخالفت هوا جهتيله كيليرى
بولاير طرفنه دوشدى ، شهزاده ده اورانك محاصره سيله مشغول
ايدى . بو ايكي قهرمان طبيعى بر برى كورمك آرزوسنده بولنديلر ،
شجاعت مجانستيله بينلرنده بر اخوت قلبيه حاصل اولدى . امور-
بك ، هر نه امر و آرزوسى وار ايسه اجرايه حاضر بولنديغى

فقط او ائاده شدتلى برزله روم ايلينك جهت شرقيه سنده بولان مملكتلى تخریب ايتشدر . بوصوله عثمانلر عالمك اجزای تركينده كنديلرينه برقوتلى معين بولديلر . او جهته تشينلرينك من قبل الرحمن مظهر توفيق اولديغنه حكيم ايتديلر . شهزاده سامانك كليولى پيشكاهنده برافدينى اجه بك ايله فاضل بك ديوارلرنده زلزلهك آچدينى رخه لردن شهره كيرديلر . خانك خوف وتلاشندن استفاده ايدرك كل بولدى فتح ايلديلر . بوفتح خيبرينك وزودى ارزربنه شهزاده سلیمان پاشا چنى قلعه سنك اعاده سندن استكاف ايلدى .

هانمرك مريچ منصبه كچمش اولديغنى بيان ايتديكى اون بيك آتلى ده عثمانلى اوردوسى اوله نماز . چونكه سلیمان پاشا كليولى طرفلرنده ايكن دولتجه عسكرك كوندريله جك اولديغى حالده آنك معينه سوق اولميبوده اينوزه كوندرلسنه ولو كوندرلسه دخى بو عسكرك بالئولوغ اردوسى بوزدقدن و بلغارستانى يغما ايتدكدن صكره چنى طرفنده كى سلاح آرقداشلا رينك ياننه كليوبده ينه طوغرىجه عودت ايتسسه برسب معقول بولمق محالدر . ذاتاً شهزاده نك تدارك ايلديكى قايقلر اويله اينوزه اون بيك كشيلاك بر اردو نقلنده مساعد دكلدى . بوندن بشقه اكر فرقه عثمانليردن اولسه ايدى چنى مظفریت جزئيه سنى بيلاه هر درلو تفصيلاً تياه بيان ايدن عثمانلى مؤرخلرى اوفرقيه نصيب اولان مظفريتك تصويرنده تسكاسل ايتمزردى .

بزم بعض تاريخلر مزده ، شهزاده نك روم ايلي يه كچمكه موفقيتى اوزرينه آيدن وصاروخان طرفلرنده بولنان و اموربك ويخشى

کلدیله ، اکر صباحه قالیده بر کره دشمنه کورینورلر ایسه قلعه محافظلرینک حاصل ایده جکی انتباه ایله فتحک پک چوق مدتاره ، پک بیوک همتلره محتاج اوله جغنی دوشوندیله ، قلعه نك برجه کند آتمق ویا طاشلری ارسنه ا کسر قاقه رق برنوع زردبان پیدا ایتک کبی قهرمانی برطاقم وسائل سایه سنده دیواری آشدیلر ، بکجیلاری یتاقده باصدیلر ، طبل و سلاح صداسیله اهالی نی ولوله یه ویردیله ، عمومک خوف واضطرابندن استفاده ایده رک مقصدلرینی حاصل ایتدیله . بو قلعه نك عسکر لکله متصف اولان سکنه سی صداقتلرنجه حکومتی تأمین ایده مدکلرندن قره سی ولایتنه نقل اولمشدر .

اوصره ده ده پادشاهه کریمه سنی ویرمش اولان قانتاقوزنک یانی بالؤلوغ ایله مشترکاً حائز اولدینی ایمپراطورلقدن فراغتی جهتیه یرینه کلن اوغلی ماتیو قانتاقوزن رقیبی پالؤلوغک جمع ایتدیکی قوته مقابله دن عاجز قاله رق سلطان اورخانندن استمداد ایلدیکنی و پادشاهک ده شهزاده سلیمان پاشایی امداده مأمور ایتدیکنی هامر نقل ایدرده دیرکه :

• مریچک اینوز جوارنده اولان منصبنه اون بیک ترک آتلیسی چقیدیلر ، پالؤلوغک تدارک ایده بیلدیکی عساکر معاونه یی بوزدیله ، و بلغارستانی یغما ایدرک بر چوق غنائم ایله آناتولییه عودت ایلدیله . قانتاقوزن بوفرقة غالبه نك عودتندن صکره براز مستریخ اوله رق سلیمان پاشا ایله چینی اشترا ایچون مذاکرانه کیرشدی . قرارلشدیریلان اون بیک آلتونی کوندرر کوندرمن شهزاده طرفندن بر مأمور کلرک قلعه نك آناختارلرینی کندیسنه تسلیم ایلدی .

شہزادہ زندہ کی اسیری ، چنی اہالیسی عثمانیلرک امانندہ اولدیغنی اعلان ایچون ترلارہ کوندردی . ذاتاً عثمانلی حکومتک شهرت عدالتنه مفتون وکندی حکومتلرینک تکالیف و تعدیات جانکدازندن بیزار اولان یرلیر مطاوعت و ممنونیتله خازهرلینسه کلدیلر ، ایشلریله کوچلریله مشغول اولدیلر .

چنینک بر خیل کیسی ، کجیسی وار ایدی ، شہزادہ بونلری بیک درلو نوازشار واحسانلرله حکمنه رام ایدرک اردوسنی قارشیه کبیرمک ایچون آناتولییه کوندردی . برنجی سفرلرندہ بری طرفه اوچ یوز دلاور کبیردیلر ، بوسرہده ایسه بولایر لیمانندہ بر طاقم خرسیتیان کیلری موجود وبونلرک عسکر طاشیان چنی قایتلرینہ تعرض ایلسی ملحوظ اولدیغنی خبر ویردکلرندن شہزادہ بر مقدار سواری ایله آجہ بکی کوندردی ، کیلری احراق ایتدیردی . مؤرخلرک بر طاقی بو خدمتده فاضل بکی آجہ بکه ترفیق ایلر ، دیگر بر طاقی ده او مأموریتی اقچه قوجه اوغلنک ایفا ایلدیکنی روایت ایدرلر . احتمال که بکلرک اوچی ده برابر بولنشاردر . چنی کیلری ایسه هوایی مساعد بولدیلر ، شہزادہنک اوچ بیک دلاوردن عبارت اولان اردوسنی اوچ کون ایچندہ کاهلاً روم ایلییه نقل ایلدیلر .

شہزادہ روم ایلییه وصولنک بشنہچی کونی آجہ بک ایله فاضل بکی براقچ یوز دلیر ایله یرشلونیه قلعه سنک فتحنه تعیین ایلدی . بو ایکی مجاهد صاحب همت کیجه وقتی قلعه جوارینه

فرقة ناجيه دكزك هيچ برشدتى كورمكسزىن پك آز زمانده
كلبولينك يانى باشنده بولنان و حالا نماز تپهسى ناميله معروف
اولان محله چيقديلر .

حقيقت ، درت يوز آتلى قوتيله تشكاه باشلامش بردولتك
بويله سكسان دلاور قوتيله فتحه ابتدار ايلديكى بر مملكت ،
خرستيانلق عالملك بش يوز سنه دن زياده قواى مجموعهنه قارشى
طورمش برجهانكيبر سلطنتك مركز اقبال وعظمت واس الحركات
قهر و غالبيتى اولمق ، نظر اعتبارى موقوف تحير ايده جك خوارق
سياسيه دندر !

عثمانليلارك آياغى قاره يه باصينجه اسيرلرني رهبر ايده رك
كيچه دن چنى قلعه سنك كنارينه وارديلر ، حصارك بر طرفند
خارجه دوكلش برسورندى ييغنديسندن چيقارق ديواردن ايجرى
كرديلر ، خلقك اكثرى موسم حصاد اولمق مناسبيله تارلارنده
اولدينى كى خانه لرنده قالمش اولانلرده راحت وغفلت حالنده
ايديلر . همان هيچ مقاومت كورولمكسزىن « چنى » نك فتحنه
موفقيت حاصل اولدى .

كنارينه ديوارلرى يوكسكلكنده سويرندى دوكلش اويله
بر قلعه استحكamat متروك دن اولمق لازم كله چكندن فتحك سهولته
تيسرى عثمانليلارك مفاخر عسكر يه سنه هيچ برشى علاوه ايتمز ،
فقط شهزاده نك الله كچمسيله قلعه نك اهميتسزلكى كيتمش وهله
آناطولى ايله آره سنده كى مسافه بجه نك آزغنى جهتيله اوراسى
عثمانليلارك حركات عسكر يه سنه بر نقطه استناد اولمش ايدى .

شہزادہ حیاتندن نا امید اولان اسیری اودرجه تلطیف ایتدی ، اوقدر احسانلره مستغرق ایلدی که کوردیکی الطافه صمیمی اسیر اولدی ، چمنی قاهه سنک حالی اطرافیه خبر ویردیکی کبی فتحنه دلالت ایتمکی ده تعهد ایلدی .

سلیمان پاشا ایکی صاحب همتک برصال ایله غایت فورتنه لی برهواده قارشیه کیدوب کلکه حتی برده اسیر کتیرمه که موفق اولدیغنی کورونجه اولری کیمسزلکدن طولانی پک مشکل عد- ایلدیکی روم ایلی سفرینی ذهننده او درجه لرده تهوین ایلدی که همان امر ایتدی ، لاپسکی جوارینده ایکی سال ترتیننه باشلادیلر . برکون صباحدن اقشامه قدر چالیشهرق اکمال ایلدیلر .

شہزادہ نک طالعه او اقشام فورتنه طورمش ، بلوطلر صیرلمش ، انعطاف فجرد کز اوزرنده مجاهدین اسلامه الله یولی کبی نورانی برجاده توفیق ارئه ایلشدی .

صالرک برینه ایغور الپک حفیدی وقره علی بکک اوغلی تیمور طاش بک ، بروسه بی تضیق ایدن بلبان بکک اوغلی اینجه بلبان بک ، ابودبک ، قره جعفر ، آق سنغر ، قره اوغلان اوغلی ، قره حسن اوغلی و آقچه قوجه اوغلی کبی قرق عثمانلی قهرمانیله زمانلرنده قهرمانلر قهرمانی عنواننه احراز لیاقت ایتمش اولان شہزادہ سلیمان پاشا ، دیکرینه ده قره سی امراسندن اورنوس بک ، اجه بک ، فاضل بک کبی قرق دلاور ایله شہزادہ نک خدمت وزارتنده بولسان حاجی ایل بک سوار اولمشیدی . بو ایکی

آناتولی طرفنده اولان لایسکی ایله کلیبولی جوارنده بولنان
 چینی موقعنک آراسنده کی جهتی کذاره الویریشلی بولدیلر . روم-
 ایلی به اورادن کچمکه قرار ویردیلر ؛ فقط عثمانیلرک ذاتا کیمسی
 اولمادینی کی اسلامک هجومندن تحفظ ایچون ایمراطورده روم
 کیمارینک آناتولی ساحلنه کیمسنی منع ایتشدی . اوجهته
 ویردکری قرارک اجراسنده قوللانه جق برچوروک تکنه اولسون
 بوله مادیلر .

بککرك همت موانع براندازانه سی او یله عوارضه مغلوب اوله جق
 درجه لردن عالی ایدی : سفینه تدارکندن عاجز قالنجبه برقاچ
 آغاجی بریره کتیردیلر ؛ برصال ترتیب ایتدیلر ، اوزرینه را کب
 اولدیلر ، « بسم الله مجریها ومرسیها » دعا لریله دریاه آچلدیلر .
 اوکیجه هوا ایله دریانک حالی بر بندن مخوف ایدی : هوایی
 ظلمانی بر بلوط ، دریایی طوفانی بر فورتنه قاپلامش ، یر لر کوکلر
 مهیب بر قارانلق ایچنده قالمش ، اوزاقده یاقینده خیالات مدهشه
 قرالتیسندن بشقه برشی کورنمز ، امواج مهلکه چاغلتنسندن
 بشقه برشی ایشیدلنز اولشدی .

بککرك ساعتارجه او طوفان هول انکیز ایچنده یوارلانقدن
 صکره سفینه نوح اجزاسندن عد اولنمغه لایق اولان او بر قاچ
 تحتہ پارچه سیله روم ایلی ساحلنه کچدیلر ، چینی قلعه سنک باغلرنده
 برخرستیان اسیر ایتدیلر ، کلدکری صال ایله اودریای خطرناکه
 برکره دها تودیعی جان ایتکدن چکنمدیلر ، اسیرلینی ده برابر
 آلهرق آناتولی به سلامتله عودت ایلدیلر .

استحصالنه مؤکل اولدینی مقصدی هیچ کیمسه یه خبر ویرمدی؛
 صید و شکاری بهانه ایتدی ، برقاچ یوز آتلی ایله آیدنجغه کلدی .
 اورالر ایسه بر شهر عظیمک آثار باقیه سی ایله مالامال ایدی .
 شهزاده بر بیوک خرابه نك ، انقلابات زمانه یه قارشى پابر جای قرار
 اولمش بر قلعه سنه چیقدی ، دکز طرفنه عطف نگاه ایدهرک
 طالغین طالغین دوشونمکه باشلادی . اطرافنده بولنان امرا
 بوتفکر واضطرابک سینی سؤال ایتدی لر ، روم ایلینک فتحنه
 مأمور اولدیغنی و فقط عسکر کبیرمکه دکل ، دیل آلمق ایچون
 قارشى یه برکشف قولی کوندرمکه کافی کمى تدارکندن عاجز
 قالدیغنی سویلدی .

قره سی امرا سندن اجه بک ایله فاضل بک دیل آلمق ایچون
 هر نه صورتله اولورسه اولسون روم ایلی یه کچمکی تعهد ایلدی لر .
 کرک بوذاتلر کرک رفیق لری اولان حاجی ایل بک ایله اورنوس بک ،
 قره سی عجلان بکک اداره سنده بولندیغنی صرهده روملره قارشى
 قره ده ، دکزده پک چوق محاربه لر ایتمش وحتی بر ایکی دفعه
 روم ایلی یه ده کچهرک تجربه واققداری جمع ایتمش بر رجاهد ایلدی لر .
 شهزاده سلیمان پاشاده اجه بک ایله فاضل بکک ملکات حربیه
 ومعلومات محایه لرینه امنیت ایدردی ، بیان ایتدکلری تعهددن
 ممنون اولدی ، عزملرینی تأیید ایلدی .

ایکی امیر فداکار مناسب بر موقع آرامق ، قوللاننه جق بر
 واسطه بولمق ایچون ساحل بوینی طولاشمغه باشلادی لر . دکزک

توافق ایدر حالردن دکلدنر . خصوصیه عثمانلیار اویله هوس اوزرینه حرب آچار طاقدن دکل ایدی . کرک پادشاهک و کرک شهزاده نک یکر می سنهدن بری قلیجاری غلافنده طور دینی حالده بو دور سکونتک یکر منجی سنه سنده روم ایلی پی فتح ایتمک آرزوسنک میدانه چیقیمی سببیز بر تصادف قییلندن اولماسی بر درلو عقل قبول ایده میور . عجبا او سبب نه ایدی ؟

برده سلطان اورخانک مسلم اولان اخلاق فاضله و اطوار حکیمانه سنه نظرآ روم ایمپراطوریه اون سکیز سنه اول تأکید و تجدید ایلدیکی عهدی کندینک و یا اوغلنک بر هوسنه اتباعاً نقض ایدیویر مسندهده احتمال ویریه من . عجبا فسخ مصالحه نه دن نشأت ایلدی ؟

ایشته تاریخلرده بومشکاک حلنه مدار اوله جق بر روایت و یا مطالعویه تصادف اولنماز . یالکنز فذلکه تاریخ عثمانیده روم ایمپراطوری ، ممالک عثمانیه نک بعض جهتارینه تعرض ایتمش اولان و ندیکایلر و جنوزلرایله اتفاق ایلدیکندن سلطان اورخانکده ایمپراطوره اعلان خصومت ایتمش اولدینی و شهزاده سلیمان پاشانک روم ایلی سفری بوندن تحدث ایلدیکی بیان اولنمشدر . بوروایت بزم تاریخلردن بر مأخذ اسناد اولنمیور ، فقط یاقیشق آلدینی و تاریخ محیفه لری ایچنده منفرد قالدینی ایچون قبولی طبیعیدر .

۷۵۸ سنه سنده شهزاده سلیمان پاشا پدر عالیشانندن روم ایلی به کذار ایچون امر آلهرق بروسه دن قره سی به عودت ایتمشدی .



۷۵۸ سنه سنك حوليه عثمانليرك روم ايلي فتحنده اراز
ايتدكلى شعشعه اقبال ايسه سلطان اورخان سلطنتك قارانلق
زمانلرینه نهایت ویرمش ومبادی سلطنت اورخانیده کوریلن
بارلاقلغك كاذب برنمایشدن عبارت اولمادیغنی حقیله کوسترمش در.
بو فتوحاتك صورت جریانی اولدقجه واضح بر صورتده
بیلیورز ، فقط روم ايلي یه كذارك اسباب حقیقیه سی ینه بر
درجه یه قدر قارانلقدر . بعض تاریخلرك روایتنه کوره شهزاده
سلیمان پاشا آناطولی ساحلرنده کزینهرك قارشى طرفلری سیر
ايتدیكى صروده روم ایلینك فتحی آرزوسنه دوشمش وبو-
آرزوسنی فعله چیقارمق ایچون پدرندن رخصت آلمش اولیور .
دیگر بعض تاریخلر ايسه روم ايلي یه كذارى سلطان اورخان
آرزو ایدرك بو آرزوسنی شهزاده سنه آچمش واوده اورالرك فتحنی
درعهده ایلش اولدیغنی بیان ایدرلر .

روایتلردن هانکیسنك صحیح اولدیغنی اثبات ایديله بیلمسه دخی
تاریخچه اصل جای نظر اولان مسئله حل ایدلمش اولماز : بر
شهزاده ویا پادشاهك دکز ساحلنده کزرکن ویاخود سریر
سلطنتنده او طوروب طوررکن کولکنده بر آرزو حاصل
اولیورمکه بر قوجه ملکك فتحنه تشبث اولتمق طبیعت عالمه

ایمپراطور لری خانداننده پولتیقه ایشلرینه قیز فدا ایتک اک عادی
 معامله لردن معدود ایدی. پرنسس ماریه نك هلا کویه ، آباقایه ،
 غازانه ، خدابنده یه بلافاصله پیشکش چکیلوب طورمسی بو
 مطالعه مزك صحتی اثباته کفایت ایدر .

ایشته ۷۳۸ سنه سنندن ۷۵۸ سنه سنه قدر کذار ایدن یکر می
 سنه ظرفنده اوراق رسمیه دن ، اجنبی تاریخ لردن یالک زجه شو
 وقعه لر استخراج اولنه بیلیر . البته دولتک یکر می سنه ک وقوعاتی
 بو اوچ درت ماده دن عبارت دکلدی ، فقط سلطان اورخان ملوک
 طوائفی قلیج یرینه غلبه نفوذینه محکوم ایلدیکی کبی روم
 ایمپراطورینک ده عهد پادشاهی یه داخل اولماسنه وانا طولیده کی
 خرستیان ممالکنده دولته لازم ایکن فتح اولنماش یرده قلاماسنه
 نظراً او مدت ایچنده وقایع حربیه اولمادیغنه حکم ایدیله بیلیر .



جان اولان پرنسس روساویونک ده سلطان اورخان ایله اتفاق ایتک وبلکه پادشاهه نفسی تزویج ایلك تشبهنده بولندیغی خبر آلدی ، همان کریمه سی حقدما مقدما وقوع بولان تکلیفک قبوله مسارعت ایلدی . سلطان اورخان حرمنی آلتق ایچون بیوک مأمورلردن برقاچ ذات ایله برچوق سواری کوندره شدی . قانتاقوزن ، عالمه سی افرادی ، دولتک و عسکرینک امراسیله سیاوری صحراسنه عزیمت ایتشدی . پرنسس سی رنک آمیز کلچملرله دوشه لی برکوزل تحت اوزرنده صوک دفعه اوله رق خلفه کوستردیلر . بو عادتق یالکیز اجنبی حکمدار و حکمدار زاده لرلیله عقد ازدواج ایدن پرنسس لر اجرا ایدرلردی . یاننده ایمراطور پوچیه ایله اوچ کریمه سنه مخصوص اولان چادر قورولدی ، کلینک کیده جکی کچه قادینلر چادرلردن آیرلادیلر . ایمراطور حیواننه سوار اوله رق کبرای دولتک ریاستنه کچمش واهالی پرنسسک کورینه جکی زمانه انتظاراً تختک اطرافنی احاطه ایتمش ایدی . کنارلری صیرمه ایشله مه لی ایپک پرده لر بر ایشارته آچلادی ، دیز چوکمش والرینه برر مشعله آلمش برچوق خادم اغارلیله محاط اولان پرنسس کورندی . درحال موسیقی آلتلری آهنگ فرح بخشاسیله صحرائی لبریز ایلدی ، خواننده طاقلری پرنسسک وصفنده شرفیلر او قومغه باشلادی . بو آیینی ایکی قومک بیوک مأمورلرلیله عسکرلرینک برانکده حاضر بولندقلری آغر ضیافتلر تعقیب ایلدی . پرنسس آهنگلرله سنی آلتشه بالغ اولان پادشاهک حجه کاهنه کتورلدی . پدینک سلطان اورخانه کوزل نیلوفری تزویج ایتمش اولدینی معلومدر . ببله جک ضابطنک قزبله پرنسسک بیزانس ایمراطورلرنجه مبدأ اسارت اولان بوتزویجی پیننده یارم عصر قدر زمان گذار ایتشدی .

بزه قالیرسه هامرک بو مطالعه سی ده پک طوغری دکلدر :
 واقعا آراده مذهب مخالفتی وارسه ده ینه پرنسسک سلطان اورخانه تزویجی فوق العاده بر نشانه ضعف عد اولنه باز . چونکه روم

ایدی . اولکی صلحک منقوض عد اولنمانسه آرده برسبب کورلنز .
 هامرک ۱۲۳۷ سنه سنده وقوغندن بحث ایتدیکی هجوم و نقض
 عهد مادهسی تدقیقات تاریخیجه قطعاً مردود اولدیغنی بالاده
 بیان ایتمیشدک . احتمال که عقد اولنان مصالحه صکره لری پک چوق
 امثالی کورلیدیکی کبی برمتارکه موقته دن عبارت ایدی ، مدتی
 ختام بولدی ده آنک ایچون تجدید اولندی ؛ یوقسه محققدرکه
 هامرک ظنی کبی سلطان اورخان ۱۳۳۷ تاریخنده نقض عهد
 ایتمش اولسه ییدی ۱۳۴۱ تاریخنه قدر درت سنه روملره قارشی
 مہر دلرو تعرضدن اجتناب ایدوب طورمازدی .

پادشاهک ازدواجی ایسه ۷۴۶ تاریخنده در . سلطان اورخان
 روم ایمپراطورینک قائم پدیری و شریک حکومتی اولان قانتاقوزنه
 برسفیر کونده رهرک کریمه لرندن برنی ایستدی . دنیانک برنجی
 کوزلرندن اولمقله مشهور اولان روم پرنسس لرندن برینک ملبنه
 برپادشاهی سوق ایچون یالکوز اوپله بر حرمه مالک اولمق
 آرزوسی ده کافی اوله بیلیر ؛ فقط بعض تاریخلر سلطان اورخانک
 بو حرکتنی ده روم ایلینک فتحنه خدمت ایده جک الده برواسطه
 بولمق کبی برطاقم مطالعات سیاسییه حمل ایدرلر .

هامر دیرکه :

قانتاقوزن سفیری هدیه لره مستغرق ایتکلہ برابر قطعی بر جواب
 ویرمدی ، آره لرندہ وفا کارانه بر محبت موجود اولان آیدین
 اوغلی امور بک ایله مشاوره ایتدی . اندن موافقت کوسترمسنه
 دائر نصیحت آلدینی صرہ ده ایمپراطورک والده سی و قانتاقوزنک دشمن

ایتمش ایسه ده عسکری ایمپراطورک یاننده بر اقمش اولدیغی و بو عسکرک امید ایتدیکی قدر غنایه نائل اولدیغندن صرب قرالنک ملکنی یغما ایلدیکنی بیان ایلور . اون یدنجی هجوم ایسه جنویز لیلره اعانه ایچون سلطان اورخانک غلطیه بر آز عسکر کوندر مسندن عبارتدر .

بوایکی وقعه نک صحیح اوله بیلمسنه بر ممانعت عقلیه یوقدر . بزم مؤرخلر طرفندن ضبط ایدلمه مش اولماسی ده کاذب و یامشکوک عد اولمالارنی اقتضا ایتمز . چونکه وقعه لک ایکسی ده عثمانلی مؤرخلرنجه اهمیت و یریله جک شیلردن دکلدر . بناءً علیه هامرک تعداد ایتدیکی یکر می یدی سفر ایچنده آراد یغمز یکر می سنه لک وقایعدن یالکز شوایکی ماده جزویه بی بوله بیلورز .

فقط او یکر می سنه نک اجنبی تاریخلردن استخراج ایتدیکمز وقایعی بوایکی ماده دن عبارت دکلدر . سلطان اورخانک اوسنه لر ایچنده وقوع بولمش بر معاهده سیله بر دو کونی ده بزم تاریخلرده کوره میورز .

بومعاهده روم ایمپراطور یله ۷۳۳ تاریخنده عقد اولنان صلحک ۷۴۱ تاریخنده تأکید اولماسندن عبارتدر . بوکا باعث ده صاروخان اوغانک ایمپراطور لغه حرب آچه رق قوتلیجه بردونما ایله روم ایلییه تعرض ایتمسی اوزرینه ایمپراطورک عثمانلیلری کندینه حامی ایتمک و یاهیچ اولمازسه صاروخان طاقنه اشترا کدن منع ایلمک خصوصنی کندی نجاتی ایچون چاره منفرد عد ایلمسی

۷۴۰ تاريخنده صارو خان اوغللرندن يخشي بك قارشى به كذار ايتمش ايسهده، قانتاقوزن طرفندن مغلوب ايدلديكنى روايت ايلديكى كچي ۷۴۲ و ۷۴۴ سنه لرنده وقوع بولان اون ايكنجى واون اوچنجى واون دردنجى سفرلرك صاحبي هاممرك بياننه كوره آيدين اوغللرندن اموربك ايدى . بناء عليه بونلر آراداغمز يكرمى سنه نك وقايعندن ايسهده ينه عثمانلى وقوعاتندن دكلدر . هامر ۱۳۴۸ و ۱۳۴۹ و ۱۳۵۳ تاريخلرنده وقوعندن بحث ايتديكى اون بشنجى واون آلتنجى واون يدنجى سفرلى بتون بتون عثمانليره اسناد ايدر . انك روايته كوره ۱۳۴۹ تاريخنده برفرقه عثمانلى عسكرى روم ايلي به كچرك ترا كياني غارت ايتمش و بونلر صكره ايكي به انقسام ايدرك برفرقه سنى قانتاقوزن برفرقه سنى ده قانتاقوزنك اوغلى محو ايلش اوليور . قانتاقوزنك محو ايتديكى فرقه ده برى (قره محمد) برى (قره عثمان) نامنده ايكي ده ريس وار ايتمش . دولت عليه نك سفينه دن محروم اولماسى و امرا ايچنده قره محمد و قره عثمان ناميله معروف كيمسه بولنماسى بوچومك ده بشقه حكومت طرفندن اجرا اولنديغنه دليل قطعيدر .

ويريان تفصيلاتدن آكلاشيليوركه روايت اولنان اون بش هجوم ايچنده تاريخ عثمانينك يكرمى سنه نك نقصانى اكماله صالح برماده يوقدر . اون التنجى ماده دينيلن وقعه به كنججه ؛ هامر سلطان اورخانك ، ۱۳۴۹ تاريخنده سليمان پاشايى برفرقه عسكرله قانتاقوزنك امدادينه كوندرمش و آرزمان صكره شهزاده سنى نزدينه جلب

دولت ایچون اویله پای تحتک مدخلنده کی مواقعک ضبطنه قرار
 ویردکن و بونک ایچون قرق ایکی سفینه بیله تدارک ایلدکن -
 صکره برنجی تشبثنده موفق اوله ماقله تدریب مقصددن بتون
 بتون فارغ اولیورمک احتمال ویریه بیله جک ثباتسزلقار دئمیر ؟
 خامساً بو وقعه صحیح اولسه عثمانلی عسکرینک برنجی
 مغلوبیتی اولمق لازم کلیر . اللی سنه دن بری سیف جهاد ایله
 شان وحیت میدانلرنده طولاشدقلری حالده اک کوچک
 برفرقه لری بیله بوزولماش اولان عثمانلیلرک برنجی مغلوبیتلری
 انتقامسز بر اقلاری عقلاً ممکن کورینه بیلیرمی ؟

سادساً اللی سنه دن بری مغلوب اولان روملرک دشمن
 غالبلرینک بر دوخماسیاه بر اردوسنی مغلوب ایتدکن صکره
 حائر اولدقلری مظفریتدن استفاده نی هیچ دوشونمیبوده فتحیه
 اوغراشیلان اولوباد طرفلرینه اولسون امداد ایتمه ملرینه نه معنی
 ویریه بیلیر ؟

مطالعات مشروحه یه نظراً روم تاریخلرینک حکایه ایتدکلری
 طقوزنجی هجومکده اساسی کیم بیلیر ملوک طوائفدن هانکیسنک
 آقنجیلرله وقوع بولان بر مصادمه جکدن آلمش وصورت
 تصویری غایت فنا ترتیب اولمش بر افسانه اولدینی تبیین ایدر .
 هامر، اونجی هجوم اوله رق ۷۴۹ سنه سنده روم ایمپراطورینک
 خدمتنه آیدین اوغلی توابعندن ایکی بیک ترکان آلمسی اوزرینه
 همشهر یارندن سکز بیک قدر آدم روم ایلی یه کهرک
 تراکیا طرفلرینی یغما ایتدیکنی واون برنجی هجوم اوله رق

دشمن دها کوردندی . بو ایسه مغلوب اولان اردونک امدادینه کیش
دیگر طوز سفینه ایدی . بو احتیاط فرقه سی ده اوتوکی کبی مغلوب
اولدی . فقط آز قالدی ایمبراطورک ایکی سفینه سی دشمن الله
دوشه جک ایدی . برینه ترکار یناشمش اولدقلری حالدده روملرک بر
غیرتی سفینه بی قورتارمش وغالبیتی استحصال ایلمش در . «

اولا یکریمی بر سنه صکره کلیبولی یه کچمک ایچون بر سفینه
بوله مایوب ده صال قوللانمغه مجبور اولان عثمانلیلر عجباً قرق
ایکی سفینه بی زهدن بولمش ، هانکی ترسانه لرندن چیقارمشار
ایدی ؟ دولت علیه نک سلطان اورخان زماننده قرق ایکی دکل حتی
یالکزجه ایکی سفینه سی اولمادینی مسلمات تاریخچه دن دکلیدر ؟

ثانیاً دشمنک بر نفرینی اولدیرمه دن بیک قدر تلفات ویرمک
انسانلر انسانلرله دکل ، تلکیلر ارسلانلرله محاربه ایتسه ینه
قابل اوله ماز ! یوقسه ایمبراطورک بو محاربه ده کی اردوسی انسان
یرینه غضب بیلدیرملرندمی ترکیب اولمشیدی ؟

ثالثاً عثمانلیلرک عسکری فصل اردو ایدی که ایچارندن بیک
کشی تلف اولمقغه برابر سفینه لرینک اون ایکی جزؤنده بر جزؤینه
صیغه بیلدیلر ؟ بیک کشی اردونک اون ایکی جزؤنده اون بری
اولنجه هیأت مجموعه سی بیک یوز کشیدن عبارت اولمق لازم-
کلیور . اوپله بیک یوز کشیلک بر فرقه نک بر دشمن اولدیرمکه
موفق اوله مادینی حالدده بیک کشیسی تلف اولنجه یه قدر میدان
غیرته ثبات ایتسی انسان نوعنده ظهور ایده بیله جک متانتار دئمیدر ؟
رابعاً بر ازنیقی یکریمی بش سنه دن زیاده تضیقندن اوصامیان

بولان آلتنجی ویدنجی سوقلرک صاحبی عجلان بك و ۱۳۳۵ سنه میلادیه سنه مصادف ۷۳۴ سنه هجریه سنه وقوع بولان سکنزنجی سوقک صاحبی ایسه آیدین اوغلی اولدیغنی هامرده قبول واعتراف ایدیور . بناءً علیه بو درت وقعه نكده تاریخ عثمانی ایله مناسبتی یوقدر .

۱۳۳۷ تاریخ میلادیسنده وقوع بولدیغندن بحث ایلدیکی طقوزنجی هجومی هامر شو یولده نقل ایدر :

سلطان اورخان ایله ایمپراطور بیننده مصالحه دوام ایتکده ایکن برکون ایمپراطور ، اورخانک یا اوکیجه ویا برکیجه صکره اوتوزسکر سفینه ایله استانبول پدشکاهنه کله جکنی ومقصدی ده یالکز غارت اولیوب پای تخنک مدخلنده بولنان بعض محالری ده ضبط ایده جکنی خبر آلدی ؛ قانتاقوزنی ، زادکاندن یکریمی کشی وقرق عسکر ایله هدف هجوم اولسی ملحوظ اولان موقعه کوندردی ؛ دونماسندن تجهیز اولنسی و دکزه چیقاییلمسی قابل اولان ایکی سفینه یه عسکر یله برابر کندی ده دخول ایلدی . وقتناکه حریق آتشی ، نسوان واطفال فریادی « وحشیلرک » بیوک چکمجه یه وصولرینی کندیسنه اخبار ایلدی ، کیجه دن اورایه کلش اولان ایمپراطور صباح اولنجه قانتاقوزنک حیواننه صجراهرق ییلدیرم کبی دشمنلرک اوزرینه دوشدی . وقت ظهره قدر امتداد ایدن بو محاربه ده بیس قدر ترک تلف اولش وروملردن بر فرد بیله ضایع اولامش در . عثمانی عسکرینک بقیه سی کمیلرینک اوتوز اوچنی ترک ایده رک یالکز اوچنه سوار اولدیلر ؛ چفته یلکن آچه رق فرار ایلدیلر . ایمپراطورک کمیلری ده بونلره یتشمک ایچون چفته یلکن آچش ایسه ده دیرکاری سقطلنمشدر . عسا کر غالبه اوکیجه دشمنک مقتولرینی صومقله مشغول اولدیلر . ایرتسی کون استانبوله عوت ایده جکلری صره ده ساحله بر یکی

۷۲۰ تاریخ‌نویس دوات علیه‌نک دکرده بر کیسی، آق دکر
ساحلنده بر قاریش یری یوق ایدی که سلانیک و ما کدونیا
طرفلرینه عسکر کوندرمش اولسنه احتمال ویریله بیلسون .
هامر دردنجی هجومی ده شو صورتده حکایه ایدر :

روم ایمپراطورلی ایله عثمانلیلرک - حکمدارلرک هوسات و منافعه کوره -
کاه دوستانه و کاه خصمانه اولان مناسباتی سلطان اورخان زمانده
بدأ ایلدی . ۱۳۲۷ تاریخ میلادیه سنده یعنی ۷۳۶ تاریخ هجریه سنده
ایمپراطور آندرونیکوس، حفیدی اولان کنج اندرونیکوس علیه‌نک سلطان
اورخانک معاونتتی التماس ایتدی . کوندریلن عثمانی عسکری چورلی
وسلستره آره سنده مغلوب اوله رق استانبوله التجا ایتمش و وقوع بولان
طلبلی اوزرینه ایمپراطور کندیلرینی آناطولیه سوق ایلشدر .

تدقیقات تاریخیه نظرنده قطعاً مظهر قبول اوله مایه‌جق بر
فقره ده بودر . سلطان اورخانک همان جلوس ایتدیکی سنه پدزی
طرفندن سوق اولنسان بو قدر فرقه‌لرله بر طرفندن روم
ایمپراطورینک لندن مرمره و قره دکر سواحلنک و خصوصیه
ازنیق شهرینک اخذ و توزعیله اوغراشوب طوررکن بر طرفندمه
ینه او سنه ایچنده ایمپراطورک امدادینه عسکر کوندرمش اولسنه
نصل احتمال ویریله بیلور ؟ روم ایمپراطورینک امدادینه عسکر
کیتدی ایسه کیم بیلیر ساحلده ملکی بولنان حکومات صغیره‌نک
هانکیسی طرفندن کوندرمشدرده عثمانلیلری عجم ظن ایدن
روم مؤرخاری آنلری ده عثمانلی ظن ایتمشدر !

۱۳۳۱ سنه میلادیه سنه مصادف ۷۳۰ سنه هجریه سنده وقوع -

ايله صكره دن آنارلده بوزوشه رق وبرطاقى عصيان فرقه لرنيك
 گاه بريله وگاه ديكريله برلشهرك برچوق وقعه ارده بولميش وبرچوغى
 تلف اولدقن صكره برازى مملكتلرينه عودت ايده بيلميش اولمىندن
 عبارتدر. بو ايكي وقعه نك كرك صاحبلرينه و كرك تاريخ وقوعلرينه
 نظراً عثمانليرده، بختنده بولنديغمز يكرمى سنه ك مدهده قطعاً
 تعلق اولماديني محتاج ايضاح دكلدر .

هامر اوچنجى هجومى شويله تعريف ايدر :

« آيدنليرك هجومدن آز زمان صكره عثمانليرما كدونيا وزا كيا
 طرفلرنده ظهور ايله يكرمى سكرز آي ظرفنده كوزلرينه هر نه راست كلدى ايسه
 احراق ايده رك وشهرلر بختنده كي وسائط مخابره ي قطع ايله رك اورالى
 بر اوچندن ديكر اوچنه قدر يغما وتخریب ايتدیلر . يغما كرلكرى
 مملكتى ودولتك منابع ماليه سنى او درجه رخنه دار ايتمش ايدى كه
 ايمپراطور مضايقه نك درجه متهاسته واصل اوله رق البسة سلطنتك
 آلتون وجوه لرني صاتمغه مجبور اولمشدى . حتى وليعهدينك رسم
 تسوجى اجرا اولندينى زمان ايمپراطورك تاجى يالانجى الماسلرله تزئين
 اولمشيدى . »

اولا هامرك وضع ايلديكى تاريخه نظراً بو هجوم ۱۳۲۱ سنه
 ميلاديه سنده يعنى ۷۲۰ سنه هجرية سنده وقوع بولديغندن بونك ده
 آراد يغمز يكرمى ييله قطعاً جهت تعلقى يوقدر . ثانياً هامر بو
 روايتى، آره صره عثمانليرك عجم اولديغندن بحث ايدن روم
 تاريخلرندن نقل ايدنيور . حال بوكه آنلرك افاده سى موضوع بحث
 اولان فرقه نك عثمانلى اولديغنه قطعاً دلالت ايتمز . بالعكس بزجه
 بونارك عثمانلى اولمدينى ثابت عد اولمق لازم كلير . چونكه

بوسکوتک سببی ایسه اویکرمی سنهک وقوعاتی مملکت فتحی
 وخیرات انشاسی کبی خلقک فیکرنجه مهام اموردن معدود
 اولدیغندن مورخارجه ایرادینه لزوم کورلمه مش واحتمال که حافظه
 انامده قالبده اورخان زمانسندن صکره ضبط وقایمه باشلایان
 مؤرخلره واصل اولماش اولسندن عبارتدر .

تاریخده اصل مقصد ایسه سکوتک سبب صحیحنی اوکرنمکدن
 ایسه اوزمانک وقوعاتی اوکرنمک اولدیغندن اسناد سبب
 خصوصنجه نذر استدلالنده اصابت کوسترمه مش اولان هامرک
 اکمال وقوعات ایچون بیان ایتدیکی حکایه لر بومقصدی استحصاله
 کافیمیدر ، دکمیدر ؟ اوجهتک تحقیقی وظیفه دن عد ایلدک :

هامر شهزاده سلیمان پاشادن اول اسلامک روم ایلیه اون-
 یدی هجومنی نقل ایدر . بونلرک برنجیسی برکه خاک ۶۶۲
 سنه سنده ملوک سلجوقیه دن عزالدین کییکاوسی ایمراطورک
 حبسنندن قورتاروق ایچون یکریمی بیسک آتلی ایله طونه نی بوز
 اوزرندن کچهرک استانبولی محاصره یه کلسندن ؛ ایکنجیسی
 (تورقوبول) نامیله ایمراطورک خدمتنده بولنان برطاقم مرتدلرک
 دعوتی اوزرینه آیدین اهللسندن درت یوز دلاورک ۷۰۶
 تاریخنده روم ایلیه کچهرک متفقریله برابر ایمراطورک اردوسنی
 بوزدقلری وینلرینه تفرقه دوشدکن صکره ینه ایمراطوره تابع
 بر قلعه یی ضبط ایله اوراده محفوظ اولان البسه سلطنتی یغما
 ایلدکلری حالده مؤخرآ بر طاقی صرب قرالنک خدتمنه دخول

مناسبات دوستانه بزم مورخارجه مدار سکوت اولمق شویله طورسون حتی معلوم بیله دکل ایدی . اکر معلوم اولسه ایدی وقایع تاریخیه نیک تنقیصنه دکل ، تزییدینه سبب اولوردی . چونکه بومناسبات دوستانه دن مراد مغلوبك غالبه قارشى رضا جوایانه حرکتدن بشقه برشی اوله میه جغندن مؤرخاریمز بو حالی بر دلیل اقبال ونمونه موفقیت اوله رق محیفه لر طولوسی ستایشلرله نقل و حکایه ده قصور ایتمزلردی .

قره سی حکومتی موضوع بحث اولان یکر می سنه نیک حلولندن اول منقرض اولدیغندن منظومه شمسک حرکاته برتسویش عارض اولوبده عالمک سنین وشهوری بر برینه قارشیدیغنه حکم اولنمادقجه او یکر می سنه ایچنده قره سی حکومتنک نفوذی آلتنده جریان ایتمش بر وقعه تصور ایدیه مز .

صاروخان و آیدین اوغلرینک مهاجرتنده اکر دولت طرفندن سوق اولنش بر عثمانلی فرقه سی بولنسه ایدی البته غلبه نفوذ عثمانیده قالیردی . چونکه عثمانلیلر دور استیلا لرنده معیتلرنده پک چوق قوملر کتوردیلر ، فقط هیچ بر قومک معیتنده حربه کیتمکه نزل ایتمدیلر !

هله هامرک بیان ایتدیکی بو ایکی ماده سلطان اورخان ایله روم امپراطورلنی بیننده عقد اولنان ایکی معاهده ایله پادشاهک روم برنسلرندن برینی تزوج ایلسنی عثمانلی تاریخلرینک سکوت ایله کچشدیرمسنه فصل سبب اوله بیلیر ؟ بزجه اوجهته عقل ایردیرمک دائره امکانک خارچنده در .

بوقیلدن اوله رق دها برطاقم وقعهلر جریان ایتمش ده محو آباد
نسیانه آلمش قالمشه تاریخ ملتك بو قدر نقصانه نه درجه لرده
تأسف ایدلسه شایان اولور .

هامر بو یکر می سنه نك وقوعاتی حقتنده عثمانلی تاریخلرینک
سکوتی ، سلطان اورخانک تشبثات غالبانه سی بعض مغلوبیتلرله دوچار
وقوف اولوب ده مؤرخلرک نخوت ملیه سی او مغلوبیتلرک حکایه سندن
تبری ایتدیکنه محمول اوله ماز. روم مؤرخلرینک ده اوصره ده عثمانلیلرجه
مغلوبیتی موجب اولمش هیچ بر محاربه دن بحث ایتمه لری بوفکری
مؤیددر . بوسکوته سبب عثمانلی فتوحاتنده ظهور ایدن دیکلنمک
مدتی ده اوله ماز . چونکه عثمانلی فرقه لرینک اوزمان اجرا ایتدکلری
چابولر مؤسس دولتک دورنده کی حرکات عسکریه قدر شهرتلی دکلسه
انلردن ده آزفائده لی دکل ایدی . سبب اصلی ایسه اول امرده سلطان
اورخانک اوزمانلر روم ایمراطوریه له مناسبات دوستانه ده بولنسی و
ایکنجی درجه ده دکزده واسیا ساحلنده زیاده قوتلری اولان قره سی
وآیدین وصاروخان حکومتلرینک نفوذی عثمانلیلرله غالب اولسی در ...
ینه بو حکمتلره مبنیدرکه عثمانلی مؤرخلری سلطان اورخان ایله روم
ایمراطوری بیننده ایکی مصالحه نامه انعقادینی و پادشاهک بر روم
پرنسسه ازدواجی ده سکوت ایله کچشدیرمکی لازمه دن عدایتلردر .
دیدکدن صکره تاریخ عثمانینک بونقصانی اکمال ایچون اسلامک
سلیمان پاشادن اول روم ایلی یه وقوع بولان هجوملرینی تعداد
وتفصیل ایدر .

معلومدرکه سلطان اورخانک روم ایمراطورلنی ایله مناسبات
دوستانه ده بولنسی مؤرخلرک یکر می ییلق وقایعدن سکوتی
استلزام ایده بیله جک حاللردن دکلدر . هیچ شبهه یوقدرکه بو

بوموفقيتي استحصال ايچون سلطان اورخانك التزام ايتديكي
مسلك ، اخلاق نقطه نظر نجهده بر اسلام حكمدارينه ، مردانه
يتشمش بر قهرمان ملت پادشاهنه ياقيشه جق قدر عاليدر .

چونكه قرمان اوغلنك تهديدلى ، تواضعلى ؛ گرميان
اوغلنك فسادلى ، تزويرلى سوزلرينه اهمت ويرمدكن بشقه
مثيله مقابله يده تنزل ايمدى . بوكون بيله معاملات خارجيه
مهارتنك فوق الامدادك درجه سى عد اولان (خصمى يلان
سويلمدن ايستديكي نقطه ، كتيرومك) طريق كاملان سندن
آيرلادى : قرمان اوغانه طرفينك جدا حال حقيقتيسنى تعريف
ايتدى . حتى هر نه طرفه مراجعت ايتسه كندى خاطر سنى دوات
عثمانيه نك دوستانه ترجيح ايده جك كيمسه بوله ، يه جغنى رسمى
نامه سنده بيان ايدرك ملوك طوائف ايله اولان مخابرات و معاهدات
خصوصيه سنى ده طوغرى دن طوغرى يه ميدانه قويما دن چكندى .
قرمان اوغلنى قورقوتدى ، ايستديكي دائره مطاوعت و انقياده
كتيردى ؛ فقط بومقصده خصمن اغفال ايدرك دكل ؛ خارجدن ،
داخيلدن قرمان طاقتنى محو ايتمه كافي قوت تدارك ايدرك او-
قوتى كنديلرينه تماميله كوستره رك واصل اولدى !

سلطان اورخانك بو موفقيتى قليچ قوتيله حاصل اولان
غلبه لرينك اك بيوكلرينه مساوى و بله كه زمانجه نظيرى موجود
برلادى ايچون جمله سنه فاقندر .

مؤرخارك ساكوت ايچنده بر اقدقارى بكرمى سنه ظرفنده

غز الرک شرف و منفعتنه تشريک ايمه مش . يالکيز آناطولیده بولنان اسلام حکومتاريني بولندقاری حالده طوتهرق اوراجه بر نوع موازنه حصولی التزام ايتديکندن آنی بوزه جق صورتده قرمان اوغلی طرفندن وقوع بولان برتجاوزک منعی خصوصنجه حربک لزوم کوستردیکی فدا کارلقدن ، او موازنه دن مستفيد اولان قباد اوغلانکده حصه دار اولسنى بحق ایسته مش . نفوذینک تأثیرینی ، دولتینک شهرت اقتدارینی بر درجه یه ایصال ایلش که آناطولیده کی ملوک طوائفک اک قدر تلیسی و بناء علیه عثمانلیرک رقیب اقبالی اولان قرمان اوغلنی تابعیت و بلکه عبودیت مقامنه تنزیل ایتمش !

بوصورتله بر طرفدن خرسیتیاناره قارشى جهاد ایده رک سیف غزا سایه سنده دولتنی اجلال و عظمت و غلبه و ممدوحیتک حد منتهاسنه چیقارمق . بر طرفندن ده جوارنده بولنان اسلام ملوک طوائفی حکومت معنویه سی آلتنده و بر حال و قوفده طوتهرق دولتنه رقیب اوله جق بر مرتبه اقتداره کتورمه مک سلطان اورخان زماننه کوره اتخاذا اولنه جق تدابیر حکیمانه ک مکملی ایدی . معاملات خارجیه سی ، قلیچ قوتیه انفاذ حکم و یا مغلوبیت الحاسیه عرض اطاعتدن عبارت اولان او یله بر عصرده عاقبت- بینانه بر مسالکده استمرار ايله بر نوع موازنه دولیه وجوده کتیرمک زماننک فکرندن ، استعدادندن پک عالی موفقیات برکزیده دیندر .

وداد واتحادده ثابت وراسخ اولاليسكز . بونك خلافته حركت تلافيسي قابل اولايه حق صورتنده وخامت عافيتي موجب اولور .
 قرمان اوغلي بو مكتوب اوزرينه بر عهدنامه تقديم ايدرك پادشاهجه موجب انفعال اولان ايجون توبه وندامتله برابر بوندن بويله انقياد ومطاواعت مقامنده پايدار اوله جغني وبندكان ومتابمان هايوننه هر درلو قصددن توقي ايده جگني متعدد يمئلرله نامين ايدر وشهزاده لر حقتنده « خداوندگار ، زادكان من » كي تعبیرلر قوللانهرق بياعي حكومت عثمانيه نك تابعيتي قبول ايدرجه سنه تذلل كوسترير .

پادشاه قرمان اوغلنك عهدنامه نندن كرميان اوغلنه معلومات ويرر . كرميان اوغلي دشمنك يميننه ايناتلق جاژ اوله ميه جغني بيان ايله غوغا قيزشدير مق ايستر ايسه ده سلطان اورخان آ كاده پك يوز ويرمز ، قرمان اوغلنك كوسترديكی مطاواعت رضا . جويانه يي قبول ايدر ، ينه اسلام آره سنده قان دو ككه مزين برده فتح معنوی احرازينه موفق اولور .

بو وقعه دن عثمانيليرك معاملات دوليه يه نه يولده ابتدا ايتديكي وبو معاملاتك اجراسنده نه درلو قواعد اتباع ايلديكي كورينور . بو مخبر اتدن آ كلاشيليركه سلطان عثمان زماننده دولته صيرتار مق ايسته ين كرميان اوغلاريني سلطان اورخان اتفاقنه آلمش ، فقط بياعي كنديسنك بر نوع ناي مقامنه تنزيل ايلش . قناده اوغلي جانك خان ايله ده تجاوزي تعرضي بر اتفاق عقد ايلش ، مع مافيه بو حكومتلك هيچ بريني خرسيتيانلره قارشي آچديغي

تمنی ایله برابر شرق ولایتی (حسن بن چوبان) ایله (شیخ حسن ایلخانی) بیننده منقسم اوله رق بونلردن (حسن جلایری) بر قاچ دفعه ابن چوبانه استرحاملر عرض ایتمش ایکن بر یکی مستکبرانه بی پروالتی کوسترمش ونهایت مغلوب ومنکسر اوله رق محو ونابود اولمش اولدیغنه دائر بر حکایه تاریخیه نقل ایتدکن ودر عقب بوتمشیدن مرادی طعن و تعریض اولدیغنی ایکی عین ایله نأمین ایلدکن صکره بو بایدهده سلطان اورخان هر نه رأی ایدر سه مطیع ومنقاد اولدیغنی بیان ایدر .

پادشاه بوکا قازشی بر تهیدنامه کوندررکه صده لازم اولان فقره لرینی زیرده خلاصه یوللو ترجمه ایدیورز :

اطرافده بولنالرک بو دولته مطاعت ایلدکاری معلوم ایکن بو دائره دن جیمق ایستمه کز غریبدر . صکره دن کورمه لرک اغواسته لغت اولنسون که آنلر فننه کیننده صافلامشدر : کندی صلاح لرینی بینمک افسادنده ارارلر ، اهلیتسزلر انسان اره سته قاریشوبده کار فرما کورنمک ایچون تهییج خصومه چالیشیرلر . فرومایه لر کندی لرینی ارباب تمیز عداوته داخل اتمک ایچون هر وقت بهوده شیلرله اوغراشیرلر . بو دقیقه لر دن غفلت اولنماملیدر . بوراسی ده یقیا معلوم اولمایدر که نه طرفه مراجعت ایسه کز او طرف بزم مطاوعتمزی سزک تجری رضا و تحصیل مراد کزه ترجیح ایدر . وهیچ سزک هوا کزه متابعت ایچون کندی ایشنی بوزمق ایسته من . برادر اعز و اکرم ملک عالم و عادل ایله بینمزه کی الفت و اخوت و درجه محکمدر که کیمسه نیک قصیدله تبدل و تغیر بولماز ، سزده بزم خدمتمزده بولمق سعادتک قبولنی کندی لری کز ایچون منتهای اقبال بیاملیسکز ، متابتمده ثبات و عبودیتده استمراری لازم عد اتملیسکز .

کندیسینہ راجع اولہ جغزہ دائرہ بر خبر کوندیریر ؛ قرمان اوغلی
 کرمان اوغلی اورالہ پادشاہک خبری اولمقصرین تصرف
 ایلدیکنی مبین بر جواب تقدیم ایدر ؛ بوکا مقابلہ سلطانی
 اورخان کویلرہ تصرف کندی فرمانیلہ وقوع بولدیغنی بیان
 ایلر ؛ قرمان اوغلی ینہ قانع اولماز ، طورغودلی عشرتی منازعہلی
 اولان محللرہ تسایط ایتمک کبی برجسارت کوستیر .

پادشاہ بو معاملہلی کندینجہ بر مسئلہ حیثیت عد ایدر ،
 قرمان اوغلی اوزرینہ حربہ حاضرلنور ؛ فقط کرمان اوغلی
 ہر نہ قدر سفری تسریع ایدرسہدہ سلطانی اورخان قیش کونی
 عسکرینی اتعاب ایتمک ایستہمز ، حرکتی اول بہارہ تعلیق ایدر ؛
 محرراتک روشنندن دائرہ اتفاقدہ بولندیغنی آ کلاشیلان جانیک
 خانہ برمکتوب کوندیریر ، بہارہ قرمان سفرینہ مرافقتی ایستر .
 جانیک خانہ یازدیغنی جوابدہ سفرک اول بہارہ تعلیقنی
 تنسیب ایلہ برابر اوزمان اردوسیہ محاربہیہ کلکی وعد ایدر .

جانیک خانہ یازیلان نامہ ہایونک « تحریراً فی اوائل
 محرم الحرام سنہ احدی واربعین وسبعمائہ » عبارہ سیلہ مورخ
 اولمسندن استفہام اولدیغنی کورہ وقعہ ۷۴۰ سنہسندہ جریان
 ایتمکہ باشلامش اولدیغنی حالہ قرمان اوغلی اوچ سنہ اول
 وقوع بولان اولوباد فتحنی بہانہ ایدرک پادشاہہ برمکتوب
 کوندیریر ، بوندہ کرمان طاقتک اغواسیلہ ترک مرحمت ایدیلہرک
 کندی ملکندہ متمکن اولانلرک پریشانلغنی روا کورلہ مسنی



اناخورك فتحی ایله آنی تعقیب ایدن وقعهلر ۷۳۸ سنهسنه
تصادف ایش ایدی .

دور اورخانینک ۷۳۸ سنهسندن ۷۵۸ سنهسنه قدر اولان
یکرمی بیلق مدتی ایکی فجر ارهسندهکی زمان کی قرانلق
ایچندهدر؛ تاریخلر مزده بو یکرمی سنه ظرفنده جویان ایش
هیچ بر وقعیه تصادف اولماز . حال بوکه یکرمی سنهده البته
بر چوق و قوعات مهمه وار ایدی . حتی آنلرک برینی ده فریدون
دنشاتندن استخراج ایده بیارز . بو مجموعهده قباد اوغلرندن
صامسون طرفارینک حاکی اولان جانیک خان و قرمان اوغلی
و کرمان اوغلی ایله سلطان اورخان ارهسنده تعاطی اولدیغی
بینان اولنان یدی مکتوب مندرجدر .

بونلرک ماآلرندن آ کلاشلدیغنه کوره کرمان اوغلی قرمان
جوارنده بعض کویلهه تصرف ایدر ؛ قرمان اوغلی ایسه کرمان
طابق اوراده حکمی جاری اولدیغنی ایسته مز ؛ کرمان اوغلی
سلطان اورخانک عنایتنه انتجا ایله مرانی ترویج ایتدیرمکه
چالیشیر ؛ سلطان اورخان کرمان اوغلیک مراجعتنی حسن نلقی
ایلر ، قرمان اوغانه بوکویار حقنده هرزه معامله وقوع بولورسه

اولان شهزاده سليمان پاشايه احواله ايده رك حاجي ايل بكي شهزاده نك وزارتته تعين ايتدي . آجه بك ايله فاضل واورنوس بلكري ده اولجه حاز اولدقلى خدمتله ينه قره سیده براقدي .

سلطان اورخان بو اجرا آتی اتمام ايدرك اقبال ومسرته بروسه يه عودت ايدركن اولوباد محافظتك خيـاتي تحمق ايتديكندن كنديني اعدام ايتديرمش واداره ايتديكي يرلري ممالك عثمانيه يه الحاق ايلش ایدی .

اولوباد محافظتك نه يولده خيـاتي ظهور ايتديكـنه دائر تاريخلرده بر سوز كوريله ميور، مع مافيه بو فقدانه باقوب ده محافظتك اولوبادي ضبط ايتك ايچون بر خيانت موهومه اسناديله اعدام ايدلمش اولديغنه احتمال ويرلمك لازم كلير . چونكه سلطان اورخانك عموميت احوالي كنديسندن بويله بر غدارلغك عـروريني تصوره مانعدر . هله تسليم اولمش بر آدمي معروف وثابت بر سبب موجود اولمادقجه اعدام ايدوبده اطاعتنه آلمق ايتديكي يرلرده كي امرايي هول جان ايله مقاومته اصراره تحريك ايدجك بر حرکتي اختيار ايتمش اولسي هر فعلنده مشهود اولان فكر حكمته قطعياً يا قشديريله ماز .

اولوباد وقعه سندن صكره سلطان اورخان بالذات بر اردو ايله (اناخور) ي محاصره ايدرك صاحبا فتح ايلديكي كبي ارمودلي بي ده بر قاچ كون محاصره ايله جزيه كذار ايتدي . و او جوارده بولنه رق عرض تسليميت ايدن اوافق تفك بر قاچ قلعه يي ده لزومسز اولدقلى ايچون تخریب ایلدی .

ویرمز . پادشاهه مراجعتله استعفاى قصور ایدیکز ، جرائم گذشتهدن اغماض ایله عفو ایتدیرمکی بز تعهد ایدرز . واقعا پادشاهه غیوردر ، فقط اعتراف کناه ایدنلردنده دریغ عفو ایتیمور . خصوصیه البته بر مملکت خلقنه قیماز ؛ اما رأیمزه مخالف بولنورسهك قید و بند ایله سنی سلطان اورخانه کتورور ، غضبندن حیامتزی قورتاررز ! « یوللو تهدیدات ایله عجلان اوغلی طوعاً و کرهاً امرلینه رام ایتدیلر ، پادشاهدن استیمان ایتدیردیلر . کندیلری ده هم مستدعی هم شفیع اولدیلر ، عجلان اوغلی رأیلرینه تابع ایتمکده نه قدر شدت کوستردیلرسه پادشاهك غضبندن قورتارمق تشبثندهده او قدر وفا و حمیت ابراز ایلدیلر ؛ نهایت بروسهده اقامت ایتمک شرطیله یالکز حیاتهنه امان آله بیلدیلر . برغمه قلعه سی ده بو صورتله آره یه قلیج کیرمکسزین ضبط ایدلشدی .

سلطان عثمان دورنده چاودار تاتارینه ارائه اولنان سطوتء اشقیاتأ دیی دیمک اولسنه نظرأ عثمانیلرک اسلام اوزرینه ایلک آچدینی محاربه بو قره سی سفریدر . بو سفرک بر قوجه مملکت تسخیرینی انتاج ایلدیکی حالده برادری طرفندن خیانتله اعدام ایدیلن طورسون بکدن بشقه بر مسلمانك قانی دوکلمکسزین ختام بولسی سلطان اورخان نظرنده تأییدات غیبیه دن معدود اولمشدی .

پادشاه قره سی ولایتی عقل فعال حکومت ویدیمن سطوتی

وعجلان اوغلنه تابع اولان يرلرک ممالک عثمانیه، علاوه اولمش اولديغى بوندن بويله هرکيم حکومت سابقه، تابعيت داعيه سینه قيام ايدرسه جزای اعدامه اوغرايه جفنى دلالر معرفتيله اعلان ايتدی، امرای ده يرلرنده ابقا ایدی .

اهالی ذاتاً عثمانلی حکومتی، عجلان اوغلرینک اداره سینه قیاس قبول ایتیه جک درجه رده مرجع کوردکلرندن اطاعت پادشاهیده بولمغى جانلرینه منت بیلدیلر . قره سی خاندانک عمییتنده بولنان امرانک برطاقی طورسون بکک وفاى اوزرینه با برادرینک شمشیر کینه تسليم جان ایتک ویاخود عثمانلی پادشاهنه اطاعت ایلک شقلرندن برینک اختیارنده مضطر قالدقاری ایچون بالطبع برییلانک زهرینی تخر به ایتکلدن ایسه بر آرسالنه خدمتکار اولمغى ترجیح ایتدیلر . دیگر برطاقی عجلان اوغلنک کینندن قورقماقله برابر پادشاهک غضبندن خائف وسطوت عثمانیه قارشى طورمقدن عاجز اولدقاری ایچون ایستر ایسته من اراده هایونه رضا ومطاعت کوستردیلر . بوصورتله عثمانلی قلیجنندن بر طمله قان دوکلکمزین قره سی ملکی تمامیه تسخیر اولندی . یالکز برغمه ده عجلان اوغلی مقاومت داعیه سیله ثبات ایتکلده ایدی . اوده چوق طیانهدادی ، اهالی اوزرینه هجوم ایتدیلر ؛ «برملک تسليم اولدقن صکره بر قصبه نك سطوت عثمانیه قارشى نه حکمی اولور؟ ایديله جک اصرار نهایت جمله مزک اولاد وعیالزله محو اولمقغمزى موجب اولمدن بشقه بر نتیجه

عجلانيه امراسى طرفندن وقوع بولان دعوتده طورسون
 بك ايچون اختيار ايتديكي تشبده مدار معذرت دكلدر : خلقك
 كنديسى ايتديكنه او قدر اعتمادى وار ايديسه قرهسى يه عثمانلى
 قوتندن استعانه ايتدن كيمسى لازم كليردى .

بوجهتلر حقايق مسلمه دن ايسه ده مكله ايچون اختياريله
 كلش بر آدمى نه قدر مجرم اولسه اويله حتمنده ايديله چك تجاوزدن
 غافل وهر درلو اسباب مدافعه دن محروم اولدينى حالده بو-
 صورتله براوق آتوبده اعدام ايدويورمك مسئله نك بتون بتون
 رنكنى دكشديرر ، حد ذاتنده بر بيوك خيانتله متهم اولان
 طورسون بكي مذبور و خيانت كوردىكي بر آدمى اعدام ايتمش
 اولان بيوك برادرىني بالعكس جاني كوستيرر . چونكه انسانيت
 قواعدنجه اويله ييلان اولديرر كبي انسان اولديريله مز ، نه درلو
 جرم ايله متهم اولورسه اولسون !


قرهسى اهالىمى سوديكلىرى ، خير مأمول ايتدكلىرى امير-
 زاده نك او يولده الدن كيتديكنى كورنجه هم آكا پك زياده
 آجيدلر ، هم كنديلرى ايچون فوق العاده مأيوس اولديلر . بعض
 معتبرلرني حضور پادشاهى يه اعزام ايدرك عجلان اوغلندن آجى
 آجى شكيتار ايديلر .

سلطان اورخان ايسه كندى خدمتنده بولنان ، مكله يه
 كندى امريله كيدن بچاره نك اوغرادينى خيانتدن طولاي او-
 درجه غضبناك اولدى كه عجلان اوغلنه امان ويرمك احتمالى
 بتون بتون ذهندن نزع ايدرك قرهسى حكومتى لغو ايدلمش

چاره تسویه بولورديکوز. « يولو شاهانه بر نصيحت ایراد ایلدی. تاج التوار یخده قره سی ملکینک ابکی برادر بیننده مناصفه تقیسی صورتیه صلحه چاره آرائسی ده پادشاهک نسیاحی مقتضاسندن بولندیغی کور یلیور. حال بوکه عجلان اوغلنک ظالم اولدیغی ایچون دفعنه قیام اولمشدی، بر ظالمی بر ملکک نصفندن محروم ایدرک دیگر نصفنه مسلط ایتمک سلطان اورخانک اتصاف ایتدیکی حکمت سیاسیہ و تمایلات عادلانه یه نظر آپک ده اینانیه جق شیردن دکلدر.

طورسون بک نصیحت هایونی کمال مطاوعتله قبول ایدرک قلعه جوارینه کیتدی، برادرندن ملاقات ایستدی. جوابه منتظر ایکن قلعه دن خیانتکارانه براوق آتلدی، بیچاره یی حیاتندن محروم ایلدی. اکثر مؤرخلر بو اوقی بالذات عجلان اوغلنک آندیغنی بیان ایدرلر؛ اوقی کرک کندی آتمش و کرک امریله آتدیرمش اولسون عجلان اوغلنک ایتدیکی حرکت عادتا موجب لغتدر.

واقعا طورسون بکک پدرندن قالان ملکی بر اجنبی دولت قوتیه برادرینک لندن آلمق ایستمی خیانتدن بشقه بر شی دکلدر، اوجهته برادری کندیسنی واجب الازاله عد ایتمکده حقسنر عد اولنماز، حتی طورسون بکی محاربه ده یاخود بشقه بر صورتله اله کچیرسه ده اعدام ایتسه ایدی بو حرکتندن طولایی تاریخجه مؤاخذه ایدیه مزدی.





کلیاتِ کمال

بمبئی ترتیب

۱

عماد الملک تاجیک

جلد ۱ جزو ۴

اسٹانبول

محمود بیاضی

۱۳۲۶


کتابخانه

برنجی تزیین

کتابخانه

کتابخانه

ردیف	عنوان کتاب	تعداد	قیمت	نوع
۱	روزگار فدایم	۳	۳۰	شاعری
۲	قاره بلا	۵	۵۰	شاعری
۳	مذلات سینه و ادبیه رفیق	۲۰	۲۰	شاعری
۴	وطن آینهال عالمه (مجموعه)	۱۰	۱۰	شاعری
۵	اشعار کمال	۲۵	۲۵	شاعری
۶	سوره الدین خوارزمشاه	۱۲	۱۲	شاعری
۷	مکاتیب خصوصاً دن برنجی جلد	۲۰	۲۰	مکاتیب
۸	اوراق پریشان مجموعه سی	۷.۵	۷.۵	مکاتیب
۹	مستان عجزات دست	۴۰	۴۰	مکاتیب
۱۰	جرمی و انتباه	۷.۵	۷.۵	مکاتیب
۱۱	مکاتیب - خصوصاً دن بگچی جلد	۲۰	۲۰	مکاتیب
۱۲	تغیبات و تخریبات خرابات	۵	۵	مکاتیب
	رساله لری و سائره			مکاتیب



اداره نشر

مستطاً تأدیبه ابدلك نشره

بكونی پشین اولهرق تأدیبه ابدلك
اوزره ابونه شرائطی :

غرض

۲۰۰ اداره خانه دن الفق شرطیه .

پوسته اجرتده داخل اولهرق اقامتنامه
كوندلك شرطیه .

بجزواك فغانی (۳) غرض

طلبه

اولوباد محافظی هدیه لوله حضور هایونه کله رک عرض اطاعت
 واستیمان ایتدیلر . پادشاه اطاعتلرینی قبول ایتدی ، اداره داخلیه لرینی
 کندیلرینه حواله ایلدی .

عجلان اوغلی خرستیان امراسندن ده عبرت آلمادی ،
 عثمانیلرک شوکت قاهره سنه قارشی برغمه قلعه سنک متانتنه
 کوکندی ، اولاد و عیالیه برابر اورایه صیغینه رق اسباب
 مقاومتک تزییدیه اشتغاله باشلادی .

حاجی ایل بک ایله دولت عجلانیه امراسنک مطاع و معروف لرندن
 آجه بک و فاضل بک و اورنوس بک اردوی هایونی استقبال
 ایلدیلر .

سلطان اورخان بالیکسریده آز بر مدت اقامت ایلدکن
 صکره طورسون بک ایله قره سی امراسنی استصحاب ایدرک
 برغمه نک محاصره سنه عزیمت ایلدی .

محاربه به باشلامدن اول سلطان اورخان ، قره سی امراسی ده
 حاضر اولدقلری حالده طورسون بکی مجلس شاهانه سنه جلب ایله ،
 « اهل اسلام آره سنده شرعی بر موجب یوق ایکن محاربه
 حرامدر ، حرب ایله اهلینک ده حالی خراب اولور ، مادامکه
 بومملکتک ارکانی سنک حکومتکی ایستورلر ، برادرکن خوف
 و نفرت کوستریورلر ، مقتضای مرؤت و لازمه اخوت بیوک
 برادریکی تطیب ایدرک صلحه برچاره بولمقدر . امرایله برابر
 قلعه نک یانه کیتسه کده کندیسيله لقردی ایتسه ک ، احتمالکه بر

اورخانہ سفیر کوندر دیار ، باشا رنده کی بلانک دفعیہ ولی نعمت زاده لری اولان طورسون بکی پدینک مقامنه اجلاس ایچون استدعای عنایت ایلدیلر . سلطان اورخان کلن خبری طورسون بکه تبلیغ ایدنجه ، کندیمی کوزل تربیه کورمش و حد ذاتندہ ذکی ونطوق برذات اولدیغندن « پادشاهمز ایچون بر بندہ سنہ بر مملکت بخش ایتک بعید دکلدر ، بندکزه کورہ ایسہ خدمت شاہانہ کزده بولمقدن بیوک بردولت اولماز ؛ فقط مقصودہایون غزایہ مصروف اولدیغندن حکومتدہ بولنور ایسہم امید ایدرم کہ پادشاهی ممنون ایدہ جک خدمتله موفق اولورم . ممالک موروثہ دن آیدنجق مانیاس و برغمہ و بالیکسری دولت علیہ لرینہ یاقیشیر ، ملکک سائر جهت لرینی بندہ لرینہ احسان ایدوب ایتماکدہ فرمان پادشاهمکدر « یولندہ اداره کلام ایلدی . سلطان اورخان کورہ ، قوجہ بر مملکتک بر جزوینہ طوغریدن طوغری یہ تصرف ایتک ، دیگر جزوینی دخی طورسون بک کبی عنایت پرورده سی اولان برذاتہ تودیع ایدرک معنأ کندی دولتنہ ربط ایتک فوت ایدیلہ جک فرستلردن دکل ایدی . هان لزومی قدر عسکر استصحاب ایدہرک بالیکسری اوزرینہ یوریدی .

اولوباد جوارندہ رهگذارینہ تصادف ایدن (قوتلیوس) و (اتلیوس) نامندہ ایکی قلعه یی فتح ایتدکن صکرہ بر برینی متعاقب کرماستیک حاکمہ سی اولان (کرماستوریہ) وانک برادری ومیخالچک ضابطی اولان (میخالچہ) و آنلردن صکرہ



قونیه ده کی سلجوقیه دولتنک انقراضی و مملکتک انقسامی
ایله تشکل ایدن دول صغیره نك بری ده قره سی حکومتیدرکه
بالیکسریدن ایدنچق ، مانیاس ، برغمه ، ادرمید ، کمر ادرمید ،
بکار حصاری ، ایزماند ، بیغادیچ ، مزاهوریا ، صندرغی ،
کوردوس ، قزلبه طوزله ، باش کلیمه طرفلرینی شامل ایدی .
قره سی اولادندن بالیکسری حکومتنده بولنان عجلان بک حمیت
اسلامیه اصحابندن برذات اولدیغی ایچون اوزمانک اک بیوک
مجاهدی اولان عثمانلیلری پک سور و خصوصیه سلطان اورخازه
فوق العاده بر حرمت ابراز ایدردی . حتی اولادندن قابلیتنه
اعتماد ایلدیکی طورسون بکی انسانجه ، مسلمانجه بر تریبه کورمک
و کندندن صکره بیوک اوغلنک شرندن مصون قاله بیلیمک ایچون
پادشاهک خدمتنه ویرمش ایدی .

عجلان بک یدی یوز اوتوز یدی سنه سنده ارتحال ایلدی .
یرینه پادشاه اولان بیوک اوغلی ایسه ذاتاً ظلم و سفاهتله متصف
برشی اولدیغندن انه قوت حکومت کچنجه طاقت کلیمه جک بر
طاقم تعدیلره باشلادی . اطواری اهالی بی جازلرندن بیزار ایتدیکی
کبی امرایی فوق العاده قوشقولاندرمشدی بناءً علیه عجلان بکک
وزیری اولان حاجی ایل بکی اصحاب حل و عقدک اتقاقیه سلطان

چِقَمَاش ایدی . او مدت ایچ-نده سلطان اورخان خصائل
سنهسنفی خیرات جهتلرینه صرف ایدی . ۷۳۶ سنهسنده
یدی که پادشاه بروسهده برجامع شریف ایله عمارته وضع اساس
ایتمش و بر مناستریده مدرسهیه تحویل ایلمش در .



سلطان اورخان برکون کملیک ، ممالک عثمانیه به مجاورتی اولدیغی
 حالده فتحنده کی تأخری تقییح ایله امراسندن ضبطنک محتاج
 اولدیغی اسبابی سؤال ایلدی . سلطان عثمان زماننده آقجه قوجه
 ایله اورالزه کیدن عسکر ایله تیمور طاش بک برابر بولمیشدی ،
 قلعه نك حانی او بیلیر ، دیدیلر ؛ پادشاه تیمور طاشی جلب ایله
 مطالعه سنی استیضاح اینجه تیمور طاش اوزمانده کی اختیارغازیلر ،
 کشور کشا دلاورلر ؛ کمایک اطرافنه حصاد زماننده هجوم
 اولنه رق محصولی غزاة ایچون ادخار واطرافی تخریب اولندیغی
 وقیشین حصر و تضییق ایدیله رک اول بهارده دخی اردوی هایون
 ایله اوزرینه وارلدیغی حالده فتحی قابل اولدیغنه حکم ایتمشیرایدی ،
 یولنده جواب ویردی . قدمای غزاتک واجب الایفا بر وصیتی
 حکمنده اولان بوندیر پادشاهه مقبول اوله رق اجراسنه بش یوز
 دلاور ایله تیمور طاش بکی تعیین ایلدی . تیمور طاش بک
 مقتدرلندن آلدیغی وصیتی او قیش کال دقتله اجرا ایلدیکی کبی
 نو بهار کلنجه پادشاهده اردوسيله کملیک اوزرینه حرکت ایلدیکندن
 قلمه نك خلقی استیمانندن بشقه نفسلرینه بر چاره نجات بوله مادیلر .

تیمور طاش بک هرکه فاتحی قره علی بکک . اوده سلطان عثمان
 امراسندن ایفور آلبک اوغلیدر . او چنچی بطنده اولان امیر
 زاده لردن اولامسندریاسته بوذات نائل اولمشدر ، ایلریده بک چوق
 مآثر جلیله سنی کوره جکز .

کمایک فتحندن صکره براوچسنه قدر سیف عثمانی غلافندن

کیلره کیردیکنه اینامق قابلیدر؟ صلح ۱۳۲۶ سنهسنده تکلیف اولنمش فقط ۱۳۳۳ سنهسنده مکالمه ختام بولهرق عقد اولنه - بیلمش دینیه جک ایسه ، بو قدر اوزون مکالمه می اولور؟ ۱۳۲۶ سنهسندن ۱۳۳۳ سنهسنه قدر امتداد ایدن سکز سنه طرفنده سلطان اورخان اناطولیده بولنان روم مملکتلرینک هان کافهسنی ضبط ایتمشیدی . حتی ازنیقه امداد ایچون ایمپراطور بالذات محاربهیه عزیمت ایلدی ، هزیمت فاحشه ایله بوزولدی . بویله اولنجه هامرک نقل ایلدیکی ، نه غریب حرکات مصالحه جویانه ، نه قدر تحف مکالمات دوستانه در؟

هیچ بو قدر فتوحاندن صکره سلطان اورخانک طوروب طوررکن اناطولیدهکی مملکتلره تعرض ایتمهکی تعهد ایدرک ایمپراطوره تکلیف صلح ایتسنه احتمال ویریلیرمی؟ بوروایتار هپ بیزانس خلقنک اختیارنده عالمک هر قومنه تفوق ایتدکلری اکاذیب خود فروشانهدن عبارت اولدیغنه شبهه اولنهماز .

یالکز تاریخچه ثابت اولان، ایمپراطورک هدیه لر، نیازلرله عرض ایتدیکی طلب اوزرینه پادشاهک صاحه رضا ویرمسندن عبارتدر . بومصالحهده آناطولی دهکی روم مملکتلرینه تعرض اولنماق شرطی موجود اوله ما ز . اکر بوشرط موجود اولسه ایدی ، هیچ بر معامله سنده وفاسزاق اثری کورلین سلطان اورخان بومصالحه دن صکره آرمودلی طرفلرینی ضبط ایتزدی .

۷۳۴ تاریخنده ایسه کلیک فتح اولندی . تاریخلرک روایتنجه



سلطان اورخانك روم ايمپراطورلغيله برنجي مصالحي
۷۳۳ تاريخنده در . هافر مصالحيك انعقاديني شو صورتله نقل

ايدر :

« قره سي حاكنك سفاشي واورخانك عسكري طرفلرندن وقوع
بولان تعرضات روم ايمپراطورلغني او درجه دوچار تزلزل ايتشيدى كه
آندرونيقوس بوغخاطره لى دشمنلرندن هيچ اولمازسه برينك آيدين
وصاروخان اوغللري كبي دوستلغني قزاقمق لازم اولديغني حس ايلدى .
بر فرقه عسكركله او زمانلر شدتله محصور اولان ازميدك امدادينه
كيتمك ايجون سفينه لره سوار اولمشدى . دها اناطولى ساحلنه وارمادن
سلطان اورخان طرفندن تكليف صلح ايله كوندريلن برخبر كنديسنه
واصل اولدى . ايمپراطور هر نه قدر محاربه يه حاضر لشمس ايسه ده
صلحي ده رد ايتيه جگيني بيان ايلدى . ايكي حكمدارك سفيرلري ۱۳۳۲
سنه سنده بو صلحك اساسني قرارلشديرديلر ، سلطان اورخان بوندن
بويله ايمپراطورك محب صادق و وفا كارى كبي حركت ايتمكي و اناطوليه
قالمش اولان مملكتلرينه تعرض اتمه مكي تعهد ايلدى . ايكي حكمدار
نشانه محبت و اتفاق اولق اوزره بربرينه هديه لر كوندرديلر . »

معلومدر كه ازميد ۸۲۸ تاريخنده فتح اولمشدى . هافر
ايسه كندى تاريخنده برسنه دها اول يعنى ۱۳۲۶ سنه ميلاديه سنه
تصادف ايدن ۷۲۷ سنه هجر يه سنده فتح اولنديغني بيان ايدر .
بويله ۱۳۲۶ سنه سنده فتح اولنان ازميدك ۱۳۳۳ سنه سي محاصره
شديده ده بولنديغنه و ايمپراطورك بوكا امداد ايجون اردوسيله برابر

بونکه برابر سلطان اورخان نجل کریمه یالکز وزارت ویرمدی؛
بو مسند جلیله بککر بکیلاک عنوانیه برده ریاست عسکریه علاوه
ایتدی، بونلردن بشقه ازنیق ایالتنی ده بالاستقلال اداره سینه
تودیعی ایلدی .

واقعا بو شهزاده نوجوان علاءالدین پاشانک کافه مزیات
موهوبه و مکسوبه سنی جامع ایدی دینیه من ، او جامعیتده برذات
بلکه یوز ملیونده بر یا بولنور ، یا بولماز ؛ فقط شبهه یوقدر که
کندیسنه تودیعی اولنان خدمتلرده او قدر جامعیته محتاج دکل
ایدی . بناءً علیه شهزاده نک مزیاتی وظائفنک ایفاسنه مع زیاده
کفایت ایدرک سلطان اورخانک انتخابده اولان اصابتنی تمامیه
اثبات ایلدی . چونکه سلیمان پاشانک مدت عمرنده نائل اوله جنی
موفقیتر ، کندیسنه اعظم عثمانیان آرسنده بشقه نشئه ده ، فقط
همان علاءالدین پاشا مرتبه سنده بر موقع امتیاز تعیین ایلشدر .
بعض تاریخلر ازنیق ایالتنک سلیمان پاشایه توجهنی کوینک
وطراقلی و مودرنی وقوعانندن مقدم اولمق اوزره بیان ایدرلر ،
فقط طوغری دکلدلر ؛ چونکه اورالک ۸۳۲ سنه سنده فتح
اولندینی متفق علیه اولان حقیقتلردن اولدیغی کبی ازنیقک
توجهنه دائر اولان براتده ۸۳۳ تاریخیه مؤرخدر .



دها برنجی محاربه سی اولان مالتیه وقعه سنده ابراز ایلدیکی قهرمانلق بر درجه ده ایدی که صاچلرینک، صقالرینک نورانیتی شعشعه سلاح ارسنده حصوله کلش بونجه کبار امرا دهاسلطان عثمانک مبادی دواننده قازاندقلری شان عسکرینک اکلانی بو قهرمان نوظهورک رفاقتنده بر حصه فاخره احراز ایتکه متوقف کورمهک باشلامشردی .

دها ابتدای اداره سی اولان قوجه ایل وایلکنده اجرا ایلدیکی عدالت بر مرتبه ده ایدی که زیر دستاندن اولان خرسیتیانلر استقلال وملت داعیه لرینی خاطر دن اخراج ایدرک روم بکلرینک زیر حکمنده گذار ایدن عمرلرینه تأسف ایدر اولمشلر ایدی .

بو مزیاتیه برابر عجباً او یله فنون سیاسییه وعسکریه نیک اک بیوک موجدلر دن معدود اولان علاءالدین پاشا کبی بر حکیم عالینظر دن محروم قالان وزارت عظمای اداره یه بو چوجوغک اقتداری کافی ایدی ؟

کافی اولمق لازم کلیرکه زمانک حالنه البته بزردن زیاده واقف اولان سلطان اورخان وزارتتی اوچوجوغه احاله ایلدی . بو توجیه یالکز شفقت ابوت نتایجندن عد اولنهماز . چونکه مقصد سلیمان پاشانک تطیبینه منحصر اولسه ایدی وزارت او مرادک حصوله کافی ایدی . خصوصیه علاءالدین پاشادن قالان بروزارتک قیمت و حیثیتجه پادشاهلقدن پکده فرقی یوق ایدی .

حکومتى سيف شريعت قوتى دفينه لردن بيايه مستغنى اوله جق
 بر حاله کتورمش اولان دولنده بنم آرتق بر خدمت قلمديغنى
 آکلادم آنک ايچون ازوا ايده جکم ، بوندن صکره عمرى
 جناب حقه عبادتله چکيره جکم . « ديه رک سبب استعفاستى
 ايضاح ايتمش .

بر کتابده موجود اوليان بوققره جنى وقايح تاريخيه دن
 عد ايده ميز . شو قدر ديه بييرزکه اوزمان ملتک اخلاقى ،
 دولتک قوتى بويله بر فقره نک صحیح اولسنده احتمال ويره جک
 درجه لره گلش ايدى . علاءالدين پاشانک استعفاستى ايسه ايش
 باشنده بولمغه کندنجه لزوم کورمديکندن نشأت ايتديکنه
 شبهه يوقدر : سلطنتدن محروم اولدقن صکره ملتته خدمت
 ايچون کوچک برادرينک وزارتته تنزل ايدن بر مقدس
 ذاته کوره ملتته خدمت لزومى باقى اولدقجه او خدمتدن تبرى
 ايده جک دنياده نه درلو سبب ، نصل غرض تصور اولنه بيلير ؟
 فذلکه ، اوصره ده علاءالدين پاشانک وفات ايلديکنى ووزارته
 اوجه ته سليمان پاشا نصب اولنديغنى بيان ايدرسه ده حديقه الوزرا ده
 علاءالدينک وزارتن استعفا ايله چکلديكى مصرح وحديقه ايسه
 موضوع نه مستشهد ايدن معدود در .

شهزاده سليمان پاشا طفوليتدن شبايه هنوز واصل اولمش
 بر نوجوان ايکن کرک مملکت وکرک اردو ارسنده تجارب اداره
 ومملکت حربه جه ملتک پير ارشادى عد اولنان قدماى مجاهدينه
 حيرت بخش اوله جق بر قابليت کامله اظهار ايتشيدى .



۷۳۳ وقوعاتی ، شهزاده سلیمان پاشانك از نيق ایالتیه
برابر هم وزارت وهمده بکله بکلیك مسندلرینه نصب اولمسندن
عبارتدن .

آغزندن آغزه انتقال ایدرك بوزمانلره قدر واصل اولمش
برحکایه درکه برکون علاء لدین پاشا برادرینك حضورینه کلیر ،
وزارت خدمتندن استعفا ایدر . پادشاه سببنی سؤال ایدنجه :
« دون دیوانه ایکی آدم کلدی ؛ بری دیگرندن بر ترلا آلمش
وبونی سوررکن ایچنده بر دستی طولوسی پاره بوله رق ترلانك
پازارلغنه ایسه پاره داخل اولدیغندن دستی بی آلمسنی اولکی
صاحبنه تکلیف ایتمش ایسه ده رد ایتمش اولدیغنی بیان ایده رك
دستینك اصل صاحبنه قبول ایتدیلمسنی طلب ایلدی . مدعی علیه
مقامنده اولان دیگر ایسه ترلایی اولدیغنی کبی صاندیغندن ایچنده
بولنان اشیا ده حقی قالدیغنی بیان ایدرك ، بن اللهدن قورقارم ،
دستی بی قبول ایده م ، دیدی ایکیسنی ده پاره نك قبولنه ارضا
ایده مدم . دستی بی بیت المله تسلیم ایتك ایستدم ، مأمورلرکز غزا
وخراج شرعی آره سنه بویله مشکوک پاره قاریشیرمی ؟ یولو
تردد ایتدیله . اهالیسنده الله قورقوسی بو درجه یه کلمش ،

سکوت ایدر طاقدن دکل ایدیر . ظن اولنورکه اولکی فتحلرده اورالک یالکزجه ضبط وتخریبیه اکتفا اولنهرق محافظه وادارهسیه تقید اولنماش وصره لری ملکک حاصل ایتدیکی شکل وهیأت الجاآتیه بتون بتون تسخیر وتصرفلرینه لزوم کورلمشدر . وقعهده اصل شایان دقت اولان جهت شودرکه بووچ قلعهک مستحفظاری راحت وسعادتلرینک حصولی عثمانیلرک سایه حمایتده کورن اهلینک الحاحیه عرض تسلیمیت ایتملردی .

بورانک امان ایله تسلیم اولنسی اوزرینه غنیمتدن محروم اولان عسکر سویینهجک اولدیلر ؛ شهزاده ممالک مفتوحهک میرییه عائد اولان اراضیسی محاربهده بولنان مجاهدینه توزیع ایدرک حقلی حقسز برانفعال ظهورینه میدان ویرمدی . سلیمان پاشانک بوکریم کار آگاهانهسی سلطان اورخان نظرنده پک زیاده مظهر تحسین اولمشدی .



قیصری ده علوم مدنیہی قاضی ارمویدن و تصوفی صدرالدین قنویدن اخذ ایتمش جامع الاطراف بر عالم صاحب اقتدار ایدی . محی الدین عربینک فصوصنه حل مشکلاته کافی بر شرحی اولدیغنی شقایق صاحبی بیان ایدر .

اهل صلیب استانبولی ضبط ایلدیکی صیره ده روم ایمپراطورلری ازنیق پای تحت اتخاذ ایتمش اولدقلری جهته مملکت معموریتجه آنا تولید بولنان روم شهرلرینک جمله سنه فائق ایدی . او جهته بر آراق سلطان اورخان طرفندن دخی مقرر سلطنت اتخاذ اولندی . اوصره ده بروسه ایالتی شهزاده سلطان مراده و آندن قالان قوکریه ایالتی ده پادشاهک عم محترمی اولان و سلطان عثمانک توجیهله ۷۰۱ سنه سندن بری اسکی شهر ایالتنه متصرف بولنان کوندز آلبه توجیه ایدلش ایدی .

۷۳۲ تاریخده ایدی که شهزاده سلیمان پاشا کوینک و طراقلی و مدرنی بی امان ایله تسخیر ایدرک ازنیق حوالیسنک فتحی اکیل ایلدی . کوینک و طراقلی بی ۶۹۱ تاریخده سلطان عثمانک و مودرنی بی مؤخر آقوکر آلبک فتح ایلدکلری تاریخلرده مصرح ایکن نمدی برده شهزاده سلیمان پاشا طرفندن ینه اوقاهلرک فتح اولندیغنه دائر ایراد اولنان روایت جای نظر کورینور . عجبا بوقعهلر بر کره فتح اولندی ده صکره ینه می دشمن طرفندن ضبط اولندی؟ بو احتمال پک قبول اولنه ماز . چونکه اوزمانک عثمانیلیری اللرنده کی یرلری دشمنه قایدیروبده

روم امپراطوری ده ۵۰۶ سنه سنه نده ینه اهل صلیبه رغماً سلجوقیله اعاده ایتشدی . برمدت صکره تکرار روم امپراطور- لغنک زیر تصرفنه عودت ایلدی ، سلطان اورخان طرفندن صوک فتحی ایسه ۷۳۱ تاریخنده در .

ازنیقده بولنان کلیسارک برطاقی جامعہ تحویل اولندی . حتی مشهور ازمد جمعیت رهایینک جای انقادی اولان کلیساده بولردن ایدی . پادشاه بوکلیسارلدن برنی ده مدرسه اتخاذ ایدهرک داود قیصری بی مدرسکنه تعیین ایلشیدی .

سلطان اورخان ازنیقده بولردن بشقه برده عمارت بنا ایلش وکشاد ایلدیکی کون عمومہ برضیافت ویرمش وضايقته مسافرلرک طعامنی بالذات تقسیم ایلدیکی کبی موملری ده کندی الیه ایقاد ایدرک وجودینک « سیدالقوم خادمهم » حقیقتنه برمثال ه شخص اولدیغنی کوسترمش در . اعظم انسانیتک عامه یه شفقت وعباداللهی تطیب یولنده زیر دستانه قارشی پدرانہ تواضع ، عائله نوازانه تلطیفیلرندن حاصل اولان بودرلو تماشالر ، تاریخک عالم بالادن دوشمه بر خریطه معالی دینیله بیله چک قدر خاطر فریب اولان غایت نادر بعض صحیفه لرنده کوریله بیلیر .

سلطان اورخانک ایلاک خیراتی بوجامعارله مدرسه وعمارتر . ازنیق مدرسه سی خضر بک کبی ، خواجه زاده کبی ، حاشیه مشهوره صاحبی خیالی کبی علمای عثمانیه نک اک بیوکلرندن برچوق ذاته محل افاده واستفاده اولشدر . برنجی مدرسی اولان داود

مخروم اولدی . بوجهتر ثابت اولنجه عثمانلی تاریخارینک
صحت روایتی میدانہ چقار .

شہزادہ نک بوغلبہ سی روم ایمپراطورلغندہ برحرکت دہا
اجراسنہ مجال برامادینی کبی مدت مدیدہ دن بری تضیق آلتندہ
اولان ازنیق خلقندہ نہ امید نہ تحمل برامادیندن محصورلر
جانلرینہ امان واستانبولہ کیتملرینہ مأذونیت ویرلمک شرطیلہ
قلعہ یی تسلیم ایلدیلر . پادشاہک ازنیقہ دخولندن صکرہ ایسہ
ابراز ایتدیکی آثار عدل واحسان جہتیلہ خرسیتانلرک یوزدہ
بری استانبولہ عودت ایتک مأذونیتندن استفادہ ایتک ایستہ مہ مشدر .
سلطان اورخانک سایہ عدالتندہ بویلہ بر چوق آدم تابعیت
عثمانیہ اولہرق ملکک اعمارینہ خدمت ایلدکاری کبی محاربه دن ،
خستہ لقدن زوجه لر نی ، ولیلر نی غائب ایدن بر چوق قادینلر دہ
عثمانلی دلیقانلیلرینہ ویریلہ رک عنصر اسلامک بوصولہ دہ ترییدینہ
دقت اولمشدی .

اسلام امراسندن ازنیق اولا قونیہ دولت سلچوقیہ سنک
مؤسسہ اولان سلیمان شاہ فتح ایلشدی . اهل صلیب ، قلیج
ارسلان زمانندہ برقاچ یوز بیک کشی ایلہ قلعہ یی محاصرہ ایلدی .
ازنیقده بونان سلچوقی عسکرینک بومحاصرہ دہ کوستردکاری
قهرمانلق دنیاک اک مشهور وقایع حر بیہ سندنر . سلچوقیار
اوقوہ کلیہ نک تضیقندن پک فنا صیقلدقاری حالده ۶۹۷ سنہ سنندہ
ینہ اهل صلیبہ رغماً قلعہ یی روم ایمپراطورینہ تسلیم ایلدیلر ،

آنلىسنك آثارى ينه قانتاقوزنك روايتيه ثابت اولان عثمانليارلك
سكيز بيكى بريه طوبلانجه نتيجهسى يكرى بش كشى تلفندن
مبارت قاله جوق بر غلبه ايله اکتفا ايدوبده كلدكلى يره عودت
يتميه جكلى اشتباه كوتورورشيلردن دكلدر. برده پادشاه اردوسيله
رابر بولنسه ايدى عسكرى بشقه سنك اداره سنده بر اقوبده
كندى طاغ باشلرنده كوزجىلكه مى وقت كچيردى ؟ سلطان
ورخانك هانكى حالنه باقىليرده كنديسنه اويولده بر حركت
اقتديريله بيلير ؟

شو محاکمه نظرآ قانتاقوزنك بو محاربه ده سلطان اورخانك ده
رابر بولنديغندن بحث ايتمى ، اكر ياكشلقدن ايلرى كلمه دكلسه ،
روم ايمراطورى طرفندن اداره اولنان براردونك قارشيسنده
پادشاه بولمق سزىن بوزولديغندن بحث ايتكى طرفه فروشلق
شانسه مغاير كورمى سندن بشقه برشيئه حمل اولنماز . ذاتاً
شهوداتى نقل ايلدىكى صيره ده او قدر اكلذب اختيار ايدن
رمورخك مسموعاته متعلق اولان روايتلرينه نه درجه يه قدر
هميت ويريله بيلير ؟

عثمانلى عسكرى نك رياستنده بولنوبده علاء الدين پاشا ظن
ولنان ذاتك سليمان پاشا اولديغنده هيچ شبهه يوقدر . مسلمات
ارنيخه دن دركه علاء الدين پاشا عسكرك دكل ايدى ، بناءً عليه هيچ
ر محاربه ده بولمادى ، حتى عسكرك اولمادى ايچون پادشاهلقدن

بر ملت ايمش ! حال بوکه نه اويله اللى جانه بدل بر آدم اتلاف ايد بيلديكى حالده ينه دشمن قارشيسنده ثبات ايد جك قدر متين براردو، نه ده دشمن دن درت بش يوز كشى اتلاف ايتمشكن يكرمى بش آدم ضايع ايتمكه قاچه جق قدر آچاق بر ملت تصور اولنه بيلير.

قانتاقوزن روم عسكرينك پك ده حرب ايله مألوف بولمديغنه و بر طاقنك سلاحي مكمل اولمديغنه دائر، مغلوبيتده مدار معذرت اوله جق بر چوق شيلر سويليورده بو عسكر ك عثمانليردن آز اولديغندن هيچ بحث ايتيور . بوكا باقيلير و قانتاقوزنك عثمانلى اردوسى سگنز بيك كشى ايدى ديديكنه اينانيلور ايسه روم اردوسنك ده لا اقل سگنز بيك كشى اولمى لازم كليور .

ايشته قانتاقونك قولنجه يالكز يكرمى بش تلفات ويرمكه ميدان محاربه دن قاچان عسكر ده بو قوتده بر اردودر ! احوال تاريخيه و اخلاق انسانيه نه قدر سطحى تدقيق اولنسه بويله بر حالك طبيعت عالم داخلنده اولميه جنى بالبداهه ظاهر اولور .

حقيقت حالده ايسه بزم عسكر نه سگنز بيك كشى ايدى نه ده ، بالذات پادشاهك قومانداسنده بولندى : اوزمانه قدر عثمانلير هيچ بر ميدان محاربه سنده سگنز بيك كشى سوق ايمه مش اولمسنه نظراً بزم عسكر ده او قدر كثر اولسه تاريخلر مزغلبه ي عيوقه چيقاره بيليرلردى ؛ فقط ذره قدر تخفيفي جهتنه كيتمز لر ايدى . خصوصيله پادشاهك نائل اولديغى مظفري تى بشقه سنه اسناد ايتمك كى بره سلكده هيچ بولمازلردى . هله اوچ يوز

کون وقوع بولان دیگر بر محاربه ده قرق یدی روم ایله خاصه
سرعسگری افزو تروقوس تلف اولدی . «

اگر عثمانلیلر اوله بردشمن تلف ایدنجیه قدر اللی وبلکه
بردشمن بيله اتلافنه مقتدر اوله مامقسزین یوز اللی شهید ویرر
طاقدن اولسه لر ایدی ، اللی سنه دن بری روملرله ایتدکلری
محاربه لره زهدن آدم بولورلرده یتیشدیرر لر ایدی ، بيله میز .

قانتاقوزنک مبادی حربی تصویر یولنده بیان ایتدیکی
سوزلره بر عقل سلیم صاحبی جدی نظریله باقه ماز . بور وابتلری
تاریخنده نقل ایدن هامر قانتاقوزن ایچون دیرکه « وطنداش لرینک
شاتی و آندرونیکوسک شجاعتنی بیومک ایچون بو قدر همت
صرف ایتدیکی حالده نتیجه حربه دائرینه کندیسنک بزه اخبار
ایتدیکی شیلر روایات نخوتکارانه سنی آچیقدن آچیغه تکذیب
ایتمکده در . »

قانتاقوزن روملرک قدرینی اعلا ایچون تخیل ایلدیکی ماصال
ایله عثمانیلره نه قدر عالی برقه رمانلق کندی قومنه نه درجه آلقاچه
برجبات اسناد ایتدیکنی البته دوشونه مامشدر ؟ انک روایتی
صیحح اولق لادم کلنجه دیمک اولورکه عثمانیلر بر آدم تلف ایتک
ایچون اللی شهید ویردکلری حالده ینه دشمنلرینه غلبه ایدنجیه
قدر ثبات ایدر ، روملر ایسه هیچ تلفات ویرمکسزین دشمنلرندن
برقاچ یوزکشی اولدیروب طوررکن یالکز عسکرلرینک بر فرقه سنده
یکرمی بش کشی قضایه اوغرامقله اردو میدانی براقیر قاچار

خبر شایع اولدی ، هرکس استانبوله فرار ایتمکدن بشقه برشی
دوشونمه مکه باشلادی . بعض اصحاب جرأت دائماً محاربه ایتمکه
ودائماً مغلوب اولمده اولدقلری خالدہ امپراطوری برکیم ایچنده
سفینه سنه قدر کتورمکه موفق اولدیلر . نهایت ترکر عودت
ایلدی . امپراطورده ترکرار غیرته کلهرک طاووشانجیله عزیمته
اردوسنی فرقلره تقسیم ایدرک ککبوزه وطارنجیه واسکی حصار
طرفنه سوق ایلدی . اورخان که خواجه علی ایله صمصمه
چاوشک رأیلرینه قارشى عودت لزومنی اثبات یولنده قانتاقوزن
طرفندن کندیسنه براوزون خطبه اسناد اولنمشدر ، محاربه
موقعنده دشمنک حرکاتنه نظارت ایچون یالکوز اوچ یوز آتلی
براقشدی . بو آتیلر روم اردوسنده کی انتظام سزلغی واردوکاهک
ترک اولنمش اولدیغنی کورنجیه ایکی فرقیه منقسم اولدیلر ؛ ایکی
یوز آتیلدن مرکب اولان برفرقه سی اردو موقعنی ضبط ایلدی که
امپراطورک چادرلری بقرمزی اکرلی آتلی حالا اوراده ایدی ،
دیگر برفرقه سی ده فراریلری قیلوفر نه قدر تعقیب ایتمشدر . بر
غریب سوء تصادف ایله اوصرده مملکتک آناختارلری ده غائب
اولدیغندن اردونک برقسى تکمیل اشیا لریله برابر آجینه جق بر
پیشانلق ایله دیوارک آلتنه صقشمشار ایدی . بوراده اعدام
اولنان اوتوز ایکی رومک مانوئل و تیسفور نامنده ایکسی
قانتاقورنک اقرباسندن ایدیلر . فراریلرک ترک ایلدیکی اللى اسیر
ایله درت یوز آت فرقه غالبه طرفندن اغتنام اولندی . ایرتسی

قالدی. ایمپراطور ایسه کال تهاالکه محاربه یه خواهشکر اولدیغندن اردوسیله ترکرک مقابله سنه شتاب ایلدی. جناحینک قومانداسنی قانتاقوزن ایله اقریاسندن یوانس انزلویه تودیع ایتدی. کندیسیدی ده قبلده بولنان عسا کر خاصه نك ریاستنه کچدی. بویکی مقاتلده ترکردن یوز اللی کشتی تلف اولدیغنی حالده قانتاقوزنک روایتنه اینانیله جق اولورسه روملردن بر آدم، حتی بر حیوان تلف اولمادی. کیجه دن بر خیلی زمان کچمش اولدیغندن قانتاقوزن عسکره خطاب ایله شجاعترینی ستایش و غلبه لرینی تبریک ایلدکن صکره استانبوله عودتی تکلیف ایلدی، فقط یونانلیلرک شدت غیرتینی هیچ برشی ایله تعدیل قابل اولمادی. ایچلرندن بر طاقم ضابطان و نفرات صفرلرندن چیقارک دشمنک اوزرینه هجوم ایلدی. بویله انتظامسز بر محاربه نك حاصل ایده بیله جکی نتایج میدان ویرمه مک ایچون کرک قانتاقوزن کرک ایمپراطورینه میدان حربه آتدیلر. و بردن بره بر آووج روم عسکر یله کندیلرینی ترکرله محاط کوردیلر. قانتاقوزنک بیندیکی آت اورلدی، ایمپراطورده باجاغندن خفیفجه یاره لنه رق آز قالدی که اورخانک النه دوشه جک ایدی. سلاحلری غیر منتظم اوچ یوز عسکرله ایمپراطورک امدادینه کلن (سیاستوپولوس) قانتاقوزنک اعترافنجه یکرمی بش تلفات ویرمشدر. ایمپراطور همان اردو موقعنه فرار ایدره ک عسکرینی استانبوله نقل ایتک ایچون کیملر حاضر لیمسنی امر ایتمشدر. بوصره ده ایمپراطورک وفات ایلدیکنه دائر اردوده بر

« اورخان، عثمانلی اردوسنی ترکیب ایدن سکنز بیک کشیدن
 بیک کشیسنی صاغ و بیک کشیسنی صول جناحه و بیک نفرنی
 قلبه تعیین ایتمشدی. محاربه یه کیرشمه مک و یالکنز قاچهرق اوق
 آتمق ایچون تعلیمات آلمش اولان سوارنی بی روملر تعقیب
 ایلدکلری صرده بغته اوزرلرینه هجوم ایتک ایچون بو اوج
 فرقه بی امرلر اعطاسیله تپه لک ارقه سنده کیزلمکه اهتام ایلدی.
 (قانتاقوزن) ک روایتنه کوره آندرونیکوس اوج یوز عثمانلی
 آتلیسنک طاغدن ایندیکنی کورنجه کندی عسکر نندن ده اومقدارده
 آدم انتخاب ایدهرک خاصه قومانداننک اداره سنه ویرمشدر. ترکلر
 برنجی مصادمه ده قرق وایکنجی مصادمه ده اوتور و اوچنجی
 مصادمه ده برقاچ کشی ضایع ایتدکلری حالده روملردن هیچ
 کیمسه تلف اولماش و یالکنز برقاچ کشی مجروح اولمش ایدی.
 اورخان بو حال اوزرینه اوج یوز رومه قارشى بیک سوارنی
 کوندردیکندن امپراطور خاصه قوماندانی اظهار ایتدیکی شجاعتن
 طولای تبریک ایتدکن صکره ترکلر اوزرینه مانوئل تاغادیس
 قومانداسیله یکی بفرقه سوق ایتمشدر. پک مدید و شدید اولان
 بو ایکنجی محاربه ده ترکلردن اللی کشی تلف اولدیغی حالده روملردن
 یالکنز بر آدمله برقاچ حیوان ضایع اولمشدر. بونک اوزرینه
 اورخان مختفی اولدیغی بوغاز ودره لردن تکمیل اردوسیه میدانه
 چیقدی و قوماندانی برادری علاءالدینه ترک ایدهرک کندیسی حربک
 حرکات متنوعه سنه لایقیله نظارت ایتک ایچون طاغ اوزرنده

«ایمپراطور کنج آندروونیکوس استانبول جوار یله دیمتوقه وادرنه طرفلرنده کی عسکرینی علی العجله جلب وجمع ایلدی . بو عسکریدی یوزاوتوز بر سنه هجریه سنه تصادف ایدن ۱۳۳۰ سنه میلادیه سنک حزیرائی ابدالرنده اسکداره کلشیدی . اورخان روم اردوسنک حرکاتی استخبار ایدنجه پیاده وسوار یسیله ساحله طوغری امتداد ایدن علم طاغی وقایش طاغی سلسله سنک اوزرینه ورود ایتدی . آندروونیکوس درت ساعتک یری ایکی کونده قطع ایدرک بوسورتله عثمانیلره قوای موجوده لرینی جمع ایچون وقت براققدن صکره اوچنجی کونی صباحلین مالتیه اردو قوردی ، عثمانلی عسکری نظرینه تعلق ایدنجه بر مجلس عسکری عقد ایلدی . عثمانیلرک طوتدینی بوغازلرده ، دره ده محاربه یه کیریشلمه مک و میدان محاربه سنه کلزلرسه استانبوله عودت اولنق خصوصلرینه قرار ویردیلر . صباحلین دعای متعاقب بیزانس عسکرینه صف حرب ترتیبی ایچون بوریلره امر اعطا اولندی . اورخان کندی عسکرینی طاغک آرقه سنه تعیین ایدرک برازیلی محراده اخفا ایلدی . واک ماهر تیراندازلردن اوچ یوز سواری یه محاربه یه باشلاملرینی امر ایتدی . ایمپراطورک اردوسی دوز بر محراده اوله رق عثمانلی سوار یسنک مهاجمات تمادیه سنه هدف اولدیغندن واورخانک اردوسی ایسه دشمنه طاغلق ودره لر ایله مقطوع بر محله انتظار ایتمکده بولندیغندن تیرانداز سواریلر آلدق لری امری بک فائده بخش اوله حق بر صورتله اجرا ایلدیلر .




دولتجه ترتیبات و تشکیلات عسکریه ایله توغل اولنمقله برابر
توسیع ممالک ایچون ابدال همته اصلا قصور ایدلیوردی :
طاز طغان و قره تکین قلعه لرنده بولنان ایکی فرقه قلیه نك غلبات
مجاهدانه سیله ازنیق خلق پك صقلمش اولدیغندن استانبول
ایمپراطورلنی طرفندن امداد لرینه کلیتی عسکر سوق اولندیغنی
سلطان اورخان خبر آلهرق بو دشمنه مقابله ایچون بر اردو
ترتیبیه سردار لغنی نجل کزینی اولان سلیمان پاشایه حواله
ایلدی .

دها اون بش یاشنده بولنان بوشبل الاسد او یله بر اردونك
ریاستنه کچه جك قدر پدرندن التفات کورنجه فطرتنده اولان
بیوکلیکی او یاشنده ایکن ادراك ایتمه باشلادی . کوندردیکی
کشف قوللری دشمن اردوسنك بالاق آباهه چیقدیغنی خبر آلنجه
نفسنه کووندی ، کیجه باصقینه عزیمت ایلدی ؛ خرسیتان
اردوسنه نصف الیلدن صکره یتشدی . همان دشمن اوزرینه
 هجوم ایدرك اقدامات کامله ایله اردویی پریشان ایلدکن بشقه
سردار یله امر اسندن بعضیلرینی اسیر ایتدی .

هامر بو وقعینی روم تاریخلرندن نقل ایله بتون بتون بشقه
بر یولده حکایه ایدر ، افاده سنك خلاصه سنی زیرده ایراد ایدم :

کسکین اولسون ! » یولو بر دعادن صکره بونو ظهور فرقه مجاهدینه یکیچری نامنی اعطا ایتمش . حاجی بکتاش النی یکیچری نفرینک باشنه قویدینی زمان جبه سنک یکی آشاعی صارقش اولدیغندن بوکا اشارت اولق اوزره یکیچریلرک قاووقلرندن آرقه لرینه طوغری بر کچه صارقیدلق اعتیاد ایدلمش اولدیغنی تاریخلر روایت ایدر .

یکیچریلر موجود اولدقجه حاجی بکتاش کوچکلری عنوانیه افتخار ایدرلردی که بو حال حکایه نک اساساً صحیح اولدیغنه دلیلدر . یکیچری کلاهنه ربط اولنان کچه یه کلنجه : اوللری عسکرده قوللانیلان باش کسوله لرینک هان کافه سنده اکسه نی سلاحدن محافظه ایده جک بر ستره موجوددر . حتی عمامه لرک طیلسانی، اولکی فسارک قوجه پوسکولی هب اومقصد اوزرینه استعمال اولندیغنی کبی یکیچریلرک کچه سی ده بونک ایچون ایجاد ایدلدیکی وحاجی بیکتاشک یکی مسئله سی صکره دن اوجاق بیلکجلیری طرفندن اختراع ایدلمش برشی اولدیغنی شهه سزدر .



مسلم [۱] ناميله بر فرقه ده سواری تعيين اولندی . بوسواری
 یايا عسکری کبی اون باشی ، یوزباشی ، بیك باشی عنوانرلیله
 سلسلهٔ مراتبه تابع بر طاقم ضابطلرک زیر اداره سنده ایدی .
 ایشته مؤسس دولت طرفندن احکام شرعیه نك علمای
 اسلام قوتيله اجراسنه مصروف اولان همت ، سلطنت عثمانیه یی
 تا قیامته قدر پایدار اوله جق بر اساس اوزرینه بنا ایلدیکی کبی
 مؤسس ثانی عنواننه بحق لایق اولان علاءالدین پاشانك دائمی
 ومنتظم براردو تشکیله احراز ایلدیکی موفقیت ده دولت
 اسلامیه یی هر زمان قلیجنه طیانه رق حاکم عالم کچنه جک بر مرتبهٔ
 اقتداره ایصال ایتمش ایدی . سلطنت سنیه نك صحایف تاریخی
 تزین ایدن بونجه مآثر اقبالی هپ او ایکی مقدس ذاتک بویکی
 مبارک فکرندن انبعاث ایلشدر .

سلطان اورخان بویکی عسکرینی ترتیب ایلدیکی زمان
 کرامات جلیله سی مشهور اولان حاجی بکتاش ولی یه کیده رک
 حقلرنده دعا وتوجهنی نیاز ایتمش وحاجی بکتاش ولی ده النی
 حاضر بولنان بر نفرک باشنه قویه رق « یوزلری آق قلیچلری

[۱] مسلم تفعیلدن اسم مفعول صیغه سیله مصمم وزنده اوله رق
 کله نك بر معناسی ده آزاد ومعاف دیمکدر؛ «عنقای مغربست درین دور
 خرمی ، خاص از برای محنت ورنجست آدمی ؛ چندان که کرد عالم
 صورت بر آمدم ، بیچاره آدم آمد وآواره ادمی . هرکس بقدر
 خویش کرفتار محنتست ، کس رانه داده اند برات مسلمی ، قطعه سنک آخر
 مصراعنده اولدینی کبی . بو عسکره مسلم نامی ویرلسی تکالیفدن
 معافیلری قرینه سیله در .

هانکیلری ایدی ؟ دییه صوریه جق اولسه منسوب اولدینی قاتولیک مذهبی رؤساسنک اندلسده الیرینه کچن مسلمانلری بیک درلو اشکنجه لرله خرسیتیانلغه ادخال ایتدکن صکره « روحی آخرته مطهر کیتسون » دییه دیری دیری آتسه یاقدقلرینی می کوستیر ؟

یکیکچرینک تأسیسی اوزرینه یایا عسکری ده بتون بتون لغو اولمادی ، یالکز علاقهری قطع اولندی ، بدلنده کندیلرینه براز اراضی توزیع ایدلکه برابر دعوت اولدقلری وقت سفره کلک شرطیه معافیتلری ده ابقا ایدلدی .

سفر و حضرده فساددن خالی اولدقلری ایچون یرلرینه بشقه عسکر ترتینه لزوم کوریلن یایالک عسکرلکده ابقا اولدقلری غریب کورینور ؛ فقط لفولرینه کیدلسه چوغالمش بر فرقه هر درلو استفاده سنندن محروم بر اقیله رق بتون بتون عصیان فساده سوق ایدلمش اولماز میدی ؟ بوندن بشقه یکیکچریلرک تربیه سی یایالرده بر نمونه امثال اوله رق آنلرکده بر انتظام آلتنه کیرمسندن ارکان دولتجه قطع امید ایده جک بر سبب یوق ایدی . بو حالره نظر آ یایالرک دولتجه عسکرلکده بقاسنه سبب حالده تأمین آسایش ، استقبالده تزید استفاده مطالعه لری ایدی دینیه بیلیر .

بو ترتیبات آرسنده یایا عسکری کچی علوفیه بدل هر برینه اراضی و یریلرک و کندیلری کافه تکالیفدن معاف طوتیه رق

عجبا مؤسس دولتک ولایت عهد مسئله سنجه اجتهادنده خطا وقوعنی می کوستیر؟ خیر! چونکه ترتیب عسکر بشقه، اداره حربیه ینه بشقه در. قواعد عسکریه نک نظریاتنده علاءالدین پاشانک کوستردیکی کمال، سردارلقدهده بر بیوک اقتداری حائر اولدیغنه دلیل اوله ماز. خصوصیه سلطان عثمانه کوره مجربی غیر مجربه ترجیح ایتک طبیعی ایدی.

هامر، دوشیرمه طریقیه یکچیری اوجانک تشکیلی قره-خلیلک نتیجه فکری اولدیغنی بیان ایدر. حال بوکه عثمانلی تاریخلری قره خلیلک ترتیبات عسکریهده یایا اوجاغی آچیلدیغنی زمان بو عسکرک ترک اولادن اولسنه رأی ویرمکن بشقه بر مطالعه سنی سویلز لر. یکچیریلرک ترتیبی ارکان دولته ایدیلن مشاورهده قرارکیر اولدیغنی بیان ایدر لر. یالکز (حدیقه) بو تدبیرک علاءالدین پاشانک رأیندن مقتبس اولدیغنی تصریح ایتمشدرکه خلافتی کوستیر بر روایت ویاخود استدلال عقلی موجود اولدیغندن بوقول بالطبع معتمدبه عد ایدلک، هامرک بالاده بیان ایلدیکی سوزه ترجیح اولنق طبیعیدر.

هامر بویله خرسیتیان اولادن بر فرقه اسلام عسکری ترتیب اولنسنی جهنمی بر فکر، مفسد اخلاق بر استبداد عسکری صفتلریله یاد ایدر. عجبا کندیسنه اوزمانلر یکی فتح اولنان پرلرده ملل مغلوبه حقنده ایدیلن معامله لرک جنانی بر فیکره، مهذب اخلاق بر اداره عادلیه مستند اولانلری

مختل اولنجیه قدر شجاعة وحمية برنجيلىك شرفنى محافظه ايتديلر . اصول تربيهلرى بوزلدقندن صكره بيله دها بر بوچوق عصر قدر زمان كچوبده نظاملرى بتون بتون محو اولمادن و اوروبادهكى ترتيبات عسكريه تاميله قوت بولمادن ينه ضبطلرينه مقتدر بر سردار النده بولندقجه يار واغياره قارشى رجحان مزيتلرني دلائل قطعيه ايله اثبات ايده كلشلا ايدى . حتى ۱۰۷۵ تاريخنده كوپريلي فاضل احمد پاشانك مقابلهسنه كلن آوستريا جنرالى مشهور مونت قوقولى كه ترتيبات عسكريه وقواعد حربيه موجدى عد اولنان ذوات معدوده نك بريدر ، تاليفاتنده اوروبا دولتلرينه يكيچريلر كبي منتظم عسكر پيدا ايتكى توصيه ايتمشدر . اصول تربيهلرى بوزولدقندن صكره يالكوز تابع بولندقلرى نظامات سايهسنده مونت قوقولى كبي دهاة حربدن بر بيوك جنرالى مفتون ايدن يكيچريلر ك ، تربيهلرينك كمالى زماننده نه مزيتده بولنملرى لازم كلهجكى پك قولاي تصور اولنه بيلور .

غريب بر لطيفه غيبه دركه اول باول پياده نك سوارى يه رجحاننى و دولته موظف ودائى براردونك لزومى كبي ترتيبات حربيه نك اصل الاصولى اولان ايكي قاعده كليهي . عسكرلكه استعداد كوسترمديكيچون حق سلطنتندن محروم اولان علاءالدين پاشا كشف و تعين ايلشدر !

علاءالدين پاشانك كالات مجددانهسنه دليل اولان بو تدبيرلر

بر عصر مقدمدر . « هیچ اشتباه یوقدرکه تنظیم اولنان دائمی اردولرک برنجیسی یکچیوری اوجاغیدر .

براز اول ذکر ایتدیکمزسنه اختلافلرندن آ کلاشیلورکه منتظم عسکر والبسه وسکه خصوصنک برر زمانده وقوعبولمش کبی کورنمی ، تاریخارجه علاءالدین پاشا ماترینک جملهسنی بر یردن تلخیص ایتک آرزوسی بو وقایعک وقتنی بیان ایتک لازمهسنه ترجیح اولمسنندن نشأت ایدیور . کاتب چلبینک مشکور اولان سعی وتدقیقی ایسه علاءالدینک وزارته کلنجه برنجی ایشی موظف عسکر ترتیبنه چالشمق اولدیغنی وآ کا نسبت اینکنجی درجهده اولان سکه وکسوه مسئلهلرینی ایکی سنه صکره میدانه قویدیغنی کوستریور . اوپله بر حکیمه یاقیشانده بینلرنده پک بیواک فرق اولان بو اوج مسئلهنک اهمنی مهمارپله مساوی طوعامقدر .

یکچیورپله یومیه ایکشر درهم علوفه تعیین اولندیغنی ایچون بو اوجاق ایلك آچیلدیغنی زمان رعایا اولادینی طوع ورغبته ویرمهک باشلامش ایدی . مع مافیله کولکلیلرله اکال اوانه میان اورطهلر اسیرلر ، دوشیرمهله آتام ایدیلیدی . تربیهلری او درجه مکمل طوتلش ، نظاملری عصره کوره اوقدر کوزل یاپلش ایدی که دهها ابتدای ظهورلرنده دنیانک اک برنجی عسکری اولدیلر . تامراد ثالث زماننده یعنی ظهورلرندن تقریباً ایکی یوز الی سنه صکره اوجاغه خارجدن آدم آلنوبده اصول تربیهلری

ازینقی فتحندن صکره تشکیل اولندیغنی فرض ایتکه محل کورلنز .
 کاتب چلبی ، علاءالدین پاشا رأی ایله قوانین دولتک یدی یوز
 یکر می یدی سنه سنده وضع اولندیغنی تصریح ایلدکن صکره لباس
 تعیننی وسکه ضربی ۷۲۹ تاریخنده وقوع بولدیغنی بیان ایدر .
 علوفه و معافیت طمعیه آز مدت ایچنده برخیلی چوغالمش اولان
 یایا عسکرینک سفر و حضرده برطاقم فسادلری ثابت اولنجه
 پادشاه ۷۳۰ سنه سنده ارکان دولتی حضورینه جلب ایدهرک علوفه لی
 عسکرک انتظام آلتنه آلمسنه برچاره بولمنسنی موقع مشاوره به وضع
 ایلدی .

مذاکراتک خلاصه سی اولق اوزره اسرادن دوشیرمه طریقیه
 رعایا اولادندن بر طاقم چوجقلر جمع اولنهرق قشله لرده تربیه
 اولندیغنی و بونلر عسکرلکن بشقه هیچ بز شی ایله اشغال
 اولمدیغنی صورتده منتظم و دائمی بر اردو پیدا اوله جنی
 و بو وسیله ایله اسلامک تکثرینه ده خدمت ایدیله جکی حکیم
 کرامت ذکا شهزاده علاءالدین طرفندن بیان اولندی .
 بورأی سدید ایسه بالطبع لایق اولدیغنی قدر حسن قبوله نائل
 اولهرق همان موقع اجرانه قونلدی .

ایشته یکیکچری دینیان زمره نك اصلی سلطان اورخانک
 ترتیب ایلدیکی بو عسکر در .

هامر دیرکه : « یکیکچریلرک ترتیبی دائمی اردولرک قرون وسطی
 تاریخنده . وجدی عد اولمده بولنان فرانسه قرالی یدنجی شارلن



خواجه سعدالدين ايله تابعاى يايا عسكرينك ترتيبى ازىمىد
فتحندن صكره، ازىنىق فتحندن اول يازارلر ؛ يكيچريلر ك تشكىلى ده
يايا عسكرينه تعقيب ايتديررلر . كاتب چلبى ايسه يايا عسكرينك
۷۲۷ سنه سنده ، يكيچريلر ك تشكىلى ۷۳۰ تاريخنده اوله رق
ضبط ايدر كه معقول اولان ده بودر . چونكه يكيچريلر ك ترتيبه
يايا عسكرينك سفر و حضرده اختيار فساد ايلديكى سبب
كوسترلمكده در . ازىمىد فتحندن صكره تا ازىنىق فتحنه قدر
دولت ك هيچ بر طرفه سفرى يوق ايدى . اكر يايا عسكرينك
ازىمىد فتحندن اول ترتيب ايلديكنه دائر كاتب چلبينك رواقى
قبول او انازسه يايا عسكرينك ارتكاب فساد ايلديكى ثابت
اوله جق آرده بر سفر قالميور .

مفصلده بومطالعه اوزرينه يكيچريلر ك تشكىلى ازىنىق فتحندن
صكره يه بر اقق ايستنامشدر . حال بو كه كاتب چلبى مستشهداتدن
اولان « تقويم التواريخ » نده يايا عسكرينك ۷۲۷ ويكيچرينك ،
زيرده تفصيل اوله جى وجهله ، ۷۳۰ تاريخنده تاسيس اولنديغى
بيان ايلديكنه و بو ايكي تاريخ آرهنده بر ازىمىد سفرى
موجود اوله رق او ايسه يايالرك ثبوت فسادينه كافى بولمسنه
نظراً متواترات تاريخيه نك خلافته اوله رق يكيچرى اوجاغنك

ماكدونيانك شهر دكل ، روم ايلیده بر قطعه اولدینی معلومدر .
 از میدك نامی نیقومدیا اولدیغدن بونك ماكدونیا ظن اولنمی
 ماكدونیا ایله بیننده حروفجه اولان مشابته جزوئیه دن نشأت
 ایتمش اولسه کرکدر . فیلیپوسک پای تختی عد اولنمی ایسه
 ماكدونیا ظن اولنمندن بشقه برسبه حمل اولنه ماز . اسکندرک
 پدری فیلیپوس میلاد عیسا دن ۳۳۶ سنه مقدم وفات ایتمش
 ونیقومدیا شهری ایسه میلاد دن ۲۸۱ سنه اول بروسه جوارنده
 اولان برنجی نیقومد طرفندن بنا اولنمشر .

یالوه ایلجه لرینه کانجه اوراسی استانبولک بانیمی اولان
 قسطنطینک والدهسی طرفندن برطاقم ابنیه ایله تزین اولنمش
 وقسطنطین دخی والده سنک نامنه حرمة اورالری بر شهر حالنه
 افراغ ایلمش در . بوانشا وتوسیعه یالوه صولرینک جذام علتته شفا
 بخش اولسی سبب اولدیغنه دائر اورالری اعمار ایدن قومک
 تاریخلرنده بر سوز کورلمز . ذاتاً جذام علتته معدنی صیجاق
 صولرک هیچ بر فائدهسی ده اولماز .



بو مطالعاته نظراً فتحك ايكي كره وقوع بولمش اولمسی وارد دكلدر . فتحك زمان وقوعنده ایسه غره غورانك خبر واحدی عثمانلی مؤرخلرینك تواتر درجه سنده اولان روایتلرینه قارشى معتمديه عد اولنه ماز .

(پاپاریغوپولو) نك روم تاریخلرندن تلخیص ایلدیكي تألیف معتبرده دخی ازمیدك ازنیقندن اول فتح اولندیغی مصر حدر .

ازمید فتحك تمامندن اولان بر وقعه ده هرکه قلعه سنك ضبط ایدی . پادشاه بو خدمته صماندره فاتحی علی بکی تعیین ایلدی . امیر قهرمان مشرب قلعه نك اوزون اوزادی به محاصره سنی شان شجاعته یاقشدره مادی ، هجوم ایله فتحنه قرار ویردی وایلك جمله ده مقصودنی استحصال ایلدی . فقط هجوم اثناسنده بالذات قاعه دیوارینه چیقارکن کوزینه اصابت ایدن بر اوقی ایله چیقارهرق یره آتمش و بویله بر جریحه جانکداز ایسه یاره لشمس آرسلان کبی اقدامات جلادت پرورانه سنی تزئید ایلمش ایدی . ایشته اومبارك دورلرده خارق العاده کوریلن برچوق موفقیتلریمز بویله خارق العاده غیرتله سایه سنده وجوده کلیردی !

تاج التواریخ ازمیدك ، اوللری ما کدونیا نامیله معروف بر بیوک شهر اولهرق مشهور اسکندرک پدری (فلیپوس) ك پای تختی اولدیغی ویالوه ایلیجه لرینك ده وقتیه استانبول ایمراطورلرندن برینك کریه سنك اوغرادینی جذام علته شفا بخش اولدیغی ایچون اعمار اولندیغی حکایه ایله . حال بوکه

کاتب چلبی از میدک ۷۲۰ سنه، سنده آقچه قوجه طرفندن
 فتح اولنديغنی بیان ايدر؛ فقط آقچه قوجهنک اخطار و وصیتی
 و پادشاهک از مید اوزرینه صورت حرکتی حقدنه کی روایت،
 طلیعه سردارینک اسمنه وارنجیه قدر تعریفات و تفصیلاتی حاوی
 اولسنه نظراً اختراعہ بکزه من؛ بونکله برابر تصنیع تکلفنه
 دکر برشی ده دکلدر. کاتب چلبینک بو روایت مشهوره به مغایر
 اولان نقل ایسه آقچه قوجهنک از مید حوالیسنی فتح ایتمسندن
 غلط اولمی پک محتمل کورینور. بناء علیه بزده جمهور مؤرخینک
 قوانی ترجیح ایلدک.

روم مؤرخلرندن (نیسفوره غره غورا) از میدک ۱۳۴۹
 سنه میلادیه سنده یعنی عثمانلی تاریخلرینک بیان ایتدکلری زماندن
 اون بر سنه صکره فتح اولنديغنی نقل ايدر. هاملرده بو روایت
 ایله عثمانلی تاریخلرینک نقلی توفیق ایچون اوراسنک ایکی دفعه
 فتح ایدلش اولسنه احتمال ویرر. حال بوکده بر یرک ایکی دفعه
 فتح ایدلدیکنه بزم تاریخلرده بالدفعات تصادف اولمقده اولسنه
 نظراً از میدده مکرراً فتح ایدلش اولسه ییدی سفر ثانی بی کتم
 ایتمزلردی، بو ایکی فتحک برندن عثمانلی، دیکرندن روم تاریخلرنده
 بحث اولمسنه و خصوصیه روملر از میدی بر کره استرداد ایدنه
 بیلمش ایسه کندی تاریخلرنده او یله بر موفقیت ایچون هیچ
 برشی سویلنلمیوبده یالکیز بزم ضبطمزه حصر مقال ایدلسنه
 بر سبب معقول بولنه ماز.

ایالتی شهزاده سلیمان پاشایه قو کور آلبک ایالتی ده شهزاده سلطان مراده تودیع اولندی . سلیمان پاشا مملکت اداره سنه مقتدر اوله بیه جک برسند بولندیغندن ایالتنک بالذات اداره سنه قیام ایلدی . ۷۲۶ سنه سنده تولد ایتمش اولان سلطان مراد ایسه هنوز ایکی یاشنده ایدی ، ایالتی اداره ایچون وکیل کوندرلدی . آقجه قوجه ازمیدک فتحی حقنده اولان اخطارینی وفات ایتدیکی ائاده وصیتنده دخی تکرار ایلدیکن پادشاه اومقصدک استحصالنه بالذات عزم ایدرک اردوسنک طلیعه سنه غازی عبدالرحمنی تعیین ایتمشدی . چونکه غازی عبدالرحمن تجارب و خدماتنک کثرتی جهتیله او زمان موجود اولان امرانک اک سرافرازی اولدیغی کبی برسنه اول صاندره محافظنک فدیة نجاتی سویلشمک اوزره ازمید قلعه سنه کیرمش اولدیغندن بو محاربه ده رئیس غزاة اولق شرفی هرکسدن زیاده آکا لایق کوردلی .

سلطان اورخان قلعه بی محاصره ایله مشغول اولدیغی صروده علی بک قیون حصارینک مژده فتحیه برابر محافظی اولان قالویونسک باشی حضور هایونه کوندرمشیدی . بو نشانه خونین - غالبیت قلعنک قارشیسنه صلب اولندی . کرک پرنسس ماریه و کرک مستحفظلر بو تماشا ایله فتور کتوردیلر ، ازمیدک محافظه سندن امیددی کسدیلر ، پادشاهک حضورینه برچوق هدیه لر کوندره رک مالریله برابر دکز یولیه استانبوله کیتملرینه مساعده اوانق شرطیه استیمان ایتدیلر . قلعه بو صورتله ضبط اولندی ، محصورلرک استدعاسنده مساعده ایلدی .

دائمی و یا خود موقت اوله رق اورالرده طوبالانسی ده نومعموریتک
ترایدینه سبب اولان ماده لردندر .

آقچه قوجه پادشاهی دعوت ایتهدن اول ازمید جوارنده
حرکات عسکریه جه لازم اولان نقطه لری ضبط ایتش وقره -
مرسلده ازمید کورفزینک جهت جنوبیه سنده بولنان جهتلری
تسخیر ایدرک قلعه نك دکز ایله طرق مواردسنی قطع ایلش
ایدی . ازمید اوزرینه سوق اولنان اردونک حرکاتی تصعب
ایده جک یالکز قویون حصاری قالمشیدی که محافظه سنه پرنسس
ماریه نك برادری قالویونس مأمور ایدی .

بو قلعه نك تسخیرینه آیغور آلب زاده علی بك مأمور
اولشیدی . قالویونس مدافعه ده غایت جسورانه و مصرانه طورانمقده
ایدی . بر کون حرکات حربیه به نظارت ایچون قلعه برجلرینی
طولاشورکن کوکسندن بر اوق ایله اوریله رق بولندیغی یردن
باشی اوزرینه خندقه دوشدی ، هلاک اولدی . محصورلر ایسه
ضابطلرینک غیرتندن محروم قالنجه قلعه بی تسلیم ایلدیلر .

بو صروده غزاتدن آقچه قوجه و آنی متعاقب قو کور آلب
وفات ایتشلردر . بو ایکی ذات عثمانیلر کی قهرمان بر ملتک
هان بر عصرلق مفاخر کشور کیرانه سنه مثال مشخص عد
اولنه جق ایکی قهرمان ایدی ، وفاتلری پادشاهی پک بیوک
ضایعاتدن عد اولندی ، قلیجلری آتکی اوله رق متصرف اولدقلری
ایالتلرک ایسه وسعت واهمیتی او درجده ایدی که آقچه قوجه نك

اولنمش بر حکایه اولدیغنه حکم ایتمک ضروریدر . بو قیزدن طوغوبده دشمن چوجوقلرینه اوماجیلق ایدن قره عبدالرحمنک ایسه هیچ بر محاربهده اسمنه تصادف اولندینی یوقدرکه بو حکایه نك بتون بتون مخیلاتدن اوله جغنی کوستریر . غازی عبدالرحمنک فضیلتی ایسه عشق القا ایتمکده ویا خود اولاد یتیشدیرمکده دکل ، قلعه فتح ایلمکده اولدیغندن آیدوسک ضبطنه موفقیتی ثابت اولنجه عشق حکایه سی صحیح اولماسه ده برشی لازم کلز .

ینه ۸۲۸ تاریخنده آقچه قوجه نك اختطاری اوزرینه از امید سفری آچلمشیدی . از میدک حکومتی او سردهده - تانار خانلرندن بر برینی متعاقب درت ذاته نامزد اولان - معهود پرنسس ماریه یه انتقال ایتمشیدی . بو قادین بزم تاریخلرده (بلاقونیه) تعبیری ایله معروفدرکه عائله سنک اسمی اولان (فلایونس) دن مخرف ظن اولنور .

از مید اطرافی بیاغی عثمانلیرک پیشگاه عزمنده بر حائل تشکیلنه استعداد کوستره جک درجه لرده معموریت حاصل ایتمکه باشلامشدی . چونکه عثمانلیرک فتح ایتمدیکی یرلرده نه قدر اصحاب ثروت وار ایسه بر درجه یه قدر محفوظ ودکزدن روم ایلی طرفنه کذاره مساعد اولسی جهتلیله اورالرده اقامتی اختیار ایتمشیر ایدی . جوارده بولنان یالوه قاپلیجه لرینک بعض امراض ایچون مشهور اولان فائده سنه مبنی خسته لک مناسبتیه بر چوق عائله لرک

عشقنه مبتلی ایده جک و نوجوان و صفیله یاد اولنه جق قدر بر طراوت تندرستانه محافظه ایده بیلمسی عقل و عادتک خارجنده در . حتی اوسنده بر ذات بیلمدیکی بر قیز طرفندن کندینه عرض اولنان محبتی البته استهزایه حمل ایدر . مسخره عالم اولمائی کوزینه آلدقجه اویله بر محبت اوزرینه تأسیس امیدایدرك مأمور اولدیغی تشبثات حربیه نك تغییرینی آرقداش لرینه تکلیف ایده مز ، چیلدیر مادقجه بر کند ایله تک باشنه قلعه یه چیقوبده حیاتی ایله دشمنه تسلیم ایتمز ، احتمال که کند ایله قلعه یه دهه چیقماز .

غازی عبدالرحمنک او قیزدن کندی کبی عبدالرحمن اسمنده برده اوغلی دنیا یه کلدیکندن بحث اولنسی و خصوصیه قیزک سودیکی ذاتک ترتیبات حربیه یی تبدیل ایتدیره جک امرادن اولسی معشوقک بشقه بر عبدالرحمن اولسنه احتمال بر اقیور ، یالکز قیزک سودیکی نوجوان عبدالرحمن غازینک اوغلی وقیزدن طوغان قره عبدالرحمن ده طورونی اوله جغنه و بوخاندان شجاعت اعضاسنک کافه سی کابراً عن کابر عبدالرحمن غازی اسمیله یاد اولندیغنه دائر بر مجموعه ده بر روایت کورلمشیدی ، بو صورت عقله موافق کلیور ؛ فقط تاریخ کتابلرنده آنی مؤید بر سوزه تصادف اولندیغندن روایت صحیحه صورتنده ایراد اولنه ماز . مع مافیه او قول ضعیفه اعتماد اولنمازسه علاقه مسئله سنک - هر قومک مبادیسنه متعلق روایته قاریشدریله کلن - خیالات شاعرانه دن ، شبه حقیقت اولق مزیتندن محروم اوله رق ، ترتیب

قیزی مفتون ایده جک بر کوزل وجوده مالک اوله بیللمسی دنیاده
 کیمسه یه غربیب کورنمز . شو قدر وارکه آیدوس محافظتک تیزی
 عشقیله بی قرار ایتدیکنندن بحث ایدیلن وتاریخلرده نوجوان
 وصفیله یاد اولنان قهرمان، سلطان عثمانه پدری ارطغرلدن موروث
 اولان امراندنر . اکر بوذات مفصلک قولی کبی رومه ارطغرل
 ایله برابر گلش ایسه قونداقده گلش اولسه آیدوسک فتح اولندی
 سنه طقسان طقوز یاشنده بولنسی اقتضا ایدر . بزم تخمینه زکبی
 رومده طوغان امرادن اولسه بیله یینه سنی سکساندن بیله آشاغی
 طوته میاز . چونکه ارطغرل وفات ایده لی قرق طقوز سنه
 اولمشیدی . عشایرک اختیارلغه اولان اعتنالی جهتیله قرق یاشنه
 وارماش بر آدمک قایی خانلیلر ایچنده امرادن معدود اولسی
 وخصوصیله ارطغرل کبی طقسان یاشنده بر پیر مجاهدک زمان
 ریاستنده سوزارلری صره سنه کیره بیللمسی عقل وعادته بغایر
 کورینور .

واقعا کنج کنج قادینلره امید اقبال ، بذل ثروت ، اعمال
 فکر ، القای دهشت کبی وسائل قوتیه رفته رفته حرمت وحتى تبیت
 القایده بیللمش پک چوق اختیارلر واردر ؛ مثلا سکسانی متجاوز
 اولان تپه دلی علی پاشانک سودیکی بر روم قزینک کندیسنه
 فوق العاده صداقت کوستردیکی مسلمات تاریخیه دندر ؛ فقط بر آدم
 نه قدر وجیه و متناسب یارادلمش اولسه یوز و یا سکسان یاشنه
 واردقن صکره بر دشمن قیزی زویاسنه کیره رک یک نظرده

خرستیانار چو جقارینی « قره عبدالرحمن کلیور . » دیبه اخافه ایدرلردی .

بویله امرای عثمانیهدن ساحلوردده و جهان دیدنه اوچ امیر کشور کشانک بر قیز نامه قلعهدن آتیلان کاغدی بر دسیسه -تربیه یه حمل ایتیموده صحیح وجدی بر تکلیف عد ایللری بر باز بعید کورینور ، مع مافیه اساساً قابل توجهدر . چونکه تکلیفک نتیجه سی ایکی اوچ کون قلعهنک جوارندن آیرلقدن عبارت اوله رق کندیلری ایسه قلعه نی اوپله بر ایکی کون ایچنده فتح ایتک امیدنده اولدقلرندن جزوی بر وقت ضایع ایتمه نک تبشترلر نجه بر تأثیری اوله مازدی .

فقط علاقه مسئله سی پک قولای قبول اولنه بیله جک روایتاردن دکلدر . واقعا ترکلر ، اون سکنزنجی عصرده کی فرانسه ادبای مشهوره سندن موتسکیونک « رومالیارک اعتلا وانقراضی » عنوانی تاریخنده ادعا ایتدیکی کی « دنیانک الک چیرکین قومی » دکل ، بالعکس ابنای بشرک الک کوزل جنسارندن بریدر . حتی بدایع شناسلقده کاللری مسلم اولان ادبای عرب « دفینه من بنی الاتراک ماترکت ، لارعد ابطالهم صوتا ولاصیتا ؛ قوم اذا قبلوا کانت ملائکة ، حسناً وان قاتلوا کانت عفاریتا . » کی شعرلر ایله ترکلرک کوزلکلرینی ده شجاعتلری کی طبیعتک فوقه اصعاد ایتک ایستمشلردر . عجملرده ایسه حافظک « اکر آن ترک شیرازی بدست آرد دل مارا ، مصراعنده کورلدیکی کی ترک کلمه سی دلبروصفیله الفاظ مترادفهدن اولشدر . اوجهتله بر ترک دلاورینک بر روم

عبدالرحمن غازی به خطاباً یازلمش ایدی که قیز بو تذکره ده رؤیا
 وقعه سنی حکایه ایتدکن صکره عبدالرحمن غازی به محاصره بی ترک
 ایله بر قاچ کون اورادن چکلدکن صکره تعیین ایتدیکی کیجه
 لزوم کوردیکی قدر عسکرله عودت ایدر و تعریف ایلدیکی بر جک
 آلتنه کلیرسه قلعه نك سهولته فتحی میسر اوله جغنی بیان ایلشیدی .
 امرا مشاوره دن صکره جعلی اوله رق محاصره نك ترکنه قرار
 ویردیلر ، آیدوسک اطرافنی خراب ایدرک بر طرفه چکلدیلر .
 محصورلر اسلامک حرکتنی فتحدن مأیوسسته حمل ایله ذوق
 وعشرته مشغول اولدیلر .

عبدالرحمن غازی سلاح آرقداشلرندن انتخاب ایلدیکی سگسان
 قدر دلاور ایله ليلهء معلومه ده قیزک تعیین ایلدیکی موقعه کلدی ،
 همان قلعه بر جندن پیشگاهنه بر کند آتدیلر ، کندی ده کمنده
 سارلدی ، برجه صعود ایلدی ؛ آرقداشلرندن بر قاچ کشی بی
 چکلدی ، او یقوده بولنان قلعه قیوجیسنک اوطه سنی باصدیلر ،
 کندینی هلاک ایتدکن صکره یتاغنده بولدقلمی مفتاح ایله قیوی
 آچدیلر ، خارجه بولنان دلاورلری ده ایچری آدیلر ، بو
 کیجه باصقینی سایه سنده قلعه بی فتح ایلدیلر .

پادشاه بو مظفرتی اوزرینه سبب غالبیت اولان نازینی
 عبدالرحمن غازی به عمد ایتدیرمشدی . تاریخلرک روایتنه کوره
 عبدالرحمن غازی نك بو قیزدن قره عبدالرحمن نامنده بر اوغلی
 دنیا به کلهرک شجاعت واقدماتی بر مرتبه لره وارمش ایدی که



وقتا که ۷۲۸ سنه سی داخل اولدی ، آیدوس حصاری فتح اولندی . تاریخلرک روایتنه کوره آقجه قوجه ، قو کو ار آلب ، عبدالرحمن غازی برلکده اولدقلری حالده بوقلعه نك حصری ایله مشغول ایدیلر ؛ فقط استحکامک متانتنه نظراً سرعتله فتحی امید ایتزلردی . برکون قلعه نك اطرافنده کزینورکن برجلرک برندن برطاش آتلدی ، آقجه قوجه نك آتنک آیاغنه طوقوندی ، او پیر جهاننیده « قلعه ده بوقدر سلاح موجود ایکن خارجه بیوده یره طاش آتلاز ؛ البته بونده بر حکمت وار . » دییه رک طاشی آلدی ، اوزرینه سجم ایله ربط اولنمش برکاغد بولدی . امرا بریره کلدی لر ، کاغدی آچدی لر ، روجه بیلور برآدمه او قوتدی لر . مکر قلعه محافظنک قیزی رؤیاسنده کورورکه برچرکابه دوشمش ، بوغولسنه رمق قلمش ؛ فریاد ایدر ، امدادینه کیمسه یتشمز ؛ نهایت یاننه بر جوان نورانی کلور . کنندینی قورتارر ، قیزده کوردیکی جوانک عشقندن بیقرار اولور . برکون قلعه نك برقله سندن عثمانلی عسکرینی تماشا ایدرکن نظری عبدالرحمن غازی یه تصادف ایدر ؛ کورورکه رؤیاده کنندینی چرکاب هلاکدن چیقاروبده آتش عشقه آتان جواندر . ایشته قلعه دن طاش ایله آتیلان کاغد او قیز طرفندن

بيلاهـجك محافظنى قهر ايتديكنه دائر علاءالدين ثانى يه كوندرديكى
 عرضده « بسپاهى ازسه هزار نفر متجاوز پياده وسوار چون
 برق جهنده . . . الخ . » عبارهسى كوريليور . سلطان عثمان،
 عسكرينك آرهسنده پياده دخى موجود اولديغنى كندى مکتوبنده
 بيان ايدوب طوررکن پادشاهك عسكرى يالکنز سواری يه
 منحصر اولديغنى ادعايه مجالى قالير؟.



خصوصى ده بوعلوفهلى فرقه نك تشكيلييه برابر قرالشديرلدى . معلومدر كه البسه عسكريه خصوصى رجال حرب عندنده خيليدن خيلى بحث ونظر جلب ايدن مسائل سياسيه دندر : عسكره كيدريله جك البسه نك - اردولر تراحم علل جهتيه محاربه ميدانلرندن دها دهشتلى برخطرگاه ممت اولمسنه نظراً - حفظ - صحت شرائطنه تماميله موافق اولمى آرزو اولندينى كې سرعت حركاته مانع اوله بيله جك بچيمده دشمنك نشان آلمسنه مساعد اوله جق وياخود قانك رنكنى تماميله ارئه ايدرك افراده دهشت ويره جك رنكده اولماسى وخزينه يه زياده آغر كلمه مك ايچون قاشنك اوجوز اولمى ايستنيلىور، فروعدن معدود دها برطاقم شيلر دوشونيليور .

يايا طاقنه تعين اولنان لباس ايسه يالكز باشه كيه جك كسوه دن عبارت اولديغندن بوكسوه نك بحث اولنان شرائطه موافق اولوب اولديغنى تحرى يه محل يوقدر . شوقدر واركه اوزمانار عسكر لكجه باش كسوه سى قليجه مقاومت ايده جك حالده بولنمق لازم كليوردى ، پياده لره تعين اولنان كسوه ايسه ايرى وبياض برر قاووق ايدى كه كرك حجمى وكرك صلاحى باشى قليج ضربندن محافظه يه مع زياده كافي ايدى .

هامر يايا فرقه سنك ايجاد اولنديغندن بحث ايتديكى صيره ده سلطان عثمانك محارباتنده استخدام ايلديكى عسكر ك يالكز سوارى آقنجيلردن عبارت اولديغنى بيان ايدر . حال بوكه صاحب ظهورك

اولدقجه يوميہ علوفہ آلمق وسفر بر اولمديني مدتجه زراعتيله مشغول اولهرق تکالیف اميريہ دن معاف اولمق اوزره موظف برفرقه عسکر ترتيبنه قرار ويرلدي .

قره خلیل بو قرارك اجراسنه مأمور اولدی ، برقاچ کون ایچنده بيك قدر دلاور تحریر ایلدی ، بو عسکره « یايا » نامی ویرلدی . تربیه و اداره لری ایچون اوزرلرینه اونباشی ، یوزباشی ، بيك باشی عنوانیه سلسله مراتبه توفیقاً ضابطلر تعیین اولندی .

بو عسکر ، علوفه لرينك سفر زمانلرينه منحصر اولمی جهتیله خزینہ یه بيوك بر بار دکلدی ؛ افرادينك حضر وقتلرنده زراعتله اشتغال ایتسنه نظراً ملتک مزارع ثروتي برچوق اصحاب سميک معاونت بازوسندنده دائمی صورتده محروم ایتزدی ؛ لکن بویولده اداره اولنه جق برفرقه نك کوکاليلره درجه رجحانی ده تشکلی یوانده دولت و مملکتجه اختیار اولنان فدا کارلقلر نسبتنده اوله رق مزیت عسکر یه لری بالطبع مطلوب اولان مرتبه یه واصل اوله مادی . چونکه عسکر ، قشاه معیشتنه آلمد قجه وحضر وقتلرینی استعمال سلاح کبی احتیاجات حربیه ده تحصیل ملکه یه صرف ایلدکجه اسباب غلبه نك شرائط اصلیه سندن اولان اطاعت قانون . پرستانه و مهارت جندیانه یه مالک اوله مامق طبعیدر . مع مافیه بوتأسیس نقیصه لی ایسه ده دهها مکمل برفرقه یه مقدمه ظهور عد اولنه بیلیردی .

علاء الدین پاشانك اوچنچی تدبیری اولان لباس عسکری

پادشاهك فوق الغايه ممنونيتنى موجب اولدى؛ بيان ايتدىكى تدبيرلىرى تماماً تقدير ايتمكله برابر بونلرك فعله چيقمىنى تصور و ترتيب ايدن فكر حكيمك سلطنته معاونتنه محتاج اولديفنى سويليهرك وزارت صورتيله برادرينك امر حكومته اشتراكى طلبنى تىكرار ايلدى . علاءالدين پاشاده فكرآ تصور ايتدىكى محظوراتك بر طرف اولمى جهتيله كوچك برادرينك خدمت وزراتنه تنزل ايدرك حقيقه بيوكلكنى بو دليل مروتكارانله ايله اثبات ايتمش اولدى . پادشاه ايچون بومظفريت ايسه حياتنه برزوح ثانى، حواس باطنه سنه برقوة مميزه علاوه اولتىق قىيلندن ايدى .

برصاحب ظهورك ايكي نجل كزىنندن كوچكنى احيا كرده حكمت و جلادتلى اولان بر عظمتلى ملتك تحت سلطنتنده ، بيوكنى مقام وزارتده كوستره جك بر ديوان على تصور ايتمك انسانى نى نوعنك اشرفيتيله مفتخر ايدى جك حالردندر !

وزير پادشاه نژادك تدابيرندن سكه ضربى خصوصى؛ زمانك حالنجه تدارك اسبابنك وقته محتاج اولمىدندر؛ يوقسه مشاغل حربيه وسياسيه نك ميدان و يرمه مسندىمىدر؛ هر نه دن ايسنه ايكي سنه قدر تاخر ايلدى؛ فقط موظف عسكرك ترتيبه اوسنه دن باشلانمىدى . علاءالدين پاشا اوزمانلر بيله جك قاضيسى بولنان ودهاة سياستدن اولمى جهتيله اعتماد مخصوصنه مظهر اولان قره خىلى ده حضور هياونه دعوت ايدرك مسئله نى مذاكره ايتدىلر . بو مذاكره نك نتيجه سنده ترك اولادندن سفر بر

وضع اولمسنی استدیکی قاعده لردن بری سکه ضربی مسئله سی ایدی . اسلامک اصول حکومتیجه سکه ضربی پادشاهلرک مقتضیات حقوقندن و علائم استقلالندن اولدیغی حالده ممالک عثمانیه ده یکریمی سکنز ییل مقدم منقرض اولان سلجوقیلرک سکه سی جاری اولوق معائنز اوله جفنی کوستردی .

علاءالدین پاشانک ایکنجی تکلیفی موظف بر فرقه عسکریه ترتیبی ایدی : عثمانلی خاقی آز ، دشمنلری کثرتلی اولوق جهتیله یالکیز کوکللی غزاة ایله دولتی مستعد اولدیغی مرتبه کاله ایصال ایتمک قابل اوله میه جنی بدیهیاتدن ایدی . دولت ، بولندیغی موقع حکمنجه تشبثات کشور کشایانه سنده میدان محاربه سندن زیاده قاعه فتحیله اوغراشمغه مجبور اوله رق بو خدمت ایچونده یایا آتیلدن زیاده ایشه یارادیغنه نظراً علاءالدین پاشا بو موظف عسکرک پیاده صنفندن ترتیبی لزومی برادرینه آکلادی .

پاشانک اوچنجی رأی ده عسکر ترتیبک تمانندن اوله رق احساب حربه اهالیدن و اجانبیدن فرق اولنه بیلماری ایچون یکنسق بر لباس مخصوص تعیینی ایدی .

سلطان اورخان برادرینک کالندن استفاده امیدینی قطع ایتمک جهتیله پک زیاده مایوس ایدی ؛ احتمالکه علاءالدین پاشانک ازوا و استغناسنی انکسار خاطرینه حمل ایدر و آندن طولانی ده برقات دهها متأسف اولوردی ؛ حال بویله ایکن بردن بره شهزاده نک احیای دولت ایده جک بر طاقم تدابیر ایله عالم سیاستده ظهوری

صماندره نك تاريخ فتحى ۷۱۶ سنه سيدر. استانبول ايمپراطورى دنائت ايتدى ؛ امير اولان محافظك فديۀ نجاتى ويرمدى ، نهايت بو فديۀ نجات آيدوس محافظى طرفندن تأديه اولنه رق اسير تخلص ايدلمش ايدى .

متأخريندن بعض مؤرخلر قوگور آلبيك بولى و قوگريه و آق يازو و مودرنى و آقجه قوجه نك قندره و ارمنى پازارى و عيان كولى طرفلرني سلطان اورخانك ابتدائى سلطنتنده فتح ايدكلرينى روايت ايدرلر ؛ حال بوكه بو فتوحاتك سلطان عثمانك اواخر سلطنتلرنده وقوع بولديغى تاريخ عثمانى مأخذى اولان كتابلرك روايات متفقانه سيله ثابتدر .

خواجه سعدالدين تاج النواريخنده سلسله واقيعى يكديكريته ربط ايچون بو فتوحاتى - سلطان عثمان عصرى وقايعندن اولمديغى تصريح ايله برابر - سلطان اورخان فصلنده حكايه ايدر . متأخرينك بو خطالرى تاج التوايخ صناحيبك تصريحاته دقت ايتمكسزىن روايتى هانكي پادشاهك دورندن بحث ايدن فصللرده كورمشلرايسه او پادشاه عصرينك وقايعندن ظن ايتمى اولملرندن نشأت ايتمش اولسه كر كدر .

« كانب چلبى » نك ضبطنجه ۷۲۷ تاريخنده ايدى كه علاءالدين پاشا بركون عالم آنزواسندن ظهور ايدرك برادرينك حضورينه كلدى ، تقرر سلطنت حكمنجه بعض قاعدهلر وضعنه لزوم اولديغى بيان ايلدى .

یته پدیرینک تدابیر جهانداورانہسی نتایجندن عداوانور، کندیبی اوید اقتداره مفوض بر سلاح سطوت حکمنده طوتیوردی . ایشته دولتی یار واغیاره قارشى قوۂ فعاله سندن محروم کوستروبده دشمنلری آرزوی محاصمه یه سوق ایتهمک ایچون امرانک سلطان عثمان زماننده باشلادقلری اموری تسریع و تشدید ایتمک لازم - کلدی . او جهتله آقجه قوجه ایله قوگور آپه قوجه ایلی و آق یازی طرفلرنده مأمور اولدقاری فتوحاتی ائکال ایچون امرلر کوندردیکی کبی آق باش محمودی قره دکز و قره مرسلی مرمره سواحلنده ممالک عثمانیه یه مجاور اولان یرلرک ضبطنه مأمور ایلدی . عصر اورخانینک فاتحه فتوحاتی صماندره قلعهنسک ضبیطدر . آقجه قوجه ایله قوگور آلب ، فتحنه مأمور اولدقاری یرلرک وسطنه تصادف ایدن برقله نک اطرافنده ارائه سطوت ایدرک تسخیرینه بر چاره کوزهدیرلردی . برکون صماندره محافظنک اوغلی وفات ایلدیکنی خبر آلهرق حاضرلندیلر ، مستحفظلر جنازه بی دفن ایچون طیشاری چیقاردقاری صرهده انتهاز فرصتله ماهرانه بر هجوم ایتدیلر . قلعه ایله جنازه آلاینک آرهسنه کیردیلر ؛ ذاتاً محاربه فیکریله چیقمامش و بناءً علیه یانلرنده سلاح بیله کثیرمه مش اولان خرسیتیانلر بویله بر باصقینه اوغرادقارینی کورنجه اطرافه طاغلمقدن بشقه چاره بوله مدقنرندن مجاهدلر عقبکیرلکه مسارعتله محافظی اسیر ایلدیلر ؛ ضابط و عسکر دن خالی قالان قلعه ایسه بو حال اوزرینه سهولتله تسخیر اولندی .



سلطان اورخان پدر عالیشانك ارتخالندن بركون صكره اورنك
عثمانیہ شرفرسان جلوس اولمشدر . يوم جلوس ۷۲۶ سنه می
رمضانك اون یدنجی كونه تصادف ایتشدی .

كویا كه قدرت فاطره ملتی خاندان حكومت اعظمنك برندن
محروم ایتدجكه یرینه بر بدل احسانی التزام ایدردی : ارطعرك
سال ارتحالی اولان ۶۸۰ سنه سنده سلطان اورخان وجوده كلدیكی
كی سلطان عثمانك تاریخ انتقالی اولان ۷۲۶ سنه سنده ده خداوندكار
غازی سلطان مراد اول زینت بخش عالم وجود اولدی .

سلطان اورخان پدر عالیشانك ماتمی، فرزند اصیلنك مسرتی
اتمام ایدوبده وظائف سلطنتك ایفاسنه مباشرت ایدنجه هرشیدن
اول التزام ایتدیكی مسئله، مؤسس دولتك وفاتیه اسلامك سیف
شجاعتی اونك اداره سنه كافل اوله بیاهك بر بازوی سطوتدن
محروم اولمادیغنی كوسترمك اولمشدر . فی الحقیقه سلطان اورخان
شان و اقبال میدانك بیكانه لرندن دكل ایدی ؛ دولت دشمنلری
دها پدرینك صاغلغنده جوهر شمشیرینك قیمتی اوكر ندیلر ؛
ثوقدر واركه سلطان عثمان كی بر صاحب ظهورك زمان حكومتده
مشهود اولان معالی هر كیمدن صادر اولسه پادشاهك همتمدن بیلمك
طبیعی اولدیغندن اورخانك شهزاده لكسنده نائل اولدیغنی موفقیتارده .

ایوبیلر کبی خاندانارده ایسه اقرباى سلطنتك همان كافهسى ملكدن بر حصه آلیردی. ملوک اسلامیهده سلطنتی اولاد ذکورینه ترجیحاً؛ قزینه، عموم اقرباينه تقدیماً کولهسنه ترك ایدنلرده واردز. بو حالده شرقده اکبر اولادك حتی اکبر خاندانك وارث سلطنت اولمسی نصل قانون قطعی حکمنی آلمش بر عادت عد اولنه بیلیر؟

سلطان اورخانك برادرینه تکلیف سلطنت ایتسی ایسه معتبر مأخذلرک هیچ برنده تصادف اولنماش بر روایتدر. بوندن بشقه عقلهده ملایم کورنمز: سلطان اورخان استغناى عالیهمتانهده پدربله مسابقه ایده جک قدر حکیم مشرب فرض اولنسه بیله بوفدا کارلغه قیام ایچون اولا پدربینك وصیتنی اخلاص ایتسی لازم کله جکندن اویله بر مناسبتمز لکی نصل اختیار ایده بیایدی؟ ثانیاً او وصیت میدانده ایکن علاءالدینك سلطنتی قبول ایتیه جکی محقق ایدی؛ بناءً علیه عرض ایتدیکی تکلیفك قبول اولنیه جغه امنیتله برابر میدانه قونلش بر فدا کارلق و بناءً علیه بر نوع قلاشلق اوله جغی ادناملا حظه ایله بیله جک حاللردن اولوردی، اورخان عظمتنده، اورخان علویتنده بر ذات اویله بر صفتی اختیار ایتسی قابیلدی؛



بالعکس بو استغنا کندینک دولته محتاج اولمادیغی کبی دولتکده کندینه احتیاجی اولمادیغنی کوسترمک و خدمت وزارت استحقاقه مشروط اولمق لازم کلیرکن قرابت ویا توجه سائقه سیله توجیهنه بر سوء مثال بر اقامق ایچون اختیار اولمش بر ارشاد حکیمانه عد ایدلسه یا کلش بر فکرده بولنلماش اولور .

مفصلده « اوتنه ن بری شرقده اکبر اولادک امر حکومتده وارث پدر اولمری قانون قطعی حکمی آلمش بر عادت اولایغندن غازی عثمانک وفاتی اوزرینه غازی اورخان تاج و تخت سلطنتی بیوک برادرلری علاءالدین پاشایه تکلیف ایلدیلر . » دینلیور .

حال بوکه امویۀ شامک مفخری اولان عمر بن عبدالعزیز کندینی ولیعهد ایدن سلیمانک ابنای اعمامندن ایدی ؛ سلیمانکده هم اولادی هم هشام کبی ، مسلمه کبی جهانگیر برادرلری وار ایدی . امویۀ اندلسک اعظمی اولان عبدالرحمن ثالث ه حفیدی وارث اولمشدر . حال بوکه آنکده المظفر کبی دنیانک الک بیوک عسکرلرندن بر اوغلی موجود ایدی . عباسیلرده مأمون آل علیدن امام رضایی ولیعهد ایدرک حق سلطنت، متعلقانک الک اوزا قارینهده ویریه بیله جکینی کوستردی . خلفانک اکثری ده اکبر خاندان اولمق اعتباریله دکل، عسکر ویا اهالی طرفندن ارشد خاندان عد اولمق صورتیله مقام سلطنته واصل اولدقلرینی تاریخ بک کوزل اثبات ایدر .

سرمانیلر ، غزنویلر ، سلجوقیلر ، غوریلر ، خوارزمیلر ،

بر فنا لگدن کمال شدتله توفی بی موجب اولمالی دکلیدی؟ خصوصیه
ملکک هیأت مجموعه سی، کرک اطرافده بولنان ملوک طوائفک
و کرک استانبول ایمراتورلغزک تعرض منعه انجیق کفایت
ایده بیلمکده ایکن ایکی یه تقسیمی ملتک محوینه رضا دیمک
اوله جنی عوامه بیله خفی قاله میه جق حقیقتلردن ایدی .

بو اشتراک سلطنت ایکی سنک بر ملکده پادشاهلق ایتمی دیمک
اولمایه جنی ایسه امور معلومه دندر . چونکه او یله بر صورت
اداره اسلامک قواعد حکومتته اصلا توافق ایده بیله جک
حالردن دکلدرد . بو مطالعه لردن ا کلاشلدیغنه کوره سلطان
اورخانک تکلیف ایتمدیکی وعلاءالدینک رد ایلدیکی اشتراک
سلطنت، خدمت وزارتدن بشقه برشی اولمسه کر کدر؛ علاءالدینک
صکر ددن وزارتده بولنمی ده آنی مؤید کورینور .

اگر اورخانک تکلیفی عاداتا تقسیم ملک ویا قواعد اسلامیه
وبلکه طبیعت مدینه نک خلافتنه انینیت سلطنت ایسه شمه
یوق که تکلیف بیوک بر خطا وشهزاده علاءالدینک طرفندن
کوستریلان توفی مقدس بر وظیفه ایدی . بویله اولمایوب ده
پادشاهک تکلیفی وزارتدن عبارت ایسه او حالده شهزاده نک
کوستردیکی استغنائی نه درلو اسبابه حمل ایتمک لازم کلیر ؟
عجبا اثر انفعال می ایدی ؟ واقعا او یله بر مسئله ده دنیانک اک
بیوک حکیمارندن بیله اثر انفعال کورمک استبعاد اولنه جق حالردن
دکلدرد ؛ فقط شهزاده نک بر سنه دن صکره وزارتی قبول ایتمی
تخلف سلطنتدن منکسر اولمادیغنی پک بدیهی صورته اثبات ایدر .

عسکر لکه محتاج اولمق مسئله سنده سلطان عثمانك رأینه مخالف بر رأیده بولنه بیلیدی و بلکه « الرأی قبل شجاعه الشجعان » قاعده سی، منتسب اولدینی حکمت شرعیه نك قواعد اسلامیه سندن اولمق جهتیله نظریاتی فعلیاته ترجیح رأینده بولمسی اقتضا ایدر ایدی . مع مافیه پدر عالیشانك تطبیقات خارجیه بی استدالات عقلیه دن دها صحیح بولمق خصوصنده کی اجتهادینی مطاوعتکارانه قبول ایتمکدن چکنمندی ؛ سلطنت دعواسنده بولمق شویله طورسون ، فضائل علمیه و اخلاق ملکیمه سنه حرمة سلطان اورخان سلطنته اشتراکنی تکلیف ایتمش ایکن اوصوره ده قطعاً رغبت ایتمدی ، حتی پدرندن قالان و ترک ایتمدیکی سلطنت قدر علویت اخلاقه دلیل اوله جنی جهتیله دنیانك برمانانه قیاس قبول ایتمه جك قدر قیمتی مبرکاتدن معدود اولان البسه و سلاح کبی اموال موروثه سندن بیه حصه آلمادی ، کشیش طاعی کنارنده برقریه نك حاصلاتیله قناعت ایدرک برمدتجك اوراده ازوا ایلدی . عثمانلیلری درت یوزسنه قدر حاکم عالم کچنمک شرفنه نائل ایدن اسبابك ایبوکی اعظامنك افعالنده کوریلان بودرلو علویتلردر . سلطان اورخانك علاءالدین پشایه تکلیف ایلدیکی اشتراک سلطنتك ماهیتی تاریخچه بحث و تدقیقه شایسته در. البته بواشترک ملکی ایکی یه آیرمق معناسنه دکل ایدی . واقعا دول اسلامیه نك اکثرنده ضبط اولنان یرلرک خاندان سلطنت افرادی بیننده تقسیمی اختیار اولمش حاللردن ایدی ؛ فقط سلطان اورخان ایله مستشارلرنجه او دولترک عواقب احوالندن حاصل اولان تجربه لر او یله هر اختیار ایدن حکومتك محوینی موجب اولمش

نهایت اداره بی، تدابیر فاتحانده اثبات کفایت ایلیش اولان اورخانه احاله ایلدی .

بر دولت مؤسسنه کوره وقف حیات ایلدیکی مقصدک استقبلاً نامین اقبالنه اوغانک حق سلطنتی فدا ایتک پک ساده پک عادی تدبیرلردنر . سلطان عثمان ایسه پدرینک مسندینه ذاتاً بیوک برادر اوله رق کلمه مش اولدینی حالده اکبر اولاد حقنه بانطبع اقبال ملتک الجآت قطعیه سندن زیاده اهمیت ویرمزدی . بوندن بشقه علاءالدین باشایه بر مثال فضیلت کوسترمک ایچون عم-عالمشانی صاری یاتی ساوجی بکک احوال فدا کارانه سی خاطر لرده محفوظ اولدینی کبی شهزاده نک استغنا ی عالیجنابانه و تربیت عارفانه سی دولتک حفظ منفعت و ارتفاع شانی یولنده آمال و اقبالی فدا ایتک ایچون امثال ایده جک مثال آزامق درجه لرندن عالی ایدی؛ بو حقیقت ایسه سلطان عثمان کبی نظرنده بر دولت تأسیسنه کافی اوله جق قدر حکمت موجود اولان بر ذاته کوره خفی قلامق امور طبیعیه دن ایدی . بوجهتله ولایت عهدده کوچک اوغلنی بیوک اوغلنه ترجیح ایتکده، کندی فقدانندن صکره بر فنالق تحدث ایده بیلیمک اندیشه سنده بولمادی .

بویله بر قراری اختیار ایتک سلطان عثمان ایچون مستبعد کورونمز؛ فقط علاءالدینک حائر اولدینی حق سلطنتدن فراغنده کوستردیکی علو جنابه نه قدر اظهار تحیر ایدلسه شایسته در . چونکه علاءالدین ملتی ایچون نه درجه فدا کار اولسه و تربیه سی نه مرتبه مکمل بولنسه دولتک تأمین استقلالی علمدن زیاده



سلطان اورخان

مؤسس دولتک اکبر اولادی علاءالدین پاشا ایدی . بو حقیقتی بعض مؤلفار قبول ایتمک ایسته مزملر ، فقط جمهور مورخین مسلمات تاریخیه دن عد ایلساردر ؛ حتی ترکلرک اصطلاحنده (پاشا) اکبر اولاد معناسنه اوله رق علاءالدینک او عنوان ایله یاد اولمسنی اورخانک نجل ثانی اولدیغنه قائل اولانلر اعتقادلرینک محتنه دلیل کوستیرلر . سلطان اورخانه شهزاده لکنده پاشا دینلمدیکی کبی اکبر اولادی شهزاده سلیمان ، پاشا صفتیله معروف اولدیغی حالده شهزاده مرادک او وصف ایله معنون اولماسی پاشا تعبیرینک بیوک اوغل معناسنه قبول اولندیغنی تاممیله اثبات ایلر .

سلطان اورخان ایکنجی اولاد اولدیغی حالده پدری طرفندن بیوک برادری علاءالدینه ترجیحاً ولایت عهده انتخاب اولنمشیدی . بو انتخابه سبب علاءالدینک علمه حصر وجود ایلمسی جهتیه عسکرلکه ، کشور کشالغه قابلیت کوسترمه مسیدر . صاحب ظهور ، دولت نوظهورینک مستعد اولدیغنی وسعت و کاله وصولنی قلمدن زیاده قلیجک تنقیدات قاطعه سنه موقوف کوردی ،

رجال طریقت مشاهیرندن شیخ مخلص بابا ایله قرال ابدالک ده سلطان عثمان دورینک اعتلاسنه پک بیوک معاونتاری اولمشدر . چونکه بونار اکثریت اوزره سلطان عثمانک غزالرنده برابر بولنور و او یله معتقد عام اولان ایکی ذاتک اختیار ایلدیکی رفاقت ایسه پادشاهک مؤید اولدیغنه دلیل عد اونوردی . ملتده حاصل اولان بودر لواعقادلرک نه قدر بیوک تأثیری اولدیغنی تعریف اقتضا ایتمز .

دور عثمانینک ممالک مفتوحه سنده بولنان علمادن یالکز خطیب قره خضاری «عمر نسفی» منظومه سنی شرح ایلمشیدی . آندن بشقه کیمسه نک معروف اولمش برتألیفی یوقدر . سلطان عثمان مشاغل غزا و حکومتدن ابنیه خیریه ایله اوغراشمغه وقت بوله نامش ایلی ؛ مع منافیه اجل مبرات جهان عد اولمغه لایق اوله رق تأسیس ایتدیکی دولت اسلامیه کندیمی ایچون خیر کافیدر .



مفصلده، ارطغرلک بالاده اسملری مذکور اولان مشاهیر
 توابی تعداد اولندقدنصکره « دقت اولنمیدرکه بونلر ایچنده حسن
 و عبدالرحمن و محمد و محمود کبی مسلمان اسامیسی اوللری اصلا قابل انکار
 اوله میان اسامی دخی بولنوب بوايسه یالکیز ارطغرل غازینک دکل، معیتی
 عشرینک دخی دهها بو طرفله کلز دن اول اسلامی قبول ایتمش بولنلرینی
 صورت ثوته واردیرر . « دینیلیور . بو عباره ذکر اولنان
 امرانک رومه ارطغرل بک ایله برابر کلش اوللرینی کوستیرر ؛
 بلکه ایچارنده ارطغرلک اولکی رفیقارندن اولانلرده واردر .
 فقط جمله سنک برابر کلش اولسنه عقلاً احتمال ویره میورز .
 چونکه ارطغرل بک سلجوقیه ملکنه ۶۳۰ سنه سنده کلشیدی .
 بو امرادن ایسه صمصمه چاوش ایله طورغود آلپک ۶۱۷
 و عبدالرحمن غازی ایله آق باش محمود وقره مرسل وقره تکینک
 ۶۲۴ سنه سنه قدر تاریخ کتابلارنده اسماری کوریلیور . آخجه
 قوجه ایله قوکور آلپ ایسه ۶۲۸ سنه سنده وفات ایتمشلرایدی .
 بونلر ارطغرل ایله برابر کلدیگری زمانه قدر کنج بولنسهلر
 ایدی اسملرینک داستان وقوعات آره سنندن چکلدیکی تاریخلره
 باقیلنجه ینه ایچلارندن اک آزی شامش اولانی بر عصردن زیاده
 معمر اولق لازم کللیور .

ارطغرل بکک ۴۴۰ آتلیسنندن سچیلان اون آلتی سرکرده دن
 سکنزینک عمر طبیعییه واصل اولسی ایسه قولایلقله عقل قبول
 ایده بیله جک تصادفلرندن دکلدر . بناءً علیه بو امرادن عموم
 ویا اکثرینک بو وطنک ، کندی آغوشنده پرورده اولمش
 اولادندن اولدیغنه حکم ایتک لازم کلور .

مشهورلری «آقچه قوجه»، «قو کور آلپ»، «طورغود آلپ»، «حسن آلپ»، «صقسوق الپ»، «صمصمه چاوش»، «سولمش چاوش»، «عبدالرحمن غازی»، «آق باش محمود»، «قریکه»، «شیخ محمود»، «طالغال»، «مهماد»، «قره تکین» نامر ایله معروف ذاتار اوله رق بعد زمان سلطان عثمانک امراسندن اولدقلرینی بیان ایدر و پادشاهک امراسنی تعداد ایتدیکی صرعه ده بونلره برده صالتق آلپ نامنی علاوه ایلر. دیگر بعض تاریخلر ایسه عصر عثمانیده بونلردن بشقه درت عسکر رئیسی دهاکوستریورکه برنجیسی این اوکی والیسی بولنان و پادشاهک اکثر غزواتنده رفیق اولان ایغور آلپ، ایکنجیسی ازنیقک تضیقنه مأمور اولان طارداغان، اوچنجیسی آق تیمور ایله برابر بروسه نك حصرینه تعیین اولنان بلبان بک، درنجیسی ده امیر الی آطه سنی فتح ایدن قره علی بکدرکه ایغور آلپک اوغلیدر. بونلرک هر بری بر اردویه بدل بر قهرمان اولغله برابر ایچلرندن آقچه قوجه. قو کور آلپ، صمصمه چاوش، عبدالرحمن غازی کثرت غلبات و فتوحات ایله جمله سنه نمونه کمال اولمشلردر. بو امرادن آقچه قوجه ایله قو کور آلپک ۷۲۸ سنه سنده وفات ایتدکلرینه دائر تاریخلرده برسوز کوریلپور، دیگر لرینه ک زمان ارتحاللری ایسه معلوم دکلدر. هله هیچ برینک تاریخ تولدینه دائر هیچ بر برده صراحت یوقدر.

اولان کوسه میخال بکدر که کندیسی برادر خطاب تشریفه مظهر ایدن حضرت صاحب ظهورك تشبثات جلیله سنه بلکه برادرلردن زیاده معاونت ایلشدر . خاندانی ده دولتک دور- استیلاسنده بونجه قهرمانلر یتشدیرن بر قاچ کشور کیر عائله نك بریدر . کوسه میخال بکک تاریخ ارتحالی مضبوط دکلدرد ؛ فقط سلطان عثمانک ارتحالندن صکره تاریخلرده نامی کورللامکه باشلامسنه نظراً حیاتندن عزیز بیلدیکی متبوعندن صکره چوق مدت باشامادیغنه حکم اولنه بیلور .

قهرمانلق عالملرنده الك بیسوک مظاهرلری برادرلری اولان صاری یاتی ساوجی بک و کوندز آلب ایله برادر زاده لری بای خواجه و آی طوغدی بکدر . بر قاچ ذاتدن عبارت اولان بوغیرت طاهره افرادندن اوچنک دنیادن شهادتله کیتیمی رئیس العائله طرفندن التزام اولنان مقصد مقدس یولنده « کسی که کشته نشد از قبیلہ مانیت » دیه بیله چک قدر فدا کارانه برمسلاک حمیت تعقیب ایتدکارینی اثبات ایدر .

۷۱۷ تاریخندن صکره پادشاهه وكالة عموم اسلام اردوسنه ریاست ایدن اورخان بکک ایسه بشقه بر دور دولتی بشقه بر داستان اقبالی موجود اولدیغنه نظراً انک معیت طاقیله برابر ایرادینه لزوم کورمدک .

سلطان عثمانک قوردینی بنیان دولته سلاح سطوتلری متکای تحکیم ایدن امرایه کلنجه: صحائف الاخبار ارطغرل بک اتباعنک



سلطان عثمانك معرفتارندن استفاده ایلدیکی ذوات ، شیخ-

ادهبالی حضرتلریله برادری شمس الدین و آنک اوغلی اخی حسن و شیخک بیوک دامادی و پادشاهک باجراحی اولان طورسون فقیه ایله علاءالدین اسود و تلامذه سنندن چاندارلی قره خایل ایدی ؛ فقط ایچارندن ادهبالی حضرتلریله قره خلیلک دولته خدمتی دیگرلرینه قیاس قبول ایتیمه جک درجه لرده غالب اوله رق ایکسی دد سلطنت عثمانیه نك مؤسسین ارکان عظمتندن معدوددر. قره خلیلک خدمات جلیله سی اصل سلطان اورخان و سلطان مراد زمانلرنده مشاهده اولندی .

شیخ ادهبالی حضرتاری ایسه سلطان عثمان عصرنده مسائل شرعیه و عقلیه جه مفتی و مرشد دولت ایدی . کرامت کمالاته آستان تربیه سننده پرورش بولمش اولان شهزاده علاءالدین پاشانک فضائل جلیله سی دلیل کافیدر . شیخ حضرتلری پادشاهدن درت آی ، کریمه سی اولان مادر مهربان سلطنت مال خاتوندنه بر ماه مقدم ارتحال ایتمشدر . شیخ ادهبالی اکابر معمریندن ایدی . حتی سننک یوز یکرمی یه بالغ اولدیغنی تاریخلر روایت ایدر . ینه دولتک مؤسسین ارکان عظمتندن معدود اولان ذواتدن بری ده سیاست اداره و معاملات جاریه ده پادشاهک مستشار خاص الخاصی


ایشته سلطان عثمانك بو مخصوصات جاييه و موفقيات -
 فوق العاده سی پیش نظرہ آلتنجہ طبیعتك ۷۷ رلرجه اتعاب
 استعداد ايدرك انجق بردانہنی وجودہ كتوره بیلدیکی مؤسسین
 دولت آره سنده ینه کندیسنه مخصوص بر موقع امتیازہ نائل
 اولدیغی ثابت اولور .



پادشاهك مزيات قهرمانیسته ، حاكم اولديغی قومك ،
 موهوبات جلادتنه ، بولديغی زمان ومكانك مقتضیات ظاهر یهسنه
 نظراً كندیسندن هیچ امید اولنه میه جق بر طور حكیمانیه سی ده
 بردشمندن تعرض كورمدكجه قلیجه صارلماق مسلكنده
 كوستردیگی ثباتدر . بوجهته كندیسی اكثر دولت مؤسسلیری كبی
 بیوك بر كشور كیر اولمادی ، فقط مائتك قوای مادیه سنی بردارؤه محدودده
 ایچنده تزیدد ایده ایده جهانكیر اوله جق بردوات حاضر لادی !
 پادشاهك مظهر اولديغی خارقه لرك الك بیوكی ایسه معالی
 ومفاخری اطوار وافعالنده ساده لشدیره ساده لشدیره « خرج عالم »
 تعبیری ایله وصف اولنه بیاه جك بر درجه یه كتور مسیدر كه
 ویردیگی درس تربیه یی قبول ایتك عوامه كوره اتعاب افكار
 واجبار طبیعته احتیاج كوسترمین مقاصد خیره دن اولمش ، اوجهته
 اطرافنده پك آرزمان ایچنده بر جمعیت فاضله وجوده كلكش در .
 او تربیه نك تأثیری ، او جمعیت فاضله نك توارث اخلاقی
 سایه سنده بو سلطنت تأسس ایتدی ، دئیانك الك كوزل
 نقطه لرنده وبجر و برده غلبه وعظمتیه زمانك الك بیوك سلطنتی
 اولديغی یار واغیاره تصدیق ایتدیره جك درجه نرده اعتلا ایلدی ؛
 امویه ، عباسیه ، غزنویه ، سلجوقیه ، جنكیزیه ، تیموریه كبی جهانكیر
 دولتارك هیچ بری یوقدر كه نهایت ایگی عصر قدر پایدار اولدقن
 صكره انقراض ویا تفرقه دن قورتاش اولسون ؛ حال بوكه او
 تربیه نك محصولی اولان سلطنت سنیه نك دور استیلاسی اوچ
 عصر دن زیاده امتداد ایتشدر .

سلاحنه ، آتته حصر ایده جک درجه لره واران سه خای خاتم
پسندانه سی یالکز اموال دنیایی بذل ایتمسندن دکل ؛ بویه جهات
غیر مشر و عهدن کله جک مکسوباته رغبتدن انتزاهی دائماً التزام
ایتمسندن منبعث ایدی .

حال بوکه اورالرده بولنان اسلام و خرستیان حکومتلرینک
کافه سنده یکی برنوع تکلیف تخطر ایده بیلیمک آچیقندن بر دینه
وبلکه خزیننه غیبه برمدخل بولمق قبیلندن عد اولنور ومضر
اوله بیلیمسنی خاطره کتورمک البویوک برنشانه جنون صایلیردی !
ایشته سلطان عثمانک بر صورت فوق العاده ده اوله رق ابراز
ایده کلدیکی قهرمانقلر ، حقانیت پرورلکر دنیاده تاتارقلیچندن
قوتلی برسيف شجاعت ، امرانک ارادات کیفیه سندن عالی بر
قانون عدالت موجود اولدیغنی ، او سیف شجاعت سایه سنده
او قانون عدالتک فیضندن استفقاده ایسه ظلمه نك زیر اداره سنده
اولدیغنی کبی برطاقم تکالیف طاقتکداز آلتنده از یلیکده محتاج
اولدیغنی براهین قاطعه و بدیهیه ایله اثبات ایلدیکندن ترقی و متنعمده
ممكن مرتبه کال آرامق حسن طبیعیه سنه مالک اولان اهالی ، جان
ومال و ناموسک خارج ودا خلدن محافظه سنه بشقه طریققر ، حیثیت
ورفاهیته یشامغه بشقه چاره لر اولدیغنی آکلادیلر ، فیض
وسعادتارینی بادشاهک رایت حکومتی آلتنده اجتماعه متوقف
کوردیلر .





کلیاتِ کمال

عربی زریں

۱

عنوانِ کتاب

جلد ۳

۱

جزء ۱



استانبول


محمود بیگ مطبعہ

۱۳۲۶

کتابخانه

شماره کتاب / شماره قفسه / شماره جلد / شماره خط

ردیف	عنوان کتاب	تعداد	ملاحظات
۱	تاریخ نظامی ایران	۳	
۲	تاریخ اسلام	۵	
۳	تاریخ ایران و آریه و آریایی	۲۰	
۴	وطن، کنهال، عاکف، ذوالی	۱۰	
۵	تاریخ ایران	۲۵	
۶	حلال الذین جواردهم	۱۲	
۷	مکاتیب مشهوره و غیره	۶۰	
۸	ادب الیوم	۷۰	
۹	تاریخ ایران	۲۰	
۱۰	تاریخ ایران	۲۵	
۱۱	تاریخ ایران	۲۰	
۱۲	تاریخ ایران	۵	



مطابق آنچه در این کتاب آمده است

تاریخ ایران و آریه و آریایی

این کتاب در سال ۱۳۰۰ خورشیدی در تهران چاپ شده است و در کتابخانه ملی ایران نگهداری می شود.

۲۰۰ اداره خاکه بن آلفی شرطیه
۲۲۵ قوسمات و ولایات و ممالک اجنبیه
پسته اجزیه داخل اولهرق اقامتگاه
لوندیله شرطیه

ایده جکی انفعالی خاطرہ بیلہ کتورمکسزین خرسیتیانک لهنہ حکم
ایلدی . اویلہ فقیر بز خرسیتیانک بر معتبر مسلمانہ قارشی حقی
احقاق ایده بیلسمی اوزمانک حکمنجه مثل سبقت ایتش حالردن
دکل ایلدی .

برکون حضورینه بر آدم کلهرک کلیتی بر بدل مقابنده قره-
حصارپازارینک باج زسمی کندیسنه حواله اولمنسی استدا ایتدی .
پادشاه باج رسمنک نہ اولدیغنی صوردی ، صاتیلان اشیادن بر
مقدار معین آقچه آنمقدن عبارت بولندیغنی آ کلانجه « خلقک
پازاره کتیردیکی اشیاء کندی مالکمیدرکه آندن پاره آله جقسک ؟ »
سوزلریله صاحب استدعای مظهر عتاب ایلدی . صاحب استدعا
مقابله ایلیهرک باج رسمنک استحصالی عادات سلاطیندن اولدیغنی
آ کلامق ایستدی ؛ پادشاه اوزمانر وجودی بیلہ اولمیان فن
ثروت علماسندن دکل ایلدی ، بر دولتک زنکینلکی خلق اوزرنده کی
تکالیفک کثرتندن زیاده قاتیلہ حاصل اوله جغنی فقط دهای
طبیعیسی جهتیلہ بیلوردی ؛ مظالمندن حاصل اولما برمالک کندینه
لزومی اولدیغنی بیان ابلہ ینه رنده ثبات ایتدی ؛ نہایت
امراسی « پادشاهمزہ اویلہ آقچه لازم دکل ایسه بوپازاری بکله یناره
براجرت لازمدر » یولنده دلیلر ایراد ایدرک کلن انیانک یالکز
صاتیلانرندن برر آقچه رسم آنسنه و آنک محصولی ده ، حکومت
ایچون هیچ برشی تفریق اولنمقسزین ، بازار بکجیلرینه عائد اولسنه
موافقتی استحصال ایده بیلدیلر . ایشته پادشاهک ترکسنی البسه سنه ،

بوصاحب ظهور سلطت سنیہ سنی، دنیاہ نہ قدر جہانگیر قوم
کلمش ایسہ جہانگیر جولانگاہ اقبالی اولمش بر نقطہ ناسیس
ایتمش و او جہانگیر اقوامک احفادندہ نہ قدر قابلیات معالی
قلمش ایسہ جہانگیری اظہار واستعمالہ موفق اولمش در .

بیوکلرک بر بیوک مزیتی دہ کوچک کورینن تدبیر لہ بیوک
موفقیتلر حاصل ایلک در . بویلہ اسباب ایلہ نتایج آرسندہ موجود
اولان مناسبتی حقیقہ ادراک ایڈہ رک ظاہر دہ حکم سز کوی کورینن
تشبثلردن ممکن اولان فوائدی استحصال ایلک اقتداری ، سلطان
عثمانک پک بیوک اثرلری کورولمش بر خصیصہ جلیلیہ سی ایڈی .

قرہ حصار دن بدأ ایلہ ضبط ایلدیکی یرلرہ برر حاکم الشرع
نصب ایڈہ کلمسی دولتنی احیا ایڈن سادہ و علوی تدبیر لہ دندر .

پادشاہ معاملات ناسی بتون بتون شرع الہینک حکمنہ
تودیع ایلڈکن بشقہ حلّی طوغریڈن طوغری بہ کنڈی حکمنہ
عائد اولان مسائلدہ عدالت مطلقہ نک خادم و حامیسی اولدیغنی
ہر فعلیلہ اثبات ایڈردی : قرہ حصار ی ضبط ایلدیکی صرہ دہ
کرمیان اوغللرینہ تابع بر مسلمان ایلہ بیلہ جک محافظنہ تابع بر
خرستیان بیندہ ظہور ایڈن بر دعوی طرفینک اصرار ایلہ بیودی ،
ایکی اجنبی بہ عائد اولدیغنی جہتلہ فصلندہ بالذات رأی سلطانی بہ
مراجعت اولندی ؛ خرسیتیان فقرادن بر شی اولہرق مسلمانک
ایسہ کرمیان اوغلی نژدندہ پک زیادہ اعتباری اولدیغنی خالدہ
پادشاہ حتی خرسیتیانہ کوردی ، کرمیان اوغلارنجہ حاصل

بر مرتبه عال العالمه اصعاد ايده كلديكندن ، صاحب ظهورك زماننده
هيچ بر كيمسه يه قياس و تطبيق قبول ايلين اخلاق و اطوارينه
دقت ايدنلر كنديسني مقصد مقدسك استحصالنه آساندن مؤكل
بر وجود معنوي عد ايدرلردى .

اوزمان وحشت و تغلبده بر قوجه دولت تأسيس ايدنجه يه
قدر كندينه اسناد ايتدكلرى تعدى ، عمى اولدرمك واقرباسندن
ايكى ذاتك شهادتنه سبب اولان ايكى دشمنى سيف انتقامه
او غر اتمق خصوصاً رندن عبارتدر . دوندار آلپ وقعه سنى يوقا ريده
حماكه ايتمشيدك ؛ دشمنلرندن انتقام آلمق مسئله سى ايسه
او عصرجه الك ساده الك عادى وقايعدن عد اولنور . مع مافيه
بو اوج حالك مشكلپسندانه بر فكر اعتراض ايله شدتنه حكيم
ايدنلرده وار ايسه ، يالكزجه بو قدر و بلدكه بوندن يوزقات زياده
شدتن برى اوله رق بر دولت تأسيس ايتمش بر ذات دها
كوسترميلدرلر كه دعوالرى تسليم اولنسون .

پادشاهك ذاته مخصوص اولان توفيقاتدن برى ده دنيانك
بر كوشه سندن كلش درت يوز كشيلىك بر عشرته اخلاق فاضله
واقدمات معالى پرورانه سيلاه بر مرجعيت مخصوصه بخش ايده رك
او قوتله ايكى يوز سنه ايچنده يوز مليون نفوسه مالك اوله جق
بر جهانكير دولت تأسيسنه مقتدر اوله بيلمسى در . بويلاه بر
دولتى تأسيس ايچون متصرف اولدينى ملكك ايسه حتى
سلاجوقيلر طرفندن توجه اولنان پارچه لر ينك اكثرى ده ينه
كندى قليجك قوتيله فتح اولمش يرلردر .

مالک اولمش و اويله بر سلطنت عظامدن بشقه اجل مراتب اسلاميه اولان مقام خلافتی ده احراز اینمش بونجه پادشاهلر و آنلرک ایچندهده فاتح کبی، سلیم کبی، سلیمان کبی جهانگیر لر موجود اولور، کندیسنک قدروشانی اصعاد ایچون معروفیت اجداددن استمداده نه احتیاجی واردر؟ سلطان عثمان شرف اجداد ایله افتخار ایتمکک محتاج دکلدر، بالهکس اجدادندن اولمق اوزره کتابلرده کوردیکمز ذواتک - حضرت اسحق ایله حضرت نوحدن ماعداسی - سلطان عثمان ایله مقتخر اولمق لازم کلیر. سلطان عثمان اورته بویلی، اسمر بکزیلی، مدور چهرلی، چاتیق قاشلی، کنیش کوكسلی بر ذات اوله رق نصف اعلاسی نصف اسفلندن او قدر اوزون ایدی که آیاقده طودینی زمان قوللری دیز قیاقلرندن آشانغی صارقاردی.

اجل موهوباتی اولان سیهای معنویسنه کلانجه: کسوة محالات ایله مستور اولان مقاصد عالیهنک چاره حصولنی ادراک ایتمک، هیچ بر تصورک وسعتندن، هیچ بر مخاطره نک دهشتندن ییلمامق، کیمه قرین اولورسه علویت و مطاعتنک تأثیرات معنویه سنه مغلوب واسیر ایتمک خصوصلری که - همدوات مؤسسنک شرائط اصلیه موفقیتیدر - پادشاهده اک مکمل بر صورتله موجود و مجتمع ایدی. مزیات فکریه و قلبیه سی درجه نتهاده اولدینی کبی صلابت دینه سی ده حد کمالده اوله رق او فطرته بولنان فضائل فوق العاده اصحابنی ایسه عقاید قدسیه صحیحاً بشریتک فوقنده عداولنه بیله جک



سلطان عثمانك ولادتى ۶۵۶ ، وفاتى ۷۲۶ تاريخنده وقوع -
بولديغنه عموم مؤرخلر متفق اولوب سلطنتى ايسه اكثرينك
اعتبارينه كوره ۶۹۹ سنه سنده در . بو اعتبار ايله صاحب ظهور
۴۴ ياشنده پادشاه اولمش ، ۲۶ سنه سلطنتده بولغمش ، ۷۰ سنه
عمر سورمش اولور .

پادشاهك پدرى بالاتفاق ارطغرل وجدى ايسه همان عمومك
قولنجه سليمان شاهدر . ارطغرلك پدرى كوندزالب نامنده بر
ذات اولديغنه دائرده برروايچك واردر . بو روايت خبرواحد
همده پاك ضعيف اولديغندن تاريخچه قطعاً مقبول اولمامشدر .
يالكيز بعضيلرى سليمان شاهك بر عنوانى ده كوندزالپ ايدى
ديهرك روايتك قابل توجه اولديغنى كوسترشاردر .

مؤرخارك بر طاقى پادشاهك نسبى عيص بن اسحقه بر
طاقى ده يافث بن نوحه قدر ايصال ايدرلر ، علم انساب بوكتابده
التزام اولنان حدودن خارج اولديغى ايجون اورواياتك ايرادنن
صرف نظر اولندى .

حقيقت حالده ايسه برذاتك كه اولاد واخفاننده آلتى يوز
سنه دن برى دنياكك الك بيوك واك شانلى سرير سلطنتلرندن برينه

امنيت تقرر ايتدكدن صكره نقل اولنديغني ده سويلر لر .
 بو روايتلر جمهور مؤرخينك قبول ايتدكلاري روايته مغاير
 اولدقدن بشقه معقولده دكلدر : سلطان عثمان بروسه ده وفات
 ايتسه يدي اوراده دفن اولنمسي وصيتي اقتضاسندن ايكن اولا
 سكوده كتورلمزدى . بو حركته سبب اولمق اوزره ايرادا اولنان
 تقرر امنيت مسئله سنك روايتي ، چيلاق براقامق ايچون زورله
 اختراع اولنمش بر تاويل غير موجه اولديني ميدانده در . بروسه
 عثمانلي لره تسليم اولنديغني زمان اهالي سي ترك ديار ايتمشلر ايدي
 خالي شهرده تقرر آسايش ايچون نهيه انتظار لازم كلير ؟

واقعا پادشاهك بروسه يي پاي تخت ايلمسي وكنديغني بروسه
 درونته دفن ايتمسي ايچون شهزاده اورخانه وصيتي وار ايدي ؛
 فقط بو وصيتلري شهزاده سكوده كلديكي زمان كنديسنه تفهيم
 ايلدي ، جنازه سي ده او وصيته مبنى بروسه دن سكوده دكل ،
 سكوددن بروسه يه نقل اولندي .

اوغلنه تأسيس ايتديكي دولتدن بشقه براقديغني ميراث ،
 البسه سي ايله آتلى رندن ، سلاحلر دن برده برايكي سوري قويوندن
 عبارتدي .



ايشته بروسه ۷۲۶ تاريخنده سهولته فتح اولندي ، فقط نه فائدهسى وارکه دولتمزك برنجي پاي تخني اولان و صكره لرى بر چوق اعظم عثمانيانك مهد ظهور و قبر سكوني اولمق شرفنى احراز ايلين او شهر عظيمك حوزة تصرفه كيرمسي او دور ظهورده عثمانيلره نصيب اولان موفقياتك اعظمى ايكن وقت استيلاسى ملتجه بر زمان سرور عد اولنمادى . چونكه بو فتح جليل او زمانه قدر نه يايلاه بيلدى ايسه جمله سنك مرتبي اولان مؤسس دولت حضرتلريك انتهاي حياتنه تصادف ايلدى .

شهزاده مظفر پدر عاليشانك خسته لكندمه ظهور ايدن اشتدادى خبر آلتجه او صروده مقيم اولديني سگود قصبه سنه شتاب ايدرك بالين احتضارينه يتيشدى ، تربيت سلطنته دائر بر دولت مؤسسك لسان حكمتنه مخصوص بر چوق نصايح ديكلدى . صاحب ظهور ايسه مقاصد عاليه سندن اولان بروسه نك فتحي و خلفنك كندى مقامنه ثبوت استحقاقى ايله بكام اولديني حالده آرام سراى علينه ارتحال ايلدى .

تاريخلرده بروسه محافظنك قلعه يي تسليمه پادشاهك حضوريني شرط ايتمسي اوزرينه سلطان عثمانك مرض موتنده اورايه كلهرك اردوده وفات ايلديكنه و سلطان اورخانه قلعه دروننده بولنان برقبه يي اشارتله « شوكوش قبه يه كوم ! » سوزيله بروسه يه دفن اولمسنى امر ايلديكنه دائر بر روايت واردر ، بوني حكايه ايدنلر پادشاهك جنازه سى اولامانه سگوده كوندريلهرك بروسه يه

صوقلدیغی جهتله ذاتاً امتداد محاصره‌دن بیزار اولان قلعه محافظی
بتون بتون نجاتدن قطع امید ایده‌رک استیمان ایلدی .
پادشاه طرفندن بویله خدمت‌لرک اداره‌سنه مأمور ایدیلن
ومحافظک اسکی بیلدکلرندن اولان کوسه میخال بکک کیرشدیکی
مکالمه نتیجه‌سنده قلعه ایله برابر اوتوز بیک‌ده آلتون ویرلک
اوزره محصورلرک کلمیک طریقیله استانبوله کیتمه‌لری ایچون
عمومنه اعطای امان اولندی .

بروسه شهری برکرده ۳۳۳ سنه‌سندن ۳۵۶ سنه‌سنه قدر
حلب وجوارنده فرمان فرما اولان مشاهیر ملوک عربدن سیف
الدوله حمدانیک همتیله اسلام انه کچمشدر ، آز برمدت صکره
ینه روملر استرداد ایتدیلر .

هاجر بروسه محافظک نهایت درجه‌ده طیانغه حاضرلندیغی
حالده ایمراطور اندرنیوکدن قلعه‌نی تسلیم ایتک ایچون امر
آلدیغی بیان ایدر ، فقط ایمراطورک بوامرینه بر سبب معقول
کوسترمز .

بروسه‌نک محافظه‌سی مشهور اورنوس بکه مودوع اولدیغی
بعض روم مؤرخلری روایت ایدرلر ؛ فقط بوروایت بزجه‌شایان
اعتماد کورنمز . چونکه اورنوس بک اويله قولایلقه قلعه تسلیم
ایدر طاقدن اولدیغی شویله طورسون ، دولت علیه‌نک مشاهیر
امراسندن بولنسنه نظراً وقتيله عثمانیلرله حرب ایتش طاقدن
اولسه ایدی البته بزم تاریخلر بو حالنی بر مثال عبرت اوله‌رق
ایراد ایتکده قصور ایتزلر ایدی .

امتداد این آبلوقه صرہ سنده اطرافدہ کی روملرک عدالت قوتیہ
 عثمانلیہ انجذابی تزیاد ایدہ ایدہ شہرہ خارجدن کیزی، آشکارہ
 ہیچ برشی کیرمہ مکہ باشلامش و بوسورتلہ قلعه بتون بتون
 مقاومتدن محروم اولمش در .

۷۲۶ تاریخندہ کہ حال بودرجهیہ وارمشیدی ، بروسہ نک
 تزییقنہ مأمور اولانلر پادشاهی ، اک عالی سریر عظمتی اولان
 مملکت کشالق مقامندہ بولمغہ دعوت ایتدیلر . حیفا کہ دنیالری
 حکمنہ رام ایتکلہ اوغراشان شہریار صاحب ظہورک اوسرہدہ
 عارضہ تقریس ایلہ وجودینہ حکمی کیمز اولمشیدی ، بناء علیہ
 سکز سنہدن بری اوغراشدینی برفتح مینک حصولنی رأی العین
 مشاہدہیہ موفق اولہمادی ، ترتیب ایلدیکی اردویی خلف صدق
 اولان شہزادہ اورخان ایلہ سوق ایتدی ؛ ایشک مکالمہ جہتندی
 حکمت حکومتک حقیلہ ادراکنہ مقتدر اولان کوسہ میخال
 بکہ حوالہ ایلدی .

تاج التواریخک روایتہ کورہ پادشاہک بالذات بروسہ فتحنہ
 کلہ مسنہ برسبب دہ شہزادہ نک قلعه کشالق دہ دخی برمہارت ابرازیلہ
 دشمن نظرندہ برقات دہا مہابت پیدا ایتمی ایلدی . ختام عمر
 آثاری کورنمکہ باشلانجہ ملتک اقبال استقبالنہ خدمت
 ایدہ بیلہ جک بویلہ بر تدبیرہ مراجعت بر دولت مؤسسینک فکر
 حکمتنہ پک یاقیشیر شیلردندر .

شہزادہ بروسہ پیشکاهنہ کلنجہ اردوسیہ پیکار باشنہ قدر

روایت ایدرکه او عصرک اخلاقه یاقیشدیریه بیلور شیردندر ،
 ادرنوس فتحی متعاقب بروسه نكده بر حله قاهرانه ایله
 ضبطی آرزو ایدلشیدی ؛ فقط قلعه سنک وسعت و متاتی جهتیله
 اویولده استحصال مقصد برچوق تلفات ویرمهک محتاج اوله جنی
 آکلاشلیدی ، طاشلرینی جوهر جان ایله مبادله ایدرک قلعه نی
 ضبط ایتک ایسه ، اسلامه رحمی اعدایه شدتیله متناسب اولان
 سلطان عثمانک فکر عمر مشربانه سنه مغایر اولدینی ایچون بروسه نكده
 ازنیق کبی تضییق ، ضرب دست ایله فتحنه ترجیح اولندی :
 بری قاپلیجه ، بری کشیش طاعی جهتنده بر قلعه انشا ایدیلهرک
 برنجیسنه پادشاهک برادرزاده لرندن آق تیمور ، ایکنجهیسنه تربیت
 احرارانه سنی سلطان عثمانک مکتب اسارتنده تحصیل ایتمش
 اولان نامداران جلادتدن بلبان بک تعیین ایدلدی ،

بو صورتله بروسه نی تضییق ایتمکده اولان عثمانلی
 قهرمانلری پادشاهدن آلدقاری او امر قطعیه امثالاً اطرافده
 بولنان رعایادن بدلنی ویرمکسزین حبه واحده المامق کبی
 معاملات ایله اودرجه لرده اظهار عدالت ایتشلر ایدی که بروسه
 جوارنده بولنان روملر بیله اجیر فقیرینک مالندن کچنمکله مألوف
 اولان حکومتلرینک ظلمندن قورتلق ایچون اسلامک سایه
 حمایتنه صیغتمقدن بشقه بر یول بوله ماز اولمشلر ایدی .

ذاتاً عثمانلی قلیچنک دهشتی بروسه ایچون استانبولدن
 امداد امیدنی بتون بتون قطع ایلدیکی کبی سکسز سنه دن زیاده

مبدأ ظهوری دکادر ، مؤسسز دولت نوظهورینه لایق برپای-
تخت پیدا ایتمک ایچون بروسنک فتحنده ۷۱۷ سنهسنده عزم
ایش و موعده مقصوده کلنجه کوسه میخال ایله مشاوره ایدرک
اولاً بروسنک کلیدی مثابهسنده اولان ادرنوس حصارینک
ضبطنه قرار ویرمش ایدی . بو تصمیمک اجراسنی ده شهزاده
مظفرینه حواله ایدی . شهزادهنک بوسفرده رفاقتنه ینه کوسه
میخال بک ایله طورغود آلپ و شیخ محمود واده بالینک برادری
شمش الدین وانک اوغلی حسن تعیین اولمشیدی .

عثمانلی قهرمانلری دهاسلاح منزلنه یاقلاشمهدن اول
محافظ کندیسنه مودوع اولان قلعهنی ترک ایتمشدی ؛ فقط
پادشاه یالکز قلعهنک ضبطیه اکتفا ایتمدی ، محافظکده
بهمه حال طوتلسنی امر ایدی . بو خصوص ایچون ویردیکی
امر او قدر شدتلی ایدی که امرای عسکریه وحتی شهزاده
محافظک قاچدیغی یرلرده آت ایشلمدیکی جهته ساعتلرجه یایان
یوریهرک دشمنی او یله تعقیب ایستدیلر ، ادرنوس محافظی ایسه
عثمانلی پنجهسنه دوشمکی موتدن بتر عد ایلدیکی ایچون کندیسنی
بریاردن آتهرق تلف ایتمش و عقبکیرلرک لندن او صورتله
قورتیله بیلمش در .

ادرنوس محافظی ، قوچ حصار وقعسنده برادرزاده پادشاهی
آی طوغدی بکک شهادتنه سبب اولان آدمک اوغلی اولدیغندن
انتقام داعیهسیله تعقیبنده بو قدر شدت اختیار اولندیغنی هامر

جواب درشت اوزرينه اوراسني ده بر هجوم ايله ضبط ايتدی
 و بر مهم نقطه حربه اولق جهتيله محافظه سنه مشاهير غزاتدن
 صمصمه چاوشی تعین ایلدی . بو فتوحات ۷۱۲ تاریخنده
 باشلامش ، اکالی ایسه ۷۱۶ تاریخنده میسر اولمش ایدی .

۷۱۷ تاریخ حلول ایدنجیه قوکور آپ مأمور اولدینی
 طرفه تحویل عنان ایدرک طوز بازاری و کیلنک و بو حلیه و
 کرسنه جی حصار لرینی ضبط ایتدکن بشقه اوزونجه یلده پیشگاه
 عزمنه حائل اولق ایستین بردشمن فرقه سیله ایکی کون ایکی کیجه
 اوغراشدقن و بر غلبه عظیمه احراز ایلدکن صکره بولی و قوکور یا
 و آق یازو و مودرتی بی و اچجه قوجه ایسه قداری و ارمنی بازاری
 و عیان کولی ايله قوجه ایلینک سائر برچوق یرلرینی فتح ایلشدر .

ازنیق ، قلمه سی طارغان بك طاقندن بشقه برده آقچه قوجه
 و قوکور آپ و صمصمه چاوش فرقه لرینک و صورت مخصوصه ده
 اطرافنی حصره تعین اونان قره تکین فرقه سنک تقر بلریله پک
 بیوک بر ترضیقه اوغرا دیغندن محافظه سنه مأمور اولانلرک فریادی
 اوزرینه استانبولدن بحر آ بر قاچ سفینه طولوسی عسکر
 کوندرلشیدی ؛ فقط کلن فرقه بی غازی عبدالرحمن علی العجابه
 طوپالایه بیلدیکی دلاور لرله یلاق آباد اسکله سنده قارشیلامش
 و قره یه چیقاییلنلرک کافه سنی محو ایتمش در .

۷۱۷ تاریخ ، یالکز ۷۲۳ تاریخنده ختام بولان بو فتوحاتک

اوزرینه سوقی مصمم اولان اردونک ادارهسی شهزادهیه حواله اولندی ، مع مافیہ بوسفردهده کوسه میخال ، غازی عبدالرحمن ، قوکور آلپ و آقجه قوجه یاننه ترفیق ایدلدی .

شهزاده اولاسقاریه کنارنده اولان قره جیش قلعهسنک تسخیرینه عزم ایتشدی . عسکرندن ایکی فرقه آیره رق هر برنی برکینه یرلشدیردکن صکره قصوریله قلعهیی حصر ایتدی . و آره صره اوفق تفک هجوملردن صکره بر ساخته رجعت اجراسنه باشلادی . قلعهده کیلر آلداندیلر ، عثمانلی فرقهسنی تعقیبه جسارت ایتدیلر . عقبکیلر ارزو ایدیلن محله کلنجه پوصوده اولان دلاورلر میدان حمیته آتدیلر ، بر هجوم ایله قلعهیی ضبط ایتدیلر . شهزادهیی تعقیبه کیدنلر نقطه استنادلری اولان قلعهنک الدن کیتدیکنی کورنجه عودت ایتک ایتدیلر ایسهده ایکی سلاح آره سنده قاله رق محو و پریشان اولدیلر . شهزاده کړک بوقلعهنک و کړک مظفریت واقعهیی متعاقب استیمان ایدن الب صوفی حصارینک محافظلرنی قوکور آلبه احاله ایتدکن صکره کوپری حصاره کلهرک غلبات واقعهیی امرادن قره علی ایله پدر عالیشانه عرض و تبشیر ایلدی .

شهزاده بوندن صکره قوکور آلپی بر فرقه ایله آق یازی و آقجه قوجهیی بر دیگر فرقه ایله آق اووا طرفلرینه سوق ایلدیکی کبی کندیسیده قره تکن حصاری اوزرینه یوریدی . قلعهنک تسلیم اولنمی حقنده کوندردیکی تکلیفه محافظی طرفندن ویریلن

عثمانلیلرک قلیجی اسلام اوزرینه اک اول بووقعه ده چکلمشدی. واقعا قره حصارک فتحنی متعاقب کر میان اوغللری قره حصار چارشیسندن اولدن بری آله کلدکلری باج رسمی استحصال ایچون مأمور کوندرد کلرندن پادشاهک کلن آدمی طرد ایتمی اوزرینه ایکی خاندان آره سنه براختلاف کیرمش ایسه ده اصح روایات اوزرینه قان دوکلکمزین برطرف اولمشدر.

چاودار تاتاری کر میان اوغللرینه منتسب کچندیکنندن بو وقعه اوزرینه آنلرکده بر تادیبه اوغرا دیله جنی خاطره کلردی، فقط پادشاهک حقانیت پرورلکی، کر میان اوغللرینه انتسابی اطاعت محییحه دن معدود اولیان برعشیرتک خود بخود اختیار ایلدیکی جنایت ایچون بر اسلام حکومتنه حرب آچغه قائل اولمادی.

شهزاده نک برنجی دفعه اوله رق بالذات استحصال ایتدیکی بو موفقیت، سنی آلمغه باشلامش و اوغرا دیفی شدتلی بر تقریس ایله هر زمان اختیار سفر اقتدارندن محروم قالمش اولان پادشاه نظرنده خصائل قهرمانیسنه بر وارث حقیقینک وجودینی کوستردیکی ایچون فوق العاده ممنونیتی موجب اولمشیدی. حتی بو موفقیت تجربه واحده قبیلندن ایسه ده شهزاده نک اسباب مظفر-یتنک برنجیلرندن معدود اولان سرعت سوقده کوستردیکی مهارت، سیف عثمانینک اداره سنه اقتدار تام حاصل ایلدیکی تمامیه اثبات ایلش اولدیغندن سقاریه ایله قره دکز آره سنده اولان یرلر

فداکارانہ لرنندن اولان عثمانلی قہرمانلری کوکسارینی سپرلکده قوللانیدیلر ، یالین قلیبج قلامنک خندقنه قدر کیتدیلمر ، خندق طاشار و آغا جلرله طولیدیردیلمر ، دیوارلره شاهین واری پرتابلرله چیقیدیلر ، قلامینی ضبط ایله محصورلری قہر ایلدیلر ؛ عرش شہادته عروجده کنیدیلمرینه تقدم ایدن رفیقارینی یر یوزنده انتقامسز براقادیلر !

۷۱۲ تاریخنده کریمیان اوغلارینه منتسب ویغما کرلکده مشہر بولسان چاودار تاتارینک ممالک عثمانیہ یه تعرض ایتمک ایستدیکنہ دائر بعض خبرلرشایع اولدیغندن سلطان عثمان شہزادہ سی اورخانی کوسہ میخال بک ایله برابر اورالراک محافظہ سنہ مأمور ایلمشدر .

شہزادہ اسکی شہرده آتارینی نعلندریرکن چاودار تاتارینک قرہ حصاره هجوم ایدهرک حتی چارشینسی یغما ایلدیکنی خبر آلدی . درحال معیتندہ موجود اولان دلاورلرله دشمنک تخریبسنہ شتاب ایدهرک اویناش حصارنده یوللرینی کسدی ، بر حمله صادقه ده حیدودلری پریشان ایلدی . ایچلرنندن برخلیسنی ده اسیرایتشدی . شہزادہ پدر عالیشانک ممالک مفتوحہ سندن شان واقبال ایله یکشہرہ عودت ایتمدیکی صرہ ده اسیرانی عرض ایلدی . چاودار تاتاری ذاتاً اسلامیتی قبول ایلمش طاقندن اولدقلری ایچون اسیرلر جنایت واقعہ لریله برابر پادشاه دیانت پرور طرفندن علی العموم مظهر عفو اولدیلمر .

یردن حرکت ایتدی ، نه استانبول ایمپراطورلنی اوریلان یرلزه امداد کوندرمنکه جسارت ایده بیلدی .

عثمانیلر بسوق کیشور کیرانه ده قوجه حصاری ، لبلوجه ، چادرلی ، آخضار ، لقوه ، یکیکجه ، کیوه ، قره جیبه و تکور پیکاری مواقعتک کیمنی صلحاً کیمنی عنوة فتح ایتشلر ایدی .

تاریخچرده عبرت اولق اوزره ایراد اولنان وقایعدندرکه صلحاً عرض اطاعت ایدن یرلردن صمصمه چاوش لبلوجه ایله چادرلینک کندیسنه خاص تعیننی ایستدی . مؤسس دولت اودرلو اعازمک شانندن اولان حکمت عادلانه ساقه سیله « اطاعت ایدنرک ملکنی الندن آلیرسهق کیمسه بزه انقیادا تمیز اولورده هر زمان حربه احتیاج کورینور » جوابنی و یردیله ؛ اوپیر مجاهدینه ایستدیکی یرله بدل کنندی خاصلرندن یکیشهر قربنده بر قلعه احسان ایتدیله .

عنوة اله کچن یرلردن قوج حصارک نسخیرنده اک زیاده صعوبت چکلمش ایدی . بر صورتده که عثمانیلرک بدایت ظهور لرندن بری او قدر شدتلی بر مقاومتیه اوغرامدقاری روایت اولنیور . بو صعوبته سبب ده قلعه ده محصور اولانلرک اوق آتمقده کمال مهارتلی ایدی . محاصر لر اثنای حربده عادتدن زیاده شهید و یردیله ، فقط اولنه قالانه باقامق ، لسان حماسلرندن صادر اوله قواعد

زماننده سیاستجه دهای جهان بینانه سنک قدرت و غلبه سی
 آلتنده ازلیه جک و کندیسيله بحق بحث و معارضه ایده بيله جک
 برذات وار ایدی که اوده یار قدیمی کوسه میخال بک ایدی .
 مخصوص آدم کوندردی . اوزمانه قدر میخال بک ایله هیچ
 مذهب لقردییی ایتمه مش و اختلاف مذهب ایله برابر کندیسینه
 برادر لفظیله خطاب ایتمکندن ده چکنمه مش اولدیغی حالده
 امارت اسلامییه مقامنه واصل اولنجه سیاسی احتیاطلردن ده
 مجرد ایدرک کوسه میخال بکه حسی و خالصانه تکلیف
 اسلام ایلدی . کوسه میخال بک ایسه حد ذاتنده نظر حکیم
 اصحابندن بر ذات اوله رق اخلاق اسلامییه نک علو و شرفنی
 پادشاهک ذاتنده متشخص و دین محمدینک بر بیوک معجزه سنی
 هیچ بر دشمن قارشیسندنه آغزی دونمه مش عثمانلی قلیچنک
 جوهر تابدارنده لامع کورمشیدی ، پادشاهک تکلیفی ممنونیتله
 تلقی ایلدی .

دقایق سیاسییه ده و خصوصیه صدق و وفاده بر رمزیت فوق العاده
 اظهار ایتش اولان او یله قیمتدار برذاتی اخوت اسلامییه دائره سینه
 آلمنی بر بیوک اعانه غیبیه عد ایدرک آنی و قوه مجموعه سنی
 استصحاب ایله ۷۰۸ تاریخنده سقاریه و لفکه آره سنده کی یرلره
 هجوم ایتش و پیشگاه عزمنه تصادف ایدن قلعه لری برر جمله ده
 ضبط ایلیرک طلیعه اقبالی تابوغاز ایچنده کی استاوروزه قدر
 ایصال ایشدی . بو ته دید قهرمانییه قارشی نه تا تار اردوسی

بناءً علیہ بکر ہزاران شوہر دنیلمکہ شایان اولان پرنسی محمود غازانک برادری خدا بندہ یہ عرض و تکلیفدن چکنمدی! طالعه دقت اولسون کہ اوده قبولدن چکنمدی . امپراطورک ترویج مطلبندہ ایسہ محمود غازانده فوق ایدرک برادر بنک آناتولیده کی ملوک طوائفہ کوندردیکی امری تأکید ایلدکن بشقہ نشانلیسنہ حین حاجتده امداد ایچون اوتوز بیک کشیلاک برده اردو ترتیب ایلدی .

پرنسس ماریہ ایسہ نشانلیسنک مواعیدینہ مغروراً بالذات ازنیقہ کلہرک کویا وجودیلہ اورای تعرضدن مصون اولہ جق برحاله کتورمک ایستدی ؛ سلطان عثمانہ طارغان بکک او جواردن قالدیرلمسیچون تہدید آمیز خبرلر کوندرمکہ بیلہ جسارت ایلدی . بو تہدیدلر ایسہ سلطان عثمان زدنندہ آرسلانہ سلاح کوسترمک یولندہ بر تاثیر اجرا ایتمشدر ! شہریار عالیہمت خاندانی ماوای قدیمندن مہجور ایدن تاتارک دنیانک دیگر برکوشہ سندہ کی دولت نوضہوریندہ انفاذ حکم ایتمک ایستمنہ و او سایہدہ برقادینک برقہرمان ملتی اخافہیہ جسارت ایدہ بیلمنہ بردرجہدہ غضبناک اولمشدی کہ فکری نہ قدر تدبیرہ ، دولتی نہ قوتہ مالک ایسہ جملہ سنی دشمنلرینک رغنم و تحقیرینہ صرف ایتمکہ عزم ایلدی . معافیہ فطرتندہ اولان کلمات فوق العادہ جہتیلہ کمال تہور حالندہ بیلہ ینہ تدبیردن اول شمشیرہ مراجعتی جائز کورمدی .

خرمسرای حظوظاتنه بنات ملوکدن بر نازنین علاوه سنه رغبت ایتک استبعاد اولنه جق حالردن دکلدرد. فقط ماریه نك وعد تزویجی اوزرینه استانبول ایمپراطورلغنه تعرض اولنماسی ایچون سلجوقیه ملکنی افتراس ایدن ملوک طوائفه امرلر کوندرمشدر ، محمود غازانک ایشته بو خرکتنه تعجب اولنور . چونکه روملره تعرضدن منع ایتدیکی ملوک طوائف مسلمان اولدینی کبی کندیسیده اسلامیتله مشرف اولمشدی . بو معامله غریبه نك اسبابی تحری یولنده برار تعمیق فکر اولننجه کوریلورکه محمود غازان واقعا قبول اسلام ایلشدی ، فقط هادی رشادی اولان فازوق ثانی نوروزبکی فیروزانه ویادها طوغریسی نافیروزانه بر طرز ایله شهید ایلدیکنان کرک کندی وکرک دولتی او انسان کاملک تربیت حق پرستانسندن لایقوله مستفید اوله مادی .

بناءً علیه ایلخانیه دولتک اسلامیتی یالکزجه کله شهادتک تلفظندن عبارت کبی قالدی . امور ادارهده ینه تاتار عادتلری اورالرجه قواعد اسلامیه یه غالب ایدی . طرف ایلخانیدن صادر اولان امرلرده اسلامیت وانسانیته موافقت آرمق کسه نك خاطرینه بیله کلزدی .

مکر الهی عداولنه جق اتفاقا تندرکه ماریه نك او چنجی نشانلیسی اولان محمود غازانده قزی آلمغه و عثمانلیلره مسلط اولمغه وقت بوله مقسزین وفات ایتدی ؛ فقط ماریه ینه صاغ ، استانبول ایمپراطوری ایسه پولتیقه سنده مصر ایدی .

استانبول امپراطور لغی موقعاً کندی ملکینه بعید بولماریینه و دائماً اسلام ایله اوغراشدقلرینه نظر آ تاتار حکومتی یار طبیعی نیلمش وهله خلافت عباسیه نك محوینه چالیشان هلا کویله مناسبت پیدا ایتمکی صورت مخصوصه ده التزام ایتمشیدی . دکرلی دکرلی هدیه لر ، بیوک بیوک وعدلرله هلا کویه اتفاقنی قبول ایتمیره دک همشیره مادر بختطاسی اولان پرنسس ماریه یی آغوش ازدواجنه نامزد ایلمشیدی . هلا کو پرنسس ماریه نك وصالندن و بلکه جمالندن بهره دار اولمقسزین ره نورد جحیم اولدی .

امپراطور طوتدینی مسلك اتفاقجویانه ده دوام ایدرک ماریه یی آباقایه نامزد ایلدی . بو صورتله آباقایی عثمانلیره مسلط ایتمک ایستردی . فقط مقصدینی استحصاله موفق اولمقسزین آباقاده دار مجازاته کیتدی ؛ پرنسس ماریه ایکنجی نشانلیسندن ده طول قالدی و امپراطور طرفندن آباقانک یرینه تحت ایلمخانیه جلوس ایدن محمود غازانه عرض ایلدی . اوده ، دهها حرمسرای وصالنه داخل اولادن وفات ایتمش ایکی قوجه دن آرته قالمه بر قادی نكاحنه قبول ایتمدی ! نه بویله بر ازدواجک حد ذاتنده یاقیشیق آلمیه جفنی دوشوندی ، نه ده تاتار آره سنده پک زیاده دقت ایدیله کلن شامت قدوم مسئله سنی خاطرینه کتیردی .

محمود غازانک شهنشاه عنوانیه طوغریدن طوغری یه وبالواسطه آسیانک هان یاریسنه حکمی جاری ایدی . بویله اقبال وعظمتک منتهای کالنه واصل اولمش بر جوان بختیاره کوره

فرار ایتدی . فقط آرقه‌سندن یتیشیله‌رک قوماندانندن ایستنادی .
 اوده عثمانلی پادشاهلری اولوباط کوپریسندن کیمیه‌جکینه دائر
 سلطان عثماندن بر وعد آله‌رق ملتجی‌ی تسلیم ایلدی .
 اورویا مؤرخلری سلطان عثمانک کته حاکمنی طلبیده
 کوستردیکی شدته تعریض ایدرلرده اولوباط حاکمنک کندینه
 التجا ایتمش بر آدمی منفعتی اوغرینه فدا ایتمکده اختیار ایلدیکی
 آچقلغه برشی دیمزلر !

پادشاه بوغالیبتدن صکره کته حاکمنی قلعه‌سنک قارشیسنه صلب
 ایتدی ؛ اوراسنی ده (کستل) قلعه‌سنی ده فتحه موفق اولدی .
 وقتا که ۷۰۸ سنه‌سی داخل اولدی ، عثمانلی قهرمانلری‌نک
 نوجوانلردن قره علی که آیفور آلک نجل کزینیدر ، بر فرقه
 ایله سوق اولندی . مدانیه کورفرزینک قارشیسنده بولنان (قالولینی)
 ویا خود تعبیر آخرله (امیر علی) آطه‌سی تسخیر ایلدی . آطه‌دن
 آلتان غنائمک ک قیمتداری حسن بیهمتایه مالک بر روم قزی
 ایدی . پادشاه او جوهر نایابی خدمتنه مکافاة قره علی بکه بخش
 ایشدر .

اوزمانلر روم امپراطور لغنده بولنان اندرونیکوس پالئولوغ ،
 طوغرییدن طوغری‌یه سوق ایتدیکی عسکرکده او زمانه قدر بر
 چاپولجی فرقه‌سی ظن ایتدکلری عثمانلیلرک قوه قاهره‌سنه قارشی
 طوره مدیغنی کورنجه بو خصم نوظهوره قارشی بر معین مقتدر
 تدارکنه احتیاج کوردی ؛ بتون جهانه غالب مطلق کچنمکده
 اولان تاتار حکومتته مراجعت ایلدی .

ترقيده كيدر سه كنديلري ايچون فنا بولوق مقرر اولديغني پيش نظره آلهرق يا محو ايمك يا محو اولوق عزم قطعي سيله عسكر جمعنه باشلاديلر . مقصدلري ممالك پادشاهي يه هجوم ايدى . فقط سلطان عثمان او كلفته حاجت براقدى . على العجله طويلايه بيلديكي مجاهدين ايله اوزر لرينه يوريدى ، قويون حصارى جوارنده دشمن اردوسنه يتشدى ، محاربه پادشاهك بولنديني غزواتك همان كافه سندن شدتلى ايدى ، حتى بر آرهلوق سلطان عثمانك برادر زاده لرندن آي طوغدى بكك شهيد اولسى اوزرينه عساكر اسلاميه خيلى قاريشتملق كلشدى . شهر يار مجاهد اقدامات واقعه سيله اعاده انتظامه موفق اولدى ، عسكر كنديني طوپلادوقدن صكره ايتديكي هجوملره غالبيتي ده احراز ايلدى .

هامر ، آي طوغدى بكك يدي سنه اول ينه قويون حصارى جوارنده ايمپراطور عسكريله وقوع بولان محاربه ده شهيد اولديغني بيان ايدر ؛ فقط ديكر تاريخلر بكك شهادتي بو محاربه ده وقوع بولوش اولديغنده متفق الكلمه در .

پادشاهك همان هر مهم محاربه ده اعضاي خاندانندن بريني شهيد ويرمش اولسى ، اوزمانك الك بيوك اصحاب سيني اولان عثمانلى دلاورلري آره سنده بيله قهرمانلر قهرمانى اولوق مزيتى ارطغرل زاده لره عائد اولديغني كوسترر .

دشمن طرفندن كستل حاكي ميدان حربده تلف اولدى . سبب جمعيت اولان كته حاكي ايسه بيك مش قتله اولوبا طه قدر

عثمانلى قهرمانلىرىنىڭ صولتىنى تزييددن بشقه برنتيجه ويرمديكندن
 نهايت برهزيمت فاحشه ايله منهزم اولديلر. عثمانلى عسكرى ايسه
 بومظفريت اوزره برقاچ قلعه فتح ايلشردر .

حضرت پادشاهك برادر زاده لرنندن آي طوغدى بك بو
 محاربهده احراز شهادت ايلدى .

سلطان عثمان بومظفريت جليله يي متعاقب هدف الحركاتى
 اولان ازמיד اوزرينه كمش ايدى . قلعه نك رصانت فوق العاده سى
 جهتبه هجوم ايله فتحنه امكان كوره مدي . برقلعه نك مدت مديده
 محاصره سيله بالذات حصر اشغال ايتك ايسه فكرينه مغير ايدى .
 اوجهته ازنيقك موارداتنى قطع ايجون بر مناسب نقطه يه برقلعه
 انشاسيله محافظه سنى اعتماد ايتديكى امرادن طارغان بك رياستنده
 اوله رق يركوچك فرقه يه احاله ايتدى .

منجم باشينك روايتنه كوره بوفرقة يالكزجه قرق دلاوردن
 عبارت ايدى . واقعا عثمانلىلر ك خصايص قهرمانسى بوساحب
 ظهورك تربيت اقتدار پرورانه ومثال فدا كارانه سياه بردرجه يه
 وارمشدى كه قرق اليسى بريره كلنجه قوجه قوجه شهرلى
 تضيق وتهديده مقتدر اولوردى .

ازنيقك تاريخ محاصره سى اولان يدى يوز ايكي سنه سندن
 يديوز يدى سنه سنه كلنجه يه قدر پادشاهك زمانى آسايش ايله
 كچمش ايدى . اوتار يخنده ايسه (كته) و (بروسه) و (ادرنوس)
 و (كستل) محافظلرى ، عثمانلىلر ك سلطنت نوظهورى او طرز

ایمپراطورنگ کی حدودده کی قلعه لریده قوماندان اولانلره برچوق پاره لر ویریلور ، برچوق برلر تملک ایدیلور واموال غنائمده کندیلرینه ترک اولوردی . میشل بالئولوغ استانبولی فرنگلردن آلدقن صکره قوماندانلره پاره ویرمدکن بشقه آغیر آغیر ویرکولرده تحمیل ایتمکه چالشمشدی . سناء علیه بوایللی اجنبیلر کندیلرینه تودیع اولنان قلعه لری غیرتله مدافعه ایتمز اولدیلر .

محافظلرک غیرتسلکی آزلغنه دلالت ایتمز . مع مافیہ روم ایمپراطورلنی بوقله لرک محافظلرینی تزید وتشویقده مسامحه ایتش اولسه بیلہ سلطان عثمانہ قارشى مدافعه لرندہ هیچ قصور ایتمه مش ایدی . چونکه پادشاهک اورالره طوغری حرکتی خبر آلدینی کبی مقابله سنہ ایمپراطورلنگ قوه موجوده سیله خاصه قومانداننی کوندردی .

فریقین دیل طرفندہ قیون حصاری جوارندہ یکدیگریله تقابل ایلدی . بودفعه ایسه اوزمانہ قدر مزیات جلادتلری قلعه محافظلریله اوغراشمغه منحصر عد اولنان عثمانلیرله اصل ایمپراطور عسکرینک برنجی محاربه سی اوله رق ایکی طرفک مقداری ده پک نسبتسز ایدی . فرقه اسلامیه نک برحله ده محو اوله جغنه روملرجه هیچ اشتباه اولماز ایدی . بونکله برابر ایمپراطور اردوسنک ده سیف عثمانی به قارشى قلعه محافظلرینک تدارک ایدہ بیلدکلری عسکردن هیچ فرقی اولمادی . واقعا روملر کثرتاریله برابر بزخیلی ثبات ده کوستردیلر . هله قویون حصاری پیشکاهنده طوره بیلملرینه امکان قالمینجه منتظماً وتدریجاً چکیه لرک پک شدتلی مدافعه لرده بولندیلر . فقط بو شدتلرده

ولتر «برای پادشاهین ایسه، بر فنا قانونه اطاعت خیر ایدر.»
 دیمش؛ واقعا افراد ایچون اوله در. چونکه بر فنا قانونک معلوم
 اولان شدتندن توقی ممکندر. فقط برای حکمدارک مستور
 اولان انفعالاتندن قورونق قابل دکلدر. حکومتجهده ای مأمور
 بولق ای قانون یا مقدن الزمدر. چونکه فنا مأمور لر ای قانونی
 تطبیق ایدرکن فائده دن اسقاط ایدر، ای مأمور فنا قانونی
 اجرا ایدرکن ضرردن ممکن مرتبه تجرید ایده بیلیر.

سلطان عثمانک تحت پادشاهی به کچدکن صکره برنجی همت
 مجاهدانه سی ده کوپری حصارینک ضبطنه مصروف اولمشدر.
 کوپری حصار مملکتک آره سنه صوقلمش، محافظی ده اسلامه
 تعرضدن خالی اولدیغی جهتله دهها بکلکنده برقاچ دفعه محاصره
 ایتمش و فقط هر برنده بر مانعه به تصادف ایدرک محاصره بی رفع
 ایلش ایدی. بودفعه اینه کول کبی کوپری حصارینی ده علی الغضله
 بر صباح باصدی، محافظلری خواب غفلتدن او یانوبده کندیلرینی
 طولانیجه به قدر تسخیر ایدیوردی.

سلطان عثمان کوپری حصارینک فتحندن صکره - بک ایکن
 علاءالدین ثانی به کوندردیکی عرض اخیرنده بیان ایلدیکی - غزای
 اکبره عزم ایدرک مرمره حصارینی دائره اطاعتنه آلدی و از نیقه
 طوغری یوردی.

هامر روم تاریخلرندن روایتله دیرکه:

پادشاهی بو عزمه سوق ایدن هرشیدن زیاده قلع، لرده بولنان
 محافظلرک قلی ایدی. پالکولوغ خاندانک سلطنتندن اول استانبول



سلطان عثمان اول

شهریار صاحب ظهور ملکنی بالاستقلال اداره یہ باشلانجہ ایلک تدبیری اولق اوزره او ملکی سنجاقلره تقسیم ایتدی . هر سنجاغک اداره سنی ده امراسنک معتمدلرندن بر صاحب اقتداره تسلیم ایلدی . بو صورتله سلطان اوکنی اون طقوز یاشنه کیرمش واحکام جهاننداری ایله ائتلاف ایدهجک زمانی کلمش اولان نجل کزینی شهزاده اورخانه ، اکی شهری برادری کوندز آلبه ، این اوکنی ایغور آلبه ، یارحصارینی حسن آلبه ، اینه کولی طورغود آلبه توجیه ایلشیدی . زمان مبادی ظهور اولق جهتیله اخلاقده موجود اولان متانت وصافیت سایه سنده ملکک حسن اداره سنی تأمین ایچون یالکز آدم انتخابی کفایت ایلدی .

ایشه آدم انتخابی پک ساده بر تدبیر ایدی . فقط بر ملکک اکی قاریشق ، اکی اخلاقسز زمانلرنده بیله بدرجهیه قدر حسن- اداره سنه مدار اولیور . هله آدم انتخابنده موفقیت حاصل اولدتیجی، هر نه یاییلسه حسن اداره مقصدینی استحصال قابل اوله میور .

قاعدهٔ استقلالنه ، خطبهٔك نامنه انحصارندن بشقه بر زمان
تعیین اولنه‌ماز . بیعتك تمام اولسی ایسه کسهٔك قز ایچمنه
محتاج دکلدز، او مقصدك حصولنه اطاعت فعلیه کافیدر .

اشته ۶۹۹ سنه‌سنده، بروقتلر دنیاك اك بیوك دولتلارندن
معدود اولان سلجوقیهٔك بقیهٔ اخیره‌سی ده منقرض اولدینی کبی
جهان اسلامیتی ظلام و خون تعدی یه غرق ایتمش اولان یدنجی
عصر هجری، محمدیلره ایراث ایتدیکی نخوسیتله برابر قرین ختام
اولشدز .

هر کیجهٔك خاتمه‌سنده بر کونش طوغدینی کبی بر لیلهٔ
عواصف آلوده شییه اولان او عصر مصائب‌ده قانلر ، قرانلقلر
ایچنده نهایته ایرمکده ایکن عثمانلیلرک ، عصرلرجه شعشه‌سی
عالمکیر اوله‌جق آفتاب سلطنتی پرتو نمای ظهور اولغه باشلادی .




سائرہسی کندی پادشاہ ایدن بیچارہ بر قوم اوزرنده تاتارک واسطہ تعدیاتی اولمقدن عبارتدر .

۶۹۹ سنہسی داخل اولنجه محمود غازان ، علاء الدینی پادشاہلقدن عزل ایتمش ویرندهده هیچ کسه تقرر ایدہمہمش ایدی . بو جہتلہ عثمان بکک متبوعی قالمادی ویناء علیہ خطبہ شرعیہ کندی نامنہ انحصار ایلدی . اکثر مؤرخینک ظہور عثمانیانی ۶۹۹ سنہسندن اعتبار ایتمی علاء الدین ثانیکن معزول ویناء علیہ نامنک خطبہلردن ساقط اولسندن نشأت ایتمشدر .

مخالف الاخبارده « دبار رومده دولت سلاجقه انقراض بولدقده ترکان بکری مغول طاقہسنہ اطاعتدن استنکاف ایدوب بالجه غازی حضرتلرینک شمعنہ جمع اولدیبر واوغوز خان قاعدهسی اوزره اوکنده دیز چوکوب غازی دخی ہر برینہ بر قدح قرصوندی آلوب اطاعت نوش ایتدیبر . پس بو وجہلہ آتی یوز طقسان طقوزویا خود یدی یوزده امر بیت تمام اولدی . دینیلیور .

حال بوکە سلچوقیہنک انقراضی اوزرینہ حوزہ اطاعت عثمانیہ کلمش ترکان بکری نہر بشقہ تاریخده کوریلپور ، نده مخالف الاخبار صاحبی بوکا دائرتفصیلات ویریور . مع مافیہ عثمان بک استقلال بولدینی زمان احتمالکہ اطاعتنہ کیرن ویا اولدن بری تابعیتندہ بولنان ترکان بکلریلہ اویلہ بر تشریفات ده اجرا ایتمش اولسون . تاریخ نظرندہ اوذات عالی منزلت عشرت بکی ویا قبائل پادشاہی دکل ؛ عہدہسندن سلچوقیہنک اطاعتی ساقط اولدینی زماندن اعتباراً عادتاً امیر المؤمنیندر . بناء علیہ



عثمان بلك ابتدای امارتندہ قونیہ تختندہ بولنان غیاث الدین
ثالث کہ صاحب ظہورک امارتی نہ رد و نہ قبول ایتمشیدی ،
آلتی یوز سکسان برہ قدر تاتارک زنجیر تغلی آلتندہ ایکلدکن
صکرہ دارمجازتہ انتقال ایلدی . یرینہ کلن غیاث الدین رابعک زمان
سلطنتی ملکینک مالنی صویہرق تاتارلرہ تقدیم ایتکلہ کذار ایتدی .
ایش بر درجہ یہ ککشیدی کہ مقاطعہ طالبلری طوغریچہ ایلخانک
پایتختنہ کیدر ، تحملندن زیادہ بدل ایله ساجوقیہ ملکینک برجزوئی
الترام ایدرک خلقک کہنہ لباسنہ وارنجیہ قدر موجودینی یغما
ایدرلر ایدی . غیاث الدین ایسہ بو حالک منعنہ دکل ، تقبیحنہ بیله
مقتدر اولہ مازدی . سیہ خون مظالم ایله مستور اولان آناطولینک
حالنہ نسبت عثمان بلك بارقہ شمشیریلہ لمعہ دار عدل ورفاہ اولان
سکود ایالتی ، غایت قورقنچ بر لیله ظلمانیہ افک برکنارندن
پرنور نثار اولغہ بانلامش برقاچ کونلک ماہ نوہ بکزردی .

غیاث الدین رابعک لسان ستایش ایله یاد اوله جق بر حرکتی
وارایسہ اوصاحب ظہورک امارتی تصدیق ایله تطیب و توقیرینہ
کوستردیکی مسارعدر . آندن صکرہ کلن علاء الدین ثانی دہ عثمان
بکی تطیبیدن بشقہ ذکرہ شایان هیچ برشی یامادی . افعال

طقسان یاشنی متجاوز بر ذاتک اعدامی واقعاپک فاجع
 کورینیور . حرکتی ضعف شعورینه حمل اولنسهده یا معفو
 طوتلسه و یا اعدامندن بشقه برشی ایله جزا کورمش اولسه
 او زمانک تاریخی مطالعه ایدنلراچون موجب ممنویت اولوردی .
 فقط شو حقیقتده پیش نظر دن آیرلاملبدرکه دوندار بکک
 متهم اولدینی مسئله، دین و ملت دشمناریله اتفاقدیر . بو مناسبتله
 متهم اولانلر عصر مدنیتده بیله اعدامدن بشقه برشی ایله جزا
 کورمیور ، محاکمه لرندهده ضعف شعور کبی اسباب مخففه
 آرانمیور .

بو حالله بناءً عثمان بکک دوندار حقتنده کی معامله سنده
 معذور اولدیغنی تسلیم ایتمک لازم کلور .



اتخاذ ایلین ظلمه نك بيله ارتكاب ایده بيله جکی جنایتلردن
دکلدر .

شوراسی ده شایان دقتدرکه بیهوده یره بویله بر غدارلغک
اجراسی ده مشکل و بلکه محال ایدی . چونکه عشیرت طاقنک
نجابته ، شیخوخته معلوم اولان حرمت فوق العاده لری جهتیله
دوندار بك عموم نظرنده برشیله مهتم اولمسه البته عشیرت ایچنده
کندیسنه برچوق طرفدارلر پیدا اولور و اویله قولایلقه از الهسی
قابل اوله ماز ایدی . شجاعت پرست اولان عثمانلی امراسنک
بک لری اولان قهرمانه محبتلری فوق العاده ایدی . فقط مجربات
عالمندرکه بر ملتک زمان ظهورنده کلن دلاورلر آمرلینه
نه قدر اطاعت و محبت ایتسلر او اطاعت و محبتی بر عصر قدر
یاشامش نجیب و محترم بر ذاته جلاد اولق درجه سنه کوتور منزلر .

ایشته مطالعات مشروحه یه نظراً بالاتردد دنیله بیلورکه دوندار
بك یافی الحقیقه حرص پیری سائقه سی وضعف قوی عارضه سی ایله
کندیسنه اسناد اولنان جنایتی ارتکاب ایتشیدی و یاخود عموم
طرفندن او جنایتی ارتکاب ایتش اولسنه حکم اولنمشیدی .
اما دوندار بکک جنایتی بر صورت مشروعه ده ثابت اولمشمی ایدی ؟
بزم زمانمزك معاملاتنه نظراً البته ثابت اولمامشیدی . فقط اوزمانک
معامله سنجه ثابت ایدی . وارد اوله بيله جک هر درلو تعریضات
او زمانک معاملاتنه عائددر ؛ او معاملاتک دوندار بك مسئله سنه
تطبیقنه دکل .

خطور ایدیور . تعمیق فکر اولندجه تکثر ایدن شکوک ایسه
بک قولایلقه حل اولنمایور .

دوندار بک طقسان یاشنه وارمش واوسنه قدر تابعیتده
قامش اولدینی حالدہ منتهای عمرنده دولت دنیا ایچون آخرتی
تخریب ایتکی کوزه آلوبده برادرزاده سی علینه دین دشمنلریله
اتفاق ایتش اولسنی قولایلقه عقل قبول ایتمز . فقط او درجه
ایلری وارمش اولان اختیارلقدن اکثریت اوزره قویله ترتب
ایدن خلل معلوم اولدیغندن دوندار بک اویله بر عارضه یه مبتلا
اولمش اولسی مطالعه سی روایت واقعه نك احتمال صحتنی مؤید
اوله بیلور . هله عثمان بک الدہ بر قوتلی سبب اولمق سزین
عمجه سنی اتلاف ایتش اولسی همان هر فعلنده ابراز ایده کلدیکی
حکمت جهانداورانیه یاقشماز .

دوندار بک انفعالی عثمان بک ابتدای امارتنده اظهار
ایتش اولدینی وآرهدن سکنز سنه کچدیکی حالدہ هیچ برشی
یاهه ماشدی . بقیه عمرینک ایسه کندندن احترازه دکه جک قدر
نه بر اهمیتی نه ده احتمال امتدادی وار ایدی . بویله حکمسز
فقط سن و نجاتی جهتیه محترم بر آدمی جزوی بر سبب ایله
اولدیرمک ، عدالت شرعیه و حکمت سیاسیه ده کالی بیک دلیل
ایله ابراز ایتش اولان بر دولت مؤسسنگ دکل ؛ بنیاد حکومت
قان ایله تحکیم اولنور ظن ایدن وخوزریلکی کندیسنه ذوق

هامر و تهنی شودرلو نقل ايدر :

عثمان کوپری حصارى محافظتك اوزرينه کيتمه دن اول سلاح ارقداش لریله مشاوره ایتدی. یتش سنه اول ارطغرل بك ایله برابر اخلاطدن روه ککش اولان و لاقول طفسان یاشنه واصل بولنان اختیار دوندار بك ده مجلس مشاوره ده داخل ایدی . عثمانه تعریض ایتدی ، بو تئیبی کر میان اوغللری و روم امیراسی کبی حسود و بدخواه بر طاقم قومشورلی علیهنده تحریک ایده جکئی اخطار ایلدی . فقط عثمانک کر می اقدامی اختیارک حزم باردینه اتباع ایده مدی . عثمان جواب یرینه یانی آله الدی ، اختیاری اعدام ایتدی .

هامرک روایت ایتدیکی یولده بر معامله سلطان عثمانک تاریخلرده مضبوط اولان احوال و اخلاقنه توافق قبول ايدر شیردن دکلدر . حد ذاتنده ایسه او یولده بر وقعه عالم سیاستده دکل ، تیاتر و تماشا کاهلرنده بیله جریان ایده منز ! او جهتله روایت یالکیز هامرک طرزینه منحصر اوله ایدی ، اصحاب تحقیق ایچون مسئله یی محاکمه قابل اوله ماز و بلکه وقوعنه بیله اینانیله مازدی . فقط دیکر . بر روایت ایشی قناعت کله جک مرتبه ده دکلسه ده بر درجه یه قدر ایضاح ایلدی کندن آندن بر حقیقت استخر اجنه چالیشه جغز .

وقعه نظر تدقیق او کنه آلننجه هر شیدن اول عجا دوندار بکک بیله جک محافظینه اتفاق خفیمی صحیح می ایدی ؟ یوقسه اضاعه سی مطلوب ایدی ده حقنده او یله بر افترا می ترتیب اولندی ؟ یا خود دوندار بک او یله بر اتفاقده بولنما مقوله برابر بولندیغنی کویستره جک بعض حرکتلری اختیاری ایتدی ؟ مسئله لری ذهنه

برده دوندار بکک اعدامندن بحث ایتمین تاریخلرده وفاتنه دائر
هیچ بر سوز کوریلهمیور . بناءً علیه بوسکوت ایشک عدم
وقوعندن زیاده وقعه نك کتمی التزام اولنمندن نشأت ایلدیکنه
حکم اولنلق لازم کلیور .

تاریخلرده وقعه نك اسبابنه وصورت جریاننه دائر قناعت
بخش اوله جق قدر تفصیلاته تصادف اولونه میور . کوریلن روایاتک
خلاصه صی شودر :

دوندار بک ریاسته نائل اوله مادیغی زماندن بری عثمان بکک
هان هر فعلنه اعتراض ایدردی . فقط بوتعریضاتک سیاسی
بر تائیری اولدیغندن عثمان بک عمجه سنی زجر و تأدیبه لزوم
کوزمزدی ، نهایت دوندار بک بیله جک محافظیله خفياً اتفاق
ایلدی . فقط ایلریده اتفاقنک میدانه چیقوبده امرا بیننده
عثمان بکک قاتلی اولمقله متهم طوتلماق ایچون برادر زاده سنی
ظاهرده ضیافته کتمکدن منع ایدر یولده بعض رأیلر بیان ایتدی .
بیله جک حادثه سنک موفقیتی ینه عثمان بکده قالنجه غیظ درونی
بتون بتون اظهار ایتمکه باشلادی . حتی اوتهدن بری عثمانلیارک
دشمن جانی اولان کورپی حصار خرستیانارینک استیصالنه
بر چاره تدارکیچون عقد اولنان مجلس مشورتده دوندار بک
معارضه بی بیاغی امرایه فتور ویره جک و عسکر آرمسنه فتنه
دوشوره جک درجه لره قدر کورتوردی . او جهته ضرر خاص
ضرر عامه ترجیح اولنهرق جمله نك اتفاقیه اعدام اولندی .

ومرونده ثبات ایتمندن حاصل اولان مفتونیت سبب اولمشدر ،
دنیسه یا کاش بر مطالعه بیان اولنماش اولور ظن ایدرز .

عثمان بك ۶۹۸ سنهسنده کی مساعی جهادی این اوکنک
فتی وکوپری حصارینک محاصره سیله ختم ایتمشیدی . فقط
سنه نك وقایعی بومساعی جهاد ایله تمام اولادی . عثمانلیلرک
خاندان حکومته متعلق برنجی فاجعه سی ده ۶۹۸ سنه سنک
اواخرنده ظهور ایلدی ؛ یعنی ارطغرل بک برادری دوندار بک
امر عثمانی ایله اعدام اولندی .

بوذات بیوک برادر ایله برابر آلتی یوز اوتوز تاریخنده سکوده
کلدکن صکره کذار ایدن آلتمش سکوز سنه ظرفنده یالکزجه
عثمان بک امارته منفعل کورنمکدن بشقه هیچ بر ایشده نامی
یاد ایتدیره جک بر اثر حیات ابراز ایتمه مش اولدینی حالده
منظره حوادنده بردن بره سلاح اعدام اوکنه دوشمش کوریلنجه
فکره برطور غونلق کلیور ، نظر تمیز وقعه یی رد وانکار ایتک
ایستبور . اکثر تاریخارده دوندار بک اعدامندن هیچ بحث
اولنماش اولمی ده بومطالعه یی ده مؤید کورینبور .

فقط ادريس بدلیسی تاریخنده وقعه یی ایراد ایتمش اولدیغندن
تدقیقات تاریخیه جه آنک روایتی قبول ایتک ضروریدر . چونکه
مولانا ادريس بوتاریخی سلطان سلیم اولک امریله یازمش ایدی .
مؤسس دولتک شان جلیلنه تقیصه ویره جک بر وقعه یی ،
اگر ثابت ومسلم اولسه او ایله رسمی برکتابه درج ایتمز ایدی .

غزا مالندن بياھ يالکوز عهده سنده کي پادشاهلق عنواننک عظمتني محافظه ايچون احتشام سلطنته متعلق اولان محوهرات واقشه - ذلليا (ايلخاننه) کوندرمک ايچون - غلمان وجواريء مرغوبدن بشقه برشي ايستميور !

بو معامله کريمانه به سبب عجباً علاء الدينک مشرب مروتمندانه سيمي ايدي ؟ اوله ماز . چونکه کندنينک نه قدر ذني برشي اولديني اجدادينک ملکنده تاتارلرک مظالنه جلاد اولمسيه ثابتدر . ياخود عثمان بکي حين حاجتده دواني محافظه ايتک ايچون اميدکاه عد ايده جک قدر احتياطکار لغيمي ايدي ؟ اوده اوله ماز ، چونکه بر سنه صکره تاتار حکومتي کنديسني سلطنتدن عزل ايتدي ، حبسنه فرمان کوندردي ، درانتي محافظه ايچون عثمان بکي ياننه چاغرمق دکل ؛ نفسني محافظه ايچون عثمان بکک ياننه کيتمک بياھ خاطرينه کلدي .

يا نه ايدي ؟ بزه قاليرسه عثمان بکک مشربنده ، جود اولان علويت فوق العاده نك اداني ني ده حرمت وحيره مجبور ايده جک قدر تاثيرات بليغه کوسترمسي ايدي . علاء الدين منشورنده عثمان بکي « ايام فرستده که هنکام غبضتدر ؛ مراسم جانسپارنده انواع دقتله دقيقه فوت ايتيوب ، سوزليله زعف ايلسيور .

ايشته امير مجاهد حقنده علاء الدينک ابراز ايتديکي موالات مخصوصه يه ، خوف و ضرر و اميد فائده دن قطع نظر يالکوزجه برفرست زماننده دولتنی محو ايتمکه . قنندر ايکن مسلك وقار

آلتونلى قلیچ و بر نوى سمند دلبند چندیانه سیم رخت و صچاق ايله یوز بیک درهم تقدیمدن غیری بیک نفر جبه و جوشن و خود برکستوان و ایکی بیک قبضه کمان الیشر اوقیه مملو جبهلری برله و بیک بشیوز قیه سپر و اوچ بیک قبضه قلیچ و خنچر و ایکی قطار دوه یوکی سنان خصم سستان ايله مربوط کوندر ارسال اولنوب و رسم بوغچه و تشریف و شرفان خاصه و عشر بوابیه و رسم پی و یرلیغ و عادت پروانهدار و صدسه دفتر نویس و معاوضه طغران و طعمه خواهی باز و پوز و پیشکش نوروز و مشرفات سالیانه و سلامانه ملوکانه دن بالجه شان سعادت نشانکی فارغ البال و متضی الامال قلوب خاطر خاطر که اولباده جزوی و کلی نسنه ایرکیرمیوب « عبارهلری نظر عبرته چارپیور .

علاءالدین ، کندی پی پادشاه ایکن اسیر ایدن تاتارلره قارشی بر آووج عسکر تدارک ایده مدیکی حالده عثمان بکه بیاغی براردولق سلاح کوندر پیور . همده عثمان بک طرفندن طلب و وقوع بولدیغی حانده ، شاید احتیاج کورینوردیه کوندر پیور . بوکقناعت ایتیمور ، کل یوم بر مظفریت جلیله نك غنائمه نائل اولمقده اولان برذاته ، اسکی چورابه قدر طمع ایدن تاتار یغما کرلرندن ، خلقک جانی آلمغه چالیشان ملتزم یغما کرلرندن قور تاره بیلدیکی جزوی ایتدن پاره بیاه تفریق و هدیه ایدی پیور ! بوکاده قناعت ایتیمور ، مافوقنی تقدمه سیاه کیندیرن امرانک مادونک تقدمه سیاه کینمسی طبعی ایکن عثمان بکی ، قونیه یه کوندرمسی مقن اولان عائدانن معاف طوتیور .

اسكى شهر دن يكي شهره وارنجه برسنجاقلق ير اعتباريله سعادتمد
 مشارالیه تقلید ایدوب بیوردم که « عباره سیاه ثابت اولدینی اوزره
 عثمان بکه طبل و علم کتیرن بومنشوردر . اسکی شهر طرفلری ده
 بومنشور ویرلدیکی زمان سکوده الحاق اولنمشدر . بناء علیه قره
 حصار فتحنی متعاقب طبل و علم کلدیکنه ویا خطه بیده اسکی شهرک
 الحاق اولندیغنه دائر اولان روایتلر یا کلش ویا هیج اولمازنه
 دلیلدردر .

عثمان بك حضورنده بومنشور او قوندینی زمان کلن طبلخانه
 نوبت چالمش و عثمان بك آیاقده طورمشیدی . او زماندن فاتح
 دورینه قدر نوبت سلطانی چالاقجه سلاطین عثمانیه آیاقده
 طورلردی .

حکمر عاداته و خصوصیه او عاداتک پکده شانلی براسادن
 منبعث اولیانرینه اتباع ائمه کی استقلال شاهانه می مقتضیاتندن
 عد ایدن فاتح بوقاعده نابجایی ده لغو ائمشیدی .

بخت ایتدی کمز منشورک نهایتارنده « جواهر متقومه واقشه
 متنوعه دن لایق احتشام سلطنت اولانی غلمان وجواری مرغوبه
 برله جناب سلطنت مآبمه روانه ایلیه ودروع واسلحه اقسامندن
 منتخبا رین بشقه طوتوب غیر یسن وقت حاجتده بلا وظیفه وارن
 غازاره ویروب صنوف رجالی مرتب ایلیه و شایدکه احتیاج
 چکیله دیو ذات ستوده صفاتمه مخصوص کوندریلان ایکی بوقجه
 جبه و دیبای رومی والوجه مصری وچاتمه قدیفه پلکی و برقبضه

وستماہ « عبارہ سیلہ مورخ کوریلور . بونک دہ بالاسندہ سلطان علاء الدین سلچوقی طرفندن کوندر ادیکی مصر حدر .

ینہ تکرار دیرز کہ ۶۸۸ تاریخندہ قونیه پادشاهی علاء الدین

سلچوقی دکل ایدی . فقط بودفعہ یا کاشلق عنوانده دکل ،

تاریخندہ در . چونکہ بومنشورک ۶۹۷ اواخرندہ ویا طقسان

سکزر اوائلندہ وقوع بولان اینہ کول مظفریتنی حاوی عثمان بک

طرفندن یازیلان و بالادہ ایراد و محاکمہ اولنان عرضدن صکرہ

تحریر اولندیغنی ، مندرجاتندن « ہمیشہ اعدای بدر آی خجل

و منفعل دوشوب خصوصیلہ اینہ مغولیه ، دینن مامونی حقلیوب »

سوزلری اثبات ایدر . بو اینہ مغولیه عثمان بکک عرضندہ

اینہ مغولہ ، عثمانلی تاریخلرندہ اینہ نیتقوله دینیلن و اینہ کول

محافظی اولدیغنی خالدہ عرضک تفصیل ایتدیکی مظفریتدہ اعدام

اولنان شخصدن بشقہ برشی دکلدر . منشورہ عثمان بک طرفندن

یازیلان جوابدہ « بعنایتہ و توفیقہ ازینق و حوالیسنہ جهاد اکبرہ

عزم و توجه تلندی » دینلیور . امیر مجاهد ایسہ ازینق

طرفلرینی اک اول ۶۹۹ تاریخندہ اورمشیدی . بوتحقیقہاتہ

کورہ منشورک ۶۹۸ سنہ سندہ صادر اولمش و فقط مجموعہ لره

قید اولنورکن تاریخ مقامنہ (سنہ ثمان و تسمین وستماہ) دینیلہ جکنہ

(ثمانین) یازیلیورمش اولدیغنی اشتباه قبول ایدر شیلردن دکلدر .

ایشته کلن منشورده کی « طوغ صبح طراز آفتاب علم

وطبل و نقارہ پرزمزمہ محتشم تفویض و تخصیص قلوب لوای

قونیہ پادشاہلنی علاء الدین ثانیہ ایدی . بو تحقیقاتدن آکلاشدی که عثمان بکه پدربینک یوردی اولان سکود ایله او جوارده قلیجی ایله فتح ایتدیکی یرلر ایالت نامیله ابقاءً توجیه اولندیگی کبی برکرده علاء الدین ثانی طرفندن ۶۹۷ ویاخود ۶۹۸ تاریخده اورالک مرزبانلنی توجیه اولمشدر .

ثانیاً بو عرضدن آکلاشیلان بر حقیقتده سلچوقیلرک ناتارلره درجه مغلویت و اسارتیدر . بو حاللره کوره سلچوقیلردن قطع امید ایدوبده اسلام و حریتلرینی وقایه یه کافل اوله جق بر مرجع دیکر آرایانارکده یردن کوکه قدر حقلری اولدیغنده هیچ شبه اولماز .

ثالثاً برده شو تحقیق ایدیورکه ۶۸۰ تاریخندن بری آناطولینک جانب غربیسنده بونجه فتوحاته مظهرتیه غالب مطلق کیمین وخرستیان کبراسنک همان عمومنی خوف شمشیریه استانبوله التیجا ایتدیرن عثمان بکک ال بیوک خصمی اوزرینه سوق ایده بیله جکی عسکر پیاده سواری طوپی طوپی اوج بیک کشیدن عبارت ایمش . اطرافی انواع اعدا ایله محاط اولان بریرده بو قدر مختصر بر قوتله اون سکز سنه غلبه دن غلبه یه طولاشه رق شرق ایمراطورلقنه میدان او قویوب طور مق حقیقه مخیر عقول اوله جق وقایع فوق العاده دندر .

فریدون منشئاتنده کی منشورلرک ایکنجیسی که ترکی لسان ایله یازلمشدر ، « فی اوائل شهر شوال المکرم سنه ثمان وثمانین

منشورك علاءالدینہ اسنادی نصل آچیق بر یا كلش ایسه بو عرض ایچون او منشوره جوابدر دینلمسی ده او یله جه بدیهی بر خطادر . چونکه عرضك تاریخی یوق ایسه ده دروننده محمود غازانه اسیر کوندرلمسندن بحث اولنیور . محمود غازان ایسه تبریز تختنه ۶۹۴ تاریخنده جلوس ایتشیدی . بو حوالده عرضك او تاریخندن صکره یازلدینی ثابت اولور . عرضك یالکیز طقسان درت تاریخندن صکره دکل ، طقسان یدی او اخیرنندن اول یازلدینی ده ثابتدر . چونکه موضوعی اولان اینه کول مظفرتی یاطقسان سکنز اوائلنده ویاطقسان یدی او اخیرنده ظهوره کیشیدی . معلومدرکه بر پادشاهك منشورینه ورودندن اون درت سانه صکره جواب یازلاماز . مع مافیه عثمان بکك عرضی او منشوره دکل ایسه بر دیگر منشوره جواب اولدیغنده شبهه یوقدر . چونکه مقدمه سنده شو مآلده بر عبارته تصادف اولنیور :

عمدة الاعاظم امیر منصور چاقدار زید مجده نك مستصحب اولدینی منشور مستلزم الحبور شرفصدور بولدی . وخطه بید ایله نواحیدینده ساکن اولان غازیان اسلام وكافة انامه قرائت اولندی . حضرت خداوندكاره یكان یكان تحسینلر و آفرینلر بیان ایتدیله . اطاعت و بندگی وفرمانروالی راسمه سندن اولدینی اوزره سرزبانلغمزی قبول ایتدیله .

بومنشورك ایسه علاءالدین ثانی طرفندن کوندرلمش اوله جنی تردد کوتورر شیاردن دکلدر . چونکه جوابنده مندرج وقوعاتك تصادف ایتدیکی زمانه نظراً منشورنده یا ۶۹۷ او اخیرنده ویا ۶۹۸ اوائلنده یازلمش اولدینی ثابت اولیور . اوزمانلر ایسه

طرزنده سحر وقتی باشی او جلربنه يتشدك وبعناية الله تعالى باشلرينه
 قيامت قوپاردق . كفرة خواب خماردن صچراديلر ، ساغر صبوحي به
 بدل خون دلدن مدام قروحي نوش ايتديلر . طوداقلرينه ، بوغازلر به
 پيال به بدل خنجر زهرآلود ايرشدى ؛ مزه يرينه جگر پاره لرني
 جنك آتشنده پشپردلرده دهان خصه ويرديلر ! توفيق الهى و يمن
 همت پادشاه دين پناهى ايله بزلره عجب فرصت و كوزل نصرت الويردى .
 او طائفة سردارك سردارى كه « اينه مغوله » ايدى ، نابود اولدى .
 فقطع دابرا قوم الذين ظلموا و الحمد لله رب العالمين . اهل دين كزیده
 غنيمتله ظفر بولديلر ، جمله غنايدن او ملعونك خدمت اعلا وسراى
 معلايه لابق اولان ايكي همشيره سى وبرقى و بر اوغلو واوچ برادرى
 ديكر الهى كوله و جازيه ايله پايه سرير عالم مصيره ارسال اولدى .
 بونلردن لابق كوربلانلرني شهنشااه جهان سلطان محمود غازان ايچون
 تبريزه اعزام بيوركز . چونكه مقدما تدارك و ارسال ايتكلدى فرمان
 بيورمشديكز . الحمد لله ميسر اولدى كوندردم . هر زمان بويله اسپرلر
 اله كچمز . زيرا كه كفار خا كسارك مشاهيرى قسط طينيه ده تكفور
 مقهور نردينه فرار ايتمش وفته اوزرينه اتفاق ايتمشلردر . بز آنلردن
 يوز چويرمىز و ثواب غزا وسعادت شهادتن قاچمىز
 بو ترجمه نك اصلى اينه كول مظفر بتنك تفصيلندن بشقه
 برطاقم حتمايق تاريخيه نك كشفنه خدمت ايدييور .

اولا بو عرض فريدون بك منشآتنده علاء الدينك اولمق
 اوزره مندرج اولان برنجى منشوره جواب اوله رق قيد
 اولنمشدر . حال بوكه منشور ۶۸۳ تاريخيه مورخدر ، شو
 تاريخك مخرف اولديغنه ذهاب حاصل ايدى جك بر دليل ده يوقدر .
 بناء عليه بونك مرسل ۶۹۴ تاريخنده جلوس ايدن علاء الدين
 اوله ماز ، نته كيم بو حقيقت يوقا ريدده بيان اولنمشدى . ايسته

مادام بیاہجك قلعہ سنك فتحی و محافظك مغلوبیتی ثابتدر ،
 قلعہك صورت ضبطنه دائر اولان روایت تسلیم اولمامقله شان
 عثمانیدن برشی تنقیص ایدلمش اولماز .

عثمان بك بیاہجك غلبهسنی استحصال ایدر ایتمز نیلوفرک
 پدری ادارهسنده بولمان یارحصار اوزرینه یوریدی ، بر چوق
 همتله آز بر زمان ایچنده قلعهیی فتح ایلدی . او وقتلر حکمنجه
 یارحصارک عسیرالتسخیر عد اولنان مواعدن ایکن کمین حادثهسنك
 خرستیان امراسنه ویردیکی شاشقنقله برابر عثمانیلرک اکیال
 ظفر تشبثاتنده ابراز ایلدکلری مسارعت فوق العاده اورانكده
 سهولته ضبطنه مدار اولمشیدی .

عثمان بکک یارحصار موفقیتنی اینه کول فتحی تعقیب
 ایتمشدرکه فریدون بك مجموعهسنده امیر مظفرک سلطان علاءالدین
 ثانییه کوندردیکی بیان اولنان نامهده وقعه شو صورتله تعریف
 اولنور :

رأی و دبیرده سعی اولدی ، غزا ایچون اینه کول جانبته عنزم
 ایتمک مناسب کورلدی . صدق طوبیت و صفای نیت ایله بواصرخیره مبادرت
 اولتمسند و تأخیری روا کورولمامکه قرار ویرلدی . اما اول امرده جاسوس
 کوندردک . شیوبله کتوردی که گروه کفره نجره پک زیاده غفلتده در .
 جناب حق جل جلاله قهر و غضبیه دیدة بصیرتلیخی قیامش ، « رجس
 من عمل الشیطان » اولان شرابه مداومت ایتمشله طیشه تبدیلی مقصود
 اهل ایمان ایله طرز عیش ایله شیردن اوزاق دوشمش بقرلر کی بدشئه
 جهالتده جنبش نمادرلر . بوخبردن زیاده حظ ایتدک وحق سبحانه
 و تمالییه توکل ایلدک . اوچ بیکدن متجاوز پیاده و سواری ایله باصقین

دشمن عقبه ايکن کين ترتيب ايتک محال درجه سنده
مشکل اولديغندن برنجي روايت عتقه دها قريب کورينور .
بو . ظفريت نتيجه سنده نيلوفرده نصيب اسلام اوله رق
اوزمانلر سکزياشنده بولنان سلطان اورخانه نامزد ايدلشيدى .
نيلوفر زوجات سلاطينده همان هيچ مثلي کورلمه مش بر بختيارلغه
مظهر اولمشدرکه سلطان اورخاندى سکز اون ياش بيوک
اولديغى حاليده اولدقجه زوج عاليشانک کورکنه تملک
ايديه بيلمى ونسبى کندی اولادينه حصر ايلسى در . کرک سليمان
باشانک کرک خداوندکار غازينک والدهسى او مخدره کامکاردر .
خاندان عثمانيده ظهور ايدن بونجه صاحبات الخيراتک
پيشواسى يته نيلوفر درکه خيراتنک اشهرى بروسه جوارنده
نامنه منسوب اولان نهر اوزرينه باپديرديغى کوريدر .

يونانيلرک « ترووا » ي و « تتيبه » نک « بيکند » ي
ودها بعض اقوامک برر طاقم قلعه لرى اويولده بر حيله ايله
ضبط ايلدکلرينه دائر تاريخارده بر چوق روايتار اولديغندن
بعض مؤلفار بيايه جکه قادين قيافتنده عسکر ادخال ايتک خصوصى
تواريخ قديميه تقليداً بائيش بر حکايه اولق زعمنده بولمشاردر .
فقط بو روايت حد ذاتنده کرک وقوعى وکرک تکررى محال
وحتى بعيد الاحتمال عد اولنه جق حالردن اولمامته برابر
مؤرخلرک عمومى طرفندن جزؤى بعض تغيرات ايله قبول
وايراد اولنديغندن قاعده مقبول طوبلق لازم کلور . مع مافيه

دلی قاندیلارندن لهجه و جته لری قادیندن تفریق لرینه مدار اوله میه جق درجه ده کنج قرق قدر ارسلان یاوریمی ایدی .

عثمان بك ایسه زور بازولرینه اعتماد ایلدیکی امرایله کلدی ، عودت ایده جکی طرفه ده بر منتظم کمین ترتیب ایلدی . ویردیکی تعلیمات اوزرینه کندیلاری ضیافتگاهده خرسیان بکلریله الفته باشلار باشلامز قلعه ده بولنان نوجوانلر علی الغفله محافظلر اوزرینه هجوم ایدرک مملکتی ضبط ایتدیلمز و مقرر اولان بعضی اشارات ایله موفقیتلرینی متبوع صاحب توفیق لرینه بیلدیردیلمز .

بو خبر اوزرینه عثمان بك ضیافتده بولنان امرایله جولی برمنازعه چیمقاررق درحال فرار ایدر یوللو آتلامغه قیام ایلدی ، توابی ده بالطبع آرقه سنه دوشدیلمز . دشمن طاقی اوله بر فرصت فوق العاده بی غائب ایتمه مک ایچون درحال تعقیبه مسارعت ایلدیلمز ، فرقه ناجیه یه یتشمک امیدله شتاب ایدرکن قورولش اولان پوصویه اوغرا دیلمز ، پریشان و مضمحل اولدیلمز .

بعض تاریخلر عثمان بك دشمنک اوکندن چکلیلمز کن بوکینی ترتیب ایتمش اولدیغنی بیان ایدرلر . ینه بو تاریخلر وقعه نك دیگر برجه نده ده اختلاف ایدرک برطاقی عثمان بكک بالذات کمینده قالدیغندن برطاقی ده پوصوده بر از عسکر بر اقرق کندیمی دشمنی ایستدیکی موقعه چکجه یه قدر ساخته فرارنده دوام ایتدیکندن بحث ایلر .

اولنق، دها ارطغرل بکک اورالره کلدیکی زمان بیه جک محافظیه ایتدیکی مقاوله اقتضاسندن ایدی که آرهدن آلتمش سنهدن زیاده وقت کچدیکی حالده ایکی طرفدن ده مرعی الاجرا طوتقده ایدی .

عثمان بک بو ضیافتده کندیسنه سوء قصد ایدیه جکنی یار صدیقی کوسه میخال بکدن خبر آلتجه. اوده شره شر ایله مقابله یولنده بر دینسه ترتیب ایلدی .

بیه جک محافظنه دوکون ایچون بر طاقم هدیه لر کوندرمکاه برابر اوکونلرده چاوداردن احترازی اولدیغندن آغرلغنی برمتاد تلعیه، کوندرمک برده شاید دشمن طرفندن تسلط وقوع بولور ایسه غافل بولنماق ایچون ضیافته براز عسکرله کلمک مجبوریتنده بولندیغنی بیلدردی. برده او قدر خلقی بیه جکه طولدریمقدن ایسه ضیافتک بر صحراده اولسنی اخطار ایلدی .

آغرلغک قلعیه کوندرلمسی محافظ ایچون بر نعمت غیر مترقبه ایدی . چاودار تاتارینک عثمانلیره تعرض ایچون فرصت آره مقده اولدوغی ده خرسستیان امراسنجه معلوم اولدیغندن عثمان بکک یاننده براز عسکر بولندیرمق ایستمنی پک طبیعی عدایتدیلر ، دوکونک صحراده اولسننده ده هیچ بر محظور کورمدیلر ؛ ذکر اولنان تکلیفاتی قبول ایتدیلر .

بو موافقت اوزرینه عثمان بک قلعیه بر طاقم آغرلقار کوندردی . فقط بو آغرلقارله برابر کیدنلر قالدین دکل عثمانلی

بر روایت وارد ؛ بر روایتی اعتماد ایدنار سلطنت سینه‌نک
ابتداسنی التي یوز طقسان ایکی سنه‌سندن معتبر طوتار لر .
او اعتباره کوره عثمانلیلرک ظهورینه (آل عثمان) لفظی تاریخ
تصادف ایدیور .

سکز یوز طقسان بر تاریخندن طقسان یدی سنه‌سنه قدر
آسایش حالنده کذار ایلدی . او دور آسایش ایسه بیله‌جک
محاربه‌سیله ختام بولشدرکه نسل کریم عثمانینک ایکنجی واسطه -
العقدی اولان نیلوفر خاتون اوغزانک محصول اغتنامی اولدیفیچون
بیله‌جک سفری تاریخ عثمانینک اک اساسلی وقایعندن عد اولنور .

عثمانلیلرک سلاح سطوقی اناطولیده بولنان خرسیتانلره پک
آغر کورونمکه باشلامش ایدی . فقط کندیلرنده اوقوته مقابله
اقتداری مفقود اولدیغندن سنه‌لرجه محادنت و مطاوعت بیننده
برطرز ایله تحفظ ایتدیلر . نهایت امیر صاحب ظهوری ، اوتهدن بری
عهد و اتفاقدنه بولنان بیله‌جک حاکمه اولان اعتمادی قوتیله
بر دامه اوغراتمق امیدینه دوشدیلر ، کندیسنی یار حصار محافظنک
کریمه‌سی نیلوفر خاتون ایله بیله‌جک محافظنک ولیمه ازدواجنه
دعوت ایلدیلر .

بیله‌جک موقعی سکود ایله ارطغرله تعیین اولان یایلانک
گذرکاهنده بولندیغندن عشرت قشله‌دن یایلایه ویایلادن قشله‌یه
کیدوب کلدجکه آغراق بیله‌جکده بر اقلمق فقط هر درلو و اعمیه
دفع ایچون کوندریله‌جک اشیا قلمه‌یه قادیلر و ساطیتله ارسال



قره حصارك فتحندن اوچ سنه يه يقين زمان كذار ايتدكدن
صكره عثمان بك كوسه ميخالك مشاوره و معاونتيله ينه شان و ظفر
ميدانلرينه آتلدى و سقاريه نهرينك عسكر مرورينه اك مساعد
بر جهتنده بولنان صورغون اوزرينه يوريدى . پدريك توابع
جلادتنن صمصمه چاوشك اقامتكاهى اورالده ايدى . او پير
مجاهدين ولى نعمت زاده سنه رهبر ارشاد اولدى ، عثمانلى دلاورلى
صورغون خلقنه جزيه يي قبول ايتدير دكدن صكره آنك كوسترديكى
يوللردن كيدهرك اعدا تصرفنده بولنان و ثروته مشهور اولان
طراقلى يكيجه مى و كوينك و مدرنى خلتمنى ده قليجلرينه باش
اكدير ديار . بو سوقيات غالبانهك زمان ظهورى التيوزطقسان
بر [٦٩١] سنه سيدر .

عثمانليرك هلال اقبالى بويله هر زمان بر غلبه ايله مائل
ارتفاع اولدينى كبي سلچوقيلرك حكومتى ده تانارك تعديات
ملعونلرينه جلاد اولمقدن عبارت قالديني ايچون علمائى اسلام
التى يوز طقسان ايكي تاربخنده سلچوقى پادشاهنى اسقاط ايله
خطبه ده يالكنز نام كريم عثمانى يي ذكر ايتمكه باشلادقلرينه دائر

اولدقارى حالده زير اداره لرنده بولنان دینداشارینی عصر لرجه عدالت اسلامیه دن محروم ایتدیلر .

عثمان بك ایسه خطبه یه اشتراك ایدر ایتمز قدرت قضایی وضع واحیا ایدرك دولت نو ظهورینی متغلبه طرزندن حكومت مشروعه طرزینه تحویل ایتمشدرکه اسلامك قرون اولاسنده کی عظمت واجلالنه وصولده عثمانلیلك نائل اولدقلری توفیقاته اك بیوك سبب حكومتك بو اساس عدالت اوزرینه وضع ایدلمش اولمسیدر .



عباداللهی تعرضك بونوعندن ده قورتارمق ایچون افعال و حقوق بشر حقنده او قانونلره تطبیقاً حکم ویرمکن عبارت اولان امر قضانک ده بشقهجه برهیأت، تودیعی حقوق سیاسیته دیکر بر مهم قاعده اصلیه سیدر. بقواعده کوره شمدی دنیانک اکتمتدن اولان مملکتلرنده قوای حکومت، تشریع و تنفیذ و قضا قسملرینه منقسمدر.

دول اسلامیه ده تصرفات حکومت احکام الهیهیه مستند اولدیغندن تشریع اقتداری ذاتاً حکومتلرک صلاحیتی داخلنده دکلدی. قضا ایسه خلافت و سلطنت طرفلرندن فقهای کرامه تقلید اولنه کلدیکنندن قضاة اسلام دائماً مورین عرفیهنک معدل افعال و معارض تعدیاتی اوله رق امرانک و بلکه خلفانک او امر خود سرانه سنه مخالفت ایتک اقتدارینی حائز بولندقاری جهته قدرت تنفیذک تغلبندن مصون و بلکه افعالنه ناظر برهیأت جلیله ایدیلر. حکملری ایسه شریعت الهیه نامنه اولدیغندن ملل سائرده ارباب قضا طرفندن اعطا اولنان حکملردن بالطبع دهامرعی و مطاع ایدی. دول اسلامیه ایچنده ظلم مستمره مائل اولان اصحاب تنفیذ، قدرت قضایی غضب ایدر و اوصورتله اجرای اغراض ایلر ایدی. استبداد خود پرستانه و مقاصد سخیفه و نسلیه اوزرینه تأسیس حکومت ایدن ملوک طوائف ایسه قدرت قضایی غضب ایله اوغراشمقدن ایسه حوزه حکومتلرنده هیچ اضی نصب ایتمهکی اجرای مرام ایچون دهاسلم کوردیلر. مسلمان

حکومت بوقوای مجموعہ ہی ادارہ ایدن ہیئتہ اطلاق اولنور .
 بویله زبونک حقی قوینک تعرضندن محافظہ ایچون تشکل ایتمش
 بر ہیأت، قویارک جملہ سندن قوی اولدینی حالده ہر ایستہ دیکنی
 یامقده مختار براقیلیرسه زبونک حقنہ اوده تعرض ایدہ بیله جکسندن
 حیات جمعیت ایچون اختیار اولنان دوا، از الہسنہ چالیشیلان علتدن
 بیک فات مضر اولور . چونکہ حکومتدہ ظلم ایتک اقتداری
 بر ویا بر قاچ فرددہ کی اقتدارہ نسبت قبول ایتیمہ جک درجہ لردہ
 غالبدر . اوجہتلہ قوای مجموعہ ہی ادارہ ایدن ہیأت بر قانون تحتندہ
 حرکت ایتمز سہ علت غائیہ سنی استحصال ایدہ من . قوای مجموعہ ہی
 ادارہ ایدہ جک ہیأت ایسہ حرکاتندہ اتباع ایدہ جکی قانونی ہم
 کندی، وضع ایدر، ہم کندی اجرا ایلر سہ کندی اغراضنی
 قانون شکلنہ قویہ بیلور . بوصورتلہ آره صرہ اختیار ایدلسندن
 قورقیلان مظالم مستمراً اجرا ایدلش اولور . بو جہتلہ
 واضع قانون اولہ جق قوتک قوہ اجرا ایدن تفریقہ ایکی قوتک
 ایری ایری بر ہیأتہ تودیبی حقوق سیاسیہ جہ ال بیوک بر قاعدہ
 اصلیدر . مع مافیہ بوتفریقہ اغراض مخصوصہ ہی صورت
 مشروعیہ قویمق اقتدارندن بتون بتون محروم ایدہ میور . چونکہ
 افرادک معاملات و افعالنہ، قدرت تشریک وضع ایتدیکی قانونارینہ
 تطبیقاً بر حکم ویرمک صلاحیتی کندینہ قالدقجہ او افعالی
 ایتدیکی کبی اعظام و اصغار، دیلدیکی یولده تجریم و تبرئہ ایدیور ،
 او قانونارہدہ آرزو ایتدیکی صورتدہ معنار ویریور . ایستہ

جامعه هم جمع نمازی قیام بر مش ، هم خطبه ده غیاث الدینه اشتراک
ایتمش اولدیغنی متفقاً قبول ایدیورلر . عثمان بکک بر قاچ کون
ایچنده مسئله بی قویه دن استیدان ایدوبده جواب آله بیلمش
اولسی قابل کورنمز .

بعض مؤلفار خطبه خصوصندن طولای دولت علیه نک ظهورینه
۶۸۸ سنه سی مبدأ اتحاد ایتمک ایستلر ، فقط بعض علماده
خطبه یه اشتراک ، استقلال دیمک اولدیغنه نظراً بو طرزی مقبول
عد ایتمزلر .

عثمان بکک خطبه یه اشتراکدن و بلکه اجراسنه موفق اولدیغنی
معظمت امورک کافه سندن بیوک بر حرکتی ده قره حصاره
حاکم الشرع نصب ایلسیدر .

اصلی عرب اولمق سزین اوزمانه قدرتشکل ایدن دول اسلامیه نک
هیچ برنده قاضی موجود دکلدی . حقوق عادییه وارنجیه قدر
امرا اداره کیفیه سنه تابع ایدی . احکام شرعیه یالکز مناسکاتده
جاری اولوردی . سلطان عثمانک قاضی تعیین ایلسی حکومت
نوظهورینی عدالت اوزرینه تأسیس اییدی . دولتک حاصل
ایتیکی اقبال اصل بوسایه ده ظهور ایتمشدر . چونکه انسان
قوای ماده جه مساوی یارادلمدیغندن قوی زبونه دائماً غلبه
ایدیور ؛ زبونی قوینک شرنندن قورتارمق ایچون ایسه افسانلر
آرسنده توپاردن قوی بر قوت بولمق لازم کلیورکه اوقوتده
جمعیتده بونسان قوای متفرقه نک اجتماعندن عبارتدر . ایشته

منشور ایله طبل و علم ۶۹۸ تاریخنده علاءالدین ثانی طرفندن کوندرلمش اولدینی محاکمات تاریخیه ایله ثابتدر .

عثمان بك قره حصارى فتح ایلدکن صکره نوبت امارت چالديرمادی . فقط قره حصارک کلیسادن محول جامعده ایلك جمعه نمازی قلندیغی کون خطبهده علامت امارت اولمق اوزره عثمان بن ارطغرل نامی ده غیات الدین سلجوقی عنواننه تشریک ایلدی . بعض مؤرخار جمعه نمازینک و خطبهیه اشتراکک اذن سلطانیه موقوف اولدیغی طورسون فقیه طرفندن اخطار اولنمی اوزرینه عثمان بكک غیات الدیندن رخصت آلدقن صکره کندی نامی منبرده ذکر ایتدیرمش اولدیغی بیان ایدرلر . کانب چلبی ایسه عثمان بكک بو اخطاره حدتله رک « بوملکتر نیم قیلجم ایله فتح اولندی بورالرده نسل پادشاهک علاقہسی واردرکه اذینه محتاج اولهلم ؟ » یولنده مقابله ایتدیکنی روایت ایدر .

عثمان غازی کبی بر داهیة سیاست قره حصارک محافظنی بیاه غیات الدینه کوندره جک قدر سلجوقیلره مطاوعت کوستروب طوررکن بر فقیهه قیزوبده پادشاهی فوق العاده منکسر ایده بیاه جک وبلکه آرده بر مسئله شرعیه حدوشنه میدان ویره جک یولده اوله بر غلطی اختیار ایتهمش اولسه کرکدر .

فقط کرک جمعه نمازی قیلدیر مقده و کرک خطبهیه اشتراکده غیات الدیندن استیذانه احتیاج کورمدیکی محقق حکمندهدر . چونکه تاریخلر قره حصارى فتح ایتدیکی هفته تحویللا پیدا ایتدیکی

مع مافيه عثمان بك برادرينك مرتدى اچون بوقنديل احترامنى كافي عد ايتدى . جسم خون آلودىنى پدرينك سگوده زيارتكاه انام اولان تره سنه نقل ايلدى .

تسلسلنده انتها قابل اولميان داعيه انتقام ايله قره حصار محافظى ينه اطرافده بولنان خرستيان امراسيله اتفاقر عقدينه چالشمقده . وعثمانى هيات نوظهورينك ازاله سنه چاره لر آرامقده اولديغى عثمان غازى خبر آلنجه كنديسى ده قره حصارك ضبطيله اوراده كى مركز خصومتى محو ايتمكه عزم ايتدى ، بوقدر اهمينلى بر تشبده تداركلى بولمق اچون غياث الدين سلچوقيدنده استمداد ايلدى ؛ آنك ايده بيلديكى امداد ايسه براز سلاح ايله بعض امراسنه كوندردىكى قورى بر فرمان معاونتن عبارت ايدى . مع مافيه امير عاليهت مأمول ايتديكى معاونتى كوره مه مكله عزمنده فتور ايتدى : يالكزجه كندى عسكريله قره حصار اوزرينه يوريدى ، اقدامات كامله و مهاجمات متواليه ايله اورايدى ده ضبط ايلدى . بوفتح مابين (۶۸۸) سنه سنده وقوع بولشيدى . بعض تاريخلر عثمان بكك زير اسارتنه دوشن قره حصار محافظنى بعض اسرا وهدايا ايله برابر برادر زاده سى اق تيموره ترفيق ايدرلك سلطان غياث الدينه كوندرمش وقونيه پادشاهنك بوغلبه دن زياده سيله ممنون اوله رق اسكيشهرى عثمان بكك ايالتنه علاوه ايتمش وطبل و علم ومنشور امارت كوندرمش اولديغندن بحث ايدرلر . حال بوكه اسكيشهرك سگوده علاوه سنى حاوى اولان

کوردیکی علام شجاعتی حق پرستانه تقدیر ایدرک امارتی کندنجبه موجب غبطه دکل ، باعث مفخرت عدایش ایدی . بو اطوار دلشکارانه سی جهتیله عثمان بک ایچون برادر دن چوق بیوک ، پدردن ده آز کوچک بر ولی وجدان ایدی . بناءً علیه امیر مجاهدک ضیاعیه روحنک شفیق اکبرندن محروم اولمش ایدی . نفوس عالیه اصحابنک تولعات مخصوصه لرینه متعلق شیرده اوغرادقاری مصائبدن حاصل ایده کلدکلی تأثرات شدیدنک اک قوتلی تضحیق لرینه اوغراد ایدی . او عصر حکمنه کوره ایسه حرب اسیر لرینک عفو واعدامی غالبه کی عداوت و تأثراتک درجه سنه تابع اولدیغندن دشمنک سرعسکری اولان و حر بده اسیر ایدی لان قلاتوزی ساوجی بک انتقامی یولنه قربان ایلدی .

قلا تزک اعدام ایچون عثمان بک طرفندن ویریلان امر « شو ایتک قرنی د شک یری اشک » یولنده اولدیغندن اووجهه اعدام اولندیغنی محل « ایت اشینی » نامیله مشهور اولدیغنی تاریخلرده محرزدر .

ساوجی بک بر بیوک چنار التنده شهید اوله رق عسکر دن بعضیلری اوکیجه چنارک اوستنه برطاقم نورلر یاغدیغنه شهادت ایتمشلر ایدی . اهالی بو مشهد حقنده مروی اولان توقیر آسمانینک یادینی تأیید ایتک ایستدی لر ، کیجه لری چنارک دال لرینی برچوق قندی لرله دونامنی اعتیاد ایتدی لر . بو حال ایله آغاج « قندی للی چنار » عنوانی اکتساب ایلدی .

قره حصار محافظی ایلهده اتفاق ایلدی . ایکی متفق ترتیب
ایده بیلدیکی فرقه‌ی ۶۸۷ سنه سنده قره حصار محافظنک برادری
اولان قلاتوز زیر اداره سنه آلهرق عثمانیلیرک استیصالنه عزم
ایلدی .

عثمان بک قلاتوزک حرکتی خبر آلدیغی کبی طوپلایه بیایدیکی
عسکرله مقابله سنه شتاب ایتدی . ایکی فرقه طومانلیچ طرفلرند
اکریجه دربندنده بربرینه تصادف ایدرک حربه طوتوشدیلر ،
صباحدن اقسامه قدر بر جنک خونریزانه ایله اوغراشدقدن
صکره عثمانیلیر برغلبه کلیه ده مظهر اولدیلر .

نه فائده سی وارکه عثمان بک اولکی موقیتندن بیوک اولان
بوغلبه نک لذتی طویه مادی . چونکه محاربه ده صاری یاتی
ساوجی بکی غائب ایلدی .

بعض مؤرخلر بو محاربه ده شهید اولان عثمان بکک دیگر
برادری کوندزالب اولدیغی بیان ایدرلر . فقط مقبول و متفق
علیه اولان روایت اولادر . صاری یاتی ساوجی بک ۶۳۰
تاریخنده ارطغرل بک ایله برابر اخلاطه کلش و پدیری طرفندن
مسکن طلیله علاءالدینه کوندرلمشیدی . بر پادشاه حضورینه
کوندریلان مأمور یکریمی یاشندن کوچک اولیه جغه نظر آ
کندیسی عثمان بکدن قرق بش یاش قدر بیوک اولمق لازم کلیر .
کندی ایسه بو قدر اختلاف سن جهتیه عثمان بکک پدیری
مقامنده عد اولنه حق بر بیوک برادر ایکن کوچک برادرند

آوانوس نامزده بر خرستياندن خبر آلمش وعادات حربيه مغاير
بر خارقه دها كوترهك ايجون بالاختيار هجوم ايتمشدر .

هر هانك، روايت صحيح اولسه ينه فوق العاده موفقيتلردن
معدود اولان بوغابهك تاريخ وقوعى ۶۸۴ سنه هجره سيدر .
غازينك برادري صارى ياتي ساوجى بك اولادندن « باي
خواجه » بو محاربه ده احراز شهادت ايلدى . اميرزاده كمال شهامتله
معروف اوله رق حكومت نوظهورك اميد استقباللردنن معدود
اولديغندن كنج ياشنده اوله اوفاق بر محاربه ده شهيد اولوب
كيتمنى عمومي داغدار تأسف ايتشىدى .

پوصوي محو ابدنجه يه قدر عثمانلى آتيلارينك ده بر خيلى
تلفاتى اولدينى كېي آندن صكره قولجه يي على الغفله باصمغه ده
امكان قلمديغندن طبعي قلمهك اوزرينه عزيمتن صرف نظر
اولدى . فقط ۶۸۵ نوبه اري داخل اولنجه عثمان بك ينه
اولكى عزمى تجديد ايله براز دعا احتياطليجه طورانه رق
قلمدي اوج يوز آتله ايله باصدى . ويره جكي حكمه راضى اوله رق
استيمان ايند اها ليسنى نعمت حياتدن بهره دار براقفله برابر
اسير ايتدى ، قلمه يي ده تخريب ايلدى .

اينه كول محافظ بو وقعنهك انتقامنى آلمق ايجون ايكي سنه
متماديآ تداركاتى ائمال ايله اوغراشدقن صكره - يارم عصر
اول ارطغرل طرفندن فتح ايديله رك سلچوقيه امراسنه تسليم
اولمش ايكن صكره دلرى ينه رومارك ضبطه كچمش اولان -

کیدوب کلان حیواناتنه تعرض ایتمهک باشلادیلر . ناموس
 واققدار عثمانی ایسه بر قلعه خلقتندن دکل ، بر قوجه دولت
 طرفندن اولیه بر معامله کورمهک متحمل دکل ایدی . هان
 امراسندن آقچه قوجه وغازی عبدالرحمن وقوکورالپ
 وطورغورالپ وایغورانی جلب ایدرک دشمنک تشکیلنی مشاوره
 ایلدی . قوه بازولرینه اعتمادلری ، هله سردار نوظهورلرینک
 اقتدار قهرمانیسنه تامیله اطمئنانلری اولان او دلاورلر یتمش
 کشیک بر فرقه ایله قولجه بی باصمغه قرار ویردیلر .

قولجه نك اداره سنه مأمور اولان اینته کول محافظی [۱] عثمان
 بکک قولجه حقنده کی تصمیماتی استراق ایدرک یول اوزرنده
 بوانان ارمنی دربندنده بر کین ترتیب ایتمشدی . عثمانلیلر
 غافلانه پوصویه اوغرادیلر . اسباب عادیه اعتباریله محو اولملری
 مقرر کورینور ایکن اکثریت اوزره صیادینه غلبه ایتمک
 شانندن اولان ارسلان سوریلری کبی آنلر کمینده اولان دشمنی
 محو ایتدیلر . بعض روایته کوره عثمان بک ، یولنه کین قورلدیغنی

[۱] دولت عثمانیه نك اوائل ظهورده فتح ایلدیکی قلعه لری
 مدافعه ایدن روم مأمورلری بعض تاریخلرده ارمنیجه شاه معناسنه
 اولان تاقووردن مخفف تکور ویا تکفور وبعض تاریخلرده بک
 وضابط وحاکم کبی عنوانله یاد اولنیورلر . حال بوکه بونلرک حائز
 اولدیغنی وظیفه بی افاده ایچون لسان عثمانینک شمدیکی شیوه سنجه محافظ
 تعبیری حق ادایی کافل کورندیکسندن بزده تاریخمزده اوتعبیری
 اختیار ایلدک .

پادشاه اولان غیاث الدین رابع بن عزالدین ده بو تصدیقی ۶۸۳ سنه سنه قدر تأخیر ایلهدی . فقط او تاریخده کونوردیکی منشور امیر مجاهدک کرک اقتدار و کرک اخلاقنه فوق العاده امنیتی اولدیغنی کوسترر . بو منشورده امیر صاحب ظهوره سکود ایالتی توجیه اولندیغنی کبی برده عثمان شاه عنوانی ویرلش و تعییراتنده بیاغی اقراندن اقرانه خطاب اولنور درجه لرده التزام حرمت و ملاحظت اولمشدر .

عثمان بکک امارتی قونیه سلطنتجه اوچ سنه قدر بتهن بتون و وء فکر کوسترر برسکوت ایله کچشیدرلکدن صکره حقه بردن بره ظهور ایدن بو قدر پارلاق بر توجیه نه درلو وسائل و تدابیر ایله نازل اولدیغنه دائر تاریخلرده بر روایت تصادف اولنمادی .

فریدون بک منشآتده ، بو منشورک بالاسنده علاء الدین سلچوقی طرفندن کوندرلدیکی تصریح اولنیور . حال بوکه ساجوقیلردن علاء الدین اول ۶۳۷ تاریخنده وفات ایش و علاء الدین ثانی ۶۹۶ سنه سنده جلوس ایشدر . منشورک تاریخ ایسه ۶۸۳ سنه سنک اوائل رمضان اوله رق تاریخک مخرف ، اولسنی خاطره کتوره جک برسبده اولدیغندن مرسلک غیاث الدین رابع اولدیغنه حکم ایدلک لازم کلور .

و منشورک ظهورینه قدر عثمان بکک زمانی حال آساینده کچمندر . بو دور سکون و آسایشه قولجه وقع سنک ظهوریله ختام ویرلدی .

سو صورتله که قولجه خرستیانلری عشیرتک یادیلاه

صاغ اولدیغی کبی کندندن بیوک برده برادری صاری یاتی ساوجی بک وار ایدی. تاریخلرک روایتنه کوره ساوجی بک حق مناسانه برطرز ایله کوچک برادرینک امارتی قبول ایتمشیدی. یالکز دوندار بک برادر زاده سنه اطاعتدن استکبار ایلدی، فقط اکاده هیچ کیمسه اهمیت ویرمدی. چونکه زمان شخصیات ایله اوغراشه جق وعادات و تشریفات آرایه جق زمان دکلدی.

دوات سلجوقیه نك تاتاره متدلانه خراجکدار اولسی، تاتارکده اهالی یه یالکز کندی ذوق و منفعتلری ایچون یرادلش بشقا برنوع مخلوق کبی معامله ایتمسی جهتیله یالکز قایی خانلیلر دکل، اورالرده کی اصحاب ادراکک هان جمله سی نواب دهردن تخلیص جان ایچون سیف اقتدارینه التجا ایده جک برصاحب ظهوره احتیاج کورمکه و این اوکی وقعه سندن بری عثمان بکک آره دقاری مزیات ایله اتصافی حس ایتمکه باشلامشار ایدی، حتی بکلکندن پک چوق زمان کچمکسزین بو اصحاب ادراکک برچوقاری سیل خروشان کبی مجمع البحرین همت و حمیتنه دوکیلوب کلکه باشلادیلر. بوانجذاب ایسه دولترینک بقاسندن امنیتلری منسلب اولغه یوز طومش اولان خرسیتیان امراسنک برچوغنه سرایت ایلشدر.

بو توجه عمومی قورقوسندن اولسه کرکدرکه ارطغرل بک وفات ایتمدیکی زمان قونیه تختنده بولنان غیاث الدین ثالث بن رکن الدین عثمان بکک امارتی تصدیق ایتمدیکی کبی ۶۸۱ تاریخنده آنک یرینه

بلك اوزمانلر مسلمان اولديغنى دكل ، بالعكس نهايت درجهلرده صلابت دينيه ايله، متصف بولنديغنى و نسلنك تأييدات غيبه يه مظهر اولديغنه معنوی بشارتلری موجود اولديغنى كوسترمكدر . هاه اوزمانلر سليمان شاه نامنده بزاتك ويا آنك اوغلك مشرك اوله ميه جغنى بيلمك اقتدارنى يالكز بزله مخصوص تنقيدات تاريخيه نتايجندن عد ايدرسهك غريب اولور !

بعض اوروپا مورخارى ده بورؤيالرى اساساً مخيلاتدن عد ايدرلر و بويله رؤيالر كوريز بيلمه نك امكانز لغنه دكل، تعبيرى بر نتيجه يه واره جق اوج رؤياك اجتماع ايلسنه وهان هر صاحب ظهور، هر مؤسس دولت ايچون بويله بر طاقم رؤيالر نقل اولنه كلسنه قائل اولورلر .

طوته لم كه بومسته وارد اولسون ، طوته لم كه رؤيالر تاريخ ايله داستان يازمى بر برينه قارشدير مقدن كندنى آله ميان و بناء عليه هم مؤرخلرك، هم حكايه جيلكك قدرنى تنزيل ايدن مهارتسز مداحلر طرفندن اختراع ايدلمش بولنسون ، مادام كه نتيجه تعبيرلرى اولان احوال فعلاً ظهوره كلشدر ، اصل رؤيالرك مخيلات حكمنه كيرمى عثمانليرجه ضايعاتدن معدود اوله ماز .

وقتا كه ۶۸۸ سنهسى ارطغرل بك اخرته انتقال ايلدى ، بالاده بر مناسبتله بيان اولنديغى اوزره سكود يوردينك بلكلكنى اين اوكى وقعه سنده فوق العاده بر شهرت اقتدار احراز ايتمش اولان عثمان غازى استحصال ايتدى . حال بوكه عمى دوندار بك

ايسه محالدر. چونكه مفصلك روايتنده دخي مندرج اولديغي اوزره ارطغرل بيوك اوغلي صاري ياتي ساوجي بك علاءالدين ويا عبدالعزيز ايله ملاقات ايمه دن اول موجود ايدى ؛ حتى ارطغرل اتى كوندردى ده سله ان علاءالدينن عشيرته اقامتگاه اوله جق يرايستدى . ارطغرل عبدالعزيزه تعبير ايتديرديكي رؤيائي كوردىكي زمان دهها تاهل ايتماي ايسه نصل اوليورده دنياده ساوجي بك كبي بر دلي قانلي اوغلي بولنيور ؟

ايكنجى رؤيا:

بركيجه ارطغرل غازي علمادن بر كيمسه خانه سنده مسافر اولوب بر كتاب كوردى . سه وال ايتدكده بو كتاب الله سبحانه وتعالى حضرتلرنيك رسول اكرمنه انزال ايتديكي قرآن كرئدر ديدى . بعده صاحب خانه اويقويه كيروب ارطغرل غازي تنها قالدقده صباحه دك مصحف شريفك قارشيسنده ال پرمجه ده اياغ اوزره طوردى . اول ائاده بر مقدار اويقويه واروب رؤيا ده بر خطاب ايشتدى كه سن بنم كلامه تعظيم وتكرم ايتدك بن دخي سه نك اولادكي قيامته قدر دائم اوله جق بر دولت جليله ايله تكريم ايارم .

مفصل بو ايكنجى رؤيائي يازدقدن صكره ديوركه:

بو فقره نك تواريخه قيد ايدلسنده كي مقصد آراشديريله جق اولورسه بك قوتلي اوله رق ظن اولنه بيلوركه محضا بو زمانه قدر ارطغرل شرف اسلام ايله مشرف اولمامش بولنديغى آ كلاتمق ايچون يازلمش اولميدر .

دنياده بويله بر تصور هيچ بر عثمانلي مؤرخنك خيال و خاطرينه كله مش اولديغى بيلمك ايچون براز اتعاب فكره بيايه حاجت مس ايتمز . چونكه فقره نك تاريخلره درجندن مراد ارطغرل

ایسه مال خاتونه اولان محبتنی شیخ اده بالینک خبر آلمسی
واز دو اجنه موافقت ایلمسی در .

بعض تاریخلرک روایتنه کوره عثمان بکک کوردیکی بررؤیاده
شیخک بو موافقتنی حصوله مدار اولمشدر . صحایف الاخبار
دیرکه :

عثمان غازی عصرینک مشایخندن شیخ اده بالینک زاویه سنه وارردی
وشیخ ایله دخی الفتی وار ایدی . بر کیجه رؤیاسنده کوردی که
شیخک قویبندن بر نور چیقوب کندینک قویبته یاخود جوفنه کیردی .
بعده کوبکندن بر آغاج بیتوب شولقدر عظیم اولدی که سایه سی جمله
روی زمینی طوتوب کافه ناس الک سایه سنده جمع اولدیلر . بورؤیایی
شیخه نقل بیوردقلرنده بر دولت عظیمه دائمه ایله تبشیر و کریمه لری
مال خاتونی تزویج بویوردیلر .

بوکا یقین ایکی رؤیاده ارطغرله اسناد اولنور : صحایف الاخبارک
بوایکی رؤیایه دائر اولان روایتلری ده زیرده عیناً نقل اولندی .
برنجی رؤیا :

ارطغرل غازی بر کیجه رؤیاسنده کوردی که او جاغندن صو
قاینایوب کتدکجه چوغالوب بر عظیم دریا کبی اولدی بالجله روی ارضی
مالامال ایلدی . ایرتسی بو رؤیایی بر عارف کیمسه یه حکایت ایله کده
سندن بر ولد وجوده کلوب کندیسسی و اولاد کرامی بالجله روی زمینه
یاخود اکثرینه حکم ایدر لر دیه تعبیر ایتدی همان بر قاق کون مرورنده
عثمان غازی وجوده کلدی .

(مفصل) ده ارطغرل بکک بو رؤیایی دها تأهل ایتهدن
کورمش و سلطان علاءالدینک کاتب و مستشاری بولنسان
عبه الغزیزه تعبیر ایتدیرمش اولدینی بیان اولنیور . بو روایت

غلبه سنی احراز ایدنجیه قدر انساندن صدورى مأمول اولنه میه جق صولتئر کوستردی ؛ سلاح سطوتنک برنجی استعمالنده ایسه بویله خارق العاده بر مظفریته مظهریتی کندیسنک اصحاب ظهوردن اولدیغنی یار واغیازه تصدیق ایتدیردی .

ارطغرک وفاتی صره سنده عثمان بکک عمی دوندار و بیوک برادری صاری یاتی ساوجی بک طوررکن عشیرت طرفندن کندیسنک بکلهکه اختیار اولمسنه این اوکی وقعه سنده احراز ایتدیکی اشتهار قهرمانی پک بیوک خدمت ایتشدیر .

عثمان بک ایچون بو محاربه نک اک قیمتلی بر غنیمتی ده کوسه میخال اولدی : بو ذات عثمان بکک عدوجانی ایکن اسارتنه دوشدکن صکره اخلاق عالیه سنه کر چکدن اسیر اوله رق صکره لری دولت نوظهورینک تأسیس و تقویه سنه عصر عثمانی رجالنک همان جمله سندن زیاده خدمت ایتشدیر . درایت و صداقتی جهتیله امیر صاحب ظهور نزدنده او قدر مقبول اولمشدی که اسلامنی اظهار ایتمکدزین عثمان بکک لسانندن (برادر) خطابنه مظهریتله اکتساب شرف ایلشیدی .

اخلاق عالیه اصحابیله علویت مفتونارینک بولندقاری عالم بالای استثنانک بویله طور طبیعیدن خارج انجذاب و اتحاد لردن هیچ بر تاریخده خالی قالدیغنی کورلمز .

این اوکی غالبیتنک عثمان بک ایچون اک پارلاق نتیجه سی



کلیات کمال

ابن نجی زینب

۱

عمدات ابنی تاریخ

جلد ۱
جزء ۲



استانبول


محمود کمال مطبعہ

۱۳۲۶

کتابخانه

بازار تهران - شماره ۱۰۰ - خیابان ولیعصر

ردیف	عنوان کتاب	تعداد	قیمت	ملاحظات
۱	تاریخ ایران	۱	۲۰۰	
۲	تاریخ اسلام	۱	۳۰۰	
۳	تاریخ جهان	۱	۴۰۰	
۴	تاریخ ایران باستان	۱	۵۰۰	
۵	تاریخ ایران معاصر	۱	۶۰۰	
۶	تاریخ ایران در عهد پهلوی	۱	۷۰۰	
۷	تاریخ ایران در عهد قاجار	۱	۸۰۰	
۸	تاریخ ایران در عهد صفوی	۱	۹۰۰	
۹	تاریخ ایران در عهد ساسانی	۱	۱۰۰۰	
۱۰	تاریخ ایران در عهد اشکانی	۱	۱۱۰۰	
۱۱	تاریخ ایران در عهد هخامنشی	۱	۱۲۰۰	
۱۲	تاریخ ایران در عهد سلجوقی	۱	۱۳۰۰	
۱۳	تاریخ ایران در عهد مغول	۱	۱۴۰۰	
۱۴	تاریخ ایران در عهد تیموری	۱	۱۵۰۰	
۱۵	تاریخ ایران در عهد زند	۱	۱۶۰۰	
۱۶	تاریخ ایران در عهد قاجار	۱	۱۷۰۰	
۱۷	تاریخ ایران در عهد پهلوی	۱	۱۸۰۰	
۱۸	تاریخ ایران در عهد رضاشاهی	۱	۱۹۰۰	
۱۹	تاریخ ایران در عهد مصدق‌شاهی	۱	۲۰۰۰	
۲۰	تاریخ ایران در عهد پهلوی دوم	۱	۲۱۰۰	



شماره کتاب: ۱۰۰
 تاریخ ثبت: ۱۳۰۰
 نام کتابدار: ...
 آدرس: تهران، خیابان ولیعصر، شماره ۱۰۰

خان ایسه عثمان بك كبی بر غضنفری قلبندن یاره لدکدن
 صکره کندنجه امنیتله یاشامغه امکان کوره مز اولدی ، دنیادن
 امیر مجاهدك وجودینی قالدیرمق ایچون فرصتزر کوزتمکه
 باشلادی ، توابع خاصه سندن بر قاچ ذات ایله نهایت برکون
 عثمان بکک این اوکی حاکمک ضیافتند ، بولندیغنی خیر الهرق
 اعوانی یاننه جمع ایتدی وخرمن قیایه متصرف اولان کوسه
 میخالدنده استمداد ایلدی ؛ ایکیسی بردن این اوکنی محاصره یه
 دلیلر ، حاکمندن عثمان بکک کندیلرینه تسلیم اولمسنی مبرمانه
 طلب ایتدیلر . صاحب ضیافت بویله بر حادثه نك ظهوری
 اوزرینه نه پیاغنی شاشیردینی حالدده قهرمان زمان کیفیتی خبر
 الدینی کبی سوق رقابت وداعیه انتقام ایله سراپا اتش کسپله رک
 جان فدای راه صادقی اولان بر قاچ دلیر ایله قلعه دن خارجه
 بر شدتلی هجوم ایتدی ؛ دشمن کندی فرقه سنه نسبت قبول
 ایتیمه جک درجه لده کثرتلی ایدی مع مافیله اقدامات فوق العاده سیله
 جمعیتی پریشان ایلدکدن بشقه کوسه میخالی ده اسیر ایلدی .

بو غلبه عثمان بکک باعث دولتی اولمشدر دنیه بیلور .
 چونکه دشمنک مقداری فی الحقیقه مغلوبیتنی محالات عادیهدن
 کوستره جک درجه ده ایدی ، فقط هر درلو حسیات عالیله
 وشدیده یه برقات دها رونق ویرمک شانندن اولان عشق عصمت
 پرورانه عثمان بکک شجاعت قهرمانیسی حد امکانک منتهاسنه
 کوتوردیکی کی خصمنک اوزرنده برده رقبتک صفتی اولدغندن

مع مافیه بو مجاهد عصمت پرور دنیانک اک بیوک قهرمانلرینی
 نئون ایده جک بر مجاهدۀ طاقتگذار ایله ماجرای محبتنی اوج
 سنه کتم ایتمکه مقتدر اوله بیلور. نهایت اسکی شهر حاکمه افشای
 زار ایدر : شیخک اقامتگاهنی انک حوزه حکومتده اولدیغندن
 مال خاتونک خطبه سنه وکالتنی رجا ایلر .

بو آدم ذاتاً عثمان بکده کوردیکی معالی اخلاقک حسبی
 حسودلرندن اولقله برابر غیظ درونی پرده مطاوعت و محبت
 لئنده ستره چالیشیر بر خان ایدی . خیانتده ایسه او قدر مهارت
 کوستردی که ماهیت شناسلقده درجه اقتداری بر دولت تأسیسنه
 موفقیتیه ثابت اولان بر صاحب ظهوری اغفال ایده بیلدی .
 فقط مال خاتون مسئله سی میدانه چیقینجه یوزنده کی نقاب ریایی
 قالدیرمه مجبور اولدی . چونکه شقایق نعمانیه ده کی ترجمه
 حالنده ده مصرح اولدینی اوزره شیخ حضرتلری زیاده سیله
 مالدار اولدیغندن میراثنه طمعاً مال خاتونک ازدواجنه بو اسکی
 شهر حاکمی هرکسدن زیاده طالب ایدی ؛ عثمان بکک مسئله
 محبتنی اوکره نجه انک املنه وساطتدن ایسه کندی حرصنه
 خدمت ایتمکه قالقشدی ، شیخ اده بالینی کریمه سنک کندینه
 زویجی خصوصنده اجباره باشلادی . اخلاق مزلفنه مقابل کوردیکی
 روی رداوزرینه بر درجه ازعاجه قصد ایلدی که حضرت شیخ
 محافظه ناموس و حیات ایچون خانماننی ترک ایله ارطغرل بکک
 بوردینه التجا مجبوریتنده بولندی .



عثمان بك

جای نظر اولان تصادفردندرکه متمزك عنوان افتخاری نام جلیله نسبت سایهسندہ حاصل اولان وطقوز یوز تاریخندن صکره کی خلفای اسلامک جد عالیشان بولنان سلطان عثمان بغدادده کی خلافت عباسیه نك تاریخ انقراضی اولان ۶۵۶ سنهسندہ تولد ایشیدی . بولندیغی حال مساعد اولدیغندن کندی تحصیل علم ایدهمدی ؛ فقط چوجوقلق زمانندن بری علما و عرفا مجالسنه نهایت درجه لرده مائل ایدی . ذکای نام اصحابی تربیہده اصحاب کمال ایله محبتکده همان تحصیل قدر فائدهسی معلومدر ، بو هوس سائقه سیله اوزمانلرجه بولندیغی یرلرک معارف ظاهرده علامهسی و فیوضات قلبیهده مرشد مکملی عد اولنان شیخ اده بالینک مجلس فضلنده بولمغی دنیا ده هر شیئه ترجیح ایدر و بناء علیه خاتفاهنه پک چوق کیدردی . برکون نظری بالتصادف حضرت شیخک کریمهسی و مقدمه ظهور دولتک صفرای استلزامی اولان مال خاتونه تعلق ایدر ، قلب صافنده ضیای آفتابه مقابل اولمش آینه کبی بر نورانی حرارت پیدا اولور .

کاتب چلبی ارطغرلک ۶۸۷ تاریخنده وفات ایتدیکنی بیان ایدر (هامر) ده بورواتی التزام ایلر؛ فقط روایتک موافق حقیقت اولدینی ثابتدر. چونکه سلطان غیاث الدین سلجوقی طرفندن سکودک عهدسنه توجیه اولندیغنه دائر برنجی دفعه اولمق اوزره سلطان عثمانه کوندریلان منشور ۶۸۳ تاریخلیدر؛ غیاث الدینک ارطغرلک بک حیاتده ایکن سکود یوردینی آنک عهدسندن نزع ایدوب اوغلنه توجیه ایتیمه جکی ده میداندهدر. ارطغرلک نجل کزینی اولان سلطان عثمان سن جوانی یه واصل اولنجه بر درلو سکونت حالده قالمغه مقتدر اوله مامش ومزیات جلیلهسنه بر بشقه جهت صرف واستعمال پیدا ایدرک دها پدیری صاغ ایکن میدان جلا دنده کورنمکه باشلامش ایدی.



ایچون اوزمان اسلامک اک بیوک قهرمانلرندن معدود اولان مشهور
 ملك الظاهر بییرس بر منتظم اردو ایله بریلره طوغری یوریمکه
 باشلادی . سلجوقیلر مصر مسلمانلری کندیلرینه دشمن ، مغول
 مشرکلری دوست ایمش کبی کندی ملککرنده کندیلرینی
 خر جکدار ایتمک ایچون موجود اولان تاتار عسکر یله اتفاق
 ایتدیلر معین منجیلر یله مقابله یه کیتدیلر ؛ البسان عحر اسنده بر
 ملحمه کبرایه کیرشدیلر ! بییرسک اقدامات رستم پسنده سی
 دشمن اردوسنی بتون بتون محو ایلدی . تاتارلر جنکیزک زله ورندن
 بری بو قدر فاحش بر هزیمته اوغرامامش لر ایدی . بییرس بو
 موفقیت اوزرینه قیصریه یه کله رک ملکک تخلیصنی مذا کره ایچون
 سلجوقیه امراسنی یاننه دعوت ایلدی . آنلر ایسه تاتارک دوش
 هزیمتی مصر لیلرک چهره شجاعتمدن دهاقورقنیچ کوردیار ، بر
 درلوا یلمخانک اسارتدن آیریله مادیلر ؛ بییرسی بولندیفی مه بیتدن
 ممنون اولانلرک سعادتته چالشمقدن بالطبع حاصل اولان فتوره
 دوشوردیلر ، کال نفر تله مصره عودته مجبور ایتدیلر !

بویله خصم اقارب ؛ یار اجانب اولمق بلاهتندن تحاش ایتمش
 فتنه لر ، دشمنک غلبه سنی اکمال ایچون آچلمش محاربه لرا د طغرل
 ایچون ابراز خدمته مساعد حاللردن دکل ایدی . بنشاء علیه
 اوزون عمرینک بر چوق زمانتی عشیرتنک امور یله اشغالده
 کچیردی . نهایت سنی طقسانی متجاوز اولدیغی حالده ۶۸۰ تاریخنده
 بولندیفی عالم ازوا وسکونندن جهان قدسه ارتحال ایلدی .

باشنده اولان حشرات اوراده ده تك طورمادیلر : ایمراطوری
 اعدام ایدرک استانبولی ضبط ایتمه کة قالشیدیلر ! ایمراطورده طوتدی ،
 عزالدینی حبس ایلدی . آل جنکیزدن اولا شرفیاب اسلام
 اولان قیچاق خانى برکای ویا اسلام مؤلفلرینک تحریف متفألانه .
 لرینه کوره برکه خان عزالدینک اصهارندن ایدی ، المانیا حدودینه
 بلا سارغونه و طونه و قره دکز و بحر حزر و جیحون و آق صو
 ایله بحر بالطق و بحر منجمد شمالی آره سنده کی یرلی حکم
 ایتدیکی قبائلک سمند تسلطنه پمال ایدن بو جهانگیر قیچاقدن
 ترتیب ایتدیکی اردو ایله قیشک بوز اوزرندن طونه بی کچهرک
 استانبولی محاصره ایله عزالدینی تخلص ایلدی ، کندی ملکنه
 کوتوردی ؛ فقط عزالدین اوراده ده راحت ایده مدی . چونکه
برکه خان وفات ایتدکن صکره یرینه کلان ذات عزالدین ده بر
 شامت تصور ایدرک کندیسنی دکز کنارنده بر محله حبس ایتدی ؛
 بیچاره بر خیلی مدت اوراده سفالتله عمر کچیردکن صکره ۶۷۸
 تاریخنده ارتحال ایلشدر .

سلطنت نامیله اوزر لرنده بولنان ذلت اسارتی برادری عزالدین
 ایله بردرلو پایلاشمغه مقتدر اوله میان رکن الدینی ده ۶۶۴ تاریخنده
 تاتار لر اعدام ایتدیلر . یرینه کلان غیاث الدین کی خسرو پادشاه
 اولدیغی زمان ایکی بوچوق یاشنده ایدی . ۶۸۱ تاریخنه قدر
 قونیه تختنده او بولندی ؛ فقط حکومت حقیقه تاتار امراسنک
 ننده ایدی ، دولت سلجوقیه بی بو مذلتدن قورتارمق

استیصالنه مأمور مبارز الدینه اعانه ایچون امر المش و جمعیت
فتنهك تفریقیه (بابا اسحق) ك اخذ وصلی موفقیتنهده ینه امیر
مجاهدك مهارت واقنداری سبب اولمش در .

ارطغرل بلك سلجوقیلره اك صوك خدمتی امیر مبارزالدینه
بوابده اولان معاونتیدر . چونكه بابا اسحق وقعه سنندن
براز صكره ۶۴۰ سنه سنده غیاث الدین تاتاره نابجا بر حرب
اچهرق بابا اسحق طرفدارلرینك ظلمندن هنوز قورتلمش
اولان اماسیه و قادی طرفلرینی برده مغول عفریتلرینه
تخریب ایتدیردكن صكره اماسیه قاضیسیله امرادن مذهب الدین
نامنده بر آدمك كسندن رخصت المفسزین ایلخانه مراجعتله
كوندردكلری خط امانی قبول ایدرك تاتاره اطاعتی خرجكذارلق
درجه سنه كوتورمشیدی .

۶۴۴ تاریخنده اوده وفات ایدرك عزالدین کیکاوس پادشاه
اولمش ایسهده برادرلری رکن الدین ، قلیچ ارسلان و علاء الدین
کیقبادده سلطنته تشریک اولندقلرندن مملکت بتون بتون هرچ
ومرج اولدی؛ کیوک خان ابلخانی بو حالی فرصت اتخاذا ایدرك
سلطانلرك عزل و نصبه مداخله ایتمه باشلادی : عزالدینی عزل
ایله یرینه رکن الدینی تعیین ایلدی . ایکی برادر حربه باشلادیلر ،
کاه بری کاه دیکرکی مغلوب اولوردی . مغلوب اولان تاتاره التجا
ایدرك و موجودینی صرف ایلهرك بریرلیغ ایله ینه قارداشك
اوزرینه کلیردی . نهایت عزالدین روم امپراطورینه التجا ایتدی .

ایده بیلدیکی عسکرک ریاستنی ارطغرله حواله ایتشیدی . خصم طرفنک کثرتی ایله ارطغرلک مهارت وشجاعت فوق العاده سی توازنه باشلادیغندن محاربه غایت خونریزانه بر صورتله اوج کون دوام ایلدی . مع مافیه ینه ارطغرل بک ایله عشیرتی تشکیل ایدن دلاورلرک کوستردکلری مثال قهرمانی ایله مظفریت اسلام طرفنده قالمشدر . فقط صکره لری جنکیزلرک هر طرفه استیلاسی علاءالدینه ده دهشت بخش اوله رق لطائف الحلی حیته ترجیح ایله متصف اولان بو پادشاه ملکنی سهولتله تعرضدن وقایه ایچون ایاقاخان طرفندن کلن « یرلیغ » ی [۱] قبول ایله تاتاره بر نوع اطاعت کوسترمش ایدی . ارطغرل بک ده اطراف ایله محاربه دن کف سلاح ایدرک کندی عشیرتک اداره سیله مشغول اولغه باشلامش ایدی . سلطان علاءالدین ۶۳۴ تاریخنده وفات ایتمکه یرینه کان غیاث الدین زماننده اماسیه طرفلرنده بابا اسحق نامنده بر شعبده باز ظهور ایدرک بر مغازه ده انزوا ایله خیلی مرید جمع ایتدکن صکره بر روایت کوره اصلاح عالمه مأموریت وبر روایت کوره نبوت ادعاسیله خروج ایلدی ؛ اماسیه وتوقاد نواحیسنی محو وتخریب ایتدیکی کبی پادشاهک سلطنتی ده مخاطره یه دوشوردی .

ارطغرل بک سلطان غیاث الدین طرفندن بو شقینک

[۱] فرمان معناسنه « یازلیغ » دن مخفف ترکیه کله در .

قیاس اولنورسه اولنسون وارطغرل بك طاقنك ده هر بری
برستم زال فرض ایدلسون ، ینه بر دولتك حدودینی
بر دیکرینك تعرضندن محافظه ایتمك یالکزجه درت بش یوز
قهرمانه تودیع اولنه بیله جك خدمتلردن اوله مایه جفی بك بدیهیدر.
علاءالدین قایی خانیلردن او قدر بیوک بر خدمت مأمول ایده یدی
بونلرك یوردینی روم سرحدینه نسبت قبول ایتمه جك درجده
مخاطره ده اولان تاتار سرحدنده تعیین ایدردی .

اوزمانلر قره حصار اهالیسی علی العموم خرستیان اوله رق
هر نه قدر ظاهرده سلطان علاءالدینه تابع ایسه لرده سلجوقیه
دولتنك ضعفی جهتیله کندی کندیلرنجه بر نوع استقلال
حاصل ایلمش ایدیلر ، اوجهته یانلرنده او یله مجاهد بر فرقه نك
وجودینی منفعت و مفسدتلرینه مغایر کوردیلر ، عشیرتی گاه
اچیقدن اچیغه گاه صورت خفیه ده بیك درلو تسلطلره ازعاجه
باشلادیلر ؛ بو حال اوزرینه ارطغرل بك علاءالدیندن مأذونیت
الهرق بر حمله صادقه ده قره حصاری ضبط ایله خصملرینی تنکیل
ایتدی ، استغنا پسندانه بر طرز ایله ملك مفتوحنی ده سلجوقیه
امراسنه تسلیم ایلدی .

هر فعلنده کوستردیکی اقتدار قهرمانی جهتیله دولت
سلجوقیه نك سلاح سطوته صاحب اولوق مزیتی امیر مجاهده
انحصار ایلدیکندن سلطان علاءالدین روم و تاتاردن مرکب
اوله رق اوزرینه هجوم ایدن بر دشمن اردوسنه قارشى تدارك

احمد مدحت افندیك « مفصل » عنوانیله نشر ایتمکده اولدیغی تاریخده :

« دولت سلجوقیه نك عثمانلیری (یعنی قای خانلیری) سکود طرفلینه اقامه واسکان ایتمش اولسندده بر اهمیت تاریخیه واردرکه نظر انتقاددن بروجمله تباعد ایده من . او اهمیت ایسه دولت مذکورده نك ارتق هر جهتدن انقراض علامتلی کورلدیکی حالده روم شرق دواتی طرفندن اولسون تأمین حدود قضیه سی اولدیغنه شبهه ایدیله من . »

دنیلور . بز بو مطالعهیه بدرلو اشتراك ایده میز ؛ چونکه ارطغرل بک بوزالر و رودی صرهمسندده دولت سلجوقیه ده هیچ کیمسه علامت انقراض کورمامکده ایدی . بالعکس علاءالدین (ایوبیه) فروغیله بر طاقم اتفاقله کیرشمش ، جلال الدین خوارزمی کی بر قهرمانه غلبه ایتمش ، نهایت تانار طرفندن اوزرینه سوق اولنان اردوی ده بوزمش و بوموفقیتلری جهتیله بیوک علاءالدین عنوان افتخارینی قازانمش بر ذات اوله رق ملکنی ایسه اجدادینک جمله سندن زیاده توسیع ایتمش ایدی . بناء علیه اوزمان سلجوقیلر ، دولتلینی سن نموک الک قوتلی بر فصلنده عد ایدرلر ایدی . علاءالدین ایسه کندیسنه عادتا بر صاحب ظهور نظریله باقاردی . هله روم امپراطورلغنک تسلطدن احتراز ایتک هیچ کیمسه نك خیال و خاطرندن بیله کچن شیلردن دکلدی . مع مافیه سلجوقیلری روملردن محترز فرض ایده جک اولسه قده ینه مفصلک مطالعه سنی قبوله امکان اوله ماز . کک دولت سلجوقیه و کک روم امپراطورلنی نه حالده

و مغلوبیتدن قور تارمغه کفایت ایدم بیلیر : انکلتره ایله فرانسه
 بیننده سفر صد ساله نامیله مشهور اولان محاربه میدیده ۱۳۳۷
 تاریخ میلادیسنده باشلادی ؛ فرانسرل طقسان ایکی سنه هان
 صورت مهادیده مغلوب اولدیلر ؛ پای تختلریله برابر ملککرینک
 یاریسندن زیاده سنی غائب ایتدیلر ؛ ۱۴۲۹ سنه سنده (ژان دارق)
 نامنده و اون طقوز یاشنده بر قز ظهور ایتدی ، ملهم و فرانسه یی
 تخلیصه مؤکل اولق ادعاسنده بولدی ، بر ایکی محاربه ده فوق
 العاده شجاعت کوستریویرمکله فرانسرل غیبدن مؤید اولدقلرینه
 اعتقاد ایتمکه باشلادیلر ، او زمانه قدر قلعه بر جندن اشاغی باقمغه
 جسارت ایدم میان فرانسر امراسنک بر چوغی بو اعتقاد ایله
 برر قهرمان کسیددی ، عمومک حمیتنه بر میدان امتحان آچیلدی
 و مغلوبلر استحصال ظفره باشلادیلر ، ناموسلرینی تعرضدن
 مملکتلرینی دشمندن قور تاردیلر ؛ او قدر مدت بلاسنی چکدکلری
 محاربه یه غالبیتله ختام ویردیلر .

ارطغرل بکک خدمتی ژان دارق وقعسندن دهها غریب
 بر شیمیدرکه او وقعینی تمامیله قبول ایتمکده اولان محاکمات
 تاریخیه بو خدمتی جرح وانکار ایلسون ؟

بوموفقیت اوزرینه ارطغرل بک سلطان علاءالدین طرفندن
 بیوک التفاتلره نائل اولدی . وقره طاغ یوردی قدرینه نسبت
 دون کورینه رک عشیرته طومانیج طاغلاری یایلاق وسکود
 صحراسی قشلاق تعیین اولندی .

قدر حیثی دینداشاری علیهنه مشرکله اعانه‌یی تجویز ایده بیلیمک
درکه دنائتندن بیک قات عالی ایدی !

ارهدن بومشاوره مسئله‌سی قالدیریلنجه روایاتک خلاصه‌سی
ارطغرل بکک سلجوقیلر طرفندن تعیین اولندیغی یورده کلورکن
تابع اولدیغی دولت عسکرینک تاتار ایله محاربه ایتدیگی برموقعه
تصادف ایتمش وبالطبع سلاح سطوتنی دشمن اوزرینه حواله
ایدرك غالبیتک اسلامه نصیب اولسنه سبب ویرمش اولسنندن
عبارت فالورکه بوده دنیانک اک طبیعی وقایعندن معدوددر .

خیراه تاریخننده ارطغرل بکک بو محاربه ده سبب غالبیت
اولسی روایتی ده جرح و تزییف ایدیلهرک درت یوز قرق کشینک
بر تاتار اردوسنه غلبه‌سی امکان داخلنده اولدیغنه دائر اوزون
اوزادی بر طاقم ملاحظه‌لر ایراد اولنمشدر .

مؤرخلر ارطغرل بکک سلجوقیلرک اردوسنه غالب کلن
تاتار عسکرینی یالکز کندی فرقه‌سیله بوزمش اولدیغندن بحث
ایتمش اولسه‌لر ایدی بیان ایتدکلری روایت حقنده اواعتراضات
تمامیله وارد اولوردی ؛ فقط تاریخلرک بیان ایتدیگی ارطغرل بک
فرقه‌سنک تاتاره غلبه ایتسی دکل ، سلجوقیلرک تاتار اردوسنی
بوزملرینه سبب اولسی در . درت یوز قرق دکل ، قرق درت
وبلمکه درت وبلمکه بر کشینک ابراز ایتدیگی مثال شجاعت بر
اردونک تأمین غالبیتنه مدار اوله بیلدیگی بیک کره تجربه اولنمش
حقایقنددر . بر اردو زرده قالور ، برادمک حرکتی برملتی فتور

ارتغرول بکک بر مشرک اردوسيله بر اسلام اردوسنی محاربه
حالنده کورنجه ایده جکی حرکت حقنده مشاوره یه احتیاج کورمسی
واو مشاوره ده رؤسای عشیرتک مشرکله اعانه طرفنی ترجیح
ایتمسی در .

قانی خانلی عشیرتی نفس ویا منفعتارینی محافظه ایچون اسلامه
قارشی تاتاره خدمتی ارتکاب ایتسه لر ماهاندن اخلاطه، اخلاطدن
رومه قدر اختیار سفر ایتمه که محتاجی اولور لردی؟ تاتار خدمتکار لغنی
تاتار لک ایچنده ایکن ترک ایدوب ده اسلام ملکنده صیغنه جق
بر یر بولدقن صکره می ارتکاب ایدر لردی؟ مقصدلری تاتارک
شرندن قور تلیق اولنجه اناره اعانه ایدوب ده، شاید غلبه معین
اولدقلری طرفده قلمدینی تقدیرده، ملکنده بولندقلری واحسان
وحمایه سنه نائل اولدقلری دولت سلجوقیه ایله بلایه اوغرامنی
وبو مناسبتله برده نقصان دیانت و کفران نعمت لکه سی قزانغنی
کوزه الدير مقدن ایسه ایکی خصمی محاربه حالنده ترک ایدرک بر
طرفه صاوشوب کیتمک ده سالم بر طریق دکلای ایدی؟

ایشته بو ملاحظه لره کوره مشاوره روایتی ارتغرول بکک
قدرینی اعلا ایچون اختراع اولنمش بر مداهنه کاذبه دن عبارت
کورینور که تخیل ایدن هرکیم ایسه امیرک شانی، قدرینی رفقای
حیتنک ناموس دیانت و مروتی اخلاص ایتمش اولیور .

یمین اولنه بیلیرکه بو مشاوره ده بولنان و صمصمه چاوش،
افچه قو کوارلپ، عبدالرحمن غازی کبی اولاد یتشدیرن امرانک

محاربه حالنده ایکی اردویه راست کلدیله : بری قلت و مغلوبیت و بری کثرت و غلبه حالنده ایلی ، ارطغرل بک ایدیله جک حرکت حقنده رؤسای عشیرتی مشاورهیه دعوت ایلی . جمله سی غالب طرفه اعانه ایله تاتارک شرنندن امین اولمق رأینده بولندیله و یالکیز ارطغرل بک مغلوب طوررکن غالبه اعانه مردلک شانندن اولدیغندن بحث ایدرک قوه موجوده سیله تاتار اردوسنه هجوم ایلی ؛ ارأه ایلیکی مثال فدا کاری و نمونه جلادته فتور تام حالنه کلمش اولان سلجوقیلرک خون حیتلرینه اتشزن غلیان اوله رق مظفریتک اسلام طرفنده قالسنه سبب مستقل اولدی .

مؤرخلرک دیگر طاقی ده وقعیه عیناً قبول یالکیز صاری یانی ساوجی بکک علاءالدین نزدینه عزیمتنی بو غالبیتدن صکره اولمق اوزره نقل ایدرلر .

ایکنجی روایت صحیح اولسه کر کدر . چونکه اوزمانلر عادتاً برفرقه عسکر حکمنده بولنان بر عشیرتک صاحبندن رخصت المقسرین بر هلمکه کیره بیلمسی قابل اوله مازدی . کیرمش اولسه او هلمکک اراضیسی یامیرینک یا اهلینک اوله جفندن او طوره جق ، تصرف ایده جک یر بولنه مازدی . بو مطالعهیه کوره استیذانک وقعیه دن مقدم اولسی روایتی قبول ایتمک طبیعیدر . احتمالکه ارطغرلک بر مدت سرمه لی چوقورده قالسی ده استیذانک جوابی المق ایچون ایلی .

برنجی روایتک عقله مطابق کلین بر جهتی واردرکه اوده



ارطغرل بك

مؤرخلرك متفقاً بيان ايتدكلرينه كوره ارطغرل بك ايله دوندار بك سليمان شاهك وفاتندن صكره رفيق همتملى اولان درت يوز قرق قدر قهرمان ايله ارضروم جوارنده (يسين) اوواسنه كلديلز، (سرمهلى چوقور) ده برمدت اقامت ايلديلز. بو مدت اقامت بر سنه دن فضله دكلدر.

ارطغرل بكك سرمهلى چوقوردن برى طرفه ورودينى مؤرخلر ايكي درلو نقل ايدرلر: بر طاقنك روايته كوره ارطغرل بك ايجاد اولادندن (صارى ياقى ساوجى) بكي حوزه ملكنده كنديسنه بر اقامت تعيينى ايچون قونيه ده كي سلجوقى پادشاهى علاءالدين اول حضورينه كوندرمشدى؛ سلطان علاءالدين قاى خانلى عشيرتنك مشهور اولان شجاعتنه بناء بو طلي كمال ممنونيتله قبول ايدر ك ارطغرل بكه قره طاغى يورد تعيين ايلدى.

دبدبه فتوحاتى درت يوز اللى سنه دن زياده دوام ايده جك بر جهانكبر دولت تشكيلنه موفق اولان شو درت يوز قرق قهرمانك شعشه استقبالنجه نه غريب بر براعت استهلالدر كه مطلع الانوار استيلازينه ورودلى صره سنه اولا بر بريله

قابی خانلیلرک خوارزم شاه عسکرندن اولدقلرینه اک بیوک
 بر دلیلده ازطغرل ایله سلجوقیه ملکنه کلن قهرمانلرک
 کوستردیکی مزیات فوق العاده در ، هانکی محاربهده بولندیلرسه
 کندیلرینه کثرتهجه نسبت قبول ایتمین دشمنلرینه دائماً غالب کلدیلر
 و درت یوزقرق کشی ایله بر قوجه دولت تشکیلنه موفق اولدیلر!
 قهرمانلرک بو درجه سی یالکز عشیرت معیشتنک تولید
 ایده بیله جکی مزیتلردن دکلدر ، عسکرلکده او مرتبهیه وصول
 ایچون پک چوق تجربه لره ، بیک درلو بلالره کیروب چیقمش
 اولمق لازم کلور . اوزمانده ایسه بو قدر معالی ایله متعصف بر
 قهرمان فرقه سنی تربیه ایتمک جلال الدین خوارزمیدن بشقه کیم
 مقتدر اوله بیلیردی ؟



افرادینه اون بیک چادر دینلمسی احتمال که سلیمان شاه ایله برابر حلب اوزرینه کیدن خوارزم عسکرینک عمومته قایی خانلی نظر ایله باقلمسندندر . قایی خانلی عشیرتی اکر اون بیک چادر اولسه یدی سلیمان شاهک درت اولادی بر بردن آیرلدینی زمان ایکسنه اتباع ایدنلرک درتیوز قرق کشی به منحصر قلامسی لازم کلیردی . سوریه ده اون درت سنه قدر اسلام و خرسیتیان امراسنی قلیچلرینک دهشتیله لرزان ایلدکن صکره ایوبیه دن سلطان مصر اولان ملک الصالح نجم الدین بن کاملاک خدمت عسکریه سنه دخول ایله ۶۴۲ سنه هجریه سنده صوک دفعه اوله رق قدس شریفی اهل صلیب لندن استرداد ایتمک شرف مجاهدانه سنه مظهر اولان عساکر جلالیه بقایاسندن حالا اورالرده قایی خانلی نامیله یاد اولنور بر عشیرت موجود درکه بوده قایی خانلیلر جلال الدینک رفقای حیتندن اولدیغنه همده بونلرک ارطغرل دن آریلان فرقه سی وهله بو فرقه نک هیأت مجموعه سی ایران و خراسان طرفلرینه کیتمدیکنه دلالت ایدر . احتمال که عشیرتک بر جزوی الجزیره و بغداد دن طولاشه رق لورستان و اصفهانه طوغری کیتمشدر ، فقط بونکلده کندیلرینک خراسانه عودت نیتنده بولندقلرینه حکم اولنه ماز . چونکه جبر کچیدنن خراسانه کیتمک ایستیانلرک یولی ده الجزیره و بغداد و لورستان و اصفهان طریق دکلدر . قایی خانلی عشیرتندن فی الحقیقه اورالره عزیمت ایدنلر وار ایسه طالعه نصیب راحتجه تعین ایده جک بریول بولمق آرزوسیه کتمش اوللرینه حکم ایدیله بیلیر .

اولاد و عیالیه برابر هجرت ایش او لمسی عسکر لکنه مانع اوله ماز ؛ او وقتک چادر نشین اولان عشیرت لری کرک بریری استیلایه کیتمک و کرک دشمنک پیشگاه تسلطدن چکلمک ایچون عائله لرندن آیرمازدی . حتی بویه تدافعی محاربه لرده عائله دن هیچ آیریه ماز لردی . نهایت دشمن طرفندن تضییق اولنان عشایر عائله سنی بر مأمن محلده براقیر ، حرب ایدر ، غلبه و یامغلوبیت نتیجه لرندن برینی حاصل ایتدکن صکره ایچارندن کیم صاغ قالیرسه کیده جکی محله عائله سیله برابر کیدردی . اما بلکه عشیرت جلال الدین ایله برابر هندوسندی طولا شامش ده پادشاه اورالرده اعلائی لوای جهاد ایدرکن سائر بعض امراکی ایرانک بر طرفنده قلمش در . مع مافیہ احتمال غالب عشیرت خلقنک جلال الدین هنددن عودت ایتدکن صکره اردوسنه التحاق ایش و اخلاطه برابر کلش اولمیردیر .

درنجی و بشنجی و التنجی فقره لرده کی استدلالا تدن آکلاشیلیر که قایی خانلیلر اخلاطدن ماهانه عودت ایچون چیقما دیلر ، حلب اوزرندن کچهرک سوریه یه استیلا ایدن عساکر جلالیه بقیه سندن ایدیلر ؛ رهبر حمیتلری اولان قهرمان پادشاه لری نی ضایع ایتدکن صکره تاتار ایله اوغراش مقدن مایوس اوله رق سوریه یه عزیزمته سائر سلاح ارقداشلرینه رفاقت ایتدیلر ، سوریه یه کچن خوارزمیلرک اون بییک قدر جنکاور اولدینی اقوام سائر نیک تاریخلرنده کوریلپور . بزم تاریخلرده قایی خانلی

عشیرتک دها تاتار نامنی یکی ایشیتمکه باشلامش اولان حلب جوارندهکی جبر کچیدنده نه ایشی وار ایدی ؟

سادساً قای خانلی عشیرتی اخلاطه کرک تاتار ایله حرب ایتمه رک کلش کرک سائقه حرب ایله چکلمش بولنسون ، دولت جنکیزیه نک جلال الدین خوارزمشاهی ده محو ایدهرک درجه منتهای تسلطه واصل اولدینی برزمانده البته بو عشیرت کندیسنه قلیجیله بریول آچهرق ماهانه کیتمک امیدینه دوشمه مشدر ؛ مع مافیله قای خانلیله بر خیال محاله قایلش فرض اولنسلر ینه بویله بر مقصد ارقه سنه طولاشانلرک حلب جوارندهکی جبر کچیدنده نه ایشلری وار ایدی سؤالنه بر معقول جواب بولنه ماز .

اک پارلاق ایام نوبهارک مبادی سحری بتون بتون قرانلقدن قورتیله مادینی کبی اک بیوک دولتلرک ده مقدمات ظهوری ظلام شکنن تمامیله تجرید اولنه مایور . مع مافیله بالادهکی محاکمات عقیده عنصر اصلیمزک خراساندن بورالره نقل ایدنجیه قدر اولان حالرنجیه حقیقت ویا احتمال غالب نوعندن برطاقم نتیجه لر استحصاله خدمت ایده بیلور .

شمدی برنجی وایکنجی فقره لردهکی حکمه نظراً قای خانلی عشیرتک اخلاطه قدر تاتار ایله حربدن وارسته اوله رق کلماش اولدینی عقله کوره تسلیمی ضروری اولان حقیقتلردن کورینور . اوچنجی فقره دهکی مطالعه یه کوره افراد عشیرتک جلال الدین عسکرندن اولدیغنه حکم اولنق لازم کلور . عشیرتک

ایچون قایی خانلیلرک رومه ، عربستانه چکایوبده دشمن جان
عد ایتدکلری تاتارک عدم محرارینه بکزمش اولدیغی ماهانه
عودت طلبنده بولملرینه نه درلو برسبب معقول تصور اولنه بیلور؟
جنکیزک قوتندن استفاده ایتمک ایستدیلرسه « اوکتای » ک
شرندن امین اوله جقلرینه نهدن امیدوار اولدیلر ؟ واقعا اوکتایک
بردرجه یه قدر اسلامه شفقتی و باباسنک جمع ایتدیکی یاری دنیا
مالی قدر خزینهلری آز زمان ایچنده محو ایتمکه کافی سخاوتی وار
ایدی ؛ فقط بوشفتت و سخانک قطعاً خوارزمیلره شمولی اولدیغی
ماوراءالنهردن جلال الدینی آرایه رق موصله قدر دوکولوب
کلمکده اولان تاتار اردولری اک قاطع و ملزم دایللردن دکلیدر ؟
برده اوکتای خانک عدالتندن استفاده ایچون اخلاطی ترک
ایدوبده خراسانه قدر کتمکه نه لزوم وار ایدی ؟ خصوصیه
جنکیز درتسنه اول جهنمه کیتمش ایکن خلفندن ظلم کورمامک
امیدینک حصولی تاتار اردولری جلال الدین خوارزمشاهی محو
ایدنجه یه قدر نهدن تأخر ایلدی ؟

خامساً طوتهلم که قایی خانلی عشیرتی تاتارک اخلاطه قدر
ورودندن صکره اللرندن قورتلقدن مایوس اولدیلر ، حیوانلرینی ده
اخلاطده بارندیره مدیلر ، اون ایکی سنه هجرتدن صکره برغریب
حب الوطن علتنه اوغرا دیلر ، ممالک اسلامیه دن برطرفه چکیلوبده
احرارانه یاشامغه ، تاتاره اطاعت ایدهرک خراسانده تعیش ایتمکی
ترجیح ایتدیلر ؛ تاتاره اطاعت ایدرک خراسانه کیده جک بر

ثالثاً قای خانلیلر تاتارک ظهوریله برابرماهانی ترک ایتدکلری حالده ایرانده ، هندستانده ، رومده ، عربستانده بر صیغنه جق یر بوله میوبده جلال الدین خوارزم شاهک اون ایکی سنه سمند جلادت اوزرنده دنیانک بر چوق یرلرینی دور ایتدکن صکره غربه طوغری چکیله چکیله یاننده قالمش اولان بقایای شهیدایه اک صوک اس الحركات اتخذ اتمکه مجبور اولدینی اخلاطی کندیلرینه مأمّن اتخذ اتمش اولملری محاکمات ذهنیه جه پک قولای قبول اولنه میه جق تصادفات غریبه دن دکمیدر ؟

رابعاً تاریخلر قای خانلی عشیرتک ماهانن مخرتله اخلاطه ورودینی جنکیزک ممالک اسلامییه مبادی تجاوزی اولان ۶۱۶ سنهسی وقایعنده و وطنلرینه عودته قیام ایتلمرینی ده جلال الدین خوارزم شاهک زمان غیبت و ارتحالی اولان ۶۲۸ و ۶۲۹ سنه لری وقوعاتنده ایراد ایدیورلر، بوحالده قای خانلیلرک عودت ارزوسی حیوانلرینک اخلاط طرفلرنده بارندیریله مامسنه حمل اولنه جق ایسه اون ایکی سنه حیوانلر اوراده نصل بارنمشلرده اندن صکره بارینه ماز اولمشلر ؟ برده حیوان بارندیرمق ایچون فرض ایده لم که اخلاطک ترکنه لزوم کورونمش اولسون ، بولزوم دنیانک بشقه برطرفنده مرعی یوق ایمش کبی تاماهانه کیتمکی نصل استلزام ایده بیلور مطالعه لری وارد خاطر اولمازمی ؟ بویله اولیوبده عودت ضرورتی تاتارک اخلاط طرفلرینه ده تسلطندن نشأت ایتدی دنیه جک ایسه، تاتارک تسلطندن قورتلق

ایتمکه باشلادقلری کبی محاکمات تاریخیه ایله مألوف اولمدقلرندن بویولده یازدقلری سوزلر مثل قیلندن ده اوله بیلور. حال بوکه « کیبون » ک مأخذلری اهل صلیب مؤلفلریدر ، انلرک زمان و مکانی سلیمان شاه وقایعی اوکرتمکه بزم مؤرخلردن بیک قات زیاده مساعد ایدی ؛ مأخذلردن او یله بر حکیمک تدقیقات مخصوصه ایله استنتاج ایلدیکی وقایع بیاغی ثبوت قطعی درجه سنی حاز کورینور .

چونکه اولا قایی خانلی عشرتک تاتار عسکری ظهور ایدر ایتمز قادین ، چوجق آلایی کبی محاربه سزجه وطنلرینی ترک ایدرک تاماهاندن اخلاطه قدر قاقچش اولسنی عقل قبول ایتمز . باخصوص بو عشرتک اون بیک آتلیدن متشکل یعنی حرب و ضربه مقتدر لاقلا اون بیک آتلی چیقاره جق بر هیأت اولدیغنی ینه او تاریخلر روایت ایدیور . و بخصوص الخصوص بو اون بیک خانه نک اصحابی درت یوز ، درت یوز الی آتلیسی جهانگیرانه بر دولت تشکیکنه کفایت ایتمش اولان عثمانلی قهرمانلرینک آبا واجدادی اولیور .

ثانیاً ماهان طرفلری او زمانلر دولت خوارزمیه نک ایدی ؛ خوارزمیلرک تاتارلرله حرب ایچون حجرلردن ، شجرلردن امداد اولمدقلری بر زمانده بر مغلوب دولت ایچون اسباب حیاتدن معدود اوله بیله جک اون بیک خانه بی سلمه السلام ایستدکلری یره قاقچوب کیتمکده مختار براقش اولملرینه نصل احتمال و یر یله بیلور ؟

« جنکيز چکله کدن صکره خوارزم سلطان جلال الدين ايرانده اولان ممالکني اداره و محافظه ايچون هنددن عودت ايلدي . بو قهرمان اون برسنه ظرفنده اون دوت ميدان محاربه سنه کيرشدي . اقدامي بر صورتده ايدی که سواريسنک رياستنده اوله رق بيک ميل بعدنده بر محله يعني تفليسدن کرمانه يتمش کونده واصل اولمشيدي . بونکله برابر امراي اسلامک حسد ورقابي و تاتار اردولرينک قابل تعداد اوليه جق کثرتي کنديسني مغلوب و مضمحل ايتشد . دلاور جلال الدين صوک مغلوب يتندن صکره کرديستان طاغرنده شانمز بر حال ايله محو اولدي . جلال الدينک وفاتي بر چوق ترکان عشيرتلرندن مرکب اولدق لري حالده خوارزميلر عنوانيله سلطانک طالعه رابطة بند اختيار اولان قديملي غيرتلي اردوسنک طاغلمسني اعجاب ايلدي .

بورادو رؤساسنک الکزياده قوت و جرأت اصحابندن اولان لري سوريه يه هجوم ايله قدسي يغما ايتديلر . بر طاقمي ده قونيه پادشاهي سلطان علاء الدينک خدمتته کيرديلر . ايشته قوم عثمانينک اجدادي بونلراره سنده بولنمده ايدی . بونلر اوللري جيحونک جهت جنوبيه سنده بولنان ماهان صحرا سنده مقيم ايديلر سليمان شاه که خوارزم اردوسنک يا مقدمه ويا ساقه سنه قوماندا ايتکده ايدی ، فرات نهري ني کچرکن غرق اولدي . اوغلي ارطغرل علاء الدينک تابعيت و عسکرلکني قبول و سقاريه نهري جوارنده سکود ناحيه سنه دوت يوز چادر ويا عائله يرشمش والي سنه قدر بونلرک حکومت ملکيه و عسکر به لريني اداره ايتشد . »

قاي خانلي طاقنک اخلاطه و رودندن سليمان شاهک وفاتنه قدر اولان وقايه دائر بزجه کندی تاريخلر مزنک روايتي مسلماتدن عد اولنيورسده بوروايتلر تدقيقات تاريخيه قارشيسنده مقبوليتني محافظه ايديه بيله جک حکم و قوتی حازر کورونمز : بزم مؤرخلر دولتک و قوعاتي ظهورندن بر ، بر بوچوق عصر صکره ضبط

سائر عثمانلى مؤرخلرى ايسه ديرلرکه قاي خانلى عشيرتى تاتارک خراسانه تسلطى اوزرينه ماهانى ترک ايدرک اخلاطه ککشيدى. اون بيک خانه دن عبارت اولان بو عشيرت تاتارلرک اورالره قدر کلمسى اوزرينه اخلاطه آرام ايدمه ديکندن و بعض روايته کوره حيوانلرينى بارنديرمه ديگندن کلديكى طرفه عودت ارزوسنه دوشدى ، بو عزم ايله حلبه طوغرى کيدرکن رئيس عشيرت اولان جد جليل عثمانى سليمان شاه (جبر) کچيدى جوارنده هرکسدن اول فراهه آت سوردى ، کيرديكى ير ايسه اوچوروم اولديگندن کندينى آلهمدى ، نهر ايچنه يوارلاندى ، آياغنى اوزنکيدن قورتاره ديگندن مغروقاً ارتحال ايلدى .

بوفاجعه اوزرينه سليمان شاهک درت اولادى بيننه اختلاف دوشهرک ايجلرندن سنقورتکن بک ايله کون طوغدى بک عشيرتک اکثر افراديله برابر جزره و بغداد طريقيه لورستان و اصفهان اوزرندن طولاشه رق ينه خراسانه طوغرى کيتديلر ، ارطغرل بک ايله دوندار بک ده درت يوز قرق قدر سوارى وانلرک عالهلريله برابر شماله تحويل عنان ايدرک (يسين) اوواسنده سورمهلى چوقورى آرامگاه اتخاذا ايلديلر .

انکلتره حکماى ادباسندن مشهور « کيبون » روما ايمپراطورلغنىک تاريخ انقراض وسقوطى عنوانيله يازديغى کتاب معتبرک ظهور عثمانياه متعلق اولان فصلنده شو تحقيقاتى بيان ايدبور :

(انارالله براهينهم) آبا واجدادى (رحمهم الله) توراندن ايرانه بل
 اخلاطدن يونانه مهاجرت ومظاهرت طريقن مسلوک طوتوب «
 عباره سى ده اثبات ايدر . واقعا بو عباره يه نظراً قاي خانليلر
 اخلاطدن رومه ده سلچوقيلرله برابر گلش اولمق لازم کليور ؛
 فقط بو ياکلشلق لسانمزده اوتهدن برى قافيه سائقه سيله
 اوغرانيله گلش معناسز لقلردن بشقه برشى اولديغى ادانا ملاحظه ايله
 معلوم اولور .

روايتده اختلاف قاي خانلى عشيرتنک ماهانى ترك ايتمسندن
 باشلار . (نستى) قاي خانلى عشيرتنک تاتاردن يوز يتمش
 سنه اول اخلاطه کلديکنى روايت ايدر ؛ فقط بو روايت
 جمهور مؤرخينک تحقيقاتنه مغاير بر خبر واحد اولديغندن هيچ
 برطرفدن مظهر قبول اولمامشدر . کاتب چلبى سليمان شاهک
 تاتار هجومندن بيزار اوله رق ۶۲۱ ده ماهانى ترك ايله حلبه کليرکن
 فراتده غرق اولديغنى بيان ايدر ؛ بوده هم روايت مشهوره يه همده
 تدقيقات عقليه يه مغايردر . چونکه ينه کاتب چلبينک تقويم
 التوارينخنده ده کورلديکى اوزره جنکيز ماهان طرفلرينه ۶۱۶
 سنه سنده تسلط ايلش سليمان شاهک وفاتى ايسه ۶۲۹ تاريخنه
 تصادف ايتمشدر . سليمان شاه تاتار تسلطدن قورتلماق ايستينجه
 اويله بر مقصد ، تاتار استيلاسنندن بش سنه صکره مى خاطرينه
 کليردى ؟ برده ماهاندى حلب قصديله ۶۲۱ تاريخنده چيقمش
 اولسه وجهه غزيمتنه وصول ايچون سکنز ييل يول يوريمک مى
 اقتضا ايدردي ؟

ايدن سلطان «سنجر» ی — دها عشر تلکدن دولت حاله انتقال ايتکمزمين — مغلوب واسير ايتشار ایدی ؛ بو جلادته برابر اخلاقجه فضيلتلى ده بر مرتبه ده ایدی که اللرنده اسير اولان سلطان سنجره تحت پادشاهیده عظمت نشين اولديغی زماندن زياده حرمت ايدرك حریت و اطاعتك جمع و توفيقنجه تاريخلرده مثلی پك آز کوريله بيله جك صورتده اظهار کمال ايتشار ایدی .

قاي خانلی شعبه سی ايسه بر طائفة فاضله ايجنده بيله اك زياده نجابتله معروف اولانلردن ایدی . مطلقا او درلو فضائل ايله اتصافلى نتايجندنرکه سلطان عثمان کبي وجودی عالم انسانيته مدار مفخرت اوله جق بر عاليمت صاحب ظهور ، حماسه بی تکلفاتنده «عثمان ارطغرل اوغليسك اوغوز قاي خان نسليسك» سوزلريله هم اوغوزه ، هم قاي خانلی يه انتسابی کندنجه باعث افتخار عد ايتشار .

بزم مؤرخلردن اکثريتک قولنجه قاي خانلی عشيرتی اوغوز طائفه سندن بر شعبه اولان سلچوقيلرله برابر اقصای شرقدن ماوراءالنهره کلهرك بر مدت اورالرده طوردقدن صکره سلطان محمود غزنوینک امريله خراسانه کچمش و مروشا هجان توابعندن ماهانده اقامت ايتش ایدی . بورايه قدر تاريخلر متفقدر . سلچوقيلرله قاي خانليرک ايراندن برابر کلديکنى علاءالدين ثانی سلچوقينک سلطان عثمانه کوندرديکی ترکیه منشورده کی «عهدبعید وروز کار میدیدن آبا واجداد عظامزله



عثمانليلرک اصلي

خلافت عباسيه نك ظهورندن ايكي بوچوق ، اوج عصر
صكره مبتلا اولديغي ضعف اوزرينه ايران وتورانده خروج
ايدن . لوك طوائفه كاه خدمت وكاه خصومت ايدر بر طاقم
جنكاور عشيرتلى پيدا اولمشيدي كه دائما محاربه لرده بولمق
ومعيشت بدات لوازمندن اولان هر درلو مشاق ايله اتلاف
ايمك جهتلىله زمانلرينك فن حربى حكمنجه اورالرك اك
كزیده عسكرى عد اولنورلردى .

ايشته شجره طاهره عثمانيه نك اصلي اولان (قاي خانلى)
عشيرتى ده نعمت حریتدن قلیج اككى اوله رق استفاده يي اعتیاد
ايدن او جنكاورلردن اوغوز تركاننك بر شعبه سيدر .



عرب وعجم تاريخلرنده املاسى « غز » شكندده ضبط
اولنان اوغوز قومنك مزيات جلادتى بر درجده ايدى كه
يرانده كى سلاطين سلجوقيه نك اك بيوكلرندن معدود اولان
وكثر فتوحاتى جهتيله اسكندر ثانى عنوان مفخرتى احراز

چونکه عباسیه بقایاسندن (المستنصر بالله ابوالقلم احمد)
 مصرده دولت ممالککک الکیوک پادشاهی اولان (بیرس) قوتیه
 اعلان خلافت ایتمش و مصرک سلطان سلیم طرفندن فتحنه قدر
 اخلافنه خلیفه نامی ویریه کلش ایسه ده بونلرک جمله سی ملوک مصرک
 براسیر مظنظنی حکمنده اوله رق امور اداره جه قطعياً حکماری
 اولدیغندن دین و دنیا ریاستنی جامع بولنان خلافت اسلامیه تأثیرجه
 وجود و عدمی سیان اولان قوری عنوانلردن عبارت قلمش و بی
 احرك ملککنده کی وسعت سزک و موقعنده کی مساعده سزک جهتاریله
 فائده سی ، بر قاچ ملیون مسلمانک اوچ عصر قدر ترقی معرفت
 و محافظه حریتنه انحصار ایتمش اولدیغنی کی آسیاده تانارک اسلامیتی
 قبول ایتمسیه برابر حق و صدقه تحویل الکنز اعتقاده منحصر
 قاهره رؤسانک تمایلات خونخوارانه سی واهالینک مطاوعت
 حملانه سی جهتاریله تصرفات دنیویه جه ینه مرعیت ، جنکیزک
 (یاسا) سنده قلمش ایدی .

ایشته بو عصر مصائب ، آرقه سندن دنیا نک برخمی وسعتنده
 قانلره ، آتشلره مستغرق برغروب لوحه سی بر اقره رق مغرب فنایه
 تقرب ایتمکده ایکن (سلطنت سنیه) نک ، یوزلرجه سنه لر عالم
 اسلامیت و بلکه بتون جهان انسانیتی شعشعه فیوضاتنه غرق ایدن
 نجم و هلال اقبالی آسیانک غربندن پرتو افشان اعتلا اولمغه
 باشلادی .



نمای نهور اولان (بنی احمر) دولتی کرامت عرفان ایله محافظه ایتمه موفق اولشیدی .

فقط قرن سابع ابتدا ایدر ایتمز یاری جهان طولیمی وحشینک ریاستنه کچمش اولان جنکیزک واعقابیه او اعقاب ایچنده همان جمله سنک لایق اولدینی لغتی رحمته تحویل ایدیه بیه جک درجه لرده تفوق نمای رداثت اولان هلاکونک هر طرفه طاغتدقلری یوز بیکلرجه عفریتدن مرکب اردولر هالایا طاغلرندن سیریا چولترینه ، قونیه صحرالرندن ژاپونیا دریالرینه قدر او یله ظلم آتشرلی یاقدیله ، او قدر مظلوم قانلری دوکدیله که او آتشارک شعبه سی یئار طاغلرک قعر زمیندن افلاکه سر چکن لهیبیه ، او قانلرک طالغه سی جو هوادن زیر زمینه قدر نفوذ ایدن طوفان نوحک طالغهرلیله یاریشیردی .

تورانده ، ایرانده بولنان دولتلردن بشقه بغدادده کی خلافت اسلامیه ده او آتش تعدی علولری و خون ناحق طالغهرلی آره سنده محو اولوب کیتمش ؛ مسجد اقصای دیانت ، دارلفنون مدینت اولان کشورلرده تاتارک تختهدن یونتلمه صنملرندن ، انسان کیکنندن یاپلمه قه لرنندن بشقه برشی کورنمز اولمش ایدی . مصرده (ممالکه) نکسطوتی ، غربده (بنی احمر) ک معرفتی دکل ؛ عصر سابعک او اخرنده نوروز بکک مجاهدات صحابی مشربانه سی وسلطان غازانک اجرا آت حقایق پرورانه سی قوتیهله تاتارک اسلامیتی قبوله باشلامسی بیه رونق اسلامی جنکیز وهلاکوبلیه لرلیله دوچار اولدینی عقده زوالدن قورنارمغه کافی دکل ایدی .



عثمانليارک ظهوری

ہجرتک قرن سابعی اسلامیت ایچون اک قانلی ، اک مدھش
بر دور نحوست اولہرق ابتدا ایتمشدی .

واقعا قرن سادسدہ باشلایان وبر سیل خروشانک امواج
معموریت بر اندازانہسی کبی اوغرادینی برلری تخریب ویکدیگرلرینی
تعقیب ایدہرک شالدن جنوبہ طوغری آقوب کلدیکی حالدهبلاد
سوریہده - عالم انسانیتک بحق اولیای نعمندن معدود منتخبات
قدرتدن - صلاح الدین ایوبینک سدرصین صلابتنہ اورہرق دہا
او قرن ایچندہ تفرق وانحدارہ یوز طوتان اهل صلیب بلیہسنک
سرپندیلری قرن سابع ایچندہ ممالکۂ مصرک ہمت قہرمانانہسیلہ
بتون بتون محو اولوب کیتمکدہ ایدی .

واقعا جبارہنک عصرلردن بری اندلسدہ برنفت جہنمی [۱]
ایلہ اشعال ایلدکلری آتش تعدیدن اورالردہ بولنان اهل اسلامک
بر جزوئی ینہقرن سابع اوائلندہ اندلسک برکوشہسندہ سعادت

[۱] (نفت ، نونک فتحی وفانک سکونیلہ ، اوقلامک معناسندہ در .

بر صاحب اقتداره نصیب اولمیان بویله بر بختیارلق
 بنم کبی برعاجزه هیچ میسر اولمیه جغنی یقیناً بیلدیکم
 ایچون اصحاب مطالعه دن بلکه هر صحیفه ده تصادف
 اولنه جق نواقص حقنده مسامحه نیاز ایدرم .

ردوس : فی ۱۵ محرم ۱۳۰۵۰ نامو کال



یازمقدمه بر معنی کوره مدم . مثلاً دولت عثمانیه نیک
 تاریخندن بحث ایدن روم مؤلف لرنندن برینک اسمی
 « خالقونندیلی » در فرانسولر ایسه بو اسمی
 « شالقوندیلی » طرزینه تحویل ایتمشلر . لسان
 کندیلرینکدر، ایستدکلری کبی تصرف ایده بیلیرلر،
 فقط بزم اوילה بر تخریفی قبول ایتکلکمزه هیچ
 بر لزوم، هیچ بر مناسبت کورنمز . بو فکره بناءً
 اثر عاجزانه مده بالمناسبه ایراد اولنان اجنبی اسملردن
 مثلاً (قیصر و هرقل) کبی بتون بتون السنه
 اسلامییه مال ایدلمش اولانلردن ماعداسنی منسوب
 اولدقلری لسانده نه درلو تلفظ اولنورسه او درلو
 یازمغه چالشم .

بو تالیف حقیرانه نیک خطادن سالم اولسنه المدن
 کلان غیرتده قصور ایتدم . فقط دنیا ده بیکده

مطالعه نك اُرده يكي يكي بر طاقم معلومات كورمكله
ممنون اوله جفته اميدوارم .

مؤرخلك وظيفه سنك مقتضياتنه رعايه كتابي
ممکن اولديني قدر ساده يازمغه چالشم . اكر
ايچنده ساده طرز افاده يه مفاير بعض عباره ويا كلمه لر
كوريلور ايسه اعتماد اولنسونكه آنلري اختيار
ايديشم آرزو ايتديكم فكري بشقه يولده بيانه
چاره بوله مديقمندور .

زما نمزده السنه اجنبيه دن لسان عثمانيه آلنان
كلمه لر فرانسز شيوه سيله يازيليور . حال بوكه
فرانسز لر كلمات اجنبيه نك اكثريني كندی لسانلرينه
آلدقيلري زمان تحريف ايدرلر . بر اجنبي كلمه يي
ايسه طوعر يجه منسوب اولديني لساندن آلمق ممکن
ايکن آرده فرانسزجه نك وساطتنه مراجعت
ايدوبده طوعري يازيله بيله جك شيئي يا كلش

کلنجه : زما نکزک اک بیوک مؤرخلرندن بری «اگر
تاریخ احوال مماثلہ ایچون بعض قواعد استخراچی
داعیه سیله جمع اولمش برطاقم وقوعاتدن عبارت قالور
ایسه بوندن حاصل ایدیله جک معلومات هم ناقص
هم فائده سز اولور؛ چونکه هیچ بروقه عینی عیننه
هردرلو عوارضیله برابر تکرر ایتمز. فقط هر وقعه یه
ارادات قدرتی آز چوق وضوح ایله بیان ایدیچی
برکلام حکمت نظریله باقیلور ایسه اوزمان تاریخک
نه قدر بیوک اهمیتی اولدینی کورینور، دیمش ابو
درس حکمته اتباعاً اثر عاجزانه مده محاکمه و مؤاخذه
یوللو خاطره کلان بعض مطالعاتی ایراده جرات
ایتدم. فقط وقوعاتی مطالعاته توفیق ایتمکه دکل،
بالعکس مطالعاتی وقوعاتدن استنباط ایتمکه چالشدم.
محاکمته او قدر اعتماد ایتتم، فقط اصحاب

قالمق ، فائده مقایسه غائب اولماق ایچون هر فصلده
 سائر دول اسلامیة نك وقایعنه دائرده برر خلاصه
 یازلمق مقرر در . دول غیر مسلمه وقوعاتندن ایسه
 بزه مناسبتی اولانلرک صره سی کلدکجه درجیله
 اکتفا اولنه جقدر .

کتب اسلامیة دن واورویا تاریخلرندن بر خیلی
 شی تتبع ایتدم . تحقیقات عاجزانه مده دولت عثمانیه
 وقوعاتنک اک مهملرندن بعضیلری روایات مشهوره یه
 مغایر ظهور ایلدی .

بو جهتله اصل تاریخده وقوعاتنک کافه سی ایچون
 ماخذ کوسترمکه مجبور اولدم . مدخلده ایسه بو قدر
 تکلفه لزوم کورم دیکم ایچون یالکزمه ائخذ ارانه سنی
 بتون بتون یکی ویا خلاف مشهور اولان روایاته
 حصر ایلدم .

تاریخک ترتیبجه التزام اولناز مسلك خصوصنه

مأخذ اولفله برابر ، تاریخ او قویاندر ایچون بر مختصر
تاریخ مطالعه سندن مطلوب اولان فکر اجمالی بی
حقیله حاصل ایتمکه مساعد دکدر ، هله اوروپایه
دائر ویردیکی خبرلر بتون بتون سخطالی ، نقیصه لیدر .
دول اسلامیہ حقنده یالکز بو مأخذن آله جق
معلومات ایله دولت علیه وقایعک حقیله استفهامنه
فکرلر اعداد ایدلمک قابل اوله ماز . اوجهتله بو
فصللره ، زائد کورینه جک بعض تفصیلاتک درجنه
مجبوریت کوردیدی .

بوآرده مختصر و فقط وقوعات مهمه نک کافه سنی
جامع بر تاریخ اسلام وجوده کلمسندن حاصل اوله جق
منفعتده مدخلک بو قدر اوزامسنجه مدار اعتذار
اوله جق حاللردن بریدر :
اصل عثمانلی تاریخنئی ایسه ، مأخذلرم مساعد
اولدجه تفصیل ایتمدم . وقوعات اسلامیہ ناقص

دورده بولسان چین خاندان حکمداریسنک تاریخی
نقل ایتمکده بر فائده کورمدم .

مدخلده دول اسلامییه دائر اولان فصللر
احتمال که بر مدخله مناسبت آلمیه جق قدر اوزون
اولدی ، اوده ضروریدر ؛ چونکه لسانمزده ، صحایف
الاکبار ، ترجمه سندن بشقه دول اسلامییه نک وقایعی
تفصیل ایدر بر تاریخ یوق ، صحایف الاخبارک
مندرجانی ایسه ناقص اولدقدن بشقه تفصیلاتنک
درجه سی ، وقایعک اهمیتله متناسب دکدر . مثلاً
• ابو عبدالله البریدی ، نک فتنه محرککندن ، اشقیاء
ریاستندن عبارت اولان افعالیله یدی بوچوق صحیفه
طولدیرلمشده عظمای مجاهدیندن ، شهابالدین
غوری ، نک احوالنده یالکز ایکی سطر یازی ایله
اکتفا اولمش . بو جهتله صحایف الاخبار ، تاریخ
یازانلر ایچون بعض دولتلرک احوالجه کوزل بر

مبادیء اسلامده کی جهانگیر لر آلاینک برنجی
 صدمه سنه تصادف ایدن دولت ساسانیه نك محمدیلرله
 مناسبتی دولترینه برقاچ سنه مقاومت ایده بیلمکن
 عبارت ایدی . مع مافیہ بعض خصم لر مزك بیانی
 کبی ، بو دولتکده اسلام النده محو اولدینی زمان
 ذاتاً مشرف انقراض اولمش اوافق بر جمعیت اولدینی
 کوسترمک ایچون ایکنجی فصل اوله رق مختصر بر
 تاریخنی درج ایلدم .

ایرانک اوتہ طرفنده فتح اولنان یرلر ترک وتبت
 خانلرندن آلمش ایدی ؛ اوزمانکی خانلرک ذاتاً
 تاریخلری مضبوط دکلدرکه نقل ایده ایم . واقعا بونلر
 لفظی مراد بر تابعیتله چین حکمدارلغنه تابع ایدیلر ؛
 فقط کندیلری هر حرکتلرنده مستقل اولدقلری
 جهتله چینک ترک وتبت مناسبتیله اولسون حکومت
 اسلامیہ ایله معامله سی پک جزوی اولدیغندن ، او

اولان حکومتک ، غریبه اسلامک پیش استیلاسنه
 سد اولان قوتک حالندن برفکر صحیح ویره بیلمک
 قابل دکل ایدی . ثانیاً عربدن اول ظهور ایدن
 دولتسزک اک بیوکی اولان روما دولتی عرب
 سلطنتیله موازنه ایچون ارباب مطالعهیه برمقیاس
 عرض ایتک ایسته دم ؛ لسانمزده ایسه بومقصدلره
 خدمت ایده بیله جک یولده یازلمش بر روما تاریخی
 یوقدرکه اکا مراجعت توصیه سیله اکتفا ممکن
 اولسون ! [۱]

[۱] بومقدمده کورولن « قویروقلی بیلدیز » ، « تنویر افکار »
 کبی برقاچ تعبیر ۱۳۰۴ سنه سنده نامق کمال ساقز متصرفلغنده منفی
 بولوندوغی صیره ده انتشار ایتمش اولان ایلک جزؤ تاریخنده کورولنجه
 سزایک جاسوسلری ژورناللری یاغدیرمش و عثمانلی تاریخی عبدالحمیدک
 صورتی بوجزؤک باشنه علاوه ایتدی کمز شفره مابین تلفرافندن مندرج
 اراده سیله منع اولنهرق کالده بو حادثه نك تأثیر الیمله براز زمان صکره
 ارتحال ایلش در . نامق کمال عبدالحمیدک بو اراده طالمانه سندن صکره
 تاریخه برحرف علاوه ایدمه مشیدی . اثرینی اکمال ایتک ایسته سیدی
 بیله عمری وفا ایتدی . بیاننامه مزده سویلدیکمز کبی عثمانلی تاریخی
 یالکمز دور استیلایه قدره موجوددر . تاریخ اسلامده اکمال ایدله مش در .
 بناء علیه اول امرده عثمانلی تاریخی نشر ایتکی ترجیح ایلدک .

حکومتك نه بزمله اوغراشمغه وقتي وار ایدی ،
 نه ده اوغراشه جق اولسه فرانسه زادکانندن اعانه
 کوره بیلمسنه امکان قالمشیدی .

ایشته فقدان اقتدار ، عوارض جسمانیه ، مشاغل
 حکومتله برابر عثمانلی تاریخی عنوانی آلتنده شو
 کتابک جمع و تالیفنه بنی تشویق ایدن حال ، تاریخچه
 لسانمزده موجود اولان نقصانک ا کماله عاجزانه
 بر خدمت ایده بیلمک آرزوسیدر .

تاریخه باشلامادن اول برمدخل ترتینه مجبور
 اولدم که برنجی فصلی روما تاریخنک ظهور اسلامه
 قدر بر خلاصه سیدر . احتمال که بو خلاصه نک اوزونلغی
 اصحاب مطالعه دن بعضیلرینه کسل ویرر ؛ فقط دها
 زیاده اختصاره مقتدر اوله مادم . اولاروما بیلمدکجه
 انقراضنه قدر دول اسلامیه ایله مناسبت ورقابت
 حائده بولنان شرق ایمپراطورلغنک ، اندلسده محو

حال بوکه سیکیزموند نیکیولی مغلوبیتنده خطر جعتنک
 عقبگیر لر طرفدن قطع اولنسی جهتیه مجارستانه
 کچه میه رک ردوس شوایه لرینک رئیسیه برابر
 طونه دن قره دکره و استانبول طریقیه ردوسه
 کلمش و اورادن مجارستانه عودت ایتدیکی زمان
 حکومتی غضب ایتمش اولان خصماسی طرفدن حبس
 اولمش ایدی .

ایشته سیکیزموند بزم اعوام فترتک اکثرینی
 حبسده کچیردیکی کبی مؤخرأ حبسدن قورتلمش
 و تکرار نائل حکومت اولمش ایسه ده اوزمانده ،
 اولانجه اقتدارینی آلمانیا ایمپراطورلنک استحصال
 و اداره سنه حصر ایلدی . فرانسه ده ایسه قرال اولان
 آلتبجی شارلک مبتلا اولدینی جنون کوندن کونه
 تزاید ایتمکده اولدینی کبی محاربات داخلیه و خارجیه
 نکده آردی آره سی کسلمدی . او جهتلرله مجارستان

برندہ محاربه ویا مناسبت حالندہ بولندیغمز اقوامہ
 دائر لزومی قدر تفصیلات یوقدر۔ مثلاً بزم تاریخلر
 اووقونورکن ، تیمورک آنقرہ حادثہسندن صکرہممالک
 عثمانیہ اون برسنه قدر فترت وتفرقه ایچندہ قلمش
 ایکن آندن براز زمان اول عثمانلیلری اوروپادن
 چیقارمق عزمیلہ سلطان یایزید اول اوزرینہ یوز
 اوتوز بیک کشیلک برمکمل اردوسوق ایدن خرستیان
 اقوامنک بویله برفرصتدن استفادہیہچاشمدینی نظر
 حیرتله کوریلور۔ بومساحمنک حکمتی ده بر درلو
 آ کلاشیلہ ماز۔ فقط مؤرخلرجه اوروپانک وقایعی
 تحقیق اولنسه ایدی پک قولای اوکرہ نیلوردی که
 یایزید اول عصرندہ اصل اوزرمزه حرکت ایدن
 حجار حکومتی وآنک قوتلی معینی ده فرانسه زادکانی
 ایدی۔ حجارستانک مدار قوتی ایسه حکمداری اولان
 بیوک سیکیزموندک اقتدار ذاتیسندن عبارت اوله رق،

نه قدر نقیصه لی اولسه ابن خلدونه ، ینه بر فنه اساس
 وضع ایتمش اولمق شرفی یتیشیر که بتون ابنای بشر
 ایچنده او یله بر سعادت بر قاچ یوز کشی یه یانصیب
 اولمش یا اولماشدر .

اوروپاده ایکی اوچ عصر دن بری هر فن کبی فن
 تاریخده دریالر قدر توسع ایتمش ، هر لسانده یالکز
 کندی ملتک دکل ، بتون جهانک وقوعاتنه دأر
 مکمل ، مفصل بر چوق تاریخلر بولنور . حتی حکمت
 تاریخه دأر یازیلان اثرلر بریره جمع اولنسه بر کوچک
 کتابخانه تشکیل ایدیله بیلور .

بزم لسانده ایسه حکمت تاریخدن ، فلاندن قطع
 نظر ، دولتمزک عموم وقایعی جامع بر تاریخ موجود
 دکلدر . پارچه پارچه بعض زمانلرک وقوعاتی حاوی
 اولان تاریخلرکده هیچ بری اصحاب مطالعه یی اغنا
 ایتمز . چونکه ، سائر نقایص بر طرفه طور سون ، هیچ

فقط بونواقص ابن خلدونك تدقيق و تبتضده قصور دن
 دكل ، ماخذلرينك تام اولمامسندن نشأت ايدر .
 اوافق تفك بعض يا كلشلرده واردر ؛ لکن نه دینله .
 بیلورکه هیچ کیمسه حکیم اولمغله انسانلقدن بتون
 بتون تجرد ایده میور .

ابن خلدون فن تاریخك مکملی اولدینی کبی ، بوفنه
 بر اصول وضع ایتمک ، وقایمک صحیحنی کاذبندن
 تمیزه بر مقیاس بولمق ایستمش ، حاوی اولدینی
 معلوماتک کثرت وتنوعنه نظراً آریجه بر کتابخانه
 عدینه لایق اولان مقدمه بی میدانه کتورمش ،
 بوجهته حکمت تاریخك ده مؤسسیدر . مقدمه ده
 مثلاً دولتترك ، عمر طبعیسی ، اولمق کبی بر طاقم
 یا کلش فکرلرده کوریلور . فقط و خطالر کتابک ،
 مزیتنه خلل کتورمز . طبیعت کلیه نك یدایجادندن
 بیله هیچ برشی مکمل اوله رق چیقمیور . اثری

گفته که دو شمشکسزین قید ایتمکه کوستردکلی
 مسامحه نه قدر شایان تأسف ایسه وقوعات اسلامیه نیک
 ضبطنده هر در لو اغراضدن تجرد ایله اجرا ایلدکلی
 تدقیقات کاملانده او مرتبه لرده سزاوار تقدیردر .
 بر مملکت یا خود بردولته مخصوص تاریخ یازانلردن
 بشقه احوال عمومی اسلامیه دن بحث ایدن مورخلر
 ایچنده طبری کبی ، ابن اثیر کبی ، ابوالفدا کبی پک
 چوق اصحاب اقتدار صابیله بیلور . بو صنف جلیل
 آره سنده ایسه اک زیاده اثبات امتیاز ایدن حکیم
 عالی نظر ابن خلدوندرد .

ابن خلدونک دول اسلامیه دن هر برینخی آیری آیری
 نظرگاه حکمتدن کچیره رک وقایع مهمه سنی اسباب
 وعوارضیه برابر برقاچ صحیفه یه صغیرمقدمه
 کوستردیکی کمال شایان حیرتدر . واقعا ابن خلدونده
 موضوع بحث اولان عصرلرک بعض وقوعاتی ناقصدر ؛

هر كسه بر حقيقت او كرتك همچون دكل - بر فكره مشوق اولق همچون يازلمش شيلر اولديغني بيان ايدر . بوقيلدن اولان آثار ايسه جدى بر تاريخ دكل ، بر درجه يه قدر تاريخدن معلومات ويرر بر حكايه عد اولمق طبعيدر .

بوجهتله اصل فن تاريخك شرف ايجادى ده عظمای عربيه عائد قاور . هله علمای اسلام تاريخك سير نبويه وسنن اصحاب فصللرنده عنعنه رواياته اولان اعتنالى قوتيله تدقيقلى بر درجه يه كتور مشلردر كه وسائطك بو قدر تكثيرى ، مدنيتك بو درجه ترقيسيمه برابر اوروپا ليلرده تاريخجه آنلردن زياده وبلكه آنلر قدر مكمل بر اثر ميدانه كتور مامشلردر ، دينلسه مبالغه ايدلامش اولور .

مؤرخين عربك قبل الاسلام ظهور ايدن اقوامك وقايعنه دائر السنه ده دوران ايدن اساطيرى محاكمه

ایشته بنی نوعمرك قدرت مادیه جه معلوم اولان
عجزیله برابر خاصه ادراکی سایه سنده کنینی عدم
آباد وحشتدن ینه کنیدی اقدامیله تخلیص ایدوبده
بو قدر بلند وبالا کیر اولان فیض و تعالی بی حاصل
ایدنجهیه قدر چور دیکی اطوار و احوالک ، ولو بر
جزوئی نی اولسون نظرکاه عبرته وضع ایدن تاریخدر.
دنیاده بوندن دهالذتلی ، دهامراقلی بر تماشامی
اولور؟

تواریخ آثریه استشنا اولنجه اک اول یازیلان
تاریخلر اسکی یونانلیلرک اویولده اولان تألیفاتیدر .
فقط مورخ مشهور « سزار قانتو » گرک یونانلیلرک
گرک آنلره پیرو اولان رومالیلرک تاریخه متعلق
نه قدر آثار معتبره سی وارایسه برر برر نظر تدقیقندن
چور دکن صکره ، جمله سنک فصاحت قوتیله بر قوم
ویا شخص ویا خود وقعسه بی اعلا ویا تذلیل ایله -

بولمقدن فكرك حاصل ايتديكى لذت ، ذوق آشنایان
معرفت عنده هردرلو حظوظات مادييه مرجح
كورينه جكي ده تسليم اولنور .

ياتارنخك حاوی اولديني معلومات نه قدر واسع ،
نه قدر توغله لایق شیلردر . انسان قوهٔ جسمانيه سیله
بیوجك بر طاشی یرندن قالدیره ماز ایکن قوای
معنویه سی سایه سنده کرهٔ زمینی ید اقتدارنده بر
بازیچهٔ انقلاب ایتمش ، ایسترسه دریاسنی قره یه ،
قره سنی دریایه ، صحراسنی طاغنه ، طاغنی صحرایه
تحویل ایدیور . زیر زمینده نهرلر بولیور ، جو
هواده باغچه لر کشف ایدیور ، دکزده یوزیور ،
هواده اوچیور ، طبیعتك هر قوتنه غالب کلیور ،
دهشتلی یلدیرمنه ، عظمتلی کونشنه وارنجه خدمتنده
قوللانیور !

غازی ارطغرلک رأیت همتی آئننه طویلانه رق قونیه
طرفنه کلان بر قاج یوز قهرمان ده او شهدای حمیتک
بقایا سیدر.

بویله بر حقیقته وقوف، کو کلرنده اولان محبت
ملیه بی برقات ده اعلایده جکننده شبهه وار میدر؟
بو فوآندک هیچ بری موجود اولسه تاریخکینه
آیریمجه بر فآنده سی قالور که ظنمزجه هر فآنده یه غلبه
ایده بیلور؛ او فآنده ده انسانک بر شی بیلمسنه ایتدیکی
خدمتدر.

فرانسه ادباسندن شط حیاطده بر قدرت فوق العاده یه
مالک اولان رابله « بر طعام ایجاد ایتک بر سیاره کشف
ایتکدن انسانیت ایچون ده نافعدر، دیمش ا فی الحقیقه
منفعت یالکز مادیاتده آرانیه جق ایسه بو سوز بر
حقیقت اوله بیلور. فقط انسانک برده غدای
روحانیسی، اولدینی دوشونیلورسه یکی بر سیاره

دولت تشکیل ایتدیکی زمان طوق بشرک خارچنده
عد اولنه جق بونجه اقدامات ایله وجوده کلان
موفقیتانی اضاعه ایچون شریک منفعتی اولوق لازم
کلان اسلام حکمدارلرینک وحتى بنده لرینک ،
برادرلرینک ارتکاب ایتدکلری خیانت قالمامشکن
اسلامک بقاسنه ، اسلامیتک اعلاسنه خدمت امرنده
او مرد الهینک مجاهداتنه اشتراک ایتمش بر فرقه
فدایی موجودایدی . سنه لرجه قان دریا لرنده یوز دیلر ؛
آتش طوفانلرندن چکدیلر . نهایت مقتدای مقدسلری
اولان جلال الدینک شهادتندن صکره تاتار ایله
اوغراشمقدن عاجز قالدیلر . دشمنه اطاعتی ده حیتلرینه
یدیره مدیلر . دها تاتاره مغلوب اولمیان سوریه یه ،
قونییه طوغری چکدیلر . ایشته ، جعبر ، کچیدنده
ارتحال ایدن سلیمان شاه ، سوریه یه کیدن فرقه
رئیس لرندن بری ایدی . وفاتندن صکره اوغلی

در لوفدا کارلقدن کری طور مق شانلرندن اولمدیغنی
 کوسترمش اولان عثمانلیلر ، ملت محبتنده نه عالی بر
 مرتبه ده بولندقلرینی فعلاً اثبات ایتدیلر . فقط
 ایچلرنده بو محبتی ایلری کوتورنلرده مثلادنیلسه که :
 « مؤسسار من خواجا ویاعالی تاریخلرینک دیدیکی
 کبی اللی بیگ خانه دن مرکب ایکن تاتار ظهور ایدر
 ایتز پیشگاه تعقبنه دوشه رک ، چکیله چکیله اخلاطه
 قدر کلش وینه تاتار قورقوسیه اورادنده طاغلمش
 برعشیرتک شانسز افرادندن مرکب دکدر . عرب
 وعجم واوروپا تاریخلریله مدلل وخصوصیه اک
 صادق برلسان حقیقت اولان سائقه وقایع ایله مثبتدرکه
 اسلامک اک مقدس قهرمانلرندن ، طبیعت انسانیه نک
 اک پارلاق تزیناتندن معدود اولان جلال الدین
 خوارزمشاهک توران وایرانی وهندستان وکرجستانی
 طولاشه رق تاتار بلیه سنه مقاومت مقصدیله بر قاج

هیچ اولمزه سه بعضی لرنده اولسون اسلافه تقدم اتمکله
 کندی زمانک حکمنی اجرایه چالشق طبیعیدر .
 بو فن جلیک وجدانه حاصل ایتدیکی تأثیراتد -
 ندرکه آرسطو تاریخی ، ترتیبات ادبیه جه شعره ثانی
 عد ایدر .

رومانک ال بیوک رجال سیاستندن اولان مشهور
 چیچرون ایسه ده ایلری کیدرک تاریخ ، عالم انسانیتک
 هر حالندن باحث اولسنه نظراً تحصیلنی تربیه نک
 لوازم قطعیه سندن طوتار واو اعتبار ایله تاریخه
 « معلمهٔ حیات ، عنوانی ویرر .

فرانسه ادبای و کلاسنندن « کیزو ، انسان ایچون ملتنی
 حقیله سومک بیله تاریخی بیلیمکه متوقف اولدیغنی
 بیان ایتشدر .

فی الحقیقه او توز سنه دن بری هیچ فاصله سز
 اوله رق متنوع دشمنلرله اوغراشدقلری حالده بر

فكرى هجوم خطادن محافظه ايچون ياپيلمش بر
استحكام آهنيه بکزه ديله بيلورکه آنک بر مهم
برجی ده تاريخدر ، بونلرک هانکيسي ناقص اولسه
واهمه اوجهندن انسانی مغلوب ايدر .

مثلا هيأتدن خبری اوليانلر بر قويروقلی ييلدين
کورر، دنيانک بر مصيبتيه اوغرايه جفنه حکم ايدر !
تاريخ ييلميانلر کوراوغلمک داستانی ايشيدرولايتنه ،
گرامتنه قائل اولور .

تاريخ يالکوز تنوير افکاره دکل ، تطهير و جدا-
نده اک زياده خدمت ايندن وسائط معرفتدندر . بر
صاحب نظر اسلافک اخلاجه نقايص و کمالاتی مطالعه
ايدر ، جهانکده جهان ترقی اولديغنی دوشونورسه
او نقايصک ا کثري زمانک تأثيراتنه حمل ايله برابر
کافه سنی کندنجه لازم الاجتناب عدايتک ، اوکمالانک
بر طاقمنی اوزمانک استعدادندن عالی کوردمکله برابر

وقایع جسیمه سندن بتون بتون بی خبر اولمقده او
 قدر عیب عداولنه جق برجهالتدر . تاریخک افراده
 خدمتی یالکیز بونقیصه دن قورتارمق دکلدن ، ذهنک
 کمانه پک بیوک معاونتلی کوریلور :

قوهٔ عاقله بر جوهر نورانیـدرکه نه قدر اعمال
 اولنور ایسه او قدر انجلا بولور . بوحالده طی زمان
 ومکان ایدرجه سنه قوجه عالم انسانیتک برقاچ بیک
 سنهک وقایع عظیمه سنی نظر ادراکک افق سرآیسنده
 جمع ایله بو قدر کلیات وتفصیلاتی بربرینه تطبیق
 ایتمک بونجه خفایاودقایق استخراج ایله اوغراشمغه
 خدمت ایدن تاریخ کبی اعمال فکره مساعد بر وسعت
 آباد معرفتمی بولنور ؟

ذاتاً بولندیغمز زمان ترقیده مقدماتی اولسون
 تحصیل ایتمک هر فرد ایچون لوازم ضروریه دن معدود
 اولان فنون شتی ، اکر تشبیه چیرکین کورنمزه ،

سیرنبویه ایله قرن اول وقایعی نقل ایدن آثار اولسنه
 نظراً بویله بر فصل جلیلی حاوی اولان فن تاریخ،
 ملت اسلامیه آره سنده واجب التحصیلدر دینلسه
 مبالغه ایدلماش اولور .

تاریخک هر کسه لزومی عصر مزده مسلمات
 بدیهه دن معدود اولدی . هر فردینی تحصیل جبری
 ایله مکلف طوتان اقوام فاضله ده فن تاریخ ده ، املا
 کبی ، حساب کبی - طلبه سنک بیکده بری دولت
 خدمتنه کیرمیه جکی معلوم اولان - مکاتب ابتدائیه
 درسارینه داخل طوتیلیور .

حقیقت ! هر کس ایچون دائماً سویلدیکی کله بی
 یازه مامق ویاخود هر کون آلدیغی اشیانک بدلنی
 حساب ایده مامک نه قدر مرتبه انسانیتی تنزیل
 ایده جک برشین ایسه ، افرادندن بولندیغی ، سایه سنده
 یشادیغی جمعیتک وبلکه جهان انسانیته اعظمندن ،

زیادہ نظریات حکمیہ ایلہ اوغراشد قلمری ایچون
یاد قلمری شیر فعلاً قابلیت اجرادن بتون بتون
ساقط کورندی . یالکز دولتک حیات و ممانتہ متعلق
اولان مہام امورده دکل ، عادی حقوق مسائلندہ
بیله ارباب حکومت تاریخک معاونتندن استغنا حاصل
ایده من . مشهوردرکہ عباسیلردن ، قائم بامر اللہ ،
دورندہ ، یہود خیبر ، طرفندن عہد نامہ پیغمبری
اولمق اوزرہ ابراز اولنان ورقہ دہ کی شاہد لردن برینک
فتح خیبردن اول شہید اولدیغی ، برینک دہ برچوق
زمان صکرہ اظہار اسلام ایلدیکی تاریخ ایلہ مثبت
بولدیغی ایچون ورقہ نک مزور اولدیغنه حکم ایلمش
ایدی .

تاریخ یالکز ارباب حکومت ایچون دکل ، افراد
ملت ایچون دہ الزمدر . ہلہ سلطنت محمدیہ نک ارکان
قیامی اولان اصول اربعہ دن سنت واجماعہ ماخذ ،

و تفریاتی درجه درجه حاصل ایتدیکی کی هر جزوی بر انساندن مرکب بر موجود معنوی اولان جمعیت بشریه ده موهوبات و مکسوباتدن، سوابق و عاداتدن بردن بره تجرد ایدرک یکی بر شکل ، یکی بر ماهیت پیدا ایده من. بو حکمته مبنیدر که شرع الهیده احکام، تبدل زمان ایله متغیر ایکن ینه عادت محکمدر .

ایشته بو حالردن طولایی بر ملتک سوابق پیش نظره آلمادن و یا تعبیر دیگرله تاریخی بیلنمه دن استقبالی ایچون نه یاپیلورسه اکثریت اوزره مضرت و یا مضرتدن شنیع اولان خفت شائبه سندن قور تیله ماز . قور تلسه بیله استعداد تطبیقدن محروم اولور . قرون اخیره نك اعظم حکما سندن ، لوق ، ایله ، ژان ژاق روسو ، حقوق سیاسیه نك موجد لرندن اولدقلری حالدیه بری قارولین ، دیگرکی لهستان و قورسیقه ایچون قانونلر ترتیب ایتدیله . اورالرك سوابقندن

احوال عسکریه سنی اصلاحه مأمور اولان برانکلیر
ضابطی - باش پارمغنی کسمکی ویا خود کوزینک
برینی چیقارمغنی عسکر لکدن قولای عد ایدن
و بو حال لریله محمد علی بی برپار مقسز ، برده کور آلابی
ترتیب ایتک مجبور یتنه دوشورز - مصر لیلر آره سنده
عسکرک انتظامنی محافظه ایچون تربیه سزک ایدنلره ،
عسکرک کبی بر بیوک شرفدن طرد ایله مجازات
ایتک فکرنده بولمش ایدی . مملکتک احوال
تاریخیه سنه عطف نظر اولنمادن اتخاذا اولتمق ایستنیلان
بو تدبیر ایله آرانیلان نتیجه آره سنده کی فرق ایسه ،
نه درجه خنده استخفافه شایان اولدیغی محتاج تعریف
دکدر .

انسان حیاتک مبدأدن منتهاسنه قدر شکنک اکثر
جهتلرینی ، اعضاسنک بر طاقم مواد مرکبه سنی
صورت دائمه ویا موقته ده حفظ ایله برابر توسعات

اوت ، عالم سیاست دینلان تماشا خانہ غرابدہ
 نادر کبی ، محمد علی کبی تاریخدن دکل ، او قومقدن ،
 یازمقدن بیلہ محروم اولدقلری حالده بر قومی مخاطره
 اضمحللادن قور تارمش ویا خود بر مملکتی معمور تجہ
 بر مرتبہ عالیہ یه ایصال ایتمش بر طاقم خارقلر
 ظهور ایلدیکنی بزہینہ تاریخ کوستریور . شو قدر
 وارکہ فیاض قدرت بو عالم نقایصی او یلہ دهات ایلہ
 مالا مال یر اتمامش ا خصوصیلہ جمعیت بشریہ نک
 طبیعتی دائما بر غالب مطلقک پنچہ آهندسانہ سیلہ
 چکیلہ چکیلہ ویاسیف مستبدانہ سیلہ دور تیلہ دور تیلہ
 بر نقطہ یه سوق اولنوب کیتمکہ متحمل دکلدر ؛
 ولو اونقطه مقاصد انسانیتک خدمتہاسی اولسون .
 سیاسیاتده تاریخ بیلمہ دن یاپیلان شیر یالکز
 مضر دکل ، بعض کرده کولنج اولور ؛ حکومتک
 جدیتنی ، حیثیتنی اخلال ایدر : عصر مزده مصرک

وقوف دكل اشهرهه ترقيده زمانك مساعده اولديغى منزله يه آز چوق اوزاق بولمق ، تعفننه باشلامش اموات آره سنده قالمقلا برابردر كه او حالده بولنان جمعيت ايچون بر زمان بقائمكن اولساده هيچ بر زمان امراض مهلكه دن سلامت ميسر اوله ماز .

عصر مزده افعالجه تيمور يولى ، افكار جه سياله برقيه سرعتيلاه كيدن ترقى مسابقه سنه قاريشه بيلامك ايسه بر قوم ايچون سائر اقوامده موجود اولان اسباب و وسائلك صورت حصولى بيلوبده كندى استعداديله مقايسه ايتدكن صكره اجراسى قابل ، قبولى مضر تدن سالم اولانلر نى آلمغه ، آلدقن صكره ده تطبيقاته بر چوق جهتلر نى تعديل ايله احوال مليه يه توفيق ايتمكه احتياج كوسترييور . اصحاب اداره يه بويولده لازم اولان معلوماتى ويرمك ايچون ايسه فن تاريخدن بشقه بر واسطه يوقدر .

تدبير بولور كه پك فائده لي كورينور ؛ فقط او فائده سز
 ظن اولنان اصولي لغو ايتك ، او فائده لي كورينان
 تدبيري قبول ايلمك بر دولتك ترقيسنه حائل اولور ،
 بقاسني مخاطره يه دوشورر : بيك تاريخدن برار
 صكره لري ملازمت بكلمه دن تيار و يرلكه باشلامش ،
 يكيچري اوجاغنده خارجدن يوز بيك كشي علاوه
 ايدلش ايدى . تيار ايچون ملازمت بكلمك كبي
 فائده سز بر اصولي لغو ايتمكدن ، دفعه يوز بيك عسكر
 قزاقق كبي فائده لي بر تدبيري اتخاذا ايلمكدن عبارت
 كورينان بو ايكي معامله جلالى بليه سنك ظهورينه ،
 يكيچري اوجاغنك اختلال نظامنه سبب اولدى ؛
 دولت بو يوزدن دفعات ايله محو اولمق مخاطره سنه
 اوغرادى .

جمعيت مدنيه دينلان شخص معنوى ايچون سن
 وقوف اوله ماز ؛ آنك حيات صحيحه سي ترقيدر ؛



افادۀ مرام

تاریخ که ماضینک مستقبله ناقل اخباریدر ،
ظاهرده بر حکایه دن عبارت کورینور، فقط حقیقته
فن شاهانه وصفیه تجیل اولنان معرفت حکومتک
اک بیوک خادم لرننددر .

حقیقت ! بر ملتک تاریخی بیلنمزسه بقاسنه ،
ترقیسنه لازم اولان اسبابک موجودی ، مفقودی
نرهدن او کردنیله جاک ؟ احتیاجات سیاسییه مادیاتدن
دکدرکه کوز ایله کورولسون ، ال ایله طوتلسون ؛
طبیعیات ویا ریاضیاتدن دکدرکه آتله اولچلسون ،
معادله ایله حل اولنسون .

اصول اولورکه هیچ فائده سز ظن اولور ،

عمانلی تاریخی

برنجی جلدك ایکنجی جزوی ۱۵ کانون
ثانی ۳۲۶ ده نشر اولونه جقدر.


بو ایکنجی جزؤ مشروطیت اداره نك
صورت تشکیله قوه اجرائیه و تشریحیه حقنده
غایت مفید معلومات و محاکماتی ده جامعدر .

قاره بلا

برنجی ترتیبك ایکنجی کتابی اولان
« قاره بلا » ۲۰ کانون ثانی ۱۳۲۶ ده
انتشار ایده جقدر .
فوق العاده بیع تیاترو .

DR
440
K4
v.1

899069




نامی کمال

کَلِمَاتِ کَمَالٍ
بِسْمِ رَبِّی

عَمَّا بَلَغَ تَابِیْخِی

جَلَدِکَ ۱۰ جُزْءِ

قاپیز و مهرسز نسخه لور ساخته ۱۳۲۶



استانبول

محمود بیاضی


۱۳۲۶

۱۳۰۶ سنه هجريه سنده ابلڪ دفعه انتشار ايدن برنجي جزؤ تاريخك
نشرندن بر قاچ كون صكره عبدالحميدك ارآده سيله ما پيدن نامو كماله
يازمش اولان تفرافنامهك عيدير:

عثمانلي تاريخنه مدخل اوله رق روما تاريخي ناميله ايلك جزؤي
ساحه آراي انتشار اولان اثر عالياري منظور عالي و موجب
تقديرات جناب خلافتنهامي اولوب آنجق تأليف عطوفيلرينك
بعض تعبيرات والفاظي بر طاقلاري طرفندن سوء تفسيرات
و تعليقاته اوغراديله رق حق ساميلرنده بر كمال اولان توجهات
سنيه شاهانهك زوالنه سبب و يريله بيله چكي مطالعه قلمقدمه
اولسنه ميني مذكور تاريخك منع نشري ايله برابر موجود
نسخه لرينك اورته دن قالد يرلمسي ايجون لازم كلانلره طرف
عاليلرندن همان ايفاي تبليغات اولنمسي لزومي اشعار و جوابه انتظار
اولنور اولبايده

قرنای حضرت شهریاریدن

بسيم



Nâmik Kemâl: Osmanlı Tarihi
4 vols.: 19 pts. 1326 - 1327



£7-7-0 ~

کلیات عثمانی

ابن نجی زریب

۱

عَمَّانِی تَارِخِی

جلد ۱
جزء ۱



استانبول

مجموعه مطبوعه

۱۳۲۶

DR Kemal, Namik
440 'Osmanli tārīhī
K4
v.1

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
